




# ভূগাঙ্কুর



— বিভূতিভূষণ বন্দ্যোপাধ্যায়

Handwritten signature in Devanagari script, possibly reading "Rajendra Prasad" or similar, with a large flourish below it.



ছ' টাকা বারো আনা

তৃতীয় সংস্করণ

এই লেখকের—

- ✓ উমি মুখর
  - ✓ অম্বুবর্ধন
  - ✓ দৃষ্টি প্রদীপ
  - ✓ অভিযাত্রিক
  - ✓ শব্দের পাঁচালী
  - ✓ অপরাজিত
  - ✓ আরণ্যক
  - ✓ মেঘমল্লার
  - ✓ মৌরী কুল
  - ✓ জন্ম ও মৃত্যু
  - ✓ ষাত্রাবদল
  - ✓ ক্রিয়র দল
  - ✓ আদর্শ হিন্দু হোটেল
  - ✓ বেণীগির ফুলবাড়ী
  - ✓ বিপিনের সংসার
  - ✓ ছই বাড়ী
  - ✓ কেদার রাজা
  - ✓ স্মৃতির রেখা
  - ✓ শরণের ডকা বাজে
  - ✓ চাঁদের পাহাড়
- জগৎ

ডাচার্য কর্তৃক প্রকাশিত  
ব্যাপাখ্যার কর্তৃক মুদ্রিত

উৎসর্গ

সুহৃদর

শ্রীযুক্ত সজনীকান্ত দাসের

করকমলে

বিভিন্ন অবস্থায় ও বিভিন্ন পারিপার্শ্বিক পরিবর্তনে মনের মধ্যে যে  
 জাগে, আমার এই দৈনন্দিন লিপিতে তাহাই প্রতিবিম্বিত হইয়াছে। তাহা  
 কখনো অন্ধকারে, কখনো জ্যোৎস্না-স্নাত রজনীতে, কখনো স্নেহে,  
 দুঃখে, গহন পরিতারণ্যে বা জনকোলাহলমুখর নগরীতে, বিভিন্ন  
 সংস্পর্শে বা শাস্ত নিঃসঙ্গতার মধ্যে মন যেখানে নিজেকে লইয়াই ব্যস্ত  
 এই সব রচনার সৃষ্টি সেখানে। পুস্তকে বা পত্রিকায় ছাপার অক্ষরে  
 কল্প এগুলি লিখিত হয় নাই। সেইজন্য বহুস্থলে এই রচনাগুলির মধ্যে এমন  
 জিনিস দেখা দিয়াছে যাহা নিতান্তই ব্যক্তিগত। লিপিকৌশলের ইচ্ছাশক্তি  
 মূলে ছিল না—হয়তো ক্রত ধাবমান রেলের গাড়ীতে, কিংবা পথচারী পরিবেশ  
 দ্বন্দ্ব অবসরে, পথিপার্শ্বের কোনো বৃক্ষতলে বা শিলাসনে যে সব রচনার উদ্ভব—  
 লেখকমনের কান্তিকুরি প্রকাশের অবকাশ সেখানে কোথায়? যে অবস্থার হেঁ  
 ছিল, অপরিবর্তিত ভাবেই সেগুলি ছাপা হইয়াছে। আমার জীবনে ব্যক্তিগত  
 অনুভূতির অতীত ইতিহাসের দিক হইতে ইহার মূল্য আমার নিজের কাছে বড়  
 বেশি। বহু হারানো দিনের মনের ভাব ও বিস্তৃত অনুভূতিরাজি আবার পাই  
 হইয়া উঠে। যে সব অবস্থার মধ্যে আর কখনো পড়িব না, ফণকোলাহলমুখর  
 গ্রাম্য মধ্যে আবার ডুবিয়া যাই এগুলি পড়িতে পড়িতে,—ব্যক্তিগত স্মৃতি থেকে  
 বাণীমূর্তি দেওয়ার ইহার একটি বড় সার্থকতা বলিয়া মনে করি। আমার জীবনের  
 ও জগতের বিপক্ষে যাহারা অবস্থিত—তাহারা এগুলি হইতে কি রস পাইবেন  
 নাম জানি না, তবে একথা অনস্বীকার্য যে কৌতুক বা কৌতূহলেই মন দিয়া  
 একটি বৈব্যক্তিক আনন্দের অনুভূতি জীবনের সকল দর্শকের পক্ষেই স্বাভাবিক—  
 কিন্তু ইহার মূলে রহিয়াছে মানবমনের মূলগত ঐক্য।

শ্রী বিকৃতভূষণ বাসুদেব

৩৭  
 ৩৮  
 ৩৯  
 ৪০  
 ৪১  
 ৪২  
 ৪৩  
 ৪৪  
 ৪৫  
 ৪৬  
 ৪৭  
 ৪৮  
 ৪৯  
 ৫০  
 ৫১  
 ৫২  
 ৫৩  
 ৫৪  
 ৫৫  
 ৫৬  
 ৫৭  
 ৫৮  
 ৫৯  
 ৬০  
 ৬১  
 ৬২  
 ৬৩  
 ৬৪  
 ৬৫  
 ৬৬  
 ৬৭  
 ৬৮  
 ৬৯  
 ৭০  
 ৭১  
 ৭২  
 ৭৩  
 ৭৪  
 ৭৫  
 ৭৬  
 ৭৭  
 ৭৮  
 ৭৯  
 ৮০  
 ৮১  
 ৮২  
 ৮৩  
 ৮৪  
 ৮৫  
 ৮৬  
 ৮৭  
 ৮৮  
 ৮৯  
 ৯০  
 ৯১  
 ৯২  
 ৯৩  
 ৯৪  
 ৯৫  
 ৯৬  
 ৯৭  
 ৯৮  
 ৯৯  
 ১০০

পরে আত্ম আবার কলকাতায় ফিরেচি। এই এক মাস দেশে  
 ছটি অনেককাল পরে। মা মারা যাওয়ার পরে আর এত দীর্ঘদিন  
 দেশে কখনো থাকিনি। এই এক মাস আমার জীবনের এক অপূর্ণ  
 অধ্যায়। Doan inge যাকে ঠিক Joy of Life বলেচেন, তা  
 এই গত মাসটীতে প্রাণে প্রাণে অনুভব করেচি। সেরকম নিস্তৃত,  
 মল মাঠ ও কালো জল নদীতীর না হোলে মনের আধ্যাত্মিক পুষ্টি  
 কেমন করে হবে? শহরের কর্মকোলাহলে ও লোকের ভীড়ে তার সন্ধান  
 কোথায় মিলবে? তাই যখন জটাখালির ডাঙ্গা কাঠের পুলটাতে ছুধারের  
 মজা গাও ও বাঁওড় এবং মাথার উপর অনন্ত নীলিমা, নীচে ঘনসবুজ  
 গাছপালা, ধানক্ষেত, বিল, গ্রামসীমার বাঁশবন, মাটির পথের ধারে পুশ-  
 ভারনত বাবুলা গাছের সারি, দূরের বটের ডালে বৌ-কথা-ক' পার্বীর ডাক  
 —এসবের মধ্যে প্রতি বৈকালে গিয়ে বসতাম, তখন মনে হোত আর শহরে  
 ফিরে যাবার আবশ্যক নেই। (জীবনের সার্থকতা অর্থ উপার্জনে নয়,  
 খ্যাতি প্রতিপত্তিতে নয়, লোকের মুখের সাধুবাণীয়ে নয়, ভোগে নয়—সে  
 সার্থক শুধু আছে জীবনকে গভীর ভাবে উপলব্ধি করার ভেতরে, বিশ্বের  
 হস্তক্ষেপে কতে চেড়া করবার আনন্দের মধ্যে, এই সব শাস্ত সন্ধ্যায় বসে  
 এই অসীম সৌন্দর্যকে উপভোগ করায়।) সেকথা বুঝেছিলাম সেদিন, তাই  
 সন্ধ্যার কিছু আগে জীবনের এই অনন্ত গতি-পথের কথা ভাবতে ভাবতে  
 অপূর্ণ জীবনের আনন্দে আত্মহার্য হয়ে পড়েছিলাম। সন্ধ্যার অন্ধকার  
 গ্রাহ্য না করেই কুঠীর মাঠের অন্ধকার-ঘন, নির্জন ও শাপদসম্বল পথটা দিয়ে  
 একা বাড়ী ফিরলাম। আর নদীর ধারে অপূর্ণ আকাশের রং লক্ষ্য করে  
 ষ্টার পরদিনও ঠিক সেই মনের ভাব আবার অনুভব করেছিলাম।

এরকম এক একটা সময় আসে যখন বিহ্যুচমকে অনেকখানি অন্ধকার  
 রাস্তা একেবারে দেখতে পাওয়ার মত সারা জীবনের উদ্বেগ ও গভীরতা  
 যেন এক মুহূর্তে জানতে পারা যায়, বুঝতে পারা যায়। শুধু সৌন্দর্যই এই  
 বিহ্যুৎ,—আলোর কাজ করে মানসিক জীবনে। কিন্তু এই সৌন্দর্য বড়  
 আপেক্ষিক বস্তু। একে সকলে চিন্তে পারে না, ধরতে পারে না। কানকে,  
 চোখকে, মনকে তৈরী করতে হয়, সন্দীভের কানের মত সৌন্দর্যের জ্ঞান

বলে একটা জিনিসের অস্তিত্ব আছে। শিমূলগাছের মাথাটার আকাশটার দিকে চেয়ে দেখে নিখে বামে নতিডাঙ্গার দিকে চোখ নিতেই রক্তমেঘত্বপ যেন ঘূর্ণাস্তরের পর্কতশিখরের মত আকাশে স্বপ্নপটে—তার ওপারে যেন জীবন পারের বেলাভূমি আনন্দ আব মত সঙ্ঘায় ধূসর অঙ্ককার একটু একটু চোখে পড়ে।

রোজ আমাদের বাড়ীর পাশের বাঁশতলার পথটা দিয়ে যেতেই বাল্যের শত ঘটনা, কল্পনার আশা, দুঃখস্বপ্নের স্মৃতি মনে জেগে উঠে। সব বনের প্রতি গাছপালায়, পথের প্রতি ধূলিকণায় যে পচিশ বৎসর এক গ্রাম্য বালকের সহস্র স্বপ্নস্বপ্ন জড়ানো আছে, কেউ তা জানবে আর এক শত বৎসর পরে তার ইতিহাস কোথায় লেখা থাকবে? কোথায় লেখা থাকবে এক মুহূর্তমতী আট বৎসরের বালক জীবনে প্রথম গ্রাউন্ডেরমাঠে তার জ্যেষ্ঠামশায়ের সঙ্গে বেড়িয়ে এসে কি আনন্দ পেয়েছিল কোথায় লেখা থাকবে তার মায়ের-হাতে-ডাক্তার তালের পিঠে বাওয়ার আনন্দের কাহিনী? সেদিন সঙ্ঘায় সময় আমাদের ঘাটে স্নান কর্তে নে নতুন-ওঠা চতুর্থীর টাদের দিকে চোখ রেখে ভাবতে ভাবতে এইসব কবেলী করে মনে জাগছিল। গোপাল নগরের বারোয়ারীর যাত্রা দেখে গিয়ে তাই সে ছেলেটার কথা মনে পড়লো যে আজ পচিশ বছর আগে ঠাকৃঘোষের তামাকের দোকানের বারান্দাতে বসে তার বাবার সঙ্গে যাত্রা দেখতে দেখতে দময়ন্তীর দুঃখে ফুঁপিয়ে ফুঁপিয়ে কাঁদতো।

সে-সব কথা যাক। অদ্ভুত এই জীবন, অপূর্ণ এই সৃষ্টির আনন্দ। নন্দনে বসে ভেবে দেখো, মানুষ হয়ে উঠবে।

অনেককাল পরে গরীবপুরে নিমন্ত্রণ খেতে গিয়ে থিছু ও তার বোন শীির সঙ্গে দেখা হোল। আজ প্রায় ষোল বছর আগে ওদের বাসাতে ডীর ছেলের মত থাকতুম। তখন আমিও বালক, ওরা নিতান্ত শিশু। ই থিছুকে যেন আর চিন্তে পারা যায় না। এত বড় হয়ে উঠেছে, এত খতে স্বন্দর হয়েছে। রাণীও তাই। কতক্ষণ তারা আমাকে কাছে দিয়ে পুরানো দিনের গল্প কর্তে লাগলো আপনার বোনদের মত, ডতে আর কিছুতে চায় না। শেষকালে রাণী তার শতর-বাড়ীর ঠিকানা র কলকাতায় গেলেই যেন সে ঠিকানার গিয়ে তার সঙ্গে দেখা করি, এ রোধুর্মাণ বার কর্তে।



## ভূগাহ্বয়

এবার আঁরও সকলের চেয়ে ভাল লেগেচে যেদিন রামশব্দর সঙ্গে বেড়াতে যেতে মোলাহাটি ছাড়িয়ে পাঁচপোতাঘ বাওড়ের মুখে গিয়েছিলাম। এক ভালীবনস্ত্রাম গ্রামরাজি। আকাশের কি নীল রং, ইছামতীর কি কালো জল! নোকাতে আসবার সময় জ্যোৎস্নারাজে নির্জন কাশবনের ও জলের ধারের বস্ত্রবুড়ো গাছের ও মাধার উপরকার নক্ষত্রবিরল আকাশের কি অসীম সম্ভাব্যতার ইঙ্গিত।

এই আনন্দের দিনের ইতিহাস পাছে ভুলে যাই, তাই লিখে রেখে দিলাম। অনেককাল পরে খাতাখানা খুলে দেখতে দেখতে এইসব আনন্দের কাহিনী মনে পড়বে তাই।

একটা কথা আন্তকাল নির্জনে বসে ভাবলেই বড় মনে পড়ে। এই পৃথিবীর একটা spiritual nature আছে, আমরা এর গাছপালা, ফুলফল, আলোছায়া, আকাশ বাতাসের মধ্যে জন্মগ্রহণ করেছি বলে, শৈশব-প্রবেশের সঙ্গে ঘনিষ্ঠ পরিচয়ের বন্ধনে আবদ্ধ বলে, এর প্রকৃত রূপটা ধরা আমাদের পক্ষে বড় কঠিন হয়ে পড়ে। এই অপূর্ণ সৃষ্টি যে আমাদের দর্শন ও শ্রবণ-গ্রাহ্য বস্তু-সমূহ দ্বারা গঠিত হয়েছে ও আমাদের সম্পূর্ণ অজ্ঞাত ও ঘোঁরা বহুস্তময়, এর প্রতি অণু যে অসীম সম্ভাব্যতার ভরা, মাহুঘের বুদ্ধি ও কল্পনার অতীত এক জটিলতায় আচ্ছন্ন, তা হঠাৎ ধরা পড়ে না। হঠাৎ বোঝা যায় না, কিন্তু কতকগুলি প্রাথমিক জ্ঞানকে ভিত্তি করে অগ্রসর হোলে আপন-আপনি গভীর চিন্তার মুখে ধরা দেয়। একেজে একটা ভুল গোড়া থেকে অনেকে করেন। সেটা এই যে, পূর্বের জ্ঞান মনের মধ্যে এসে পৌছলে অনেকে জ্ঞানের চোখে পৃথিবীর দিকে চেয়ে বলেন জগৎ মিথ্যা ও স্বাভাবিক।

বেদান্তের পারিভাষিক 'মায়া' ছাড়াও আর একটা লৌকিক বিশ্বাসের 'মায়া' আছে, যেটাকে ইংরাজীতে illusion বলে অহুবাধ করা চলবে। বেদান্তের মায়া illusion নয়, সে একটা দার্শনিক পরিভাষা মাত্র, তার অর্থ স্বতন্ত্র। কিন্তু দ্বারা লৌকিক অর্থে 'মায়া' শব্দটা গ্রহণ করেন ও অর্থগত তবুটা মনে মনে বিশ্বাস করে ছুট হয়ে ওঠেন, তাঁরা ভুলে যান মাহুঘও তো এই অসীম রহস্তভরা সৃষ্টির অন্তর্গত। তাঁর নিষ্কেষর মধ্যে যে আঁরও অনেক বেশী সম্ভাব্যতা, অনেক বেশী আধ্যাত্মিকতা, অনেক বেশী

জটিলতা, আরও বেশী রহস্য। নিজেকে দীন বলে 'মাদ্রা' কর্তৃক প্রভাবিত। দুর্বল জীবনে করার মধ্যে যে কোনো সভ্য নেই, এটা সাহস করে এঁরা মেনে নিতে পারেন না।

নীরোরদের বাড়ী কাল সন্ধ্যার সময় বসে একটা প্রবন্ধ পড়ছিলুম একথানা ইংরাজী পত্রিকাতে। এই কথাই শুধু মনে হোল আমরা জীবনে একটা এমন জিনিস পেয়েচি, যা আমাদের এক মুহূর্তে সাংসারিক শান্তি ঘন্থের ওপরে এক শান্ত আনন্দ জীবনের স্তরে উঠিয়ে দিতে পারে— অনন্তমুখী চিন্তার দ্বারা প্রবাহিত করে দেয়, এক মুহূর্তে সংসারের রং বদলে দেবার ক্ষমতা রাখে। যখনই জগতের প্রকৃত রূপটীর যে অংশটুকু আমরা চোখে দেখতে দেখতে যাই তা সমগ্রতার দিক থেকে আমরা দেখতে পাই, পরিপূর্ণ ভাবে জীবনকে আখ্যাপ করবার চেষ্টা করি—ভূতত্ত্ব, প্রাণীতত্ত্ব, আকস্মিক নীহারিকা, নক্ষত্র, অমরত্ব, শিল্প, সৌন্দর্য, পদার্থতত্ত্ব, ফুলফল, গাছপালা, অপরাহ্ন, জ্যোৎস্না, ছোট ছেলেমেয়ে, প্রেম—তখনই বুঝি এই বিশ্বের সকল সৃষ্ট পদার্থের সঙ্গে একত্র অমুভব করা ও চারিদ্বারে আত্মাকে প্রসারিত করে দেওয়াই জীবনের বড় আনন্দ। 'আনন্দ' উপনিষদের পারিভাষিক শব্দ, লঘু অর্থে সংসার চলে এনেচে কিন্তু আনন্দ কথাই প্রকৃত অর্থ উচ্চ জীবনানন্দ। "আনন্দাত্ত্বব পনু ইমানি সর্কানি ভূতানি জায়ন্তে" এখানে আনন্দের কোনো বর্তমান প্রচলিত সাধারণ অর্থ নেই।

আজ খুব বেড়ানো হোল। প্রথমে গেলুম বন্ধুর ওখানে। তার মোটরে সে প্রবাসী আফিসে আমার নামিহে নিয়ে গেল। সেখান থেকে গেলুম সাদেক্স কলেজে। অনেকক্ষণ অপেক্ষা করবার পর ডাঃ রায় এলেন। তিনি সিগকেটের মিটিং-এ গিয়েছিলেন। তাঁর সঙ্গে খানিকটা কথাবার্তার পর দুজনে বেরিয়ে পড়া গেল, একেবারে সোজা সারকুলার রোড দিয়ে মোটর হাঁকিয়ে প্রিন্সিপ্‌ ঘাট। বেশ আকাশের রংটা, কান্নিন বৃষ্টির জালায় অতিষ্ঠ করে তুলেছিল, আন্ধ অন্ধাণ পরিষ্কার হয়েছে, গঙ্গার ওপারে রামকৃষ্ণপুরে মংদাকলগুলোর ওপরকার আকাশটা তুতে রং-এর, পশ্চিম আকাশে কিছু অন্তঃস্থের রং ফোটেনি—কেন তা জানি না। ডাঃ রায়ের সঙ্গে বর্তমান কালের তত্ত্ব সাহিত্য সম্বন্ধে বহুক্ষণ আলোচনা হোল—তাঁর মত ভারী

পাকা ও যুক্তিপূর্ণ। সকালে সকালে কিরলায়, তিনি আবার সোঁবাআয়ের দোকানটা থেকে খাবার কিনলেন। আমায় বলেন, মাঝে মাঝে দেবা করবার জন্তে।

জীবনে যদি কাউকে শ্রদ্ধা করি, তবে সে এই ডাঃ পি. সি. রায়কে। সত্যিকার মহাপুরুষ। বহু সৌভাগ্যে তবে দর্শনলাভ ঘটে, একথা আমি মনে প্রাণে বিশ্বাস করি। অধিকক্ষণ কথাবার্তা কইবার পরে মনে হয় যে সত্যিই কিছু নিয়ে কিয়ুচি।

আজ প্রবাসীতে গিয়ে \*বইটার প্রথম কন্সটা ছাপা হয়েছে দেখে এলুম। সে হিসাবে আমার সাহিত্য-জীবনের আজ একটা স্মরণীয় দিন। ওটা ওদের ওখানে কাল শনিবারে পড়া হবে। ডাঃ কালিদাস নাগ ও সুনীতিবাবু কাল থাকবেন বলেচেন।

সেখান থেকে গেলুম দক্ষিণাবাবুর গৃহ-প্রবেশের নিমন্ত্রণে কালিঘাটে। সুরেশানন্দের ছোট একবছরের শোকাটা কি সুন্দর হয়েছে! ওকে কোলে নিয়ে চাঁদ দেখালুম—ভারী তৃপ্তি হোল তাতে। এরা সব কোথা থেকে আসে? কোন্ মহান আর্টিষ্টের সৃষ্টি এরা? অনন্ত আকাশে কালপুরুষের জ্যোতির্ষ্ম অনল জ্বলতে দেখেচি, পূর্ন দিকপালের আগুন অক্ষরে সঙ্কেত দেখেচি, কিন্তু সে কল্প বিরাটতার পিছনে এই সব সুকুমার শিল্প কোথায় লুকানো থাকে? কি হাসি দেখলুম ওর মুখে! কি তুলতুলে গাল!...

একটা উপমা মনে আসে। আমাদের দেশের বারোয়ারীর আসরে কে যেন রবিবাবুর মুক্তধারা থেকে 'নমো যন্ত্র, নমো যন্ত্র, নমো যন্ত্র' ওই গানটা আবৃত্তি করচেন। ওর ধ্বনির সঙ্গে ভাবের অপূর্ণ যোগ, ওর মধ্যে যে অঙ্কিত ক্ষমতা ও চাতুর্য্য প্রমাণ পেয়েচে, তা কে বুঝে? কিন্তু হয়তো এক কোণে এক নিরীহ ব্রাহ্মণশক্তিত বসে আছেন—আঁসব-ভর: দোকানদার দলের মধ্যে তিনিই একমাত্র নীরব রসগ্রাহী, কবির ক্ষমতা বুঝেচেন তিনি। চোখ তাঁর জলে ডাসে, বুক হুলে উঠে।

বিশ্ব-সৃষ্টির এই অসীম চাতুর্য্য, এই বিরাট শিল্প-কৌশল, এই ইঞ্জিনিয়ারীত সৌন্দর্য্য—ক'জন বুঝবে? দোকানদার দলের মত হাততালি দিলে হয়তো সবাই। কিন্তু কে মন দিয়েচে ওদিকে—কে ভাবে এই অপূর্ণ, অবাচ্য,

## ছপাঙ্কর

অভাবনীর, অতৃত সৃষ্টির কথা!...সাহসের অভিধানে থাকে বর্ণনা করবার শব্দ নেই।

এক-আধজন এখানে ওখানে। Sir Oliver Lodge, Flammarion, Jeans, Swinburne, রবীন্দ্রনাথ, এদের নাম করা যায়। শ্রীরামকৃষ্ণের কথায় "এদের কাৎনাতে ঠোকরাচ্ছে"।

আনন্দ! আনন্দ!

"আনন্দাঙ্কেব খলু ইমানি সর্কানি ভূতানি জায়ন্তে"

কাল প্রবাসীতে 'পথের পাচালী'র কয়েকটা অধ্যায় পড়া হোল। ডাঃ কালিদাস নাগ ও সুনীতিবাবু উপস্থিত ছিলেন, আরও অনেকে ছিলেন। সকলেই ভারী উপভোগ করলেন, এইটাই আমার পক্ষে আনন্দের বিষয়। এ বইখানার আট অনেকেই ঠিক বুঝতে না পেরে ভুল করেন, দেখে ভারী আনন্দ হোল সজনীবাবু কাল কিন্তু ঠিক আটের ধারাটা আমার বুকে ফেলেচে।

আটকে বুদ্ধির চেয়ে জ্ঞান দিয়ে বুঝতে চেষ্টা করলে বোঝা যায় বেশী।

এবার বাড়ী গিয়ে গত শনিবারে অনেকদিন পরে কি আনন্দই পেলুম। মটর লতা, কাঠবেড়ালী, নাটাফুল—বর্ষাসরস লতাপাতার ভরা সুগন্ধ। কাল প্রবাসী থেকে গিরীনবাবুর বাড়ী, সেখান থেকে বিন্ সাহেবের কাছে অনেকদিন পরে। বেশ দিনটা কাটলো। বিভূতির সঙ্গেও দেখা।

আজ সকালে উঠে অনেকদিন পরে ইনমাইলপুরের সেই কীর্তনের পানটা মনে পড়ল "...বাত্ রহি" শেষ দুটো কথা ছাড়া আর আমার কিছু মনে নাই, অথচ গানের ভাবটা আমি জানি। ভারী আনন্দ হোল আজ মনে। শুধুই মনে হচ্ছিল জীবনটাকে আমরা ঠিক চোখে অনেক সময় দেখতে শিখিনে বলেই যত গোল বাধে। জীবন আশ্চর্য একটা বিচিত্র, অপূর্ণ অভিজ্ঞতা। এর আশ্বাস শুধু এর অহুভূতিতে। সেই অহুভূতি যতই বিচিত্র হবে, জীবন সেখানে ততই সম্পূর্ণ, ততই সার্থক।

সেইদিক থেকে দেখলে ছুগ জীবনের বড় সম্পদ, বৈজ্ঞ বড় সম্পদ, শোক, দারিদ্র্য, ব্যর্থতা, বৃড় সম্পদ, মহৎ সম্পদ। যে জীবন শুধু ধনে মানে সার্থকতার,

## তৃণাহ্বয়

আকলো, স্বখে-সম্পদে ভরা, শুধুই যেখানে না চাইতে পাওয়া, শুধুই চাইবারে প্রাচুর্যের, বিলাসের খেলা—যে জীবনে অন্ধকে জানে না, অপমানকে জানে না, আশাহত বার্ষিকাকে জানে না, যে জীবনে শেষরাত্তরের জ্যোৎস্নায় বহুদিন-দাবা মেয়ের মুখ ভাব্‌বার সৌজাণ্য নেই, শিশুপুত্র দুধ খেতে চাইলে পিটুলি গোলা খাইয়ে প্রবঞ্চনা কর্তে হননি, সে জীবন মকতুমি। সে স্বখ-সম্পদ ধনসম্পদ ভরা ভ্রমণের জীবনকে আমরা যেন ভয় কর্তে শিখি।

এক-এক সময় মনটা এমন একটা স্তরে নেমে আসে, যখন জীবনের আসল দিকটা বড় চোখে পড়ে যায়; আর অনেকদিন পরে একটা সেই ধরণের শুভদিন। কলকাতার শহরে এ দিন আসে না।

আজ একটা স্মরণীয় দিন, এই হিসাবে যে আমার বইখানার আজ শেষ ফর্মটা ছাপা হোল। আজ মানখানেক ধরে বইখানা নিয়ে যে অক্লান্ত পরিশ্রম করেছি—কত ভাবনা, কত রাত-জাগা, সংশোধনের ও পরিবর্তনের ও প্রফ দেখার যে ব্যগ্র আগ্রহ, সবারই আজ পরিসমাপ্তি। এইমাত্র প্রবাসী আফিসে বসে শেষ প্যারাটার প্রফ দেখে দিচ্ছে এলুম। ঠিক দুমাস লাগলো ছাপতে।

ঘনবর্ষার দিনটা আজ। আকাশ মেঘাচ্ছন্ন। দূরে চেয়ে কত কথা মনে পড়ে। কিন্তু সে-সব কথা এখানে আর তুলবো না।

শুধুই মনে হয় সেই ভাগলপুরে নিমগাছের দিকের ঘরটাতে বসে বনাত-মোড়া সেই টেবিলটাতে সেই সব লেখা—সেই কার্তিক, সাবোর টেশনে গাছের তলায় শীতকালে পাতা জালিয়ে আশুন-পোহানো, গন্ধার ধারের বাড়ীটার ছাদে কত স্তম্ভ অঙ্ককার রজনীর চিত্রাশ্রম, সেই কাশবনে ঘোড়া ছুটিয়ে যেতে যেতে সে-সব ছবি—সবারই আজ পরিসমাপ্তি ঘটল।

উঃ, গত ছ'মাস কি ষাটুনিটাই গিয়েচে! জীবনে কখনও বোধহয় আমি এ-রকম পরিশ্রম করিনি—কখনও না। ভোর ছ'টা থেকে এক কলমে এক টেবিলে বেলা পাঁচটা পর্যন্ত কাটিয়েছি। মাথা ঘুরে উঠেচে, তখন একটু ট্রীমে হৃৎস্পন্দ বেড়াতে বেরিয়েছি, ইন্ডেন গার্ডেনে কেদারোপে বসে ও একদিন বোটানিক্যাল গার্ডেনে লগনফুল ফোটা কিলটার ধারে বসে কত সংশোধনের ভাবনাই ভেবেছি। তার ওপর কাল গিয়েচে সকলের চেয়ে খাটুনি। সকাল ছ'টা থেকে নছ্যা ছ'টা পর্যন্ত বইএর শেষ করবার প্রফ ও

কালিকট, রাতে রাজে পাথুরেঘাটার বাড়ীতে নিয়ন্ত্রণ রক্ষা করতে যাওয়া ও  
ভরারক করে লোক খাইয়ে বেড়ানো। কাল রাজে ভাল ঘুম হয়নি, গা  
হাত-পা যেন কামড়াচ্ছে।

যাক্। বই বেঞ্চবে বুধবারে। ভগবান বলতে পারবেন না যে ফাঁকি  
দিয়েচি, তা যে দিইনি, তিনি অন্ততঃ সেটা জানেন। লোকের ভাল লাগবে  
কিনা জানিনা, আমার কাজ আমি করেচি। (ওপরের সব কথাগুলো  
লিখলুম আমার পুরোনো কলমটা দিয়ে,—যেটা দিয়ে বইখানার শুরু হতে  
লেখা। শেষদিকটাতে পার্কার ফাউন্টেন পেন কিনে নতুনের মোহে একে  
অনাদর করেছিলুম, ওর অভিমান আজ থাকতে দিলুম না)।

আজ বই বেঞ্চল। এতদিনের সমস্ত পরিশ্রম আজ তাদের সাক্ষ্যকে  
লাভ করেছে দেখে আমি আনন্দিত। প্রবাসী আফিসে বসে এই কথাই  
মনে উঠছিল যে আজ মহালয়া, পিতৃতর্পণের দিনটা, কিন্তু আমি  
তিলতুলসী তর্পণে বিশ্বাসবান্ নই—বাবা রেখে গিয়েছিলেন তাঁর অসম্পূর্ণ  
ক্যাম্প শেষ করবার জগ্রে, তাই যদি কঠে পারি, তার চেয়ে সত্যতার  
কোনো তর্পণের খবর আমার জানা নেই।

আজ এই নির্জন, নীরব রাজিতে বহুদূরবর্তী আমার সেই পেয়ডো  
ভিটার দিকে চেয়ে এই কথা মনে হোল যে তার প্রতি সন্ধ্যা, প্রতি বৈকাল,  
প্রতি জ্যোৎস্না-মাথারাজি, তার ফুল, ফল, আলো, ছায়া, বন, নদী—বিশ বৎসর  
পূর্বের সে অতীত জীবনের কত হাসি কান্না ব্যথা বেদনা, কত অপূর্ণ জীব-  
নোজ্ঞাসের স্মৃতি আমার মনকে বিচিত্র সৌন্দর্যের রঙে রাঙিয়ে দিয়েছিল।  
আমার সমস্ত সাহিত্য-সৃষ্টির প্রচেষ্টার মূলে তাদেরই প্রেরণা, তাদেরই স্মরণ।

আজ বিশ বৎসরের দূরজীবনের পার হ'তে আমি আমার সে পাখী-  
ডাকা, তেলাকুচা-ফুল-ফোটা, ছায়াভরা মাটির ভিটাকে অভিনন্দন করে এই  
কথাটা শুধু জানাতে চাই—

তুলি নি। তুলি নি। যেখানেই থাকি তুলিনি...তোমারই কথা লিপে  
রেখে যাবো—স্বদীর্ঘ অনাগত দিনের বিভিন্ন ও বিচিত্র স্মরণসংযোগের মধ্যে  
তোমার যেঠে: একতারার উদার, অনাহিত স্বাক্ষরটুকু যেন অক্ষুণ্ণ থাকে।

আরও অভিনন্দন পাঠাই সেই সব লোকদের—যাদের বেদনার রঙে  
আমার বই রঙীন হয়েছে—কত স্থানে, কত অবস্থার মধ্যে তাদের সঙ্গে

## তৃপাহুর

খরিচয়। কেউ বেঁচে আছে, কেউ বা হয়তো আজ নেই—এদের সখীদের  
 হুংস, সকলের ব্যর্থতা, বেদনা আমাকে প্রেরণা দিয়েছে—কাকর সঙ্গে মেলা  
 দিনে, কাকর সঙ্গে রাজে,—মাঠে বা নদীর ধারে, স্থখে কিংবা দুঃখে। এরা  
 আজ কোথায় আছে জানিনে। কোথায় পাবো বাগকাটির সেই ডিঝারীকে,  
 কোথায় পাবো আজ হিককাকাকে, কোথায় পাবো কামিনী বুড়ীকে—কিছু  
 এই নিশ্চর রাত্রির অন্ধকার-ভরা শান্তির মধ্য দিয়ে আমি সকলকেই—  
 আমার অভিনন্দন পাঠিয়ে দিচ্ছি।

যারা হয়তো আমার ছাপা-বই দেখলে খুশি হোত তারাও অনেকে  
 আজ বেঁচে নেই—তাতে দুঃখিত নই, কারণ পতিকে বন্ধ করার মূলে কোনো  
 স্বার্থকতা নেই তা জানি—তাদের গমনপথ মঙ্গলময় হোক, তাদের কথাও  
 আমার মন থেকে মুছে যাবেনি আজ রাজে।

আজই সকালে দেশ থেকে এলুম। কাল বৈকালে গিয়েছিলুম  
 ব্যারাকপুরে। সেইমার বড় অস্থখ। যঙ্গীর হাট বাজার, জেলি গোপাল নগর  
 থেকে নিয়ে এল ঘি, ময়দা। নগেন খুড়ো সপরিবারে ওখানেই।

কি স্বন্দর বৈকাল দেখলুম! সে আনন্দের কথা আর জানাতে পারি  
 নে—ঝোপে ঝোপে নীল অপরাহ্নিতা, জুগন্ধ নাটা কাটার ফুল, লেজ  
 কোনো হলুদভানা পাখীটা—অন্তহৃদয়ের রাজা আজ, নীল আকাশ, মুক্তির  
 আনন্দ, কল্পনা, খুশি।

আজ এখন স্ট্রিকেশ গ্লোছাচ্ছি। এই মাত্র আমি ও উপেনবাবু টিকিট  
 করে এলুম, আজ রাজের ট্রেনে যাবো দেওঘর। কাল আবার সপ্তমী।  
 ওখান থেকে হাজারিবাগ যাবার ইচ্ছে আছে, দেখি কি হয়।

সেই “রাতের ঘুম ফেলুছ মুছে” গানটা মনে পড়ে। সেই অধিনী বাবুর  
 বোর্ডিং-এ, ১৯১৮ সালে। আজ শ্রামাচরণদাদাদের ‘মাধবী কঙ্কণ’ বইখানা  
 এনেচি। সেই কতকাল আগেকার মৌন্দর্ঘ্য, সেই পুস্তকের পর বাবার সঙ্গে  
 ম্যালেরিয়া নিয়ে প্রথম বাড়ী যাওয়া,—সেই দিদিমা।

সে সব অপূর্ণ স্বপ্ন-ভরা দিনগুলি! জীবনটা যে কি অদ্ভুত, অপূর্ণ—তা  
 যারা না ভেবে দেখে তারা কি করে বুঝবে!...কি করে তারা বুঝবে কি  
 মহৎ দান এটা ভগবানের!

সকালে আমরা মোটরে করে বা'র হলুম—আমি, উপেনবাবু, অমরবাবু, করুণাবাবু। ররণার কি সুমিষ্ট জল।...একটু একটু বৃষ্টি হোল। কিন্তু পথের দুধারে কি অপূর্ণ গাছপালা, লতাপাতা, শালচারা, ররণা বাঁশবন—দুধারের ঘন জঙ্গলে জ্বলা মেঘেরা কাঠ কাটুচে—কি স্বন্দর মেঘের ছায়া—ত্রিকুটের দু-এক স্থান থেকে নীচের দৃশ্য বড় মনোরম। একস্থানে বাঁশের ছায়ায় বসে ডায়েরী রাখলুম। বড় স্বন্দর দৃশ্য!

অর্ধেকটা উঠে বড় পরিশ্রম হোল বলে—সকলে উপরে উঠতে চাইলেন না। “আয় কুহকিনী লীলে—কে তোমারে আবরিল।” দিবা শালবনের ছায়ায় বসে—ডায়েরী রাখলুম। আবার মনে পড়ে—বাড়ীর কথা।

আজ বিজয়া দশমী। আকাশও বেশ পরিষ্কার। সকালের দিকে আমরা সকলে মোটরে বা'র হয়ে প্রথমে গেলুম পূর্ণবাবুর বাড়ী। সেখানে আজ শুষ্ক কীর্ত্তন হবে, পূর্ণবাবু আসবার নিমন্ত্রণ করলেন। সেখান থেকে বিমানবাবুর বাড়ী। আমি ও করুণাবাবু মোটরে বসে রইলুম—অমরবাবু ও উপেনবাবু নেমে গেলেন। সেখান থেকে কর্ণীবাদে ফকিরবাবুর ওখানে যাওয়া গেল। একটু দূরে মাটির মধ্যে তপোবনের পাহাড়টা চোখে পড়ল। কালকার বালানন্দ স্বামীর আশ্রমটাও পাশেই পড়লো দেখলুম। আজ কিন্তু সেখানে লোকের ভীড় ছিল না—কতকগুলি এদেশী স্ত্রীলোক রন্ধন কাপড় পরে দাঁড়িয়েছিল দেখলুম। সেখান থেকে করুণাবাবুর বাড়ী হয়ে এক ব্যারিষ্টারের বাড়ীতে অমরবাবুর কি কাজ ছিল তা নেরে যাওয়া গেল দুর্গাম গুপে ঠাকুর দেখতে। দুর্গাপ্রতিমা ভারী স্বন্দর করেছে—অমন স্বন্দর প্রতিমার মূৰ অনেকদিন দেখি নাই। তারপরে বাস্কালীদের পূজা-মুগুপে এসে ধানিকরণ থাকতেই তারা খেতে বসে। কিন্তু আমি তখনও স্থান করি নাই। কাজেই আমার হোল না।

বৈকালে নন্দন পাহাড়ে বেড়াতে গেলুম। এত স্বন্দর স্থান আমি খুব বেশী দেখি নাই, একথা নিঃসন্দেহে বলা যাবে। পাহাড়ের উপর গাছপালা বেশী নাই, বরু আভাগাছই বেশী। কিন্তু পিছনে ধূসর ত্রিকুট পাহাড়ের দৃশ্য ও সম্মুখে অস্তরাগ-রক্ত আকাশের তলে ভিগুরিয়া পাহাড়ের শান্ত মৃষ্টি বাস্তবিকই মনে এক অস্বুত ভাব আনে। দূরে দূরে শাল মহাঘা বন, শুধু উঁচু নীচু ভূমি ও বড় বড় পাথর এখানে ওখানে পড়ে আছে।



অনেকে পাহাড়ের ওপর বেড়াতে এসেছেন। এক কৃষকের হাওড়া—একথাই মনে হোল বাল্যকালে মডেল জগিনী বইয়ে এই নন্দন পাহাড়ের হাওড়ার কথা পড়েছিলুম—চারিধারে বনভূমির জঙ্গলের মধ্যে বসে ডিগ্বিরি পাহাড়ের আড়ালে অস্তমান সূর্যের দিকে চোখ রেখে কত কবাই মনে আসছিল। উপেনবাবু ও ষিঞ্জনবাবুর অবিশ্রান্ত বহুদিন দিকে আমার লক্ষ্য ছিল না।

হঠাৎ মনে হোল আজ আমাদের গ্রামেও বিজয়া দশমী। সারা বাংলাতে আজ এসময়টীতে কত নদীতে কত বাচ, খেলার উৎসব, কত হাসিমুখ। আমাদের গ্রামের বাগড়ের ধারেও এতক্ষণ বিজয়ার আড়ৎ চলচে—এতক্ষণ বাগা মথরা তেলে ভাঙ্গা তিলিপি বিক্রী করচে—সবাই নতুন কাপড় পরে সেজে এসে বাগড়ের ধারে দাঁড়িয়ে আছে ঠাকুর দেখবার জন্যে। ছেলেবেলার মত বাগড়ে বাচ হচ্চে। মনে পড়ে অত্যন্ত শৈশবের নেই শালুক ফুল তোলা, তারপরে বড় হয়ে এক দিনের সেই বকুর কৃষ্ণে চার পয়সা ও মুড়কির কাহিনীটা।

কিরে আস্তে আস্তে মনে হোল এতক্ষণ আমাদের দেশে পথে পথে নদীর ধারে প্রিয় পাড়ারায়ের সুপরিচিত ভাঁট-শেওড়ার বনে অপরাহ্নের ছায়া ঘনিয়ে এসেচে, সেই কটুতিক্ত অপূর্ণ স্মরণ উঠেছে—সেই পাখীর ডাক—এবানকার মত দূরপ্রসারী উচ্চবৎ পাথুরে জমি ও শাল মহা পলাশের বন সেখানে নেই, এরকম পাহাড় নেই স্বীকার করি, কিন্তু সে-সব অপূর্ণ মধুর আরামই বা এখানে কোথায়? মনে পড়ে বহুকাল পূর্বে এই সময়েই শৈশবের সে “মাদবী কল্পণ” ও “জীবন প্রভাত”—সেই পান্ডাটীর আঁটি ও দিছরে-পুকুর। বইখানা সেদিন শ্রামাচরণদ্বারার কাছে চেয়ে নিয়ে এলুম। সে-সব দিনের অপূর্ণ মধুর স্মৃতি—সারাজীবন অদৃশ্য ধূপবাসের মত ঘিরেই রইল। এই নিয়েই তো জীবন—এই চিন্তাতে, এই স্মৃতিতে, এই ধোণে। এই মনন ও ধ্যান ভিন্ন উচ্চ জীবনানন্দ লাভ করবার কোনো উপায় নেই। এ আমার জীবনের পরীক্ষিত সত্য।

নন্দন পাহাড় থেকে কিরে এসে দেখলুম অমরবাবুর বাংলাতে বিজয়ার নন্দিনী রসেচে। গোল চাতালটাতে ভোয়াংস্বার আনোতে চেয়ার পেতে বিমানবাবু, রবিবাবু, অমরবাবু, করুণাবাবু সবাই বসে আছেন। বিজয়ার আলিঙ্গন ও কুশলাদির আদান-প্রদানের পরে চা ও খাবার পাওয়া হোল।

হেঁদে বাস্ব হয়ে এখানে এসে সন্ধ্যার পৌছানো গেল। ঠিক সন্ধ্যার গম্ভীর  
শুলী পার হবার সময় এই শান্ত হেমন্ত-সন্ধ্যার সঙ্গে কত কথা জড়ানো  
আছে, যেন মনে পড়ে। সেই হুগলী ঘোলঘাট ষ্টেশন, সেই কেওটা, সেই  
হালিসহর, সেই হুগলী—বহুদূরের বাড়ীর সে শান্ত অপরাহ্ন। যেখানে  
পথের ধারে শ্রামাচরণদ্বারা কাঠ কাটিয়েচে, শৈশবের মত সেই কাঠের  
গুঁড়োগুলো এখনও পথের ধারে যেন রয়েছে—ওসব ভাবলে এক অপূর্ণ,  
বিচিত্র আনন্দে মন পরিপূর্ণ হয়। জীবনের সেই মধুর প্রভাত দিনগুলোর  
কথা মনে হয়। কাল দিদিমা গল্প করছিল, কবে নাকি সেই জাহ্নবী স্মৃনে  
কেওটা গিয়েছিলেন; বাবা সকালে মুখ ধুচ্ছিলেন আমি পেছনে দাঁড়িয়ে  
ছিলুম। বুড়ী ঠিক মনে করে রেখেচে। সেই দিনটা থেকে জীবন আরম্ভ  
হয় না?...

এসেই ওদের বাড়ী গেলুম জগদ্ধাত্রী পূজার নিমন্ত্রণে। বিভূতি, ঘণ্টু  
খুব খেলা করলে। সেখান থেকে এই ফিরুচি।

ভারী ঘটনাবহুল দিনটা। ভোরের উঠে প্রথমে গেলুম হেঁটে ইডেন  
গার্ডেনে। শিশিরিন্দ্রু ঘাসের ধারে ধারে বেড়াতে বেড়াতে খালের জলের  
রক্ত-মৃগালগুলি দেখছিলুম। ছুটী বাঙা ফ্রক পরা ফিরিঙ্গি-বালিকা ফুল তুলে  
বেড়াচ্ছিল। কেদারোপে খানিকটা বসে বসে \*“আলোক-নারথি”র ছক্  
কাইলুম। পরে ছুঁখানা বায়োস্তোপের টিকিট কিনে বাড়ী ফিরবার পথে  
রমা প্রসঙ্গের গুথান হয়ে এলুম।

বৈকালে প্রথম গেলুম প্রবাসী আফিসে। কেদারবাবু মোটরে চুক্চেন,  
গেটের কাছে নমস্কার বিনিময় হোল। সজনীর ঘরে গিয়ে দেখি ডাঃ স্মীল  
দে রসে আছেন। একটু পরে নীহারবাবুও এলেন। খুব খানিক গল্প-  
গল্পের পর তিনজনে গেলুম সজনীর বাড়ী। উষাদেবী চলে গিয়েচেন।  
আমার বইখানি গিয়েচেন নিয়ে।

সেখানে “বাশি বাজে ফুল বনে” গানটা শুনলুম না বটে, একটা জৌনপুরী  
টোড়ী রেকর্ডে শুলাম। চা-পানের পরে ডাঃ দে বাড়ী চলে গেলেন;  
আমরা তিনজনে গেলুম বায়োস্তোপে। পরে বার বার চেয়ে দেখেছিলুম—  
আজ পূর্ণিমা, মাণিকতলা স্পারের পিছন থেকে পূর্ণচন্দ্র উঠচে। বহুদূরের  
আমাদের বাড়ীটাতে নারিকেল গাছটার পিছন থেকে চাঁদটা ওই রকম

\* পরে ‘অশ্রাবিক্ত’ নামে প্রকাশিত।

উঠচে হরত। সেই সময়টা সেই "আমার অপূর্ণ ক্রমণ", "রাজপুত স্ত্রীবন সন্ধ্যা"—সেই অপূর্ণ শৈশবের আনন্দ উৎসাহ,—কি অপূর্ণ বিচিত্র জীবনটা তাই শুধু ভাবি।

Sunrise film-টা মন্দ নয়। হিন্দুস্থান রেস্তোরাঁর খেতে গিয়ে গিরিজা বাবুর সঙ্গে দেখা, নমস্কার বিনিময় ও আলাপ হোল। —বাবু B. P. O. C. থেকে returned হয়েচেন সুন্যুম, মনটা একটু দমে গেল। বায়োস্কোপ দেখে ফেরবার পথে দীনেশ দাসের সঙ্গে দেখা। প্রবাসী আফিসে মালিকবাবু জানালে, কেশারবাবু মঙ্গলবারে লেখা চান। আবার প্রবাসীতে যাবার আগে বিচিত্র আফিসে উপেনবাবু থেকে পাঠিয়েছিলেন, তিনিও খুব শীঘ্র লেখা চান। Sub Editor-এর declaration-টা শীঘ্র দিতে হবে তিনি জানালেন।

তারপর বায়োস্কোপ থেকে গেলুম বিকৃত্তিদের বাড়ী। নিমন্ত্রণ ছিল। সেখানে দেখি বৈঠকখানাতে বায়োস্কোপ হচ্ছে। বিকৃত্তি বসতে বলেন। তারপর সেবেন ও হীকদের সঙ্গে খেতে বসা গেল। অনেকদিন পরে আজ আবার সেই রাসপূর্ণিমা।

বেরিয়ে অনেকদিন আগের মত একখানা রিক্শা করে জ্যোৎস্নার ও ছাতিম ফুলের গন্ধের মধ্য দিয়ে বাসায় ফিরলুম। সেই ১৯২৩ সাল ও এই। এই ছয় বৎসরে কত পরিবর্তন।

কে জানত উপরে ডায়েরীটা লিখবার সময় যে এই দিনটাতেই রাসপূর্ণিমার বায়োস্কোপের আসরেই ওদের বাড়ীর সিঙ্কেসরবাবুর সঙ্গে আমার শেষ দেখা!

বাসায় এসে বারান্দায় বেলিং ধরে জ্যোৎস্না-ভরা আকাশটার দিকে চেয়ে চেয়ে মনে হচ্ছিল—যেন এক গ্রহদেব এই অনন্ত জ্যোৎস্নার মধ্যে দিবে হু হু করে উড়ে চলেচেন ওপরে—ওপরে—সজ্বোরে—সবেগে—পায়ের নীচে পুরাতন পরিচিত পৃথিবীটা রইল পড়ে—।

বহুদূর আকাশে যেখানে পরমাণু তৈরী হচ্ছে, উজারা ছুটচে, ছায়াপথ ছড়িয়ে আছে, নক্ষত্র ছুটচে—সেখানে।

বহুর অর হয়েছে—আজ দাদাকে পত্র দিয়েছি। দাদা যেতে বলেচেন, তা কি করে হয়! সেদিন বহুর অভ্যাচারের কথা কত সুন্যুম। তার জী, বোন ও শাওড়ীঠাকুরপা বলেন। স্তনে দুঃখ হয়, কিন্তু উপায় কি!

জ্যোৎস্নারাজে আমাদের বাড়ীটা বহুদূরে কেমন ঠাণ্ডিয়ে আছে, কাঠ

কাঁচি হয়েছে, আমাদের বাড়ীর সামনে ছেলেবেলাকার মত পথের ওপর তার দাগ রয়েছে। জামাচরণদাদাদের কাঠ।

সে এক জীবন!

কি বিচিত্র, কি অদ্ভুত, কি অপূর্ণ এই জীবন-ধারা! একে ভোগ কর্তে হবে।

এই অপূর্ণ জ্যোৎস্নার ইসমাইলপুরের জন্তে মন উদাস হয়ে যায়। যেন তার বিশাল চরভূমি, কালো জঙ্গল, নির্জন বাসিরাড়ি—আমায় ডাক দিচ্ছে।

কাল স্থলে চাঁটায় ম্যানেজিং কমিটির মিটিং, এদিকে আবার তিনটার সময় ডাঃ দেব ওখানে চা-পানের নিমন্ত্রণ।

আজ ছুপুরে মনে পড়ছিল বোর্ডিং-এ থাকতে Traveller's return গল্পটা কি অপূর্ণ emotion নিয়েই পড়তুম। বাল্যের সে-সব অপূর্ণ emotion মনে পড়লেই মনে হয় কি অপূর্ণ, এক বিচিত্র এ জীবন-ধারা! সেদিনের সন্ধ্যায় নন্দরাম সেনের গলিতে যাওয়া, সেই চাউলের গুদাম—সেই শুভকরী পাঠশালার সামনে আমার সহপাঠীর বাড়ী মনে পড়ে।

কি স্মন্দর!

এসবের জন্তে কাকে ধন্যবাদ দেবো?—কষ্টে দেবায় হবিষা বিধেম?

আজ মনের মধ্যে যে তীব্র creative আনন্দ অল্পভব করলুম, কল্‌কাতায় এসে পর্যন্ত এক বছরের মধ্যে তা হয় নি কোনো দিন।

আজ সন্ধ্যাবেলা হঠাৎ কি হোল আমার, অকারণে আনন্দে মনের পাজ উপছে পড়ছে, একে যেন ধরে রাখা যাচ্ছে না।

মন যেন কি বলে বুঝতে পারি নে। কত কথা মনে হোল।...সারা জীবনের আনন্দ ও সৌন্দর্য আজ আমার মনে ভিড় করছে...স্মরণীয় দিন, অতি স্মরণীয় দিন, এরকম কিছু খুব বেশী দিন আসে না।...

ইন্সটিটিউটে সেই মহিলা-পর্যটকের কথা পড়ছিলুম—ভূষারবর্ষী শীতের রাতে উত্তরমেরু প্রদেশের বরফ-জমা নদী ও অন্ধকার অরণ্যভূমির মধ্যে তিনি তাঁবু ফেলে রাতে বিশ্রাম করতেন, দূরে মেরুপ্রদেশীয় Northern Lights জলে, একা তিনি তাঁবুতে—“amidst a waste of frozen river, and dark forests” —সেকানকার নৈশ নীরবতা...নির্জনতা...গভীর শান্তি, মাথার উপর হলুদ রং-এর চাঁদ, অবাতব, অল্প গ্রহের জ্যোতিষ্কের মত দেবায়...নৈশ আকাশে অগণ্য নক্ষত্র...আশে-পাশে শুভ্রভূষারাবৃত পাইন অরণ্যের আড়ালে লোলুপ নেবুড়ের দল—আর ভাবতে পারা যায় না, মনকে বড় মুগ্ধ, অভিভূত করে।

সন্ধ্যাবেলা এসে চেয়ারটাতে বসে চূপ করে ভাবতে ভাবতে মনে পড়ল এই সব শীতের রাত্রে ছেলেবেলায় আমাদের বাড়ীর পেছনের ঘন বনে শিঙ্গাল ডাকতো গভীর রাত্রে...সেই বিপদের ভয়, অজ্ঞানার মোহ, গ্রাম্য জীবনের সৌন্দর্য...অদ্ভুত, অপূর্ব...।

আরও মনে পড়লো ইস্টমাইনপুরের জ্যোৎস্নারাত্রির সে অপার্থিব, weird beauty...সেই এক পূর্ণিমা-রাত্রির শুভ্র জ্যোৎস্নার ঢেউয়ের নীচে মাকন্দ গাছ...স্বপ্নে যেন দেখি...

নেই কুমারদের বাড়ী ঢাক ঘোরাচ্ছে দামু...পঞ্চাননতলায় কালীপুঞ্জো... ভগবান, কি অসীম বিচিত্রতা দিয়ে এই জীবন, আমার শুধু নয়, সকলের জীবন গড়ে তুলেচে—তা কে ছাড়ে? কে বোঝে?

ধনুবাদ, অগণিত ধনুবাদ...হে সৌন্দর্য্যশ্রষ্টা মহাশিঙ্গী, তোমাকে অস্তরের প্রেম কি বলে জানাবো, ভাবা ধুঁজে পাই না...

এ তো শুধু পৃথিবীর স্তম্ভস্থরের কথা লিপ্চি—তবুও তো আজ নাকত্রিক শৃঙ্খর কথা ভাবি নি, অল্প অল্প জগতের কথা তুলি নি। অল্প গ্রহ-উপগ্রহের কথা শুঠাই নি...

দূর-দূরান্তের কথা তুলি নি...

নতুন বৎসরের প্রথম দিনটাতে এবার মোটরে করে জীনগর গেলুম। চাক্কী থেকে খুকীকে তুলে নিলুম, পরে দোপালনগরের বাজারে বন্ধুর ডাইভার গৌরকে হরিবোলা ঠিক করে দিলে। ডাইভারটা প্রথমটাতে মেঠো পথে যেতে চায় না। অবশেষে অনেক করে রাজী করানো গেল। সিমলাতে গিয়ে কালাকে ডাকতে পাঠানো গেল, সে নাকি ভাত রাধ্চে। একটি ছোট মেয়ে জল নিয়ে এল বাল্‌তীতে করে। খাবার খেয়ে নিয়ে আমরা আবার হনুম রওনা। জীনগরের বনের মাথায় মটর ফুলের মত একরকম ফুল অল্প ফুটে আছে, এত চমৎকার লাগ্ছিল! আসবার সময় ডাইনে পশ্চিম আকাশ সূর্য্য অস্ত যাচ্ছিল—আকাশের কি চমৎকার বংটা যে!

রাত আটটার সময় পৌছে গেলুম কল্‌কাতা, ঠিক চারটার সময় সিমলে থেকে ছেড়ে। এ যেন কেমন অদ্ভুত লাগে। Sense of space মানুষের ক্রমেই কেমন পরিবর্তিত হয়ে যাচ্ছে...এক শত বৎসর পূর্বে যা কিনা পাকা তিন দিনের পথ, গরুর গাড়ীতে চার দিনের পথ ছিল! কে জানে

আমাদের পৌত্র বা প্রপৌত্রদের Sense of space আরও কত পরিবর্তিত হবে!—

আজ অনেকক্ষণ কার্জন পার্কে একা একা বেড়ানুম। পশ্চিম আকাশে সূর্যটা অস্ত বাচ্ছিল,—আমার শুধু মনে যুগ, যুগের কল্পনা জাগে। ঐ নক্ষত্রটা যে গুইখানে উঠেচে, ওতেও কত অপূর্ণ জীবনলীলা...। মৃত্যু, বিরহ এসব যদি জীবনে না থাকতো তবে জীবনটা একঘেয়ে, বিচিত্রাহীন হয়ে পড়তো—হারাবার শঙ্কা না থাকলে প্রেম, স্নেহও হয়তো গভীর ও মধুর হতে পেত না। তাই যেন মনে হয় কোন্ স্থানিপূর্ণ শিল্পশ্রষ্টা এর এমন সূন্দর ব্যবস্থা করেছেন যেন অতি তুচ্ছ, দরিদ্র লোকেরও জীবনের এ গভীর অল্পভূতির দিকটা বাদ না যায়। এ জীবনের অবদানকে খুব কম লোকেই বুঝলে—কেউ এ সম্বন্ধে চিন্তা করে না—সকলেই দৈনন্দিন আহার চিন্তায় ব্যস্ত। কে ভাবে জগৎ নিয়ে, মৃত্যু নিয়ে, আকাশ, ঈশ্বর, প্রেম, অল্পভূতি—এসব নিয়ে কার মাথাব্যথা পড়েচে ?

ছুটু ও নায়েব ও সযোষবাবুর সঙ্গে বেড়াতে গেলুম।—Lief Ericsson was space-hungry. So am I.

জানি না কেন আজ ক'দিন থেকে মনটা কেবলই মুক্তির জগু ছটুছুটু করচে। কি ভাবের মুক্তি? আমাকে কি কেউ শিকলে বেঁধে রেখেচে?—তা নয়। কিন্তু কলকাতার এই নিতান্ত মিন্মিনে, একঘেয়ে, ঘরোয়া জীবন-যাত্রা, আজ পনেরো বৎসর ধরে যে জীবনের সঙ্গে আমি সুপরিচিত,—সেই বহু-বারদৃষ্ট, গতাহুগতিক, একরঙা ছবির মতো বৈচিত্রাহীন জীবন-যাত্রা আর আমার ভাল লাগে না।

আজ দুপুরবেলা স্কুলের অবশর ঘণ্টায় চুপি চুপি এসে বাইরের ছাদটাতে বসেছিলুম। আকাশ ঘন নীল, কোথাও এতটুকু মেঘ নেই কোনোদিকে—কেবল একটা চিল বহুদূরে একটা কৃষ্ণ-বিন্দুর মত আকাশের গা বেয়ে উড়ে যাক্কে—সেদিকে চোখ রেখে ভাবতে ভাবতে আমার মন কোথায় যে উড়ে গেল কি অপূর্ণ প্রসারিত করে দেওয়ার আকাঙ্ক্ষা যে মনে জাগল—সে-সব কথা কি লিখে বলা যায়? মনের সে উচ্চ আনন্দের বর্ণনা দেওয়ার উপযুক্ত ভাষা এখনও তৈরী হয় নি। কিন্তু কেম সে আনন্দটা এল, তাও বুঝতে পারি—সেটা এল শুধু জগতের বড় বড় মঙ্গ, বিশাল অরণ্যভূমি, দিক্‌দিশাহীন সমুদ্র, যাঁট ও বনকোপ, মুক্ত প্রকৃতির অপূর্ণ মুক্ত রূপের কল্পনায়।

বৃকতে পারি মনটা এরই জন্তে হাঁপাচ্ছে। প্রকাণ্ড মার্শের ধারে বন; বনের প্রান্তে একটা বাংলো—কিংবা জঙ্গলে ঘেরা মিশ্রিত পাথুরে মাটির গায়ে অগ্রকণা চিক্-চিক্ করচে, নয় পাহাড়ে জমি, যেদিকে চোখ যায় শুধুই বন—এই বকম স্থানেই যেতে চাই— থাকতে চাই। এতটুকু স্থান চান না বন। চায় আরও অনেক বড় জায়গা—অনেকখানি বড়—অচেনা, অজানা, রক্ষ, কর্কশ ভূমিশ্রী হোলেও ত্রাই চাইবো, এ একধেয়ে পোষমানা সৌখীনতার চেয়ে।

সন্ধ্যাবেলা যে ছবিটা দেখতে গেলুম ম্লোবে, সেটাও আমার আঙ্গকের মনের ভাবের সঙ্গে এমন চমৎকার খাপ খেয়ে গেল,—‘Lief the Viking’ গ্রীনল্যাণ্ড ছেড়ে আরও দূরে, অচেনা দেশ খুঁজে বার কর্তে অজানা পশ্চিম মহাসমুদ্রের বৃকে পাড়ি জমিয়ে চলে গেল—নিবন্ধ রাতে জ্যোৎস্না-স্বরা আকাশ-তলার সস্ত-কোটা মস্তমী ফুলগুলোর দিকে চোখ রেখে এইমাত্র গোলবীথির ধারে বনে সেই কথাই আমি ভাবছিলাম।...

ভাবতে ভাবতে মনে হোল আমি যেন এই জগতের কেউ নই—আমি যেন বহুদূর কোন্ নাকজিক শূন্য পাবের অজানা জগত থেকে কয়েক দণ্ডের কৌতূহলী অতিথির মত পৃথিবীর বৃকে এসেছি—ও মস্তমী ফুল আমি চিনেও চিনি না, প্রতিবেশী মাছঘদের দেখেও দেখি নি, এ গ্রহের বৈচিত্র্যের সবটাই নিরেচি কিন্তু এর একধেয়েমিটা আমার মনে বসতে পারিনি এখনও। তার কারণ আমার গতি—স্বর্গীয় গতির পবিত্রতা।

মনে হোল যেন এইমাত্র ইচ্ছা মত পৃথিবীটা ছেড়ে উড়ে আলোকের পাখায় চলে যাবো শুই বহুদূর ব্যোমের গভীর বৃকে, যেখানে চিররাত্রির অন্ধকারের মধ্যে একটা নির্জন নাথীহীন নক্ষত্র মিটমিট করে জ্বলে—ওর চারি পাশে হয় তো আমাদের মত কোন্ এক জগতে অপল্পের বিবর্তনের প্রাণী বাস করে—আমি সেখানে গিয়ে খানিকটা কাটিয়ে আবার হয় তো চলে যাবো কোন্ সূদূর নীহারিকা পার হয়ে আরও কোন্ দূরতর জগতের স্তামকূল বীথিতে!

এই সময়ে মৃত্যুর অপূর্ণ রহস্য বা সৃষ্টির চক্র অস্তুরাল থেকে গোপন আছে—তার কথা ভেবে মন আবার অবাক হয়ে গেল—সারা দেহ মন কেবল অবশ হয়ে গেল।...

কোন্ বিরাট শিল্প-স্রষ্টার পুণ্য অবদান এ জীবন?...কি অতল-স্পর্শ,

মহিমময় রহস্য!...রোমাঞ্চ হয়। মন উদাস হয়ে যায়—যখন বাসায় ফিরলুম, তখন যেন কেমন একটা ঘোর ঘোর ভাব।...

জীবনকে যে চিন্তে পেরেছে—এ জগতে তার ঐশ্ব্যের তুলনা নেই—তার কল্পনার পদ্ধতি ও ভাব-দৈন্ত দৈনন্দিন ভোগবিলাসের উর্দ্ধে তাকে উঠতে প্রাণপণে বাধাদান করতে, সে শাস্ত-ভিক্ষারীর দৈন্ত কে দূর করবে?...

আজ অনেককাল পরে—প্রায় বারো বৎসর পরে—শিশিরবাবুর চক্রগুপ্তের অভিনয় দেখে এইমাত্র কিছুটা। সেই ছাত্রজীবনে ইটনিভাসিটি ইন্সটিটিউটে দেখবার পরে এই আজ দেখা। অভিনয় খুব ভালই হোল, কিন্তু আমি কি জানি কেন মনের মধ্যে প্রথম যৌবনের সে অপূর্ণ উন্মাদনা, নবীন, টাটকা, তাজা মনের সে গাঢ় আনন্দাচ্ছূতিটুকু পেলাম না। দেখে দেখে যেন মনের সে নবীনতাটুকু হারিয়ে ফেলেছি।

আজকাল অর্থাৎ দিয়ে মনের মধ্যে সব সময়ই একটা অপূর্ণ উৎসাহ পাই—একটা অশ্রু ধরণের উদ্দীপনা। সেটা এত বেশী যে, তা নিয়ে ভাবতেও পারি না—ভাবলে মন অত্যন্ত চঞ্চল হয়ে ওঠে।

মনে হয় এই যে কলকাতার একঘেয়েমি যাকে বলছি—এও চলে যাবে। সে যাত্রার বাঁশি যেন বেজেচে মনে হচ্ছে। বহুদূরে যাত্রা। সমুদ্রের পাশে—প্রশান্ত মহাসাগরের পারে।

নানা দার্শনিক চিন্তা মনে আসচে, কিন্তু রাত হয়েছে অনেক—আর কিছু লিখবো না।

ক'দিন বেশ কাটুচে। অনেক দিন পরে ক'দিনের মধ্যে ভোমলবাবু, ননী, নাহু, প্রসাদ—এরা সব এসেছিল। সেদিন অনেকদিন পরে রাজপুরে চললুম। খুঁকীর সঙ্গে দেখা হোল, ভারী আদর করলে। তারপর একদিন গড়িয়ায় জলের ধারের মাঠে, আমি ও ভোমল বেড়াতেও গেলুম। কত কি গল্প আবার পুরোনো দিনের মতই হোল। একদিন অবশ্য আমি একা গিয়েছিলুম, —পূর্ণিমার দিন।

আজ বসে বসে সেই দিনগুলোর কথা ভাবছিলাম। যাত্রীদের ছেলে ফণি বাড়ীতে খেতে এল—বাবা বর্ধমান থেকে এলেন—তারও অনেক আগে যখন



বকুলতলায় প্রথম বারোয়ারীর বেহালা বাজানো শুনে অবাক হয়ে গিয়েছিলুম—সে-সব টাটকা—তাজা, আনন্দের আনন্দ এখনও কিছ্র যেন ভাবলে কিছু কিছু পাই। যেদিন সেই প্রথম বেহালা বেজেছিল, যেদিনটা বাবার সঙ্গে নৈহাটা হয়ে দিঙ্গাড়ার আলু পেয়ে কেণ্টা থেকে বাড়ী আসছিলুম—যেদিন চড়ক তৈরী কর্‌ম—ঠাকুরমাদের বেলতলায় আমি নিজে; ঠাকুরমাদের পোড়ো ঘরে পাঠশালা-করা, কড়ি খেলায় আমোদ, পূবমুখো যাওয়া, মরগাড়ে নাছ পরতে যাওয়া—শনিবারে ছুটীতে বাড়ী আসার আনন্দ—কত লিপবো। কে জীবনের এসব মহনীয় অবদান পরম্পরার কথা লিপতে পারে? আর মনে হয় আমি ছাড়া এসবের আসল মানে আর কেই বা বুঝবে? তা তো নয়ব নয়—অন্ত সকলের কাছে এগুলো নিতান্ত মানুসী কথা মনে হবে। এদের পিছনে যে রসভাণ্ডার লুকানো আছে আমি ছাড়া আর কে তা জানবে?...

অনেকদিন পরে দেশে এসে বেশ আনন্দে দিন কাট্‌চে। রোজ সকালে উঠে ইছামতীর ধারের মাঠটাতে বেড়াতে যাই, ঝাড় ঝাড় সোঁদালী ফুল ফুটে থাকে, এত পাখী ডাকে!...চোখ গেল, বৌ-কথা-ক', কোকিল কত কি!...বেড়িয়ে এসে ওপাড়ার ঘাটে স্থান কর্তে নামি। ওপারের চরের শিমলগাছটার মাথায় তরুণ সূখা গুঠে, ছ'পারে কত শ্রামল গাছপালা। সোঁদালী ফুলের ঝড় মাঝে মাঝে চলতে দেখলেই আমার মনে কেমন অপূর্ণ আনন্দ ভরে ওঠে!...প্রভাতে পাখীরা যে কত সুরে ডাকে, জলের মধ্যে মাছের ঝাঁক খেলা করে।—জীবনের প্রাচুর্য্যে, সয়সত্য, সৃষ্টির মহিমায় অভিভূত হয়ে যাই। কতদূরের সব জীবনধারার কথা, জগতের কথা মনে হয়—আবার স্থান করতে করতে চেয়ে দেখি নদীর ধারে গোছা গোছা ঘাস হেলাগোছা ভাবে জলের মধ্যে মাথা দোলাচ্ছে একটা হরতো খেজুর গাছ গাভিতলার ঝাঁকে অস্ত সব গাছপালার থেকে মাথা উঠিয়ে দাঁড়িয়ে আছে।

অপূর্ণ, স্থল্লর, হে স্রষ্টা, হে মহিমময়, নমস্কার, নমস্কার। অস্ত সব জগৎও যে দেখতে ইচ্ছে যার, দেখিও।

রোজ বৈকালে কালবৈশাখীর ঝড় ওঠে, মেঘ হয়, রোজ, রোজ। ঠিক তিনটা বেলা বাজতে না বাজতে মেঘ উঠবে, ঝড়ও উঠবে। আর সমস্ত আমি বাগানের তলাগুলো খাবনান, কৌড়কপন, চীৎকাররত বালকবালিকাতে

ভরে যায়—সলতে-বাগীতলা, তেঁতুলতলা, শ্রামাচরণদাদাদের বাগানটা, নেকো, পটুলে, বাশতলী—সমস্ত বাগানে যাতায়াতের ধূম পড়ে গিয়েছে—।

সেদিন ঘনমেঘের ছায়ায় জেলে পাড়ার সবাই—স্ত্রী-পুরুষ-বৃদ্ধ-বালকেরা ধামা হাতে আম কুড়ুচ্ছে দেখে আনার চোখে জল এল। জীবনে ওই এদের কত আনন্দের, কত সার্বিকতার জিনিস।...একটা ছেলে বল্চে—ভাই—ওই দোমকাটায় মুই যদি না আস্তাম, তবে এত আম পেতাম না!...

কাল সাতবেড়ে মেঘে দেখতে যাবে।...

সারা গ্রামটাতে বিষগাছের ফুলের কি ঘন সুগন্ধ!...অখণ্ড তলায়, যেখানে সেখানে এত বেলের গাছও আনাদের এখানে আছে।

কাল সাতবেড়ে গ্রামে গিয়ে একটু বেড়িয়ে এলাম। শশী বাঁড়ুখো মহাশয়ের বাড়ী খুব আহার হোল। গ্রামধানিতে সবই চাষা লোকের বাস, ভন্নলোকের বাস তত নেই, তবে সকলেরই অবস্থা সচ্ছল। মাটির-ঘরগুলো সেকেন্দ্রে ধরণের, কোনো নতুন আলো এখনও ঢোকে না বলে সেখানের অকৃত্রিম আবছাওয়াটা এখনও আছে। ফণি কাকা ও আমি দু'জনে দক্ষিণ মাঠের ষায়েমের পুকুরের ধার দিয়ে বেশ ছায়ায় ছায়ায় বৈকালের দিকে চলে এলাম। নফর কামারের কলাবাগানে কামারবুড়ী কি ফলমূল ও কাঁকড় নিয়ে আসুচে দেখলাম। হরিপদ দাদার স্ত্রী বাগানে আম পাড়াচ্ছেন।

আজকাল রোজ বৈকালেই মেঘ ও ঝড়বৃষ্টি হওয়ার দরুণ কুঠীর মাঠে একদিনও বেড়াতে যাওয়া হয় না। রোজই কালবৈশাখী লেগে আছে। সুন্দর বৈকাল একদিনও পেলাম না। তিনটা বাজতে না বাজতেই রোজ জল আর ঝড়।

আজও সকালে নদীতে স্নান করে এলাম। কি সুন্দর যে মনে হয় সকালে স্নানটা করা, শিঙা নদীজল, পাখীর কলকাকলী, মাছের বেলা, নতশীর্ষ গাছপালা, নবোদিত সূর্য্যদেব।

আজ বেড়াতে গেলুম বৈকালে কাঁচিকাটার পুলটাতে। সকালে অনেকক্ষণ চেয়ার পেতে ওদের বেলতলাটার বসেছিলুম, সেখানে কেবল আজডাই হোল। বেলা যখন বেশ পড়ে এনেচে তখন গেলাম ঠাকুরমার বেলতলাটার, ফিবিচি একজন লোক ছটেমারীর কুঠী খুঁজ্চে, আমাদের বাড়ীর পাঁচালীর

\* 'শবের পাঁচালী'তে এই আনগাছটির উল্লেখ আছে।

কাছে। তারপর নিজে গেলাম বেলভাঙ্গার পুলটার। একখানা যেন ছবি, যখন প্রথম অশ্বখতলার পথটা থেকে ওপারের দৃশ্যটা দেখলাম—এ রকম অপূর্ণ গ্রাম্যদৃশ্য কচিং চোখে পড়ে। বেলভাঙ্গা গ্রামের বাঁশবনের সারি নদীর হাওয়ায় মাথা দোলাকে, কৃষক-বধুরা জল নিতে নাম্চে বাঁওড়ের ঘাটে। ছ'পারে সবুজ আউশের ক্ষেত, মজুরেরা ঠোঁক মাথা ঘেঁষে ক্ষেতে ক্ষেতে উটার কাজ করচে, ছোট ডোলা চেপে কেউবা মাছ ধরতে বেরিয়েচে—যেন ওস্তাদ শিল্পীর আঁকা এক অপূর্ণ ভূমিত্রীর ছবি।

একটি বৃদ্ধ ব্রাহ্মণ মাথায় মোট নিয়ে পাচপোতা থেকে কিবুচে—গৌসাই বাড়ীর কাছে বানা করেছে বল্লে—নাম কবিহারী চট্টোপাধ্যায়। সেখে ভারী কষ্ট হোল—একা ভাগাহীন, অসহায় মানুষ। বন্ধে, শীতলা ঠাকুর নিয়ে গ্রামে গ্রামে বেড়াই—বে বা দেয়, তাতেই চলে। বাড়ীতে এক ছোট ছেলে আছে ও দু'টী মেয়ে।

বসে বসে অনেককণ হাওয়া খেলুম, নদে স্নেহে কত দেশের জীবনধারার কথা, বিশেষ করে দারী ছুঃখ পেয়েচে তাদের কথাগুলো বড় বেশী করে মনে হোল। ভারতের মা'দিন-রাত ছুঃখ কর্কেন, তাঁর ছুঃখ শুনে সত্যি মনে কষ্ট হয়। কষ্ট হয় এই ভেবে জগতের এত আনন্দ-ধারার এক কণাও এরা পাচ্ছে না—হুঃতো শুধু দেখবার চোখ নেই বলেই।

কিবুবার পথটা আজ এত ভাল লাগল, ওরকম কোনো দিন লাগে না—ভাঁশা খেজুর ও নোনা ডালে ডালে ছুল্চে—এত পাখীর গানও এদেশে আছে!...কুঠীর মাঠটা যে কি সুন্দর দেখতে হয়েছে—ইতস্ততঃ প্রবর্তমান গাছপালা, বনঝোপের সৌন্দর্যে বিশেষ করে যেখানে সেখানে, যেদিকে চোখ যায়—ফুলে-ডরা নৌদালী দোলায়িত। আকাশের রংটা হয়েছে অসুত—অপূর্ণ নিৰ্জ্জনতা শুধু পাখীদের কল-কাকলীতে ভর হচ্ছে—কেউ কোনো দিকে নেই—দূসর আকাশতলে গভীর শান্ত ও ছায়ার মধ্যে কেবল আমিও মুক্ত, উদার প্রকৃতি।

কি অপূর্ণ আনন্দেই মন ভরে যায়, কত কথাই মনে ওঠে, নাখা কি কলকাতার থাকলে এ সব কথা মনে উঠতে পারে!...

তারপর ওপাড়ার ঘাটটীতে দ্বিধ জলে স্নান করতে নেমে মুগ্ধ হয়ে গেলাম। শ্যামল, ধূসর বৃক্ষশ্রেণী, দ্বিধ সন্ধ্যা, স্বচ্ছ নদীজল—মাথার ওপরে সন্ধ্যার প্রথম নক্ষত্রটা উঠেচে, সেদিকে চেয়েকত শত নক্ষত্রমণ্ডলী, বিভিন্নমুখী

নক্ষত্রশ্রোত, অল্প অল্প নীহারিকাদের জগতের কথা মনে হোল। বৃহৎ এণ্ডোমিডা নীহারিকাদের জগৎ। এই নামাত্ত, ক্ষুদ্র গ্রহটাতে যদি অস্তিত্বের এত বৈচিত্র্য, এত সরসতা, এত নৌন্দ্বী—তবে না জানি সে-সব বিশ্বে কি অপরূপ আনন্দশ্রোত!...

সব দুঃখের একটা স্থম্পষ্ট অর্থ হয়। জীবনের একটা মহান, বিরাট অর্থ, একটা স্থম্পষ্ট রূপ মনের চোখে ফুটে ওঠে। নিৰ্জন স্থান ভিন্ন, পারিপার্শ্বিকের পরিবর্তন ভিন্ন,—এ আনন্দ কি সম্ভব?...

সন্ধ্যার পরে আমি, সইমা, নদী অনেকক্ষণ গল্পগুজব করা গেল। অন্ধকার রাতটা কালকার মত গরম নয়, শেষ রাত্রে মেঘ করার দক্ষণ বেশ ঠাণ্ডা। সারারাত লঠন ধরে ধরে লোকেরা ও ছেলের দল আমাদের বাড়ীর পিছনের ঘন জঙ্গলের ওপারের বাগানগুলোতে আম কুড়িয়েছে, সারা রাতটা।

কি স্থানর বৈকালটা কাল কাটলো যে! কুঠীর মাঠে অনেকক্ষণ বসে পরে নদীজলে সন্ধ্যার কিছু পূর্বে স্নান করতে নামা গেল। এত অপূর্ণ ভাব এল মনে, ঠাণ্ডা নদীজল, ছিপি-শেওলার পাতার ধারে দাঁড়িয়ে, ছায়াছন্ন সন্ধ্যার আকাশ ও শ্রামল গাছগুলার দিকে চোখ রেখে শুধু এদের পিছনে যে বিরাট অবর্ণনীয় শক্তি জাগ্রত আছে, তার কথাই বার বার মনে আসছিল। স্বচ্ছ জলের ভেতরে মাছের দল পেলা করছে—একটা ছোট মাছ তিড়িং করে লাফিয়ে শেওলার দামের গায়ে পড়ল। নদী জলের আর্দ্র, সুগন্ধ উঠে—ওপারে মাধবপুরের পটলের ক্ষেতে তখনও চাষারা নিড়েন দিচ্ছে—বাদাম গাছের মাথায় একটা নক্ষত্র উঠেছে। সারাদিনের গুমটের পর শরীর কি শ্লিষ্টই হোল!...

শেষ রাত্রে বেচার গুমট গরমে আইচাই করচি এমন সময় হঠাৎ ভীষণ ঝড়-বৃষ্টি এল। নদী, জেলি, বড়ী-পিনিমা, জেলে পাড়ার ছেলেরা অমনি আম কুড়তে ছুটলো। ঘন অন্ধকারের মধ্যে লঠন জেলে সব ছুটল চাটুঘো বাগানের দিকে। জেলির মা চেঁচিয়ে পিছু ডাকাতে জেলি আবার এল ফিরে।

সকালটার সিঁড়রে মেঘে অপরূপ শোভা হয়েছিল। পরশু বৈকালটাতে এই রকমই সিঁড়রে-মেঘ করেছিল—আদি সেটা উপভোগ করতে পারিনি, গোপালনগরের হাতে গিয়েছিলাম।

আজ প্রায় বাইশ বছর পরে ভাণ্ডারকোলায় নিমন্ত্রণ খেতে গিয়েছিলুম। কিন্তু কাল সন্ধ্যার কিছু পূর্বে বেলোভাণ্ডার মাঠে যে অদ্ভুত মনের রূপ ও প্রকৃতির রূপ দেখেছিলাম, অমন কখনো দেখিনি। কাঁচিকাটার স্থল থেকে ফিব্বার পথে মাঠের মধ্যে দাঁড়িয়ে বৃষ্টির পত্রটা পকেট থেকে পড়ুচি—প্রমীলা মারা গিয়েছে লিখেছে। সামনে অপূর্ণ রং-এর আকাশটা ঘন হীরাকসের সমুদ্রের মত গাঢ় ময়ূরকণ্ঠী রং-এর পিছনে বর্ণ-সমুদ্র, কোথাও জনমানব নেই—গাছে গাছে পাখীর ডাক, দূরে গ্রামসীমান্ত পাপিয়া স্থর উঠিয়েছে,—জীবনের অপূর্ণতা কি চমৎকার ভাবেই সন্ধ্যার ছায়াছন্ন আকাশটার দিকে চেয়ে মনে হোল!

কাল বৈকালের দিকে বেলোভাণ্ডার বট-অশ্বখের পথটা বেয়ে বেড়াবো বলে, কুণ্ডীর মাঠের পথটা দিয়ে চললুম সেদিকে—মাঠে পড়েই অবাক হয়ে পশ্চিম আকাশে চেয়ে রইলুম—মৃগ আশ্বহারা হয়ে গেলুম। সারা বেলোভাণ্ডার বনশ্রেণীর ওপর ঘন কালো কালবৈশাখীর কোড়া মেঘ জমেচে—অনেকটা আকাশ জুড়ে অঙ্কচন্দ্রাকার মেঘচ্ছটা—আর তার ছায়ায় চারি ধারের বাঁশবন, ঘন সবুজ শিমূল ও বটগাছগুলো, নীচে আউশের ক্ষেত, বাগড়—সবটা জড়িয়ে সে এক অপরূপ মূর্তি দরেচে। বিশেষ করে ছবি দেখতে মারাত্মক রকমের সুন্দর হয়েছে এক শিমূল ডালের—তার সোজা মগ ডালটা মেঘের ছায়ায় ও উড়নশীল ঘন কালো-মেঘে ঢাকা আকাশের পটভূমিতে কোন্ দেবশিল্পীর আঁকা মহনীর ছবির মত অপূর্ণ। সেইটি দেখে চোখ আর আমার ফেরে না—কেমন যেন পা আটকে গেল মাটির সঙ্গে, অবশ হয়ে গেলুম, মৃগ হয়ে গেলুম, দিশাহারা হয়ে পড়লুম—ও!—সে দৃশ্যটার অদ্ভুত নৌন্দর্যের কথা মনে এলে এখন সারা গা কেমন করে ওঠে।

তারপরই স'ন-স'। রবে ওপরের দিক থেকে বিরাট ঝড় উঠলো—দৌড়, দৌড়, দৌড়,—হাঁপাতে হাঁপাতে বধন দেহোখালী আমতলাটার পৌছিয়েচি—আমাদের গ্রামের কোলে—তখন বৃষ্টি পড়তে শুরু করেছে—জেলি আর প্রিয় জেলের ছেলে আম কুড়ুকে—একটি দরিদ্র যুবককে আগ্রহ সহকারে আম কুড়ুতে দেখে চোখে জল এল। কি নিয়েছে জীবন এদের? অথচ এরা মহৎ, এদের দারিদ্র্যে এরা মহৎ হয়েছে। অতিরিক্ত ভোগে ও সাজ্জল্যে জীবনের সরল ও বন্ধুর পথটাকে হারায় নি।

আন সেয়ে এসে বকুলতলার ছায়ার বসে ওপরের কথাগুলো লিখলাম। মাথার ওপর কেমন পাখীরা ডাক্চে—কিঙে, দোয়েল, চোখ-গেল—আর একটা কি পাখী—পিড়িং পিড়িং করে ডাক্চে, কত কি অশ্রুট কল-কাকলী—কি ভালই লাগে এদের বুলি!...

আজ বৈকালে হাট থেকে এসে কুঠীর মাঠে গিয়ে অনেকক্ষণ বসলুম। শিশুস্বপ্নের এত অপরূপ শোভা তা ত' জান্তাম না। ঝোপের মাথায় মাথায় কি নতুন কচি লতা সাপের মত থাড়া হয়ে আছে। মন পরিপূর্ণ হয়ে গেল সৌন্দর্যের ভারে—চারিদারে চেয়ে—এই প্রকৃতির সঙ্গে, পাখীর গানের সঙ্গে মাছুষের সুখ-দুঃখের যোগ আছে বলেই এত ভাল লাগে। গ্রামপ্রান্তের সন্ধ্যাচায়ালক্ষণ-বেণুবনশীখের দিকে চেয়ে মনে হোল ওদের সঙ্গে কত দিনের কত স্মৃতি যে জড়িত—সেই বর্ষার রাতে দিদির কথা, মায়ের কত দুঃখ, স্নানুরী ডাইনী'র ব্যর্থতা, পিসিমা, ইন্দির ঠাকুরপের,—কত সমুদ্রে বাওয়ার স্মৃতি—সেই পিটুলিগোলা-পানকারী দরিদ্র বালকের, পল্লীবালা জোয়ানের কতকাল আগের সে-সব ইংরাজ বালক-বালিকার, গাং-চিল পাখীর ভিম সংগ্রহ করতে গিয়ে যারা বিপন্ন হয়েছিল—Cape Wan-এর ওদিকে গিয়ে যারা আর ফেরেনি—কত কি, কত কি।

নদীজলও আজ লাগল অদ্বিত—শাস্ত সন্ধ্যা—কেউ নেই ঘাটে, ওপরের গাছপালায় ধূসর সন্ধ্যা নেমেচে—একটি নক্ষত্র উঠেচে মাথার ওপর—কোন অনন্ত দেশের বাণীর মত এই শত দৈনন্দনসংকীর্ণতাময় সংসারের উর্ধ্বে জল জল করে জলচে।

এখনকার বৈকালগুলো কি অপূর্ণ! এত জায়গায় তো বেড়িয়েচি, ইসমাইলপুর, ভাগলপুর, আজমাবাদ—কিন্তু এখনকার মত বৈকাল আমি কোথাও দেখিচি বলে মনে হয় না—বিশেষ করে বৈশাখ ও জ্যৈষ্ঠ মাসের মেঘহীন বৈকালগুলি—যেদিন সূর্য অস্ত যাবার পথে মেঘাবৃত না হয়, শেষ রাত্তি আলোকটুকু পর্যন্ত বড় গাছের মগ্‌ডালে হাল্কা সিঁহুরের পোচের মত দেখা যায়—সেদিনের বৈকাল। গাছের ও বাঁশবনের ঘন ছায়ায় চাপা-আলো, ডালা খেজুর ও বিঘপুষ্পের অপূর্ণ স্মৃতি মাখানো, নানা ধরণের পাখী-ডাকা, মিষ্ট সে বৈকালগুলিতে এমন নব অস্বস্ত ভাব মনে এনে দেয়, ছ' একটা পাখী ধাপে ধাপে স্বয় উঠিয়ে কোথায় নিয়ে তোলে—কি উদাস, কক্ষণ হয়ে ওঠে

তখন চারিদিকের ছবিটা, বিশেষ করে আমি যখন আমাদের ভিটে ও ঠাকুর-মামের বেলতলাটায় গিয়ে খানিকক্ষণ বসেছিলাম, তখন—তার আর কোনো বর্ণনা দেওয়া যায় না। আজ জ্যৈষ্ঠ মাসের শেষ, কিন্তু এখনও বিশ্বপুষ্পের গন্ধ সর্বত্র, পাখীর ডাকের তো কথাই নেই—সৌদালিফুল এখনও আছে, তবে পূর্ণাপেক্ষা যেন কিছু কম। আমাদের বাগানে এখনও আম আছে, আজ সকালে নদী থেকে আসবার পথে লক্ষ্য করে দেখলাম, এখনও লোক তলায় তলায় আম কুড়চ্ছে।

এ নৌন্দর্য্য ছেড়ে কোথাও নড়তে ইচ্ছে করে না। তা ছাড়া ভেবে দেখলাম যত স্থানে বেড়িয়েছি, আনন্দ সবচেয়ে বেশী গাচ ও উদ্যানভাবে আমি পাচ্ছি শুধু এই এখানে—কোনো Cosmic thoughts আটকায় না, বরং ক্ষুদ্রিপ্রাপ্ত হয়—খুব ভাল করে ফোটে। তবে এই অপূর্ণ নৌন্দর্য্যের মধ্যে দিনরাত ডুবে থাকার যার বনেই এখানে কোনো শ্রমজনক কাজ করা সম্ভব হয় না দেখলুম। বিকেল হোতে না হোতে কেবল মন আনন্ডান করে—রাত্রিতে কাজে মন বসে না—এ যেন Land of Lotus-eaters কোনো শ্রমদায়্য কাজ এখানে সম্ভবপর নয়, সেই জন্তই কলকাতা কিরতে চাচ্ছি দু'একদিনের মধ্যে। আজকাল দিনগুলো একেবারে মেঘমুক্ত, রাত্রি জ্যোৎস্নায় ভরা, সকালগুলি শিষ্ক, পাখীর ডাকে ভরপুর, আর বৈকাল তো গুইরকম স্বর্গীয়, অপরূপ, এ পৃথিবীর নয় যেন—তবে আর লিখি কখন ?

মনে মনে ভুলনা করে দেখলুম এধরণের বৈকাল সত্যিই কোথাও দেখিনি—এই তো পাশেই চালুকী, ওখানে এরকম বৈকাল হয় না। এত পাখী সেখানে নেই, এধরণের এত বেলগাছ নেই, সৌদালি ফুল নেই, বনজঙ্গল বড় বেশী, কাজেই অন্ধকার—এখন চাপা আলোটা হয় না—এ একটা অপূর্ণ সৃষ্টি, এতদিন তত লক্ষ্য করিনি, কাল লক্ষ্য করে দেখে মনে হোল সত্যিই তো এ জিনিস আর কোথাও দেখিনি তো! দেখবোও না—কেবলমাত্র সেখানে দেখা যাবে যেখানকার অবস্থাগুলি এর পক্ষে অসম্ভব। ইসমাইলপুর, আজমাবাদ লাগে না এর কাছে—সে অত্র ধরণের—প্রাচীন বৈচিত্র্য, ও কারুকার্য্য কম—বিপুলতা বেশী, প্রথরতা বেশী।

ভাগলপুর তো লাগেই না। কতকগুলো বিশেষ ধরণের পাখী, বিশেষ ধরণের বন-বিন্দ্গাস, বিশেষ ধরণের দাছপালা থাকতে এ অঞ্চলেই মাত্র ঠিক এই ধরণের বৈকাল সম্ভব হয়েছে। সৌদালি ফুল তার মধ্যে একটা বড়

সম্পদ, মাঠে, বনে ওর ঝাড় যখন ফুটে থাকে তখন বনের চেহারা একেবারে বদলে যায়—বনদেবীর সাজির একটা অযত্নচয়িত বনফুলের গুচ্ছের মত নিঃসঙ্গ মনে হয়—এই নিঃসঙ্গ সৌন্দর্য্য ওকে যে শ্রী ও মহিমা দান করেছে— তা আর কোনো ফুলে দেখলাম না।

এই স্থান্নর দেশে বাস করেও যারা মানসিক কষ্ট পাচ্ছে, আমার সহীয়ার মত—তাদের সে কষ্ট সম্ভব হচ্ছে শুধু অজ্ঞানতা কুসংস্কারের জন্ত। মনের সাহস এদেশটা হারাতে বসেচে—কল্পনার উদারতা নেই, স্বদূত বিত্তীর্ণতা নেই—দৃষ্টি সেকলে ও একপেশে, তার ওপর মনের মধ্যে জ্বলেনি জ্ঞানের বাস্তি। এত করে সহীমাকে বোকাই, সে শিক্ষা সহীমা নেয় না, নিতে পারবেও না—কতকগুলো মিথ্যা সংস্কার ও কানীরাম দাস এবং কৃষ্ণিবাস ওয়ার প্রচলিত কতকগুলো False Philosophy এদেশের অশিক্ষিতা মেয়েদের মনের সর্কনাশ করেছে। জীবনের সহজ দর্শন এদের নেই, বুড়োবয়সেও ভালো করে এখনও চোখ ফোটেনি—কি করা যায় এদের জন্তে, সর্বদাই সে কথা ডাবি। শিক্ষা দ্বারা মানুষ নিজেকে নিজে পায়, এইটাই জীবনের বড় লাভ। ভগবানকে পাবার আগে নিজেকে লাভ করা যে আবশ্যক তা এরা ভুলে গিয়ে শুধু ভগবান বলে নাকে কাঁদতে থাকে, নিতান্ত দুর্কল জড়মতির মত। “নাথমায়্যা বলহীনেন লভ্য” এ কথা এরা শোনেওনি কোঁনদিন।

সারা পল্লী অকলগুলো এমন হয়ে আছে, এদের ছুঃখ দূর করতে গেলে তো জঙ্গল কাটালে হবে না, মশা তাড়ালেও হবে না (সেটা যে অনাবশ্যক, তা আমি বলছি না) মাসিক কিছু অর্থ সাহায্যের বন্দোবস্ত করলেও হবে না—এর জন্তে চাই জ্ঞানের আলো—উদার, বিপুল, দীপ্ত জ্ঞানের সার্জ লাইট।

আজ অনেকক্ষণ দাসী পিসিমার সঙ্গে গল্প কর্ছিম। সেকালের অনেক কথা হোল। ওই সবই আমার জানবার বড় ইচ্ছে। ঠাকুমাদের চণ্ডীমণ্ডপের ভিটাতে দুর্গোৎসব হোত, বড় উঠোন ছিল—অন্নপিসি হুবেলা গোবর দিতেন, খুব লোকজন বেত—নারিকেল গাছের পাশে ওই যে স্ফুড়ি গলিটা ওইটা ছিল খিড়কীর দোর—মেটে পাচীর ছিল ওদিকটা। গোলক চাটুযো ছিলেন বাবার মামাতো। ভাই—পিসিমার মা ছিলেন ব্রহ্ম চাটুযোর পিসি। রাখালী পিসিমা ছিলেন চন্দ্র চাটুযোর মেয়ে। প্রসঙ্গতঃ বলা যাক যে আজই রাখালী পিসিমার মারা যাবার সংবাদ পাওয়া গেল। যাবো যাবো করে



আসার ঘটে উঠল না। পিসিমার খন্ডরবাড়ী ছিল চৌবেড়ে। নিবারা রাখালী পিসিমার ভাই, ভারী স্কন্ধর দেখতে ছিল—বলেবোলে মারা যায় আঠারো বছর বয়সে। সেইমাদের বাড়ীতে আসার ওই পথটাতে প্রকাণ্ড এক বহুল পাছ নাকি ছিল—তার তলায় অনেক লোক বসতো। হরি মাহুরদাদা তাঁর মাকে খেতে দিতেন না, মায়ের সঙ্গে ভিন্ন ছিলেন, তাঁর দেওর গোসাই বাড়ী তাঁকুর পূজা করে দু' পাচ টাকা বা জমাতো, তাই দিয়ে দরিদ্র বৃদ্ধাকে খান কিনে দিয়ে যেতো।

বৈকালে নলে জেলের নৌকাতে বেড়াতে গেলুম, মোল্লাহাটীর দিকে। ছটা'র সময় আমাদের ঘাট থেকে নৌকাখানা ছাড়া হোল। নদীর চূধারে অপরূপ শোভা, কোথাও বাবলা পাছ ফুলের ভারে নত হয়ে নদীর ধারে খুঁকে আছে, চূধারের ঘান-ভরা নির্জন মাঠ, ঝোপে-ঝাড়ে ফুল ফুটে আছে, গাণ্ড শালিকের দল কিচ্-কিচ্ করচে, বা ধারের ক্রমাগত জলের ধারে ধারে নলবন, ওকুড়া ও বন্তেবুড়োর গাছ—মাকে-মাঝে চাষীদের পটোল ক্ষেত, বোলভাংগের ঘোষেরা যে নতুন ক্ষেতটাতে পটল করেছে, তাতে টোকা মাথায় উত্তরের মজুরেরা মিড়েন দিচ্ছে, ওদিকে কুমড়োর ক্ষেত—ঢালু সবুজ ঘাসের জমি জলের কিনারা ছুঁয়ে আছে, গরু চরছে, বাকের মোড়ে দু'কো ঝাবরাপোতা গ্রামের বাশবন, স্বহৃৎ Lyro পক্ষীর পুচ্ছদেশের মত নতুন বাশের আগা—একটু একটু রোল মাথা। নদীজলের ঠাণ্ডা ঠাণ্ডা গন্ধ বেরুচ্ছে, মাথার ওপরকার আকাশ ঘন নীল, কিম্ব পশ্চিম দিগন্তে গ্রামসীমায় শিমূল, কদম গাছের মাথায় মাথায় অপরূপ মেঘসুপ, মেঘের পর্বত—মেঘের গিরিবন্ধের কাঁকটা দিয়ে অন্তস্থবোর ওপারের দেশের খানিকটা যেন দেখা যায়।

খানিকটা গিয়ে একধারের পাড় খুব উঁচু, বস্ত্র নিমগাছের সারি, পাড়ের ধারে গাণ্ড শালিকের গর্ত, নীল মাছরাঙা পাখী শেওলার ধারে ধারে মাছ খুঁজতে খুঁজতে একবার ওঠে, একবার বসে—খেজুরপাছ, গাবভেরাঙা, বৈচি, ফুলে ভর্তি সাঁই বাবলা, আকন্দর ঝোপ, জলের ধারের নলবন, কাশ, বাঁড়া, নোনা, গুলঞ্চলতা-দোলানো শিমূল গাছ, শালিক পাখী, খেঁকুশিলালী, বাশঝাড়, উইটিবি, বনমূলায় ঝাড়, বকের দল, উঁচু ডালে চিলের বাসা, উলুঘাস, টোকাপানার দাম। সাম্নেই কাঁচিকটা'র খেদাঘাট, ছ'খানা ছোট-

চালাঘর, জনকতক লোক পারের অপেক্ষায় বসে—ডানধারের আকাশটাও অপূর্ণ হীরাকসের রং ধরেচে—গাট, নীল।

আবার ছ'পাড় নির্জন, এক এক স্থানে নৌকা তীরের অত্যন্ত নিকট দিয়ে যাচ্ছে যে কেলেকৌড়া ফুলের গন্ধ পাওয়া যায়। বেলা আরও পড়ে এল, চারিদিকে শোভা অপরূপ, লিখে তা প্রকাশ করা যাবে না, ডাইনে ঘন সবুজ ঘাসের মাঠ, বামে আবার উঁচু পাড়, আবার বাব্বা গাছ, শিমুলগাছ, ষাঁড়া, গাছ, পাখীর দল শেব-বেলায় ঝোপে ঝোপে কলরব করচে—দূরে গ্রামের মাথায় মেঘসুপটা পেছনে পড়েচে—এক এক স্থানে নদী-জল বোর কালো, নিধর কলার পাখীর মত পড়ে আছে—দেখাচ্ছে যেন গহন, গভীর, অতল-স্পর্শ। বাকটা ঘুরেই অনেকখানি আকাশ এক সঙ্গে দেখা যাচ্ছে, পশ্চিম আকাশের কোলে যেন আগুন লেগেচে, অনেকখানি দূর পর্য্যন্ত মেঘে, আকাশে, গাছের মাথায় মাথায় যেন সে আগুনের আভা, খাব্বাপোতার ঘাটের পাশে কোন্ দরিদ্র কৃষক-বধু জলের ধারের কাঁচড়ামাম শাক কাঁচড় জরে ভুল্চে আর মাঝে মাঝে সলজ্জভাবে আমাদের নৌকার দিকে চাইচে।

আরও ঋনিকদূর গেলাম, আবার সেই নির্জনতা, কোথাও লোক নেই, জন নেই, ঘর বাড়ী নেই, শুধু মাথার ওপর সঙ্ঘ্যার ধূসর ছায়াছন্ন আকাশ আর নীচে সেই মাঠ ও গাছপালা হুদারে। বৃড়ো ছকু মাঝি ছেলে সঙ্গে নিয়ে ছ'খানা ডিঙি দোয়াড়ি বোঝাই দিয়ে চূর্ণী নদীতে মাছ ধরতে যাচ্ছে, তিন দিনে সেখানে নাকি পৌছুবে বলে। একদিকে ঘন সবুজ কাঁচা কষাড়ের বন, নীচু পাড়, জলের ঋনিকটা পর্য্যন্ত দাম-ঘাসে বোঝাই, কলমী শাক অজস্র, আর কলমীর দামে জলপিপি ও পানকৌড়ী বসে আছে। মাথার ওপরকার আকাশটা বেয়ে সবাইপুরের মাঠটার দিক থেকে খুব বড় এক ঝাঁক শামুকুট পাখী বাসায় ফিরুচে, বোধ হয় জটেমারির বিল থেকে ফিরলো, পাঁচপোতার বাঁওড়ে যাবে। সেইখানটাতে আবার নলে মাঝি কাস্তে হাতে—ঘাস কাটতে নামলো—কি অপরূপ শোভা, সামনে খাব্বাপোতার ঘাটটা—একটা শিমুল গাছের পিছনের আকাশে পাটকিলে রং-এর মেঘদীপ, চারি ধারে এক অপূর্ণ শ্রামলতা, কি শ্রী, কি শান্তি, কি স্নিগ্ধতা, কি অপূর্ণ আনন্দেই মন ভরিয়ে তোলে—নল কাস্তে হাতে ঘাস কাটছে—কাঁচা কষাড়ের মিষ্ট, সরস, জোলো গন্ধ বার হচ্ছে, আমি শুধু হেলান দিয়ে বসে আকাশটা ও গাছপালার দিকে চেয়ে আছি।

জীবনটাকে উপভোগ করতে জানতে হয়। মাত্র আট আনা খরচ হোল,—তাই কে? তার বদলে আজ বৈকালে যে অপূর্ণ সম্পদ পেলাম, তার দাম দেব কে? আমাদের গ্রামের কেউ আসতো পয়সা খরচ করে খামোকা নৌকায় বেড়াতে? কেউ গ্রাহ্য করে এই অপরূপ বনশোভা, এই অশ্রুদিগন্তের ইন্দ্রজাল, এই পাবীর দল, এই মোহিনী সন্ধ্যা?—কেউ না। এই যে সৌন্দর্য্যে দিশাহারা হয়ে পড়ছি, মুগ্ধ, বিস্মিত, রোমাঞ্চিত হয়ে উঠছি—এই সৌন্দর্য্যের মধ্যে ডুবে থেকেও এরা কেউ চোখ খুলে চায়?—আমি এসব করি বলে হয়তো আমাকে পাগল ভাবে।

যে জাতির মধ্যে সৌন্দর্য্য-বোধ দিন দিন এত কমে যাচ্ছে, সে জাতির ভবিষ্যৎ সন্দেহে খুব সন্দেহ হয়। শহর বাজারের কথা বাদ দিলাম, এই সব পাড়ারগে যেখানে আসল জাতিটা বাস করে, সেখানকার এই কৃত্রিম জীবন-যাত্রার প্রণালী, দৃষ্টির এই সংকীর্ণতা, এই শিল্পবোধের অভাব মনকে বড় পীড়া দেয়।

এবার জ্যোৎস্না উঠলো—আজ শুধু একাদশী, নলবন বাতাসে ছলুচে, জ্যোৎস্না পড়ে ছ'পাশের নদীজল চিক্-চিক্ করছে। ঘাসের আঁটা বেঁধে নিড়ে নলে মাঝি নৌকা ছেড়ে দিল।

এত পাবী, গাছপালা, নীল আকাশ, এই অপূর্ণ সৌন্দর্য্য এ সব যেন আমারই জন্তে সৃষ্ট হয়েছে। এদেশেই তো এসব ছিল এতদিন, কেউ তো দেখেনি, কেউ তো ভোগ করেনি—কতকাল পরে আমি এদের বুঝলাম, এদের থেকে গভীর আনন্দ পেলাম, এদের রসবারা পান করে তৃপ্ত হলাম—এই জ্যোৎস্না, এই আকাশ, এই অপূর্ণ ইচ্ছামতী নদী আমারই জন্ত তৈরী হয়েছে!

অনেক দিন পরে আমাদের ঘাটে দুপুরে স্থান করতে পিঠেছিলুম। স্থান দেবে এই রৌদ্রসীপ্ত নদী, দুবের ঘুঘু-ডাকা বনানী, উষ্ণমণ্ডলের এই অপূর্ণ বন-সম্পদ, স্বচ্ছ জলের মধ্যে সম্ভরণশীল মৎসপ্রাণি, নির্বেঘ নীল আকাশ—আমার শিরায় শিরায় কেমন একপ্রকার মাদকতার সৃষ্টি করল।

একটা ছেলের ছবি মনে এল—সে-এবনি Tropics-এর স্নায়ু সৌন্দর্য্য, রৌদ্রকরোজ্জ্বল পৃথ্বী, নীল দিক্চক্রবালের উদার প্রখরতার মধ্যে এই জলধারা পান করে, দিনরাত পানক পাবীদের কাকলী শুনে শৈশবে মাহুঁষ হয়েছিল—

গ্রামের কত দুঃখ-দারিদ্র্য, কত বেদনা, কত আনন্দ, কত আশা, কত ব্যর্থতার মধ্যে দিয়ে। সে মানুষ হয়ে উঠে এদের গান গেয়ে গেল—এই গাছপালা, লতা, পাখী, ফুলফল, সূর্য্য—এদের,—এরাই তাকে কবি করেছিল।

বৈকালে হাট থেকে এসে বইখানা নিয়ে নিজের ভিটেতে গিয়ে খানিকটা পড়ে এদুম—তারপর গেলুম জটামারির পুলটাতে। কিরুঝিরে বাতাসে শরীর জুড়িয়ে গেল! তারপর এক বড় অদ্ভুত অভিজ্ঞতা হোল, এমন এক অপূর্ণ আনন্দে মন ভরে উঠল, সারা গা এমন শিউরে উঠল—সে পুলকের, সে উল্লাসের তুলনা হয় না—গত কয়েক মাসের কেন, সারা বৎসরের মধ্যে গুরুকম আনন্দ পাইনি।

আজ চলে যাবো তাই বিদায় নিলুম—বিদায় জ্যাঠামশায়ের পোড়ো ভিটে, বিদায় আমার গ্রাম, বিদায় ইছামতী, আবার তোমাদের সঙ্গে কবে দেখা হবে জানি না, আর দেখা হবে কিনা তাও জানি না, কিন্তু তোমার ফলে জলে পুষ্ট হয়েছিল তোমার অপরূপ সৌন্দর্য্যে এমন স্বপ্নঅঞ্জন মাথিয়ে দিয়েছিলে দশ বৎসরের বালকের চোখে, তোমার গাছপালার ছায়াতলে, তোমার পাখীর কল-কাকলীতে জীবন-নাট্যের অঙ্ক শুরু, বিদায়, বিদায় যেখানে থাকি তোমাদের কথা কি কখনো ভুলবো?...

মনে হয় যুগে যুগে এই জন্মমৃত্যুচক্র কোনো এক বড় দেব-শিল্পীর হাতে আবৃত্তিত হচ্ছে, হয়তো দু'হাজার বছর আগে জন্মেছিলাম ঈজিপ্টে, যেখানে নীলনদের বনে, জামল নীল (Nile) নদের রৌদ্রদীপ্ত তটে কোন দরিদ্র ঘরের মা, বোন, বাপ, ভাই, বন্ধুবান্ধবদের দলে এক অপূর্ণ শৈশব কেটেচে, তারপর এতকাল পরে আবার ষাটটি বছরের জন্তে এনেচি এখানে—আবার অল্প মা, অল্প বাপ, অল্প ভাই বোন, অল্প বন্ধুজন। পাঁচ হাজার বছর পরে আবার কোথায় চলে যাবো কে জানে? এই Cycle of Birth and Death যিনি নিয়ন্ত্রিত করচেন আমি তাঁকে কল্পনা করে নিয়েচি—তিনি এক বড় শিল্পী। এই সকল জন্মের সুখ-দুঃখ, আশা-আকাঙ্ক্ষা হয়তো কোন দূর জীবনের উন্নততর, বৃহত্তর, বিস্তৃততর অবস্থায় সব মনে পড়বে—সে এক মহনীর, বিপুল, অতি করুণ অভিজ্ঞতা।

কে জানে যে আবার এ পৃথিবীতেই জন্মাবো। ওই যে নক্ষত্রটাবটগাছের দারিদ্র্য মাথায় সবে উঠেচে—ওর চারি পাশে একটা অদ্ভুত গ্রহ হয়তো

যুগে, তার জগতে যেতে পারি—বহু বছরের Globular cluster-দের জগতে যেতে পারি—কে বলবে এনব শুই কল্পনা-বিলাস ? এ যে হয় না তা কে জানে ? হয়তো নিছক কল্পনা নয় এনব—বৃহত্তর জীবন-চক্র যুগে যুগে কেন্ অদৃশ দেবতার হাতে এ ভাবেই আবর্তিত হচ্ছে ।

শত শত জন্মত্বার মধ্য দিয়ে যার চলাচলের পথ—জয় হউক সে দেবতার, তাঁর গতির তেজে সম্মুখের ও পশ্চাতের অমুক্তির অঙ্ককার জ্যোতির্ঘর হউক, নিত্যসৃষ্টি জায়মান হউক তাঁর প্রাণ-চক্রের নিত্য আবর্তনশীল বিশাল পরিধিতে ।

গুন্ গুন্ করে বানিয়ে বানিয়ে গাইলুম, আপ'নিই মুখে এসে গেল :—

‘গভীর আনন্দরূপে দিলে দেখা এ জীবনে

সে অজানা অনন্ত—’

নিজেকে দিয়ে বুকেচি ভূমি কত বড় শিল্পী, নিজের দৃষ্টি দিয়ে বুকেচি ভূমি কত বড় শ্রষ্টা, নিজের সৃষ্টিকে দিয়ে বুকেচি ভূমি কত বড় শ্রষ্টা ।

হঠাৎ সারা দেহ এক অপূর্ণ আনন্দে ভরে উঠল—ওপারে মাধবপুরের বটগাছের সারি, বেলেভাটার গ্রামের বেণুবনশীর্ষ সান্ধ্য বাতাসে ছল্চে—আউশধানের ক্ষেতের আইল-পথ বেয়ে কৃষক-বধু মাটির কলসী নিয়ে জল ভরতে আস্চে, আইনদ্দি মোড়লের বাড়ীর মাধ্যম শুরুতারা উঠেচে—মনে হোল আমি দীন নয়, দুঃখী নয়, ক্ষুদ্র নয়, মোহগ্রস্ত জড় মানব নয়, আমি জনজন্মান্বয়ের পথিক—আত্মা । দূর থেকে কোন স্রূরে নিত্য নূতন পথহীন পথে আমার গতি—এই বিশাল বিশ্ব, এই বিপুল নীল আকাশ, অগণ্য জ্যোতিলোক, এই সহস্র সহস্র শতাব্দী—আমার পায়ে চলার পথ, নিঃসীম সূত্র বেয়ে সে গতি আমার ও সারা মানবের যুগে যুগে বাধাহীন হোক ।

মনে হোল আর এক আজন্ম পথিক-দেবতার কথা, তাঁর কথা আমার এক খাতায় লিখেচি । আমার সে কল্পনা সত্য কি মিথ্যা সে বিচারের কোনো প্রয়োজন নেই, আমার দৃষ্টিতে আমি তা দেখেচি, আমার কাছে সেটা মহাসত্য—revelation, চিন্তা ও কল্পনার আলোকে যা দেখা যায়—তাকে আমি মিথ্যা বলে ভাবতে পারি না ।

বিদায়, বিদায়—আর কখনো অজুয়ের সঙ্গে দেখা হোল না, গুরুজীর সঙ্গে দেখা হোল না, কথক ঠাকুরের সঙ্গে দেখা হোল না, দেবব্রতের সঙ্গে

দেখা হোল না—অনেকদিন পরে অজয়ের সেই শৈশবে-শোনা গানটা যেন কোথায় বসে গাঙ্গে মনে পড়ে।

‘চরণ বৈ মধু বিন্দতি’ চলা-দ্বারাই অমৃত লাভ হয়, অতএব চলো।

দেশ থেকে এসে আজ একেবারেই ভাল লাগচে না। বৈকালগুলির জন্তে মন কেমন করচে, কুঠীর মাঠের জন্তে, খুকীর জন্তে, ইছামতীর জন্তে, ফণিকাকার জন্তে—সকলের জন্তেই মন কেমন হয়েছে। ছেলেবেলায় দেশ থেকে বোডিং-এ ফিরলে এমনটা হোত, অনেক কাল পরে মানস ইতিহাসে তার পুনরাবৃত্তি দেখা গেল।

কাল কল্কাতাটা যেন নতুন নতুন লাগছিল—যেন এ কোন্ শহর—এর কর্মব্যস্ত চেহারাতে আমিই কেমন অবাক হয়ে গেলাম, আনন্দবাজার পত্রিকার ওই গলিটা, কলেজ স্ট্রিট, ওয়েলিংটন স্ট্রিট সব তাতেই লোকে একটা কিছু করচে—ব্যস্ত, ফ্রিপ্র, ছুটচে, বাস থেকে নামচে—দেশের মানুষদের দে মৃতের মত জড়তা, অলস ও কর্মহীনতার পরে এসব যেন নতুন লাগল।

দিনটা কাটল বেশ ভালোই। সকালে উঠে সজনির সঙ্গে গেলুম কাঁচরাপাড়া, সেখান থেকে বড়-জাঙলে হয়ে মরিচা। এত ঘন বন যে কলকাতার এত কাছে থাকতে পারে, না দেখলে বিশ্বাস করবার প্রবৃত্তি হয় না। সেখানে গিয়ে ঔষধ সংগ্রহ করে কাঁচরাপাড়ায় এলাম। বাস রিজার্ভ করে যাওয়া হয়েছিল। সেখান থেকে আনা গেল কাঁচরাপাড়া মাঠের মধ্য দিয়ে মোহিত মঙ্গুমশায়ের কাছে। মোহিতবাবু শোনা গেল শা'গঞ্জ গিয়েছেন। কাঁচরাপাড়া বাজারে একটা দোকানে কিছু খেয়ে নিয়ে বাসে করে এলুম হালিসহর পেঘাঘাটে। এই ঘাটে অনেকদিন আগে দিদিমা থাকতে একবার সর্বপ্রথম কেণ্টা এসেছিলুম, হালিসহরে থাকতে।

মোহিতবাবুর গুথানে খাওয়া-দাওয়া হোল, অনেকক্ষণ সাহিত্য সম্বন্ধে বিশেষ করে বর্তমান তরুণ-সাহিত্য সম্বন্ধে কথাবার্তা হোল। ভ্রলোক প্রকৃত কবি, সাহিত্যই দেখলুম ঊরু প্রাণ, কবিতা পড়তে বসে যখন ছেলেমেয়েরা তাঁর কোল থেকে টানিটানি করে রসগোল্লা খেতে লাগল—তখন সে কি দৃশ্যই হোল!

বেরিয়ে আমি আর মোহিতবাবু কেণ্টার প্রশ্ন গুরুমশায়ের পাঠশালায়

খুঁজতে খুঁজতে গেলুম। সে জামরুগাটা এখন একটা পোড়ো ভিটে ও জঙ্গল—কোণের সে জামরুগাটা এখনও আছে। সন্ধ্যার অন্ধকারে জামরুগাটা চেনা যাচ্ছিল না—মোহিতবাবু কাছে গিয়ে বলেন—হ্যাঁ, এটা জামরুগাটা বটে। জামরুগাটা পেকে আছে।

তারপর রাখাল চক্রবর্তীর স্ত্রীর সঙ্গে দেখা করলুম। পুলিশ তাঁর ছেলে। ছেলেবেলায় আমরা এক সঙ্গে বিপিন মাষ্টারের পাঠশালায় পড়েছি—এখন ও হটপা লম্বা, কালো গোঁপ-দাড়িওয়ালো মাগুস। ওর সঙ্গে কথা বললুম প্রায় ত্রিশ বছর পরে। শেষ কবে ওর সঙ্গে কথা বলেছিলাম কে জানে?...

রাখাল চক্রবর্তীর বাড়ীর ভিতরের রোয়াক দিয়ে ওদের রান্নাঘরের রোয়াকে বসে মাসীমার সঙ্গে কথা বললুম। শেষ কবে কথা বলেছিলাম, কবে ওদের রোয়াকে পা দিয়েছিলাম, হয়তো তখন আমরা কেওটাতে ছিলাম—তারপর হয়তো শীতলের মাথের গল্পবলা, কি আতুরীর কাছে ধামা কুলো বেচার ঘটনাটা—বা আমার কেওটা সম্পর্কে মনে আছে, ঘটেছিল। তারপরে এক বিরাট আনন্দ, আলাপ, রহস্য, দুঃখ, হর্ষ, শোক, আলোকপূর্ণ—বিরাট জীবন কেটেচে—পটপটি তলার মেলায়, বকুলতলার দিনগুলিতে, পূব-মুখে বাগদায়, ইচ্ছামতীর দারের সে অপূর্ণ শৈশবের আনন্দময় দিনগুলি—সেই কতদিন স্কুল থেকে সপ্তাহ পরে ফিরে এসে মাথের হাতে চৈত্র মাসের দিনে বেলের পানি খাওয়া তারপর স্কুল কলেজ, বাইরের জীবনে যা কিছু ঘটেচে সবই ওর পরে। কালকার দিনটাতে আবার এতকাল পরে পা দিলাম রাখাল চক্রবর্তীর বাড়ীর ভিতরকার রোয়াকে বা পুলিশের সঙ্গে কথা কইলাম।

জীবনের অপূর্ণত্ব এই সব মুহূর্তে কি অদ্ভুত, অপরূপ ভাবেই ধরা পড়ে যায়।

করণা আমার বাবা যোগীন্দ্রবাবু জানালা খুলে কথা কইলেন। তিনি আমাকে খুব চেনেন দেখলাম।

রাত আটটার বাসে হুগলী ঘাট এলাম। খুব পরিষ্কার আকাশ, খুব নক্ষত্র উঠেচে। রাত এগারোটার কলকাতা ফেরা গেল।

সেই সকাল ছটার বেরিয়ে কোথায় বঁড় জাঙলে, মরিচা, দু'ধারের ঘন জঙ্গল, কাঁচরাপাড়া বাজার, বাঁশের পুল, হালিসহরের খেদাঘাট, কেওটা, হুগলী ঘাট, নৈহাটা—সব বেড়িয়ে ঘুরে আবার কলকাতা ফিরলাম সাড়ে

এগারোটা রাত্রে। মোটর বাস ছিল বলেই একদিনে এত ঘোরাঘুরি, এমন সব অপূর্ণ অভিজ্ঞতা সম্ভব হোল।

স্বাখাল চক্রবর্তীর বাড়ীর পৈঠায় বসে মোহিতবাবু 'পথের পাচালী' সম্বন্ধে অনেক কথা বললেন। কেওটায় সেই অস্থল, গাছটার কাছে রাত আটটার সময় দাঁড়িয়ে ভবিষ্যৎ সাহিত্য-মণ্ডলী গঠনের ও শনিবারের চিঠি অন্তর্ভাবে বা'র করার জন্ত খানিকটা পরামর্শ করা হোল। কাজে কতদূর হয় বলা যায় না।

কাল মোহিতবাবু কলকাতায় এসেচেন, সজ্জনীবাবু লিখে পাঠালেন। বৈকালে গেলাম প্রবাসী আফিসে। সেখান থেকে বা'র হয়ে সকলে মিলে প্রথমে যাওয়া গেল ডাঃ সূর্যশীল দে'র বাড়ী। সেখানে ঢাকার বর্তমান হাকীমামা ও ইউনিভার্সিটির গোলযোগ সম্বন্ধে অনেক কথাবার্তা হোল। সজ্জনীবাবুর ব্যক্তিগত কথাও অনেক উঠল—অনেকক্ষণ বসে সেখানে হাসি-গল্প হোল, বেশ উপভোগ করা গেল—ডাঃ দে আমার ঠিকানা চাইলে বিপুলে পড়লুম—এ বানাটা যদি বদলাই তবে, বদলে কেলে এ ঠিকানাটা দিয়েই বা লাভ কি?

সেখান থেকে বা'র হয়ে সবাই গেলাম কবি যতীন বাগচীর বাড়ী। মনোহরপুকুর রোড তো প্রথমে খুঁজেই বা'র করা দায়। ট্যাক্সি ছেড়ে দিয়ে বালিগঞ্জ এ্যাভিনিউ বেয়ে আমরা রাত নাটার সময় একবার এদিক একবার ওদিক—সে মহামুশ্বিল। অনেক কষ্টে রাত দশটার সময় বাড়ী বেরুল। যতীনবাবু আমাদের দেখে খুব খুশি হলেন। মোহিতবাবু আমার সঙ্গে পরিচয় করিয়ে দিলেন; বল্লেন, অল্পদিনের মধ্যেই ইনি দশখী হয়ে উঠেচেন একখানা বই লিখে, luck আছে বলতে হবে। আমি মনে মনে খুব খুশি হয়ে উঠলাম, মুখে বাই বলি। তারপর জল-টল খাওয়ার পরে সেখান থেকে অনেক রাত্রে বাসায় ফেরা গেল।

আজও আবার তাই। প্রথমে কেন্দারবাবুর সঙ্গে এশিয়াটিকদের অকস্মণ্যতা নিয়ে খানিক তর্ক-বিতর্ক হোল। উনি বল্লেন, কেন, জর্জিস্ থা কি বড় সাম্রাজ্য প্রতিষ্ঠা করেন নি? আমি বল্লুম—সেটা one man show মাত্র, কোনো স্বায়ী সাম্রাজ্য প্রতিষ্ঠা তিনি করেছিলেন কি? প্রবাসী আফিস থেকে আমরা গেলুম অমল হোমের বাড়ী, সেখানে অনেকক্ষণ গল্পগুজব ও



কবিতা আবৃত্তি হোল। অমল হোমের স্ত্রী বলেন, একটা মহিলা আপনার সঙ্গে দেখা কর্তে চান, আপনার 'অপরাজিত' পড়ে—আমি তাঁকে ডাকি,—কালোর ঘরেই আছেন।

মেঘরের নির্ঝাঁচন সম্পর্কে অনেকগুলো নতুন কথা শুন্লাম অমল হোমের মুখে—যতীন সেনগুপ্ত এবার মেঘর না হোলে অনেকে দুঃখিত হবে বটে, কিন্তু মেঘর হোলে লোকে তার চেয়েও দুঃখিত হবে। বাইরে চেয়ে দেখলাম আকাশে মেঘ করেছে—অনেকটা দূরের আকাশও দেখা যায়—দূরের কথা, দেশের কথা মনে করিয়ে দেয়। এরা বেশ শিক্ষিতা মেয়ে, ধারণ-ধারণ এত মাজ্জিত ও মধুর যে এদের সঙ্গে গ্রামের মেয়েদের—সইমা কি বুড়ী পিসিমা এদের তুলনা করে হতাশ হতে হয়। একটা ভাষা কড়া এক জায়গায় বসানো ছিল, বেরুবার সময় পায়ে এমন লাগল!...

সেখান থেকে এলাম সুরেশবাবুর বাড়ী। সেখানে হেম বাগ্‌চী ও সুবল বসে আছে। সুরেশবাবুর স্ত্রী চা-এর উদ্বোধন কর্তে আমরা নিবৃত্ত করলাম—কেননা এইমাত্র অমল হোমের বাড়ী থেকে আমরা চা, পাপর ভাজা, বাদাম ভাজা ও রনগোল্লা পেয়ে আস্চি। ফরাসী কবি বোদলেয়ার সহজে খানিকটা কথাবার্তা হোল, মোহিতবাবু একটা লেখা পড়লেন—তারপর আমরা সবাই এলাম চলে। মে'তি তবাবুণ আবৃত্তি কি সুন্দর!

কি সুন্দর সফ্যাটা কাইল!

আজ সকালে ধূঁকটিবাবু এসেছিলেন। তাঁর সঙ্গে ও সুরেশ চক্রবর্তীর সঙ্গে গল্পগুজবের পর আনাম মেলে রাগাঘাট এলাম ও সেখান থেকে সাড়ে তিনটার ট্রেনে দেশে এলাম। হাজারির মোটিরটা দাঁড়িয়েছিল, সহজেই বাজার পর্যন্ত আসা গেল।

এসেই কাপড়-চোপড় ছেড়ে গামছা নিয়ে নদীতে গা ধোবার জন্ত গেলাম। ভারী সুন্দর বৈকাল, আকাশের রং এমন সুন্দর শুণু বর্ষাকালেই হয়। গাছপালার রং কি নবুজ—রৌহের রংটা কেমন একটা অদ্ভুত ধরণের, কুঠীর মাঠে গেলাম—সেই শিমুলগাছটির গায়ে কি সুন্দর রৌদ্রই পড়েচে—চারি ধারে আকাশের রং-এ বড় মৃগ্ধ কর্লে।

আমাদের ভিটার পাশে যে গাছটা আছে, তার গায়ে খানিকটা হুন্দর রং-এর রোদ লেগে দেখতে হয়েছে অদ্ভুত।

মাঠের চারিদিকে সবুজ গাছপালা, আউশ ধানের সবুজ ক্ষেত, হুনীল আকাশ, এখনও বৌ-কথা-ক' ডাক্চে—খুব ডাক্চে। সোঁদালী ফুল এখনও কিছু কিছু আছে।

কাল বৈকালে প্রথম গেলাম সুবলবাবুদের বাড়ী বাগবাজারে, সেখানে খানিকক্ষণ গল্পগুজবের পরে বিভূতিদের ওখানে গেলাম। বাগবাজার ট্রামে আসবার সময় মনে ভাবছিলাম সাতাশ বছর আগে এই বর্ষাকালে, তবে বোধহয় এর আরও কিছু পরে—এই জায়গাটা দিয়ে ট্রামে করে যেতুম বাবার সঙ্গে। তখন আমি নিতান্ত বালক, আর আজ কেবলই মনে হচ্ছে এই সময়ের পরে কলকাতা ছেড়ে দেশে গিয়ে সে কি অপূর্ণ জীবন-বাত্মা! কি বৈচিত্র্য! সে শুধু অল্পভূতিতে ভরা—নানা ধরণের বিচিত্র বালা অল্পভূতি!...আসল জীবনটাই তো হোল এই অল্পভূতি নিয়ে, পুলক নিয়ে, উজ্জ্বাস নিয়ে। আজও সেই গ্রাম আছে, নদী আছে, কিন্তু সে অপূর্ণ অল্পভূতি আর নেই।

বিভূতিদের বাড়ী থেকে যখন আসি তখনও কেমন একটা শূণ্যতার ভাব, যেন এদের বাড়ীর সকলেই আছে—অথচ কি যেন নেই। সবাই কাছে এল, বসলে, গল্পগুজব করলে—কিন্তু কোথায় সেই ভাদ্রমাসের বৈঠকখানা ঘরের দিনগুলো, সেই মক্কা-মদিনা যাত্রী তাকিয়া-বালিশ, সে আনন্দের টেউ? Where is that child?...সিধুবাবুও নেই—কেমন একটা ফাঁকা ফাঁকা।

পথে একটা মারামারি হচ্ছিল, পিকেটিং-কারী এক বালককে নাকি পুলিশে খুব মেরেচে, তাই নিয়ে। বাসে করে বায়োস্কোপ দেখতে গেলাম ও সেখান থেকে অনেক রাত্রে এলাম ফিরে।

আজ রবিবারের অধিবেশনে নিমন্ত্রিত হয়ে গিয়েছিলাম, সেখানে রাজশেখর-বাবুর সঙ্গে আলাপ হোল, 'অপরাজিত' তাঁর খুব ভাল লেগেচে বলছিলেন।

আজ ক'দিন থেকে মনে কেমন একটা অপূর্ণ ধরণের আনন্দ পাচ্ছি তা বলবার নয়, লিখে প্রকাশ করবার নয়—সে শুধু বুঝতে পারি—বোঝাতে পারি নে।

এইমাত্র জ্যোৎস্নাপ্লাবিত বারান্দাটাতে একা বসে মেঘের ফাঁকে ফাঁকে আকাশের দু-একটা নক্ষত্রের দিকে চেয়ে এই অপূর্ণ ভাবটাই মনে

আসছিল...আনন্দ মানুষকে এত উজ্জ্বল ওঠাতে পারে। সে ত বলে মনে  
হচ্ছিল নিজেকে, সত্য বলে মনে হচ্ছিল, বিরাট ও শাশ্বত বস্তুকে  
...এক উন্নাদনাময়ী প্রাণশক্তির অভিব্যক্তি!...মুগ্ধ হয়ে গেলাম...

দু' একটা চরণ গান তৈরী করে গুন্-গুন্ করে গাইলাম:—

মনে আমার বঙ্ ধরেচে আবার সুরের আসা-যাওয়া,—

আজ ক'দিন থেকেই এরকমটা হচ্ছে।

দিনগুলো যে ভয়ানক নিরানন্দ হয়ে উঠেচে একথার কোনো ভুল নেই।  
এ শুধু হয়েছে সকাল থেকে রাত দশটা পর্যন্ত ভয়ানক খাটুনির জঞ্জল।  
অনবরত পরের খাটুনি, নিজের জঞ্জ এতটুকু ভাববার অবকাশ নেই, অবসর  
নেই,—সকাল দশটা থেকে আরম্ভ করে রাত দশটা পর্যন্ত বারো ঘণ্টা।  
মনের অবকাশ মানুষের জীবনের যে কত দরকারী জিনিস তা এক  
কর্মব্যস্ত, যন্ত্রণের অত্যন্ত বর্ধিত, হিসাবী ও সময়জ্ঞানসম্পন্ন মানুষেরা কিছু  
বুঝবে কি? এতে মানুষকে টাকা রোজগার করায়, ভাল বাওয়ায়, ভাল  
পরায়, ভাল গাড়ী-ঘোড়া চড়ায়—অর্থাৎ ব্যক্তিকে আরও জাগিয়ে নাচিয়ে  
তোলে—শক্ত করে বাঁচিয়ে রাখে, বেশ সৃষ্টভাবে ও কৃতীর স্তন্যমে বাঁচিয়ে  
রাখে—কিন্তু ভারবাহী চোখে-ঠুলি বলদের থেকে কোনো পার্থক্যের গণ্ডী  
টেনে দেয় না—জীবনকে মরুভূমি করে রেখে দেয়,—টাকার গোছের  
আবাদ। প্রকৃতির শ্রামল বস্ত্র সজ্জার, নীল আকাশ, পাখীর কূজন, নদীর  
কল মর্ধর, অস্ত-দিগন্তের সান্ধ্যমায়া—এ সব থেকে বচদূরে, এক জনহীন,  
জলহীন বৃক্ষলতাহীন মরু। এদের দেশ-ভ্রমণেও যেতে দেখেছি ফাস্ট ক্লাস  
কামরায় চেপে, দশদিনের ভ্রমণে দুই হাজার টাকা ব্যয় করে, মোটরে করে  
যাবতীয় স্থান এক নিঃশ্বাসে বেড়িয়ে, বিলাতী হোটেলের খানা খেয়ে, ছইন্ধি  
টেনে—সেও ঐ ভেড়ার মলের ভেড়ার মত বেড়ানো।

আজ বসে বসে শুধু মনে হচ্ছিল অনেকদিন আগে বাল্যের নবীন মধুর  
বর্ষার বৈকালগুলি—কি ছায়া পড়তো, কি পত্রপুষ্পের সুগন্ধ বেরতো—কি  
পার্থীর গান হোত—জীবনের সম্পদ হোল সে সব—এক মুহূর্তে জীবনকে  
বাড়িয়ে তোলে, বৃদ্ধিশীল করে—আছার পৃষ্ঠী ওখানে। ধ্যান অর্থাৎ  
contemplation চাই, আনন্দের অবকাশ চাই—তবে হোলো আছার  
পৃষ্ঠী—টাকা রোজগারের ব্যস্ততায় দিনরাত কাটিয়ে দেওয়ায় নয়।

মানুষের জীবনে প্রকৃতি একটি মহাসম্পদ, এর সঙ্গে অসহযোগ করলে জীবনটার প্রশংসাতা কমে যায়, রোমাস কমে যায়, common place হয়ে পড়ে নিতান্ত।

আমি নিজেই বুঝতে পারি, এই ভাদ্র মাসের ঠিক এই সময়কার ১২২৭ সালের ডায়েরীগুলো যদি পড়া যায় তবেই দুই জীবনে আকাশ-পাতাল তফাৎটা ভালো করে বোঝা যাবে।

১২২৫ সালে এই সময়ে বিহৃতিকে পড়া তুম মনে আছে, সে এখন কত বড় হয়ে গিয়েছে—এখন আবার অল্প ছেলেদের পড়াই ঠিক এই সময়টাকে, সে-কথা হোলো আজ। এদের এখানে প্যাক বাক্সের গন্ধ, ছেলেগুলোও দুই।

জীবনের নানা অভিজ্ঞতার কথা ভাবছিলুম। একদিন উপেনবাবুকে বলেছিলুম, বাল্যের অমুক দিনটা থেকে যদি জীবন আবার আরম্ভ হোত……? আজও তাই ভাবি—জীবনের experience আমাদের খুব বেশী না,—সমুদ্র খুব, একথা বলতে পারি না অল্প অনেকের জীবনের তুলনায়। সামান্ত একটু ভাগলপুর যাওয়া, সামান্ত এক আবেষ্টনী, নতুন ধরণের জীবনের স্পর্শ, বড়লোকের বাড়ী—এই সব। কিন্তু এতেই আনন্দ এত বেশী দিয়েছে যে, এ থেকে এই কথাটাই বার বার মনে হয় যে নির্দিষ্ট পরিমাণের আনন্দ প্রত্যেকের মনেই ভগবান দিয়েছেন, যে কোন জিনিষকে উপলক্ষ করে হোক সেটা ব্যয়িত হবেই হবে।

অনন্ত জীবনে আরও কত অভিজ্ঞতা হবে, সেই কথাই ভাবি। আরও কত উন্নত ধরণের জীবনযাত্রা, কত অপূর্ণ আনন্দের বাস্তব!

এ রবিবার দিনটাও একটা ট্রামের নারাদিনের টিকিট বন্ধুর ছেলে তরুকে দিয়ে কিনিয়ে আনলুম শিৱালদহ থেকে। এদিন বেরোলুম সকাল নাড়ে ছুটার সময়ে। প্রথমে উপেনবাবুর বাসা। সেখান থেকে গেলাম ভবানীপুর সোমনাথবাবুর বাড়ীতে। খানিকটা গল্পগুজব করার পরে গেলাম প্রমথ চৌধুরীর বাড়ী বালিগঞ্জে। তিনি আমার বইখানা পড়ে খুব খুশী হয়ে আমার সহিত পরিচিত হবার ঐৎসুক্য জানিয়েছিলেন, একথা সোমনাথবাবু আমাকে লেখেন—তাই এ যাওয়া। তিনি নাকি বলেছেন—In Europe, he could have been a celebrity; কিন্তু এখানে কে খাতির করবে?… তারপর আমার বইখানা সম্বন্ধে প্রমথবাবু নানা কথা বললেন—দেখলাম

বইখানি খুব ভাল করে পড়েছেন। দুর্গার সিন্দুর-কোটা চুরি ও সেটা কলসী থেকে বেকনোর উল্লেখটা বার বার করলেন।

সোমনাথবাবু আমাকে এসে পার্কনার্কাসে ট্রামে উঠিয়ে দিয়ে চলে গেলেন—বলেন, আপনার সঙ্গে আলাপ হয়ে একটা ভারী লাভ হলো বলে মনে করছি।

ওখান থেকে এসে গেলাম বের হীরাপুর মেসে—খানিকটা গল্পগুজব করার পরে গেলাম নন্দরাম সেনের গলি ও বাগবাছারে। তারপর হরি ঘোবের স্ট্রীটে কালোদের বাসাতে। ছপুর তখন ছুটো, বাইরের ঘরে বুড়ো ছিল, খিচুও এখানে আছে দেখলাম—খিচু কাছে এসে বসলো, অনেক গল্পগুজব করলে। কালোর ছেলে এনে দেখালে। ঠিক যেন মাঘের পেটের বোনের মত সরল ব্যবহার করলে। ভারী আনন্দ হোলো দেখে। ওরা সবাই এল—সরবৎ করে আনলে খিচু—ভারী ভাল লাগলো।

ওখান থেকে তিনটের সময় বেরিয়ে দক্ষিণাবাবুর বাড়ী, সেখানে অনেকক্ষণ গল্পগুজবের পর জলযোগ হোল। চা-পানের পর সেখান থেকে বাঁ হুঁয়ে নিকটেই মহিম হালদার স্ট্রীটে রবি-বাসরের অধিবেশনে যোগ দিলাম—সেখানে বেলা পাঁচটা থেকে রাত নটা। অনেক রাতে ট্রামে বাসায় ফিরলাম।

আজকাল সেই মধুর দিনগুলি হারিয়ে গেছে—বহুদিন দেশে যাইনি—আজ বিকেলে স্কুলবাড়ীর ছাদ থেকে বহুদূরের দিকে চেয়ে কতকাল আগের কথা মনে হচ্ছিল—মনে হচ্ছিল অনেককাল আগের সেই মাকাল ফল, পটুপটি গাছের সময়টা এই—কত নতুন লতাপাতা গজিয়েচে—ভাঙ্গ ছুপুরের খররৌদ্রে জানালার ধারে বসে সে-নব মধুর জীবন-যাত্রার দিনগুলি—কত সুখচুঃখ-ভরা শৈশবের সে জগতটা!...কোথায় কতদূরে যে চলে গিয়েছে! আজকাল সময় পাই না, স্কুলের পরই পর পর ছুটো ছেলে পড়ানো—একটুখানি ভাববার সময় পাইনে, দেখবার সময় পাইনে, তবু যতটুকু সময় পাই ছুঁতকের স্পায় হাঁ করে যেন আকাশটার দিকে চেয়ে। একটুখানি অপরাহ্নকে স্কুলের তেতলার ছাদটা থেকে দেখি—আবার সেই জীবন-সম্রাট ও মাধবী-কঙ্কনের দিনগুলি আগতপ্রার। এখন বেশে পাটের আঁচ কাচবে, খুব পাকাঠা পড়ে থাকবে। সেই জেলেকা, রংমহাল শিসুমহাল, শিবাজীর দিনগুলি আরম্ভ হবে। এই যে অভাব, না দেখতে পাওয়া,—আমাদের মনে হয় এই ভালো। এতে মনের তেজ খুব বাড়ে, দৃষ্টির intensity আরও বেশী হয় এটা বেশ বুঝি।

একটা কথা এই মাত্র ভাবছিলাম, রামায়ণ মহাভারতের যুগের পূর্বে ভারতের বালকেরা, বৃদ্ধেরা কি ভাবতো—তখন জীবনের ভাব-সম্পদ ছিল নীন—সীতার অশ্রুজল তখন ছিল লোকের অজ্ঞাত, ভীষ্মের সত্যনিষ্ঠা, শ্রীকৃষ্ণের লীলা, এ সব তো জানতো না। বৃদ্ধের কথা বাদ দিলাম, অশোক, চৈতন্য, মোগল বাদশাহগণ, এই সমস্ত Tragic possibility ভবিষ্যতের গর্ভে ছিল নীন—তবে তখনকার লোকে কি ভাবতো, কবিদের, ভাবুকের, গায়কের, চিত্রকরের উপজীব্য ছিল কী ?

আর পাঁচশত বছরের সম্ভাবতার কথা মনে উঠেছে। আরও কত Tragedy-র বিষয়, ভাবুকতার ইতিহাস ধীরে ধীরে গড়ে উঠবে এর মধ্যে। সেটা এখনই গড়ে উঠছে, কিন্তু আমরা তার সমস্তটা এক সঙ্গে দেখতে পাচ্চিনে। এই ইংরাজ চলে যাবে একদিন—এই সব স্বাধীনতা সংগ্রাম, এই গান্ধী, নেহরু, চিত্তরঞ্জন, এই নারী-জাগরণ, কাথির এই অশ্রুতীর্থ—ইতিহাসে এসব কথা নব নব ভাবের জন্মদাত্রী হবে। এসব ঘটনা জাতির মনের মহাক্ষেত্রখানায় অক্ষয় আসনের প্রতিষ্ঠা করবে।

কাল সারা দিনটা বড় ব্যস্ততার মধ্য দিয়ে কাটলো—প্রবাসী আফিসে একটা কাজ ছিল। ঠিক বেলা বারোটার সময় সেখান থেকে বাঁর হয়ে গেলাম প্রেসিডেন্সী কলেজে রবীন্দ্র-পরিষদে। নীহারবাবু বসেন, পথের পাচালীকে আমি তরুণ সাহিত্যের মধ্যে উচ্চ আসন দিই। প্রমথবাবু আবার বইখানির কথা অনেক ছাত্রদের বলছিলেন। প্রভুল গুপ্ত বলে ছেলেটা বঙ্গ-সাহিত্যের বিজয়ী সেনাপতি বলে অভ্যর্থনা করলেন। সোমনাথ বাবু বসেন, আপনি বর্তমান আধুনিকতম সাহিত্যের বড় ঔপন্যাসিক—আপনাকেও কিছু বলতে হবে। খুব আনন্দে কাটল।

ওখান থেকে বাঁর হয়ে যাবার কথা ছিল সাহিত্য-সেবক-সমিতির অধিবেশনে, কিন্তু তা আর যাওয়া সম্ভব হোল না। প্রমথবাবুর সঙ্গে গল্প কর্তেই বেজে গেল নটা। অতুল গুপ্ত উপস্থিত ছিলেন—তিনি আমার বইখানার খুব প্রশংসা করলেন। তিনি আমার শিক্ষক ছিলেন ল' কলেজে। তাঁকে বললাম সে-কথা।

আজ একবার ছুপুরে কাজে গিয়েছিলাম অক্ষয়বাবুদের বাড়ীতে। শীতল

একখানা হাতের লেখা মাসিক পত্র বা'র করচে, তাতে লেখা দিতে বল্চে।  
কাল সে আসবে বেলা তিনটের সময়।

সেখান থেকে পার্ক সার্কাসের ট্রামে ফিরছিলুম—বৈকাল ছাটা। পূব-  
দিকের আকাশ অন্ধকার হয়ে আসচে। শিয়ালদহের কাছটার ট্রামটা এলেই  
আজকাল পূব দিকে চাই। অতদিনও চাই—এমন হয় না—আজ যে কী  
অপূর্ক মনে হোল।...মাকাল ফল, পিসিয়া, পুরানো বঙ্গবাসী, ছপূরের রৌদ্র,  
মাকাল গাছ, দুগু পাখী, বাঁশবন—কত কথা যে এক মুহূর্তে মনে এল! আমি  
এরকম আনন্দ একদিন মাত্র পেয়েছিলাম,—সেদিনটা স্কুলের ছাদ থেকে  
বহুদূরের আকাশটার দিকে চেয়েছিলাম এই সন্ধ্যা ছাটার সময়ে।

তারপরে স্মরি লেনের কাছে নেমে গেলাম রাজকৃষ্ণদের বাড়ী বাব বলে।

আমি শুধু প্রার্থনা করি, আমাকে আগে নিয়ে চল হে ভগবান—যাতে  
সর্বদা মন গতিশীল থাকে। কিসে মন বদ্ধিত হয়, আনন্দ বদ্ধিত হয়, তার  
সন্ধান তোমার জানা আছে, আমাদের নেই—তা ছাড়া আমার শিল্পী মন  
কি করে আরও পরিপুষ্ট হবে তার সন্ধান তুমিই জানো।

তোমার যে দিকে ইচ্ছা সে দিকেই নিয়ে যেও।

অবশেষে গুরিয়া বাওরাই ঠিক করে কালকার বেধে মেলে বা'র হয়ে পড়া  
গেল। দিনটা ছিল খুব ভাল—বৈকালের দিকে ট্রামটা ছাড়ল।...বংশাশেষে  
বাংলার এ অংশটার শামল-শ্রী দেখে দুৰ্ব্বৃত্তে পারলাম বাংলা বাংলা করি  
বটে, কিন্তু দেশের সমগ্র পরিপূর্ণতাকে কখনো উপভোগ করি নি—কী  
অপূর্ক অন্ত-আকাশের রঙীন্ মেঘতৃপ, কী অপরূপ সন্ধ্যার জামছায়া!...  
কোলাঘাটের যে এমন রূপ, তা এর আগে কে ভেবেছিল?—পিছন থেকে  
চেয়ে চেয়ে দেখলাম, দেশের ভিটা সেদিন দেখে এসেছি, তারই কথা মনে  
হোল—সেই ঝিকুরে গাছগুলো সন্ধ্যার ছায়ায় বাল্যের আনন্দ-ভরা এক  
অপরাত্নের ছায়াপাতে মগ্ন হয়ে উঠেচে এতক্ষণ—এই তো পূজার সময়,  
বাবা এতদিন বাড়ী এসেচেন, আমাদের পূজার কাপড় কেনা হবে গিয়েচে  
এতদিন—কোজাগরী পূর্ণিমার রাত্রির উৎসবের সে নব আনন্দ—কি জানি  
কেন এই সব সময়েই তা বেশী করে মনে আসে।

সব সময় এই দেশের ভিটার ছবিটাই মনে উৎসাহ, আনন্দ ও প্রেরণা  
দেয়—এ অতি অদ্ভুত ইতিহাস।

বিলাসপুর নেমে ঝড় বৃষ্টি। এখন একটু রৌদ্র উঠেচে—গাড়ীর মধ্যে বসে বসে লিপ্‌চি—কিন্তু মেঘের ঘোর এখনও কাটে নি।

পরশু বৈকালটী সজনীবাবু, স্ববলবাবু ও গোপালবাবুর সঙ্গে বেশ কেটেচে। প্রথমে রেষ্টুরেটে কিছু খেয়ে মোটরে করে গেলাম লেকে—নেপান থেকে আউট্রাম ঘাট—সেখানে চা-পানের পর বাসা। ডাঃ স্মশীল দের ওখানেও ঘটা। তিন-চার গল্প করে ভারী আনন্দ হোল।

কারগী রোডে পৌছে দেখলাম কিছুই আসে নি, অতি বর্ষণের ফলে বন্যা হওয়াতে রাস্তা ভেঙে গিয়েচে—গন্তব্য স্থানে পৌছতে ছই-তিন দিন লাগবে—আরও একটা সাহেব আমারই মত বিপর হয়ে পড়েচেন—স্বতরাং প্রত্যাवর্জনই যুক্তিযুক্ত মনে হোল। একজন বাঙ্গালী ওভারনিয়ার ছিলেন, তাঁর নাম সত্যরঞ্জন ভট্টাচার্য্য—তিনি সঙ্গে করে তাঁর বাসায় নিয়ে গেলেন—বেশ লোক।—ঝিঞ্জে ও চেরস ভাজা, ডাল ও ভাত।

ওধারকার রাজা মাটির দেওয়াল, বেশ দেখতে। মনে হোল ওরকম বাড়ীতে আমি তো একেবারেই টিকতে পারবো না। সঙ্গে করে দেখালেন, পাশেই জমি কিনেচেন—সেখানে তরকারীর বাগান। একটা গালায় কারখানায় নিয়ে গেলেন—গালা চোলাই হচ্ছে—একটা অপ্রীতিকর গন্ধ। সেখান থেকে এসে খাওয়া-দাওয়ার পরে সামনের পাহাড়টাতে ওঠা গেল। ওপারে আর একটা পাহাড়—মধ্যে ঘন শাল পলাশের বন—মহিষের গলায় একটানা ঘন্টার ধ্বনি শোনা যাচ্ছে। ওখানকার একজন খুষ্টান ডাক্তার জানপায়ার বিবাহ গেল সেদিন, বিবাহ উপলক্ষে অনেকগুলি সাহেব, মেম ও বাঙ্গালী খুষ্টান মেয়ে এসেছিলেন—এই ট্রেণে যাচ্চেন।

বিলাসপুরে গাড়ী পেয়ে গেলাম ঠিক মত—ভিড় খুব বেশী ছিল না। বিলাসপুরের ও রায়গড়ের মধ্যকার আরণ্য ভূভাগের দৃশ্য অতি অপূর্ণ—কিন্তু ছুঃখের বিষয় সন্ধ্যার অন্ধকারে চারিদিকে নাম্বার পরেই অধিকতর অপক্লপ এমন আর এক বনভূমির ভিতর দিয়ে ট্রেন যেতে লাগল, যার তুলনায় পূর্বে যতগুলো দেখেছি সব ছোট হয়ে গেল, তুচ্ছ হয়ে গেল—সেটা হচ্ছে রায়গড় ও ঝারসাগুদার মধ্যে—সে অপক্লপ আরণ্যভূমির বর্ণনা চলে না। দিবাশেষের ঘন ছায়ায় অনতিস্পষ্ট সে দৃশ্যের মত গম্ভীর অস্ত্র কোনো দৃশ্য জীবনে দেখি নি কখনও—চন্দ্রনাথের পাহাড়ও নয়। কি প্রকাণ্ড পাহাড়টাই বরাবর সঙ্গে সঙ্গে একেবারে চক্রধরপুর পর্যন্ত এলো!...মাঝে মাঝে সাদা মেঘগুলো পাহাড়ের



গারে লেগে আসে, যেন কুমারেরা পণ পুড়ুচ্ছে—নীল মেঘের মত পাহাড়টার শোভাই বা কি! লোকে ভেবে দেখে না, মনের সতর্কতা কম, তাই সেদিন নেই লোকটা বলে মশাই এ অঞ্চলে সবই barren...barren কোথায়? তারা কি চক্রবর্তীপুরের পরের এই গম্ভীর-দৃশ্য বনানী দেখে নি?...

আমি মনে মনে বুঝে নিলাম পিছনের ওই নীল পাহাড়টা, মেঘরাজি যার কোলে সন্ধ্যাবেলাতে ছুট্টে ছেলের মত ঘুমিয়ে পড়েছে—ওটা আর রেলের পিছনের মাঠগুলো নিয়ে একটা প্রকাণ্ড ত্রিভুজ তৈরী হয়েছে—দেড়শত দুইশত বর্গ মাইল পরিমাণের এই ত্রিভুজটাও সবটাই বসতিবিহীন, স্থানে স্থানে একেবারে জনহীন অরণ্য, পিছনে বরাবর ওই পাহাড়টা। এই অরণ্যভূমি ও শৈলমালার মধ্য দিয়ে রেলপথটা চলে গিয়েছে। সহসা একটা পাহাড়ের মেঘে ও কুয়ানার ঢাকা শিবরদেশের কি অদৃষ্টপূর্ণ শোভা!... গাড়ীর সবাই বলে—ছাখো, ছাখো—আমার তো জন্ম বিক্ষারিত হোল, চারিদিকের এই অপূর্ণ বনভূমির শোভা দেখে অন্ধকারে পর্কিত-বাহুস্থিত অরণ্যের মধ্যে কোথা থেকে সন্ধ্যা ফোটা শেফালি ফুলের স্বপ্নান শেল্যাম—ট্রেনটাও Rock cutting-টা ভেদ করে ঝড়ের বেগে ছুটেছে—চারিদিকে বহুস্তরিত অন্ধকারে ঢাকা সেই শৈলশ্রৃঙ্খ ও অরণ্য-ভূভাগ—জীবনে এধরনের দৃশ্য কটাই বা দেখেছি!...রাত আটটার এসে বন্ধে মেল ঝারনাগড়াতে দাঁড়াল। এখানে চা ও খাবার খেয়ে নিলাম। সেদিনকার মত উদার-জন্ম সহচর তো আজ সঙ্গে নেই যে খাবার খাওয়াবেন।

ঝারনাগড়া থেকে সন্দলপুরে এক লাইন গিয়েছে। রাত্রে ট্রেনে বেশ ঘুম হোল, সকালে এসে কলকাতার উঠলুম—তুপুরটা ঘুম হোল খুব।

আজ বিজয়া দশমা। কোথায় যাব ভাবছি—বিভূতিদের শুধানেই যাওয়া দাবে এখন।

আজ 'সারাদিনটা হৈ হৈ করে কাটল। সকালে উঠেই সন্ধানীবাবুদের বাড়ী—সেখানে খানিকক্ষণ গল্পগুজবের পর সকলে মিলে বিঃ এনবাবুদের বেলগাছিরার বাগানবাড়ীতে যাওয়া গেল। সেখানে হোল পিকনিক—মাংস সিদ্ধ হতে বাজল তিনটে। Living'ago কাগজখানাতে মেটারলিক-এর নতুন বই 'Life of the Ants' লক্ষ্যে একটা ভারী উপদেশ প্রবন্ধ পড়িলাম—সামনের পাইকপাড়া রাজ্যের বাগানটাতে—আরামের সিদ্ধ ছায়া

বর্ষাশেষের সরস, সবুজ গাছপালার উপর নেমে আসতে, ওধারের তাল-গাছগুলো মেঘশূন্য নীলাকাশের পটভূমিতে ওস্তাদ পটুয়ার হাতে আঁকা ল্যাঙ্কস্কেপের ছবির মত মনোহর হয়ে উঠেছে—কিন্তু আমি এই বৈকালটিকে আমার মনের সঙ্গে কি জানি আজ মোটেই খাপ খাওয়াতে পারচিনে—আমার মনের সুস্বাদু, সুনির্দিষ্ট অপরাহ্নের মালায় আজকার বেলগেছিয়া বাগানের ও সুন্দর অপরাহ্নটা বিস্তৃত শত অপরাহ্ন-মুক্তাবলীর পাশে কেন যে স্থান দিতে পারলাম না, তা জানি না। সেখান থেকে বেরিয়ে গেলাম শাখারিটোলায় রাধাকান্তদের বাড়ী, তারপর দক্ষিণাবাবুদের বাড়ী ভবানীপুরে। দক্ষিণাবাবু বাড়ী নেই। জ্যোৎস্না আদর-অভ্যর্থনা করলে কাছে বসে খাওয়ালে। রাত এগারটার পরে এলেন দক্ষিণাবাবু। গল্প গুজবে হোল রাত আড়াইটা—আজ আবার চক্ৰগ্রহণ, কিন্তু মেঘের জন্মে কিছু দেখা গেল না। সারারাতের মধ্যে চোখের পাতা বুজানো গেল না মশায় ও গরমে—অনেক রাতে দেখি একটু একটু বৃষ্টি পড়তে।

এবার কালী পূজাতে দেশে গিয়ে সত্যাই বড় আনন্দ পেলাম—এত সুন্দর গন্ধ বন-ঝোপ থেকে ওঠে হেমস্তের প্রথমে, এবার খুঁজে খুঁজে দেখলাম গন্ধটা প্রধানত: ওঠে বনমরিচার ফোটা ফুল থেকে ও কেনেকোড়ার ফুল থেকে। এবার আনন্দটা সত্যই অপূর্ণ ধরণের হোল—যা অনেকদিন কলকাতায় থেকে অচুভব করি নি। নৌকার ওপর বসে বসে যেন জীবনটা আর একটা dimension-এ বেড়ে উঠল—ঘন লতাপাতার স্তম্ভে অতীত বহু জীবনের কথা মনে পড়ে—খুকী দ্বিতীয়ার দিন আমার সঙ্গে আবার গেল বারাকপুরে—সেদিন আবার ভ্রাতৃদ্বিতীয়া। জাহ্নবী আমাকে ফোটা দিলে—খুকী দিলে খোকাকে। পরে আমরা দুজনে পাকা রাস্তার ওপরে বেড়ানো বলে বেড়লাম—কিন্তু যাওয়া হয়ে গেল একেবারে বারাকপুরে—গাছপালা প্রকৃতির সঙ্গে একটা ঘনিষ্ঠ যোগ স্থাপন করে যে জীবন—তাই হয় সুখের, পরিপূর্ণ আনন্দের। এ আমি ভাল করে বুঝলাম সেদিন।

কয়দিন এখানে এসেও বেশ আনন্দেই কাটল—উষানেবী এখানে এসেচেন ঢাকা থেকে, তাঁর ওখানে মধ্যে একদিন চা-এর নিমন্ত্রণে গিয়ে অনেকক্ষণ আলাপ করলাম—বেশ মেয়েটি—বেশ শিক্ষা আছে, সাহিত্য বিষয়ে সমঝদার খুব সুন্দর। সুনীতিবাবুর বাটীতে একদিন আমি ও সজনীবাবু গিয়ে—

অনেকগুলো গ্রাক ও শক মূর্তি, অনেক ছবি, আবুরাজোর প্রাচীর গায়ে উৎকীর্ণ কতকগুলো মূর্তির কটো—এই সব দেখে এলাম—প্রবাসী অফিসে আজ্ঞা যা চলচে কদিন, তাও খুব।

কাল জগদ্ধাত্রী পূজা—আমাদের চারিদিন ছুটি আছে, রাতে গেলাম বিভূতিনের বাড়ী, অল্প অল্প বছরের দিনগুলোর কথা মনে পড়ে—আজ কোথাও কিছু নেই—রাত নাটার সময় অক্ষয়বাবু ছোট বৈঠকখানায় রেডিও শুনছেন—অল্প বছর বে সময় আগস্কক ও নিমন্ত্রিতের ভিড়ে সিঁড়ি দিয়া ঠাট্টা সম্ভব হ'ত না, কোথায় সে উৎসব গেল বাড়ীর—যেন দীন হীন, মলিন সব ঘরগুলো, সিঁড়িটা, দালানটা। আমাকে অবশ্য খাওয়ার বিশেষ অছুরোধ করা ছিল—অক্ষয়বাবু ও খগেনবাবু বাইরের নিমন্ত্রণে গেল মেজ খোকাবাবুর বাড়ী। অনেক রাতে আমি, শীতল, বিভূতি একসঙ্গে বসে নিরামিষ ভোজ খেলাম। রাত বায়োটাতে বাসায় ফিৎলাম। শুয়েচি—চারিধার নিস্তর, নির্জন। চাঁদটা পশ্চিম আকাশে নিস্তর হয়ে ঢলে পড়েচে—নক্ষত্রগুলো পরিষ্কার ও উজ্জ্বল হয়েছে 'অপরাজিতের' অপূর বহুজীবনের গোড়াটা লিখ'চি—তাই বসে বসে ভেবে এই বিচিত্র জীবনদারার কথা মনে হোল—ভারী আনন্দ পেলাম।

আজ জগদ্ধাত্রী পূজার সকালবেলাটী; মনে পড়ে অনেক বছর আগে এই ঘরেই বসে বসে হাড়ির ছোট গল্প পড়তুম এইখানে। আজও সেই ঘরটা তেমনি নিস্তর, নিশ্চল। কিন্তু পরিবর্তনও কি কম হয়েছে! তখনকার বিভূতি কত বড় হয়ে গিয়েচে—তখনকার সবাই কে কোথায় চলে গিয়েচে।

আগামী রবিবারে স্মৃতিবাবু, অশোকবাবু, আমি ও সজনীবাবু চারিভনে মোটরে 'পথের পাচালী'র বেশ দেখতে যাওয়ার কথা আছে বৈকালের দিকে। দেখি কি হয়।

এইমাত্র মহেন্দ্রচন্দ্র রায় তাঁর নব প্রকাশিত 'কিশলয়' বইখানা পাঠিয়েছেন, দেখলাম। খুব ভাল লাগল বইটী।

আজকার দিনটী বেশ ভাল কাটল। সকালের দিকে খুব মেঘ ছিল, কিন্তু দুপুরের পরে খুব রোজ উঠল—তখন বেরিয়ে পড়া গেল—প্রবাসী অফিসে গিয়ে দেখি অশোকবাবু ও সজনী দাস বসে। চা পানের পরই

সজনীবাবু গিয়ে গাড়ী করে স্থনীতিবাবুকে উঠিয়ে নিয়ে এল—পরে আমরা রওনা হলাম আমাদের গ্রামে। সজনীবাবু, অশোকবাবু, স্থনীতিবাবু আর আমি। যশোর রোডে এসে ব্যাটারির তারটা হঠাৎ জ্বলে উঠে একটা অগ্নিকাণ্ড হোত, কিন্তু স্থনীতিবাবুর কঁজোর জল দিয়ে সেটাকে থামানো গেল।

তারপরই খুব জোরে মোটর ছুটল—পথে মাঝে মাঝে রোদ, মাঝে মাঝে ছায়া—রোদই বেশি। আজ রবিবার, সাহেবরা কলকাতা থেকে বেড়াতে বেরিয়ে এক এক গাছতলায় মোটর রেখে ছায়ায় শুয়ে আছে।

তারপর পৌছে গেলাম জোড়া-বটতলায়। ওখানেই মোটরখানা বৈল, কারণ দিনকয়েক আগে আমাদের গ্রামের দিকে খুব ঝুঁটি হয়েছিল, পথে এখনও একটু একটু কাশ। নেমে কাঁচাপথটা বেয়ে বরাবর চল্লম, স্থনীতিবাবু কাঁচা কোসো কুল ও নেয়াকুল খেতে খেতে চল্লেন, অশোকবাবুর ছড়ি কাঁচুবার কথা বলতেই সজনীবাবু চটি ফেলে ছুটল গাড়ীতে ছুরী আনতে। গ্রামে ঢুকবার আগে এ-ফুলের ও-ফুলের নাম সব বলে দিলাম—কাঁঠাল-তলায় হেলা শুঁড়িতে গিয়ে সবাই বসল। তারপরে নইনার বাড়ী গিয়ে কিছু মুড়ির ব্যবস্থা করে একটা আসন পেতে সবাইকে বসালাম। সেখানে খাওয়া ও গল্পগুজবের পরে আমাদের পোড়ো ভিটেটা দেখে রান্নাঘরের পোতা দিবে সবাই নেমে ঘন ছায়ায় ছায়ায় এলাম নলুতেখালি আমগাছের তলায়—নেই ময়না-কাঁটা গাছ থেকে ছড়ি কেটে নিলে অশোকবাবু ও সজনীবাবু—পরে তেঁতুলতলীর তলার বনের মধ্যে দেখা গেল একটা খুব বড় ও ভাল ময়না-কাঁটা গাছ—সেখান থেকে আর একটা ছড়ি কাটা হোল। তারপর প্রায় বেলা গেল দেখে আমি খুব তাড়াতাড়ি করলাম—ওদের বন থেকে টেনে বা'র করে নিয়ে গেলুম কুঠীটায়। ছেলেবেলায় গ্রামের জামাইদের ভেঁকে নিয়ে কুঠী দেখাতুম। তারপর সে কাঁজটা অনেকদিন বন্ধ ছিল—বহুকাল বন্ধ ছিল। শেষে কাকে নিয়ে গিয়েছিলাম, তা তো মনে হয় না—বহুকাল পরে বাল্যের সে কুঠী দেখানো পুনরাবৃত্তিটা কল্পম। তখন কুঠীটা আমার কাছে খুব গরম ও বিষ্ময়ের বস্তু ছিল—তাই যে কেউ নতুন লোক আনতো, তাকেই নিয়ে ছুঁতাম কুঠী দেখাতে। আজ বহুদিন পরে সজনীবাবু, স্থনীতিবাবু ও অশোকবাবুকে নিয়ে গেলাম সেখানে। কুঠীতে কিছু নেই। আজকাল এত জ্বল হয়ে পড়েচে যে আমি নিজেই প্রথমটা ঠিক কর্তে পাছম না কুঠীটা কোন জায়গায়।

তারপর মাঠ দিয়ে খানিকটা ছুটতে ছুটতে গেলাম। রাস্তার পরে কাঁচিকটার পুলে—এই কাঙ্ক্ষিকমাসেও একটা গাছে একবার সৌন্দালি ফুল দেখে বিস্মিত হলাম। সেইখানে কোপটা কি অন্ধকারই হয়েছে। সুনীতি বাবু চেয়ে চেয়ে দেখলেন—সবাইকে ডেকে দেখালেন—আমার বেশ মনে হচ্ছিল আমার পরিচিত সলুতেখালি তলায় যেখানে আমিই আজকাল কম বাই—সেখানে—আমাদের ভিটেতে—সম্পূর্ণ কলকাতার মাহুধ সুনীতিবাবু, অশোকবাবু, এ বেন কেমন অদ্ভুত লাগছিল। আমাদের কুঠীর মাঠে, আমাদের সেইমার বাড়ীর রোয়াকে !

সন্ধ্যা হোলে হেঁচুনঃলাব পথটা দিয়ে সবাই মিলে আবার ফিরলাম—ময়না-কাঁটার ভালগুলো ওখান থেকে আবার নিলাম উঠিয়ে—সইমার বাড়ী এসে দেখি হরেন এসে বসে আছে। সেইমার সঙ্গে সুনীতিবাবুর খানিকক্ষণ কথাবার্তা হোল—পরে আমরা বার হয়ে দ্বিরাশ-দার বাড়ী এসে চা খেলাম—তখনই ওদের রান্নাঘরের পৈঠাতে জ্যোৎস্না উঠে গিয়েচে।

তারপরে গাজিতলার পথ দিয়ে হেঁটে মোটর ধরলুম—গোপালনগরের হাট কেঁর্তে লোক বসে আছে মোটর দেখবার জন্যে। খানকতক জ্বাও উইচ্ ও ভালমুট কিছু খেয়ে নেওয়া হোল—কুপোর জল খেয়েটেরে গাড়ী ষ্টার্ট দেওয়া হোল।

বন্ধুর বাসায় এসে দেখি টক বেচারীর চৌদ্দ পনের দিন জ্বর—বিছানায় শুয়ে আছে, বন্ধু ফোড়ায় শয্যাগত—বন্ধুর বৌ এসেচে, কিন্তু সে বেচারীর দুর্দশার সীমা নেই। সেখানে কিছু চা ও খাবার খাওয়ার পরে আমরা সুন্দর জ্যোৎস্নাভরা রাত্রে মাঠের ভিতর দিয়ে রাস্তার সজোরে গাড়ী চালিয়ে রাত্রি সাড়ে নটাতে কলকাতার বাসায় এসে পৌছলাম। তখনও বাসায় খাওয়া আরম্ভ হয় নি—ঠাকুর তখনও রুটী গড়ছে। আমি এসে টেবিল পেতে লিখতে বসে গেলাম, আর ভাবছিলাম এই খানিক আগে যখন সন্ধ্যার অন্ধকার ঘন হোল তখন ছিলুম আমাদের বাড়ীর পিছনকার গাবতলার পথে—এরই মধ্যে কলকাতার বাসায় ফিরে এত সকাল-রাত্রে বারান্দার আলো জ্বলে বসে লিখছি, এ কেমন হোল ?...

যদি মোটর না থাকতো তবে কখন পৌছতাম ?...সন্ধ্যার পরে বেরিয়ে সন্ধ্যার গাড়ী ধরে, বা বনগ্রাম থেকে ট্রেন ধরে, রাত্রি বারোটাতো কলকাতা পৌছতাম।

আমি সত্যই আজ একটা আনন্দ পেলুম। একটা অদ্ভুত—ও সুন্দর ধরণের আনন্দ পেলুম। ঠাণ্ডা গিয়েছিলেন ‘পথের পাচালী’র দেশ দেখতে—আমি আমার পরিচিত ও প্রিয় স্থানগুলিতে কলকাতার এই প্রিয় বন্ধুদের নিয়ে বেড়িয়ে আজ সত্যই একটা নতুন ধরণের আনন্দ পেলুম—যা আর কখনো কোনো trip-এ পাই নি।

ইচ্ছা আছে বৈশাখ মাসের দিকে একবার এদিকে এসে, ওঁদের নিয়ে ইচ্ছামতীতে নৌকা ভ্রমণ ও কোনো একটা বনের ধারে বনভোজন করা হবে—স্বনীতিবাবুও সে প্রস্তাব করেন—সবাই তাতে রাজী।

কাল দুপুরে নিজেদের বাবুর ঠাকুর-বাড়ীতে ছিল নিমন্ত্রণ, সেখানে সকলের সঙ্গে গল্পগুজবে বেলা হোল তিনটা, সেখান থেকে গেলুম ‘গৈরিক পতাকা’ দেখতে মনমোহনে।

এ গেল কালকার কথা—কিন্তু আজ এমন অপূর্ণ আনন্দ পেয়েছি বৈকালের দিকে যে, মনে হচ্ছে জীবনে ক—ত দিন এ রকম অদ্ভুত ধরণের বিষাদের ও উদ্বেজনার আনন্দ হয় নি আমার।

কিসে থেকে তা এল? অতি সামান্য কারণ থেকে। ক্লাসে—দেবব্রত নাকি ছোট একটা খড়ি নিয়ে পকেটে রেখেছে, ক্লাসের মনিটার তার হাত মুচড়ে সেটা নিয়েচে কেড়ে। দেবব্রত এসে আমার চেয়ারের পাশে দাঁড়িয়ে কৈদে ফেললে; বলল, দেখুন স্যার, ওরা এত বড় বড় খড়ি নিয়ে যায় বাড়ীতে—আর আমি এইটুকু নিলাম—আমার হাত মুচড়ে ও কেড়ে নিলে?...হাতে এমন লেগেচে!

ছোট ছেলের এ কারা মনে বাজল। তখনি অবশি মনিটারকে বকে খড়িটুকু দেবব্রতকে ফেরৎ দেওয়ালাম, কিন্তু ছুঁখটা আমার মনে রয়েই গেল।

সে কি অনস্বভূত ছুঁখ ও বেদনা বোধ!...দুপুরের বোধে ছাদে বেড়াতে বেড়াতে মনে হোল ভগবান আমাকে এক অপূর্ণ ভাব-জীবনের উত্থান-পতনের মধ্যে দিয়ে নিয়ে যেতে চান বৃষ্টি—তিনিই হাত ধরে আমাকে নিয়ে চলেছেন কোথায়,—তার কোন উদ্দেশ্য সাধনের জন্ত, তিনিই জানেন—অনন্ত জীবনের কতটুকু আমাদের শাস্ত-দৃষ্টির নাগালে ধরা দেয়? মনে হোল বহুকাল আগে শৈশবে হরি ঠাকুরদাদা সন্ধ্যাবেলা আমাদের বাড়ীর দরজা থেকে চাল চেয়ে না পেয়ে মলিন মুখে ফিরে গিয়েছেন—

সেই দিনটাকেই আমার এই ভাব-জীবনের বোধহয় আরম্ভ। তারও আগে মনে আছে—মা যেদিন অতি শৈশবে ছোলা ও মুড়ি খেতে দিয়ে দিদিয়ার কাছে তিরস্কৃত হয়েছিলেন—তার গুরু এসেছিল, তিনি যে আমাদের জগে গুরুর পাতের মাছের ঝোল ও রুটি তুলে রেখে দিয়েছিলেন, মা তার খবর না জেনেই আমায় দিয়েছিলেন মুড়ি ও ছোলা ভাজা।—সেই ঘটনা থেকে মায়ের উপর এক অদ্ভুত স্নেহ ও বেদনা-বোধ—তার পরে জাহ্নবীর আমজুরানো, পিসিয়ার শত দুঃখ, কামিনী পিসির কষ্ট, সেই যাত্রার দলের গান শেষ হওয়ার দিনগুলো—কত কি—কত কি; তার পরে বিতুতির কত কষ্ট! আজ আবার দেবব্রতের কষ্ট—আমার সমগ্র ভাব-জীবনের সমষ্টি এই সব দুঃখ ও বেদনা, অবশ্য হয় তো অনেক দুঃখ বাস্তব, অনেকটা কাল্পনিক—কিন্তু আমার মনে তাদের স্তম্ভ বেদনাগুহৃতি আদৌ কাল্পনিক নয়—তাদের সার্থকতা সেইখানেই।

হাক। তারপর স্কুলে এক অদ্ভুত ব্যাপার হোল। সন্ধ্যা হয়ে গেল, আমি ছাদে নীরব সন্ধ্যা আকাশের তলে প্রতিদিনের মত পাড়চারী কণ্ঠে লাগলাম—মনে এক অতীন্দ্রিয় আনন্দবোধ, সে আনন্দের তুলনা হয় না—ভেবে দেখলাম এই আনন্দেই জীবনের সার্থকতা। কিসে থেকে তা আসে? সে কথা বিচারে কোনো সার্থকতা নেই আদৌ,—আনন্দ যে এসেচে, সেইটাই বড় কথা ও পরম সত্য। অনেক দিন পরে এ লেখা পড়ে আমারই মনের নিরানন্দ ও ভাবশূন্য মুহূর্তে আমার মনে হতে পারে যে, এ দিনের আনন্দ একেবারেই অবাস্তব ও মনকে চোপ-ঠারা গোছের হয় তো—নিরানন্দের দিনে এ কথা মনে হওয়া সম্পূর্ণ স্বাভাবিক বটে, কিন্তু এই খাতায় কালীর আঁচড়ে তা জানিয়ে দিতে চাই যে তা নয়, তা নয়। এ আনন্দ অপূর্ণ অননুভূত, অতীন্দ্রিয়, মহনীয়!...এ ধরণের গভীর বেদনামিশ্রিত ভাবোপনয়নিক জীবনে খুব কম করেচি। করেচি হয় তো সে দিন মালিপাড়ায় মাজু খাতুনের উপর পুলিশের অত্যাচার করার কথাটা খবরের কাগজে পড়বার দিনটা—তারপর অনেক দিন হয় নি।

সন্ধ্যার নিস্তরু ও ধূসর আকাশের বহুদূর প্রান্তের আমাদের ভিটাটার কথা মনে হোল একবার—বেশ দেখতে পেলাম সেখানে ঘন ছায়া পড়ে এসেচে—বনে সুগন্ধ উঠেচে হেমন্তের দিনে—সেই ভিটা থেকে একদিন পথে, ঘাটে, বৈকালের ছায়ায়, দুপুরের রোদে যে আনন্দ-জীবনের স্তম্ভ, আমি

এই জেবে মুক্ত হই, তা এখনও অটুট, অক্ষুন্ন রয়েছে—আরও পরিপূর্ণভাবে দেশে বিদেশে তার গতি নিত্য নবতর পথে ।

আকাশের দিকে চাইলাম—মাথার উপর ধূসর আকাশে একটি নক্ষত্র মিট মিট করচে। সঙ্গে সঙ্গে কালকার স্থিষ্টিটারে শোনা গানটা গাইলাম, ‘জনতার মাঝে জনগন পতি, বক্ষের মাঝে দৃষ্ট মন’। দেবব্রতের মত ক্ষুদ্র ও সূদর্শন এক দেবশিশুর ছবি মনে উঠল ঐ ছবি বিশ্বের অজানা,—অচেনা পারিপার্শ্বিক অবস্থার মধ্যে সে বালক তার অপূর্ণ শৈশব যাপন করচে আনন্দে, সহাস্ত কলরব, দায়িত্বহীন কৌতুকের উচ্ছ্বাসে। তারপরে তার জীবনের সে সব বহুবর্ষব্যাপী বিরাট কর্মযজ্ঞ, সে গভীর বেদনাপূর্ণ ট্রাজেডি—কত যুগব্যাপী দুঃখ স্বপ্নের স্তম্ভ—পৃথিবীর মালুমেরা যে কোনো দিন ধারণাই কর্তে পারে না। উঃ, সে কি অদ্ভুত অল্পভূতিই হোল যখন এ ছবি আমার মনে উঠল।

আজ বুঝলাম এই অল্পভূতিই আসল জীবন। আমি নিরানন্দ দিন-গুলিতে দেখেছি মন কিছুতেই আনন্দ পেতে চায় না—টেনে টেনে কত করে কত নক্ষত্র জগৎ, এ, ও নানা ব্যাপারের মধ্যে দিয়ে জোর করে আনন্দ আনতে হয়, তা যাও বা একটু আধটুকু আনে—তাতেই তখন মনে হয়, না জানি কত বড় অল্পভূতিই বুঝি বা হোল। কিন্তু আসল ও সত্যিকার আনন্দের মুহূর্ত্তে বোঝা যায় সে অল্পভূতি ছিল অগভীর, মেকি, টেনে-বুনে—আনা। আসল আনন্দকে জোর করে, মনকে বুঝিয়ে, তর্ক করে আনতে হয় না তা আজ বুঝেছি—সে সহজ—অর্থাৎ spontaneous.

আর ও অল্পভূতি যার জীবনে না হয়েছে—অর্থের মানের, যশের প্রাচুর্যে তার দীনতা ঘোচাতে পারে না।

‘অপরাজিত’ উপন্যাসের বন-ভ্রমণ লিপ্চি আজ।

কাল স্থল কমিটির নিটিং-এ ওরা স্ববোধবাবুকে নোটিস্ দিলে—আমি আগে জানলে হোতে দিতাম না—আমায় আগে ওরা জানায়ও নি,—যদিও সাহেবের কোনো দোষ ছিল না, সাহেব আমাকে জানাবার কথা বলেছিল স্বরেশবাবুকে। শেষকালে চেষ্টা করেও কিছু করা গেল না—বেচারীকে যেতেই হোল। এই বেকার-সমস্তার দিনে একজন Young man-এর চাকুরী এভাবে নেওড়া বড় খারাপ কাজ, মনে বড় কষ্ট হোল—স্ববোধবাবু মুখটা চুপ করে বসলো কাল রাতে, কি করি আমার তো আর কোনো হাতই নেই!



স্নানার্থে বিধায় আজ পয়লা অগ্রহায়ণ, কিন্তু এত গরম যে সকালে কার্তিক পূজার ছুটির দিনটা বলে রমা-প্রসন্নর ওখানে বেড়াতে গেলাম। সেখানে সুরেশ বাবুর আগ্রা ভ্রমণের গল্প শুনে ফিরে এসে, বেলা আটটার সময় এত গরম বোধ কর্তে লাগলাম যে তাড়াতাড়ি নাইতে গেলাম—এবং মনে খুব আনন্দ হোল, আরাম পেলুম—বালুতির পর বালুতি ঠাণ্ডা জল মাথায় দিতে লাগলাম—এত গরম!

এ সময়ে এত গরম আর কখনো কল্কাতায় দেখেছি বলে তো মনে হয় না।

অনেক দিন লিখি নি—বাজে জিনিস না লেখাই ভালো, অন্ততঃ এ খাতায়। আজ দুপুরটাতে কৃষ্ণধনবাবুর সঙ্গে বেরিয়েছিলাম, কবিশেখর কালিদাস রায় ও দক্ষিণাবাবুর বাড়ী—সেখান থেকে এসে বারান্দাতে বসে ছিলাম, হঠাৎ মনে হোল একবার নিউ মার্কেটে গিয়ে Wide World Magazine দেখে আসি।

ভীমদেবের বাড়ীতে গেলাম, ওরা আজ নতুন খাতা কর্তে বেরিয়েচে। মোড়ের মাথায় টাটি একটা মুদীর দোকানে দাঁড়িয়ে হাল খাতা করচে—তাকে ডেকে আদর করে ভারী আনন্দ পেলাম—তারপর নিউ মার্কেট যুরে এই মাত্র ফিরে আসি। বেজায় গরম পড়েচে আজ কল্কাতায়।

জীবনের সৌন্দর্যের কথাই শুধু আজ ক'দিন ধরে ভাবছি। কি জানি কেন শুধুই মনে পড়েছে ছেলেবেলায় যে টুকু এঁচড়ের চকুড়ী ও টুকু কলায়ের ভাল দিয়ে ভাত খেতুম রাধাঘরের দাওয়ায় বসে—সেই কথা। সেই মুচুকুন্দ চাঁপার গন্ধের কথা। জীবনটার কথা ভাবলেই আনন্দে মুগ্ধ হতে হয়। এত বিচিত্র অশুভুতি, এত পরিবর্তন, এত রস, এত যাওয়া-আসা—ভেবে অবাক হয়ে যাই।

সঙ্গে সঙ্গে এই মাত্র ক্যাশেল স্কুলটার সামনে যেতে যেতে মনে হোল, মাছের অনন্তের সন্তান—একথা মিথ্যা নয়, কে বলে মিথ্যা!...সমগ্র নক্ষত্র জগতের জীবন—জরাহীন, মৃত্যুহীন, অপরাঙ্ক জীবন-ধারা তার নিজস্ব। সকল নক্ষত্রের পাশের দেশে—ওই যে নক্ষত্রটা আমার বারান্দার ওপর মিটিমিটি জ্বলে—ওদের চারিপাশে, আমাদের মত গ্রহরাজি আছে হয় তো—তাতেও জীব আছে, অল্প বিবর্তনের প্রাণী হোলেও তাদেরও স্বপ্ন-দুঃখ, শিল্প, অশুভুতি, মৃত্যু, প্রেম সবই আছে—দূরের নীহারিকা, Globular

Cluster-দের জগৎ, সে সব তো আলাদা বিশ্ব, তাতে তো অপূর্ণ জগ্জাত সব জীবন-ধারা—আমার জীবনও তো, কত দূর পথ চেয়ে কত অনন্ত সৌন্দর্য্যস্তম্ভের মধ্যে দিয়ে কাটবে তা কে জানে ?...

এই বড় জীবনটা আমার...

মানুষের মনে এই জ্ঞানটা শুধু পৌঁছে দিতে হবে যে, সে ছোট নয়, সে বড়, সে অনন্ত। যদি যুগে যুগে আদি যাই তা হোলেও ত ওরকম কত কালবৈশাখী, কত মুচুকুন্দ চাঁপার গন্ধ, কত টুক্ কলায়ের ডাল আমার হবে।

কিন্তু প্রকৃতির নিরাবরণ মুক্ত রূপের স্পর্শে এই অমুভূতি খোলে। স্থপ্ত আত্মা জাগ্রত হয় চৈত্র দুপুরের অলস নিম ফুলের গন্ধে, জ্যোৎস্না-ভরা-মাঠে, আকন্দ ফুলের বনে, পাখীর বেলা-যাওয়া উদাস গানে, মাঠের দূর পারে সূর্য্যাস্তের ছবিতে, বরা পাতার রাশির নোঁদা সোঁদা শুকনা শুকনা স্ববাসে। প্রকৃতি তাই আমার বড় বিশলাকরণী—মৃত, মুচ্ছিত চেতনাকে জাগ্রত কর্তে অত বড় ঔষধ আর নাই।

আইনষ্টাইন বলেচেন—বিস্মিত হবার ক্ষমতা একটা বড় ক্ষমতা; যে কোনো কিছু দেখে বিস্মিত হয় না, মুগ্ধ হয় না, সে মৃত সে বেঁচে নেই। জ্ঞানীদের দেশের কেউ এ কথা বুঝবেন কি ?

এই জগ্জেই অল্প বয়সে আমাদের দেশে জীবনের ব্যবসায় দেউলে হয়ে পড়ে—নতুন বিশ্বয়, নতুন অমুভূতি হয় না, নবতর জীবনের পথ চিরগুপ্ত রয়ে যায় তাদের কাছে—মানুষ দমে যায় জানি—কিছুকাল তার মনে সব শক্তি হয় তো ক্ষীণতর হতে পারে মানি—কিন্তু জীবন্ত যে মানুষ, সে আবার জেগে উঠবে, সে আবার নবতর বংশীধ্বনি শুনবে—নব জীবনের সন্ধান পাবে। অপরাজিত প্রাণ-ধারার কোন্ অদৃশ্য উৎসমুখ তার আবার খুলে যাবে, বিজয় ও বিমৃত্য-আনন্দ তার চিরশ্রামল মনে আবার আনন পাতবে। বিহার অঞ্চলে দেখেচি শীতের শেষে বনে আগুন দেয়, নব ঘাস একেবারে পুড়িয়ে কেলে—কি জগ্জে ? যাই জৈষ্ঠের রৌদ্র পড়বে—ওই দক্ষ ঝোপ-ঝাপের গোড়া থেকে আবার নবীন, শ্রামল, স্বকুমার তৃণরাজি উচ্ছ্বসিত প্রাণ-প্রাচুর্য্যে বেড়ে উঠতে থাকবে—হু হু করে বাড়ে, পনেরো দিনের মধ্যে সারা কালো গোটা ঘাসের বন ঘন স্তম্ভীর ধরে—এই তো জীবন, এই তো অমরতা।

তাই ভাবি মাস, বছর ধরে মানুষের বয়স টিক করা কত ভুল। ১৩৩৮ সাল পড়ে গেল আজ, আমার বয়স এক বৎসর বেড়ে গেল বটে হিসেব

মত—কিন্তু আমি কি দশ বৎসর কিম্বা পনেরো বছর আগেকার সেই বালক  
নেই অল্পবিস্তর ?...

সেদিন গেছলাম রাজপুরে অনেক কাল পরে। বিহ্বর সঙ্গে দেখা হোল।  
আবার পুরোনো পুকুরের পথটা ধরে ইটলাম—বাঁশগুলো নীচু হয়ে পড়ে  
আছে—চড়কের সন্ন্যাসীর দল বাড়ী বাড়ী বেড়িয়ে বেড়াচ্ছে। ছুটোর ট্রেনে  
ফিরে এসে নাড়ে পাঁচটায় স্কুলের মিটিং কল্লুম। রনিককে আজ  
তাড়ানো হোল।

পথে কোন জায়গায় ফুটন্ত মালতীলতার ফুলের গন্ধ, জারমলীন আফিসের  
কাছে—গোয়াড়ী-কৃষ্ণনগরের স্মৃতিটা হঠাৎ মনে পড়ল।

সেদিন বন্ধু বলছিল—বাঁকি-করিমালি। পরিচিত নাম, বাবার মুখে  
ছেলেবেলার শুনেছিলাম কবে—ভুলে গেছলাম, যুগান্ত পরে যেন কথাটা  
আবার শুনলাম বলে মনে হোল।

অনেকদিন পরে আজ রবিবারটি বেশ কাটলো। শীঘ্রই গরমের ছুটি  
হবে, কাল রাত্রে বাইরের বারান্দায় রুটি পড়াতে বিছানা টানটানি করে  
ভাল ঘুম হয় নি, উঠতে একটু বেলা হয়ে গেল। হাতমুখ ধুয়ে কলেজ  
স্কোয়ারের দোকানটাতে খাবার খেতে গেলুম—ওরা বেশ হালুয়া করে।  
তারপর গোলদীঘির মধ্যে বসে কামাতে লাগলুম একটা নাপিতের কাছে।  
ওদিকে অনেকগুলি গাছ, একটা গাছে সোঁদালি ফুল ফুটেচে—এমন একটা  
অপরূপ আনন্দ ও উত্তেজনা এল মনে ফুটন্ত ফুলেভরা গাছটা দেখে—মনে  
হোল আর বেশী দেরি নেই, এক সপ্তাহ পরে ঐ রকম ফুলেভরা বন-মাঠে  
গিয়ে ‘অপরাজিত’-র শেষ অধ্যায়টা লিখবো—সত্যি জীবনে দেখেছি  
ভবিষ্যতের ভাবনায় সবসময়ই এত আনন্দ পাই! ফিরে এসে অনেকক্ষণ  
বই লিখলুম। দুপুরে একটু ঘুমবার চেষ্টা করা গেল—ঘুম আসে হোল  
না। বেলা আড়াইটার সময় দরজায় শব্দ শুনে খুলে দেখি নীরদবাবু।  
তাঁর গাড়ী নীচেই দাঁড়িয়েছিল—দু’জনে উঠে একেবারে দম্‌দমায় স্থলীলবাবুর  
বাগানে। সত্যি, ওদের সাহচর্য্য এত সুন্দর লাগে আমার—সত্যিকার  
প্রাণবন্ত সজীব মন ওদের। সেখানে বাইরের মাঠে চেয়ার পেতে বসে নানা  
বিষয়ের আলোচনা হোল—চা-পান সমাপন হোল। শান্তিনিকেতন থেকে  
অমিয় চক্রবর্তী ‘পথের পাচালী’ সম্বন্ধে লিখেছেন, ‘বই পড়ে গ্রামখানি

দেখতে ইচ্ছা হ'ল—আর লিখেচেন, 'শিল্পীর সৃষ্ট গ্রামখানি শাখতকালের, জানিনা ভৌগোলিক গ্রামখানা কি রকম দেখবো।'

ছ'টার সময় নীরদবাবুর গাড়ী করে ফিরলুম—কারণ রবিবারের ছিল প্রেমোৎপলবাবুর বাড়ীতে। আজ খুব মেঘ করেছে, দম্‌দমা থেকে আসতে মেঘাঙ্ককার পূব-আকাশের দিকে চেয়ে আমার পুরানো ভিটা ও বাঁশবনের কথা, মায়ের কড়াখানার কথা ভাবছিলুম—কি অদ্ভুত প্রেরণাই দিয়েচে এরা জীবনে—সত্যি!...নীরদবাবুও গাড়ীতে বসেন, কড়াখানার দৃশ্য তাঁকে সেনদিন একটা অদ্ভুত উত্তেজনা ও অহুভূতি এনে দিয়েছিলমনে—গত রবিবারে সেনদিন যখন গুঁরা ওখানে গিয়েছিলেন। তারপর এলুম রবিবারে, ওখানে তখন প্রবন্ধ পাঠ শেষ হয়ে গিয়েচে—তরমুজের আইস্-ক্রিম ও খাবার খুব খাওয়া গেল। অতুলবাবুর কাছে একটা Spiritual Circle-এর ঠিকানা নিলুম। নীরদ আমার সঙ্গে কথা বলতে বলতে আমহাষ্ট স্ট্রীটের মোড় পর্য্যন্ত এল—অশোকবাবু ও সজ্জনীবাবুদের সম্বন্ধে নানা কথা। স্বধাংসুবাবুর সঙ্গে দেখা হোল, তিনি যাচ্ছেন স্ববোধবাবুর পিতৃ-শ্রাদ্ধের নিমন্ত্রণে। বাড়ী চলে এলুম।

আজ ভাব্‌চি, গ্রাম সম্বন্ধে একটা সত্যিকার ভালবাসা ও টান ছিল শৈশব থেকে আমার মনে। কি চোখেই দেখেছিলুম বারাকপুরটাকে—যখন প্রথম মামার বাড়ী থেকে অনেককাল পরে দেশে ফিরি, পিসিমা ওইদিকের বাঁশ-বাগান দিয়ে আসেন। কাল তাই যখন শাখারীটোলার দখল-করা বাড়ীটার নামনে পুরানো জমিদারী কাগজের মধ্যে ১৩১০ সালের একখানা পুরানো চিঠি কুড়িয়ে পেলাম, তখনি মনে হোল,—আচ্ছা এমনি দিনে দশ বৎসরের ক্ষুদ্র বালক আমি কি করছিলাম! মনে একটা thrill হলো, একটু নেশামত যেন! ...কোনো সত্যিকার জিনিস মিথ্যে হয় না—সেই বেচু চাটুয্যের স্ট্রীটের মধ্যে দিয়ে আজ ছুপুরে নীরদবাবুর গাড়ী করে গেলাম, যে বেচু চাটুয্যের স্ট্রীটের বাড়ীতে একদিন কত কষ্টে কালযাপন করেচি!...ওখানেই কষ্ট পেয়েচি, ওখানেই ভগবান স্বখ দিলেন। সত্যিকার অহুভূতি অমর, তা বৃথা যায় না—আমার শৈশব-মনের সে জীবন্ত, প্রাণবান্ ভালবাসা গ্রামের প্রতিটি বাঁশের-ধোলা ও গাবগাছটাকে অতি নিকট আপনার জন বলে ভাব্‌বার অহুভূতি ছিল সত্যিকার জিনিস—তাই আজ বহু সময়দার মনে, সে অহুভূতিটুকু সফার কর্তে কৃতকার্য হয়েচি। সাহিত্য-সৃষ্টি মেকী জিনিস নয়, তার পিছনে যখন সত্যিকার প্রেরণা না থাকে, একটা বড় অহুভূতি বা দৃষ্টি বা ভালবাসা না

থাকে—সেটা কখনোই বড় সাহিত্য হয়ে উঠতে পারে না—খুব কলাকৌশল হয়তো দেখানো চলতে পারে, খুব cleverness-এর পায়তারা ভাঁজা যেতে পারে হয়তো, কিন্তু তা সত্যিকার বড় জিনিস হয়ে উঠতে পারে না কোনো কালেও।

চারিধারে মেঘাকার আকাশের কি শোভাটা আজ রাত্রে।...ঠাণ্ডা হাওয়া দিচ্ছে—আমার বহু বাল্যদিনের অল্পভূতি মনে আস্চে—I am relieving my childhood days—কোন দিনটার কথা মনে আস্চে আজ ? ...যেদিন বাবার সঙ্গে তম্বরেজ ও আমি দক্ষিণ মাঠের চাটুযোদের জমি মাপতে যাই, প্রথম দক্ষিণ মাঠ দেখলাম—কত কুশবন, খোলা মাঠ, আকন্দ গাছ, সেই একদিন আর যেদিন আতরালি কালীদের গরুর লেজ কেটে দিয়েছিল, চণ্ডীমণ্ডপে তার বিচার হোল—এই ছ'টি দিন।

আজ দুপুরে হরিনাভি স্কুলের ছাত্ররা এসেছিল। একখানা বই দিলাম, নিয়ে গেল।

এইমাত্র ভয়ানক ছ'ঘণ্টাব্যাপী ঝড়-বৃষ্টি হয়ে গেল—এ বছরে এই প্রথম বৃষ্টি—সামনের রাত্তায় এক হাঁটু জল জমেচে—একটা পাগল কি চীৎকার করে বলতে বলতে যাচ্ছে।

এখনও একটু একটু বৃষ্টি হচ্ছে—আর জোর বিদ্যুৎ চম্কাচ্ছে—মোটরগুলো জল ভেঙে যাচ্ছে—কি শব্দটা! রবিবাসরে যে বেলফুলের মালাটা দিয়েচে—তার সুন্দর গন্ধ বেরুচ্ছে। রাত এগারটা।

আজ রাত্রে ঘুমতে ইচ্ছে হচ্ছে না—একটা উত্তেজনা, একটা অপূর্ণ অল্পভূতির আনন্দ। অনেকদিন পরে মনে পড়ে একটা কথা। বাবা আড়ংঘাটা থেকে ঘোর জরে অভিভূত হয়ে বাড়ী ফিরে দাওয়ায় উঠেই প্রথম কথা বলেছিলেন—থোকা কৈ, থোকা—? অথচ তিনি জানতেন আমি বোর্ডিং-এ আছি। সেই অসুখ থেকে আর তিনি ওঠেন নি। জীবনের সেই প্রথম শোক। সে কি অপূর্ণ অল্পভূতির দিনগুলো—তার কি তুলনা আছে ? হাজার বছর বাঁচলেও কি সে সব দিনের কথা তুলবো কখনও !...

এই দীর্ঘ ষোল বছরের মধ্যে মাঝে মাঝে কথাটা মনে পড়েই কি অদ্ভুত আনন্দ ও প্রেরণা পেয়েছি !

বাইরের অন্ধকার আকাশটার দিকে চেয়ে ফিরে দাঁড়িলাম। কি অদ্ভুত যে মনে হচ্ছিল ! ঘন ঘন বিদ্যুৎ চম্কাচ্ছে, কোন মহাশক্তির বিরাট কন্সক-

ক্রীড়া যেন এই বিশ্বব্রহ্মাণ্ড ও তার প্রাণীদের উত্থান পতনে—মৃগ-মৃগান্তর ধরে প্রাণীল তাদের স্ততি সত্যকার হাসি-অশ্রু স্বপ্ন-দুঃখ ধরে, কোথায় ভেলে চলে গিয়েচে—ওপরে সব সময় লক্ষ্য বৎসর ধরে এই মহাশক্তিটা তার বিদ্যুৎ, চৌম্বকশক্তি, জ্ঞান আজানা কত শক্তি নিয়ে কোন্ কাজ কর্ছেন তা বুঝতেও পারছি নে আমরা। মোটে তো পঁয়ত্রিশ বছর এই ব্যাপার দেখছি—তাও না, জ্ঞান হয়েচে আজ ছাব্বিশ-সাতাশ বছর। লক্ষ বৎসরের তুলনায় সাতাশ বছর কতটুকু?...সত্যিই এমন সব জীব আছেন, যাদের তুলনায় এই পঁয়ত্রিশ বছরের আমি—আমার সৃষ্ট বালক অপূর মতই অবোধ, অসহায়, কৃপা ও করুণার পাত্র—নিতান্ত শিশু। কি জানি, কি বুঝি?...কত আবোল তাবোল ভাবি, কোনোটাই হয়তো সত্যি নয় তার।

সত্যি কি অপূর্ণ বৈকাল!...আজ অনেকদিন পরে দেশে ফিরেছি। এই দশ-বারো দিন রুষ্টির জন্তে আর সুবিধা কর্তে পারি নি। আজ একেবারে মেঘনিম্বুক্ত, অন্ধুত বৈকালটা। কাল বিহুর বাড়ী নিমন্ত্রণে গিয়েছিলাম, জ্যেৎস্না-রাত্রে পদ্ম-কোটা লওদার বিলের ধার দিয়ে বাড়ী ফিরি—ফির্তে দেবী হয়ে গেল। আজ তাই ছপুর্নে খুব ঘুমিয়েছি। উঠে দেখি বেলা গিয়েচে। সত্যি, এ অপূর্ণ দেশ...এ ধরণের অহুভূতি, গহন-গভীর, উদাস, বিষাদমাখা, আমি কোথাও কখনো দেখেছি মনে হয় না—এ সত্যিই Land of Lotus Eaters. এত ছায়া, এত পাখীর গান, এত ডাঁনা পেজুরের সৃগন্ধ, এত অতীত স্মৃতি—বেদনা মধুর ও করুণ, আর কোথায় পেয়েছি কবে?... শরীর অবশ হয়ে যায়, মন অবশ হয়ে যায় অহুভূতির গভীরতায়, প্রাচুর্যে।

এই আমাদের ভিটাটাতে বেড়াতে গিয়েছিলাম—এক টুকরা রেশমী সবুজ চুড়ির টুকরা চোখে পড়ল—কার? হয়তো মনির। মনে হোল মায়ের স্মৃতি ভিটার সঙ্গে যেন মাখা। মা এই বৈকালে ঘাট থেকে পা ধুয়ে ফর্সা কাপড় পরে এসে আমাদের খাবার দিচ্চেন—এই ছবিই বার বার মনে আনে। আজ সব জঙ্গল, নিবিড় বনভূমি হয়ে পড়ে আছে! মায়ের সেই সঙ্গনে গাছটা আছে, সেই কড়াটা—আশ্চর্য, পাঁচীলের সেই কুলুঙ্গি দুটো চমৎকার আছে, এখনও নতুন।

ডেবেছিলাম এখনি কুঠীর মাঠে যাবো। গিয়ে কি করবো? অহুভূতি কি

এখানেই কিছু কম হবে, আবার সেখানে যাবো? একদিনে কত সফল করি-  
মনে স্থান বিই কোথায়!...

বকুলগাছে পাখী ডাকচে—বৌ-কথা-ক', বৌ-কথা-ক',—অমূল্য জামগাছে  
উঠে জাম পাড়ছিল—বুড়ী পিসীমা বলে, সে চারটা জাম দিয়ে গেল, তাই  
এখন খাবো। আজ আবার গোপালনগরের দলের যাত্রা হবে, এখন স্থান  
করে এসে যাত্রা শুনতে যাবো।

বেলা খুব পড়ে গিয়েছে—ছায়া ধূসর হয়ে এনেচে। এমন বিকাল  
কোথাও দেখি নি। আজ আবার ত্রয়োদশী তিথি—মেঘশূন্য সুনীল আকাশে  
খুব জ্যোৎস্না উঠবে।

আদাড়ি বিল্বিলে থেকে জল নিয়ে বাড়ী ফিরচে হরিকাকাদের বাড়ীর  
ওদিকের মুড়ি পথটায়।

সন্ধ্যার ঠিক আগে বাল্যে কিনের শব্দটা বেরতো, সেই শব্দটা বেরকে।  
মায়ের কথাই আবার মনে হয়!

অনেক রাত্রে বায়োস্কোপ দেখে ফিরলাম—কম্বল রুষ্টি, মাঝে মাঝে বিদ্যুৎ  
চম্কাচ্ছে, মেঘাঙ্ককার আকাশ, রাস্তার জল জমে গিয়েচে—তার মধ্যে বাসু-  
খানা কেমন চলে এল! যেন এঃঃঃ উড়ে সমুদ্রের ওপর দিয়ে যাচ্ছি।

বাইরের বারান্দাতে অনেকক্ষণ দাঁড়িয়ে রইলাম—একটা Vision দেখলাম  
—এক দেবতা যেন এইরকম অন্ধকার আকাশপথে, ভূবারবর্ষা-হিমশূন্যে এক  
হাজার আলোক-বর্ষে চলেচেন অনবরত—দূর থেকে স্নদূরে তাঁর গতি।  
কোথায় যাবেন স্থিরতা নেই—চলেচেন, চলেচেন, অনবরত চলেচেন, হাজার  
বছর কেটে গেল। বিরাম বিশ্রাম নাই—Greatness of space. Undaunted  
travels of গ্রহদেব।

নেদিন পাঁচুগোপালের সঙ্গে ভগবতীপ্রসন্ন সেনের বাড়ী গিয়েছিলাম।  
ছেলেবেলাকার সে স্থানটী হয়তো আর কখনও দেখতুম না—কিন্তু আবার  
সেই 'পরশুরামের মাতৃহত্যা' যাত্রাটী হয়েছিল, সেটি আবার দেখলাম—যে  
ঘরে বনে বাবার সঙ্গে নিমন্ত্রণ খেয়েছিলাম—ভগবতীবারু যে রোগীকে  
ব্যবস্থা-পত্র দিয়েছিলেন কতকাল আগে আমার নয় বছরের শৈশবে—লেপো  
'রত্নগর্ভ' বলে, সেই কথাটির মনে পড়ল এতকাল পরে।

সত্যিই জীবনটা অপূর্ণ শিল্প—কি বলে প্রকাশ করি এর গভীর

অপ্রত্যাশিত সৌন্দর্য, এর নবীনত্ব, এর চারু কমনীয়তা—আবার সেই পথটি দিয়ে ফিরে এলাম, যে পথে বাবার সঙ্গে গঙ্গাস্নানে যেতুম।...বিজয়রত্ন সেনের সেই বাড়ীটা আজ আটাশ বছর পরে আবার দেখলাম।

আজ সকালে উঠে স্নান সেরে রামরাজাতলা গিয়েছিলুম ননীর সঙ্গে দেখা কর্তে। স্থানটা আমার ভাল লাগে নি আদৌ। পল্লীর শ্রী-সৌন্দর্য নেই, অথচ শহরের মহনীয়তাও নেই—শহরের মধ্যে দীনতা নেই, কুশ্রীতা কম, যদিকে চাই, বড় বড় সৌধ, বিশাল আকাশ—আর ওখানে পল্লীর অপূর্ব বননন্নিবেশ নেই, Space নেই—আছে খোলা ড়েন, দরিদ্র মিউনিসিপ্যালিটির তেলের আলো আর ওলকচুর বর্ষাপ্রবৃদ্ধ ঘেঁসাঘেঁসি। ননীর সঙ্গে অনেক কথা হোল। ছেলেটির মধ্যে সত্যিই কিছু ছিল, কিন্তু গেরো হয়ে খুলতে পার্ছেন। ওকে কল্কাতায় এনে ভাল সমাজে পরিচিত করে দেবো।

বিকলে বাসায় ফিরলাম। কি সুন্দর আকাশ!...বৃষ্টি নেই অনেকদিন, অথচ মেঘের পাহাড় নানা স্থানে আকাশের। কেমন যে মনে হচ্ছিল, তা কি করে বলি।...বেলা পাঁচটাতে রবিবাসর ছিল প্রবাসী আফিসে। হেমেনের গানের কথা ছিল, প্রথমে অনেকক্ষণ সে এলনা। আমি, সজনী, অজিত সকলেই ব্যগ্রভাবে তার প্রতীক্ষায় ছিলাম। রবিবাসরে যাবার পথে রাখাকান্তদের মাষ্টার সুশীলবাবুর সঙ্গে দেখা।

সুশীলবাবু বিভূতির কথা উল্লেখ করে অনেক দুঃখ কর্লে। সত্যিই ছেলেটা খারাপ হয়ে যাচ্ছে সবাই বলে। অক্ষয়বাবুর নাকি মধ্যে একদিন ফিট হয়েছিল গাড়ীতে—অতিরিক্ত মগ্ধপানের ফল। ওদের সম্পত্তিটা অভিশপ্ত—সংযম ও উদারতার অভাবে এবং কতকটা কুশিক্ষা ও দাস্তিকতার ফলেও ওদের সব নষ্ট হয়ে যেতে বসেচে।

এই সব ভাবচি এমন সময় হেমন এল, গান আরম্ভ হোল। শৈলজা বলছিল তাকে কে কে blackmail করেছে। সাহিত্যক্ষেত্রে এমন দলাদলি সত্যিই দুঃখের বিষয়। নীহারবাবু বলে, ওর কে একজন দাদা 'পথের পাঁচালী' সম্বন্ধে বলেচেন, অমন বই আর হবে না। সজনী 'অপরাজিত' নিতে চাইলে। খুব খাওয়া-দাওয়া ও আড্ডা হোল। হেমন সত্যিই বলে বাঙ্গালীর নির্ভা ও সাধনার অভাব—সস্তা হাততালি ও নাম কিন্বার প্রলোভনে আমরা যেতে বসেচি।

হেমন ও আমি নানা পুরানো কথা বলতে বলতে শেয়ালদ' পর্যন্ত



এলাম—ওকে পার্ক সার্কাসের ট্রামে উঠিয়ে দিয়ে বজ্রম, পূজোর ছুটিতে লঙ্কোতে আবার দেখা হবে।

সত্যিই বড় ভালবাসি হেমনকে।

চাঁদ ওঠেনি কিন্তু আকাশে খুব মেঘও নেই। খুব হাওয়া।

রাত দশটা—বানার বারান্দায় বসে লিখছি। দূরের সেই মাকাল লতা দোলানো ভিটের কথা মনে পড়ে—বর্ষাকালে খুব জঙ্গল বেড়েছে। আজ বৈকালটা কি অপূর্ণ হয়েছিল সেখানে...কেবল সেই কথা ভাবি। সেখান থেকে প্রথম জীবন শুরু করেছিলাম—কত পথে চলেছি, কত আলাপী বন্ধুর হাত ধরে—কিন্তু সে জঙ্গলে-ভরা ভিটেটা কি ভুলেছি!...

নুনীকে একদিন সত্যিকার বাংলার রূপ দেখাবে।

তারপর সারা রাত আর ঘুম হোল না। এত অপূর্ণ জ্যোৎস্নাও কল্কাতায় আর কখনো দেখিনি যেন—বর্ষাধৌত নির্মল আকাশে সে কি পরিপূর্ণ জ্যোৎস্নার খেলা! সারারাতের মধ্যে আমি ঘুমতে পারলাম না—গুন্-গুন্ করে গাচ্ছিলাম—

“প্রলয় নাচন নাচলে যখন আপন ভুলে,

হে নটরাজ, জটার বাঁধন পড়ল খুলে”

—কেমন একটা আনন্দ ও উত্তেজনা এল—সারারাতের মধ্যে চোখ বুজল না মোটে।

সেদিন নীরদবাবু ও স্বশীলবাবুর সঙ্গে মোটরে বহুকাল পরে যশোর গিয়েছিলাম—আবার স্কুলটা দেখলাম,—আবার চাঁচড়া দেখলাম। শীতের সন্ধ্যায় চাঁচড়া দশমহাবিষ্কার মন্দির দেখতে দেখতে কি অদ্ভুত ভাব যে মনে জাগছিল—চারিধারের ঘন সবুজ বেত ঝোপ, পুরোনো মজা দীঘি—মহলের পর মহল নির্জন, সঙ্গীহীন, ধূসর সান্ধ্য ছায়ায় শ্রীহীন অথচ গভীর রহস্যময় পাথর-পুরীর মত দেখাচ্ছিল। পেছনের ঘাট-বাঁধানো প্রকাণ্ড দীঘিটাই বা কি অদ্ভুত!...রাজা রামচন্দ্র খাঁয়ের চাল ধোয়া পুকুরই বা দেখলাম কতকাল পরে। একটা সুন্দর প্রত্ন মাথায় এসেচোঁ!...এই ভাঙ্গা পুরী, বনেদী ঘরের দারিদ্র্য, জীবনের হুঃখ কষ্ট—Back-ground-এ সব সময়ই পুরাতন দিনের আড়ম্বর ও ঐশ্বর্য: ২০০:০০:০০:০০ এই সব নিয়ে।

সাধনার কথা বলছিলাম কাল কৃষ্ণধনবাবুর সঙ্গে। সাধনা চাই। আমি

টাইশানি ছেড়ে দেবো। অপরাঙ্কিত তো শেষ হয়েছে—এইবার ছাপা আরম্ভ হবে—কিন্তু এই সময় সাধনা চাই।

- (১) ভাল ভাল উপন্যাসকার ও ছোট গল্প লেখকদের পুস্তক পাঠ।
- (২) ইতিহাস, Biology ও Astronomy সম্বন্ধে আরও বই পড়া।
- (৩) Philosophy সম্বন্ধে আধুনিক চিন্তাবীরদের বই পড়া।
- (৪) Sir Thomas Browne ও Anatole France-এর বই আরও ভাল করে পড়া।

(৫) চিন্তা, ভ্রমণ, গল্প ও আড্ডা—ভাল সম্প্রদায়ে।

(৬) পল্লীতে যাওয়া ও Quaint ধরণের লোকের সঙ্গে আলাপ।

সাধনা ভিন্ন উচ্চ Outlook কি করে develop করে? খানিকটা মাত্র আমার করেছে—আরও চাই—আরও অনেক চাই।

১৯২৫ সালের, কি ১৯৩২ সালের আমি আর বর্তমান আমি কি এক? অনেক বেড়েছি—সেটা বেশ বুঝতে পারি—এই দুঃখ, খাটুনি, কম মাইনে, ছেলে-পড়ানোর মধ্যে দিয়েও বেড়ে উঠেছি। মানুষ কখন কি ভাবে কোন অবস্থার মধ্যে দিয়ে বেড়ে ওঠে—তা কেউ জানে না।

কাটা দিন বেশ কাটল। সেদিন হাওড়ায় রায় সাহেব স্বরেশ সেনের ওখানে একটা পার্টি ছিল। স্বশীলবাবু আমাকে এখান থেকে তুলে নিয়ে গেলেন—রমেশবাবু, নীরদবাবু সবাই সেখানে। তারপর জ্যোৎস্না-রাত্রে গঙ্গার উপর দিয়ে কেরা গেল। শনিবারে সকালে সকালে কাজ মিটতো, সাহেব এক গোলমাল পাকিয়ে দিলে—বলে, তোমার নাম সিনেট থেকে যায় নি। সিঙিকিটের সেদিনই মিটিং—ছুটির পরে ফণিবাবু ও আমি দু'জনে মিলে স্বনীতিবাবুর কাছে গেলাম। বাড়ীতে দেখা না পেয়ে ইউনিভার্সিটি—সেখানে দেখা হোল। তারপর আমরা কলেজ স্কোয়ারে অনেকক্ষণ বসে গল্প করলাম। সেখান থেকে ইন্সটিটিউটে রাগিণী দেবীর নৃত্যকলা সম্বন্ধে বক্তৃতা শুন্তে গেলাম। ফণিবাবু আমাকে Y. M. C. A.-এর সামনে ট্রামে উঠিয়ে দিয়ে গেল। আমি X. Library-তে যাবো। সেখানে সজনীবাবুর সঙ্গে দেখা হওয়ার প্রয়োজন। যাওয়ার সময় তাকে সেখানে না দেখে সোজা শনিবারের চিঠি আফিসে চলে গেলাম। সেখানে নেই, আবার এলাম ফিরে, আজ নাকি হরতাল—কেউ আসে নি। ওখান থেকে বাস-এ চেপে

শ্রীমা প্রসাদ বাবুর কাছে ভবানীপুরে। শ্রীমা প্রসাদ বাবুর সঙ্গে দেখা করেই মুরলীবাবুর বাড়ী। তার পরে অনেক রাজ্জে ট্রামে বাসা।

পরদিন ছুটির পরে স্ত্রীতিবাবুর সঙ্গে engagement. সকালে সজ্ঞীর ওখানে গেলাম। লুচি ও চা সজ্ঞীর স্ত্রী যত্ন করে খাওয়ালেন। সেখান থেকে দু'জনে শনিবারের চিঠির আফিস—আমি খানিকক্ষণ প্রফ দেখে স্থলে এলাম ও ছুটির পরে ইউনিভার্সিটিতে গেলাম। প্রথমে এসিষ্ট্যান্ট কন্ট্রোলার আফিসে কেউ নেই—পরে দেখি সাহেব রেজিষ্ট্রারের ঘরের নাম্নে পাড়িয়ে আছে। আমিও পাড়িয়ে অপেক্ষা করলাম, একটু পরেই সাহেব বেরিয়ে এল। অনেকক্ষণ দু'জনে গল্প করা গেল। তারপর হেডমাস্টার, গার্ডসওয়ার্থ সাহেব, মিঃ বটস্‌লি, একে একে সবাই এলেন। পাঁচটার পরে আমি ওখান থেকে ফিরে সোজা শনিবারের চিঠির আফিসে। গোপাল হালদারের সঙ্গে Spiritualism নিয়ে সেখানে ঘোর তর্ক। স্ত্রীতিবাবু এলেন—গল্পগুস্তাবের পরে আমি, স্ত্রীতিবাবু ও প্রমথবাবু তিনজনে গল্প কর্তে কর্তে বেরুনো গেল।

স্ত্রীতিবাবু 'পথের পাঁচালী' ইংরাজিতে অনুবাদ করবেন এমন ইচ্ছা প্রকাশ করলেন। প্রমথবাবু ইটালিয়ানের প্রোফেসর ইউনিভার্সিটিতে, তিনি আমার সঙ্গে বাড়ী এলেন। আমার বইখানা ইটালিয়ানে অনুবাদ সম্বন্ধে অনেক কথা হোল। ইটালিতে আমায় পাঠানো সম্বন্ধে বলেন। তিনজন ভক্তলোক এসে দেখি বাসায় আছেন—তাঁরা কালকের একটা পার্টিতে নিমন্ত্রণ কর্তে এসেছেন।

সকালে উঠে স্থলে গেলাম ও শনিবার সকালে ছুটির পরেই বাসায় এলাম। অনেকক্ষণ ঘুমবার চেষ্টা করা গেল। আন্দাজ চারটার সময় উঠে হারিসন রোড দিয়ে যাচ্ছি—শীতল পেছন থেকে ডাকলে ও একখানা পত্র দিলে। একটা সভা আছে ওদের বাড়ী—আমি সভাপতি। প্রথমে গেলাম হেঁটে শনিবারের চিঠির আফিসে—সেখানে Copy দিয়ে সোজা হাঁটতে হাঁটতে (খুকীকে যে পথ দিয়ে হাঁটিয়ে নিয়ে গেছলাম সেই পথটা ধরে) বিড়ন স্কয়ার। সেখানে একটা বৈষ্ণব উপর বসে কত কথা ভাললাম। মায়ের পোতা সেই সজ্ঞে গাছটার কথা এত যে মনে হয় কেন? মনে হোল, যে জীবনটায় আর কখনো ফিরবো না—যা শেষ হয়ে গিয়েচে ওই

সজ্জনে গাছটা এখনও কার ফিরবার আনায় সেই দিনগুলির মত পাতা ছাড়চে, ফুল ফোটাচ্ছে—ডাঁটা ফলাচ্ছে—কে এসে ভোগ করবে? সন্ধ্যার ধূনর আকাশ—ছ’ চারটা তারা—‘জনতার মাঝে জনগণ পতি’ গানটাও আবার মনে এল—আকাশের তারাদের দিকে চাইলেই ওই অপূর্ণ ভাবটা হয়।

তারপর উঠে ওদের বাড়ী গেলাম। মন্ত্রীদের বাড়ী সভা হোল। আমায় কল্লে সেক্রেটারী। সভা ভঙ্গের পরে বিভূতি গলা জড়িয়ে ধরে বসে, এখানে রাত্রে খেয়ে যাবেন। তারপরে লাল ঘরে অনেকক্ষণ আড্ডা হোল। পড়বার ঘরে তারপরে বিভূতি কাছে বসে খাওয়ালে। পুরোনো দিনের গল্প হোল, সব চেয়ে কথা উঠল—‘পুতলিকা’ ‘পুতলিকা’ সে কথা হোল। তারপর রিক্সা করে মাঘী পূর্ণিমার জ্যেৎমা-রাত্রে পুরোনো দিনের মত বাসায় ফিরলাম—সেই প্রতাপ ঘোষের বাড়ীর সামনে দিয়ে, খানাটার পাশ দিয়ে। একটা কথা লিখতে ভুলে গিয়েচি, আজ বিকালে প্রবাসী আফিসে Sir P. C. Ray-এর সঙ্গেও দেখা করেছিলাম।

রবিবারে প্রসাদ এল। বেশ মাথায় বড় হয়েছে—সেই ছোট প্রসাদ আর নেই। তাকে দেখে এমন স্নেহ একটা হোল! আমার নাম উঠলেই এখনও সকলে কান্দে—চাপাপুকুরের বড় মাসীমা কান্দেন, এই সব কথাও বসে। একটা চাকুরীর কথা বসে। তারপর আমার নাম এখন প্রায়ই সকলে করেন সে কথাও বসে। তারপর সে চলে গেল।

আমি খেয়ে ঘুমিয়ে পড়েচি, নীরদবাবু এসে ডাকচেন। ছ’জনে দম্‌দমা গেলাম—স্বশীলবাবু শান্তিকে পড়াচ্ছিলেন—ছ’জনেই বাইরে এলেন। গল্পগুজব হোল—মাঠে বসে চা খাওয়া গেল। আমরা পাঁচটার সময়ে বেরিয়ে শরদিন্দু বাবু ও করুণাবাবুর পার্টিতে এলাম। নরেন দেব, অচিন্ত্য, প্রবোধ নাগ্যালি, রমেশ বসু—সবাই এল। খুব খাওয়া-দাওয়া হোল। প্রচুর খাওয়া! নরেন দেব সন্দেশ খেতে খেতে মুখ লাল করে ফেলে অবশেষে যখন আরও খেতে অসুস্থ হলেন—মরিয়া হয়ে বসেন সন্দেশটা ভালো নয়। আমরা বেরিয়ে শেয়ালদা’ষ্টেশনে এসে স্বশীলবাবুকে তুলে দিয়ে নীরদবাবুর গাড়ীতে নিউ মার্কেটে গেলাম। কথা রৈল বৃহস্পতিবারে ‘অপরাজিত’ পড়া হবে দম্‌দমার বাগান-বাড়ীতে। Wide World কিনে রাতে বাসায় ফিরলাম।

আজই মনটা কেমন উড়ু উড়ু, মায়ের সেই সজ্জনে গাছটা,—ভাড়া হাড়িকুড়ীর কথা আজ সারাটা দিন মনে হয়েছে—বিশেষ করে এই জ্যোৎস্না-রাত্রে।

এবার সরস্বতী পূজা একটু দেরিতে। কিন্তু ছুটি পাওয়া গেল বেশী! সপ্তাহব্যাপী ছুটি। ‘অপরাজিত’ প্রায় শেষ হয়ে আসচে—ভাবলাম একবার কেওটা যাবো এসময়ে। নীরদবাবুও রাজী। গত মঙ্গলবার আমি ও নীরদবাবু মোটরে গেলাম দম্‌দমা। স্মীলবাবু যেতে পারবেন না, অতএব আমরা সেখানে খাওয়া-দাওয়া সেরে দক্ষিণেশ্বর যাবো বলে বেরিয়ে পড়ি। স্মীলবাবুর স্ত্রীও ‘অপরাজিত’ শুনবেন বলে দক্ষিণেশ্বর যাবার জন্তে প্রস্তুত হলেন। সবাই বেরিয়ে পড়া গেল কিন্তু দক্ষিণেশ্বর যাওয়া হোল না। যশোর রোডের পরে একটা নিভৃত বাঁশবনের ছায়ায় বিছানা পেতে বসে আমরা ‘অপরাজিত’ পড়লাম—তারপর ফিরে এসে চা খেয়ে আড্ডা দেওয়া গেল। রাত্রে রমেশবাবুর ওখানে নেমস্তন্ন ছিল—সেখানে প্রবোধ নাথালের সঙ্গে দেখা।

বুধবার দিনটা কাজ করলাম। বৃহস্পতিবার সকালে বনগ্রামের ট্রেণে চাপলাম—বন্ধুদের বাসায় পৌঁছে দেখি তরু নেই। হেড়পণ্ডিতকে নিয়ে গিয়ে স্কুলে অঙ্কলি দিলাম। দেবেনের বাসায় গেলাম, তারপর ফিরে এসে তরুর সঙ্গে গল্প-গুজব করে চালুকী রওনা।

কি অজুত আমের বউলের সৌরভ, কি শিমূলফুলের শোভা। বাতাবী লেবুফুলের গন্ধ। কাল পয়লা ফাস্তন, এমন বসন্তশোভা আমাদের দেশে অনেককাল দেখি নি। চালুকী পৌঁছে খাবার খেয়ে খুকী, ভোঁদো সবুজ উত্তরমাঠে বেড়াতে গেলাম—রস খাওয়া গেল—অনেকটা বেড়ালাম। তারপর ওদের বাড়ী পৌঁছে দিয়ে আমি আবার গেলাম উত্তর মাঠে—তখন চারিধার কি নির্জন!

পরদিন সকালে উঠে বারাকপুরে গেলাম। সারা পথে কেমন দক্ষিণা হাওয়া—কি অপূর্ব আমের বউলের গন্ধ! খুকীও সঙ্গে গেল। সকাল সকাল ফিরে স্নান করলাম। তারপর বৈকালে বেড়তে যাবো, বৃষ্টি এল—একটু বসলাম। আবার যাবো—রামপদ এল। তাকে একটু জল খাইয়ে দু’জনে একদিকে বার হওয়া গেল। কি অপূর্ব শান্তির মধ্য দিয়ে এসে পৌঁছলাম। আমি পটুপটি তলায় ঘাটের এপারে এসে দাঁড়ালাম—ওপারের

রাঙা-রোদভরা মাঠের দৃশ্যটা কি যে অপরূপ! তারপর মাঠের পথ বেয়ে আমাদের বাড়ীর পিছনের পথে আস্টি, বেলা পড়ে এসেচে—কি বাশের স্কুনো খোশা ও ঝরা বাশপাতার স্ফ্রাণ!...কতকাল আগের শৈশবের কথা মনে করিয়ে দেয় যে।

রামপদর কাছে বসে একটু তামাক খেয়ে ও গল্পগুজ্ব করে শ্রামাচরণ দাদার বাড়ী এলাম। সেখানে অপেক্ষা করলাম। জ্যোৎস্না উঠলে চালুকী চলে এলাম। ছেলেপিলেরা এল গল্প শুনবে বলে। বস্তু অনেকক্ষণ ছিল।

আজ সকালে উঠে চলে এলাম।

কাল বিকালে স্থলীলবাবুদের বাড়ী গেলাম। কি সুন্দর বসন্ত এবার এখানে! বৃষ্টি নেই। দেশে গিয়েছিলাম—নর্কত্র আমের বউলের গন্ধ। আজ সকালে সজনীর বাড়ী গেলাম—স্নান সেরে। বেজায় কুয়াসা। সজনীর স্ত্রী চা ও লুচি খাওয়ালেন। বড় ভাল মেয়েটী।

‘অপরাজিত’-র শেষ লেখাটা আজ প্রেসে দিয়ে এসেছি। কিছু করবার নেই। হাত ও মন একেবারে খালি। স্থূল থেকে ফিরে নিউ মার্কেটে গিয়ে “Wide World” খুঁজে পেলাম না। হাঁটতে হাঁটতে কলেজ স্ট্রাটে এসে কাপড় কিনে এই ফির্চি।

‘অপরাজিত’র শেষটা ভাল করে দেখবার জন্তে তিনদিন ছুটী নিয়েছিলাম। একটা জিনিস লক্ষ্য করলাম—ছুটী ভাল লাগে না। স্থূলটাই ভাল লাগে। বেশ ছেলেপুলে নিয়ে থাকা—অমিয়, দেবব্রত, বিমলেন্দু সত্যব্রত এদের সঙ্গে বেশ লাগে। ওরা সবাই শিশু—নীচু ক্লাশের ছেলে। আমাকে মাষ্টার বলে ভয় তত করে না, যতটা আপনার লোকের মত ভাল-বাসে। সব বিষয়ে সাহায্য চায়, troubles খুলে বলে, বেশ লাগে। ওদের নিয়ে সময়টা যে কোথা দিয়ে কেটে যায়, টেরই পাই না। নিষ্কীয়, Death-in-Life ধরণের existence-এর চেয়ে এরকম স্থূল মাষ্টারীও শতগুণেও শ্রেয়।

আজ একটা স্মরণীয় দিন। আজ সকালে উটে সজনী দাসের বাড়ীতে চলে গেলাম, না খেয়েই—সে এ কয়দিনই অবশ্য বাচ্ছি। কিন্তু আজ গেলাম ‘অপরাজিত’র শেষ ফর্মার প্রফ দেখবার জন্তে। ওখান থেকে স্থুলে। সেখানে দেবব্রতের পরীক্ষা নিলাম। তারপর ইউনিভার্সিটির

সামনে স্বধীরদা'র সঙ্গে দেখা। অনেকক্ষণ দাঁড়িয়ে রইলাম। আমাদের স্কুলের ছেলেদের সঙ্গে দেখা হোল—সমীর বঙ্গে ভালো লিখেচে। শৈলেন বাবুর সঙ্গেও দেখা হোল। তারপর এক কাপ চা খেয়ে আবার গেলাম সজ্জনী দাসের ওখানে। প্রথমবাবু ও সজ্জনী বসে। শেষ ফর্মাটা প্রেসে ছাপতে দিয়েচি। তারপরে কি করে 'পথের পাঁচালী' প্রথম মাথায় এল, সে গল্প করলাম।

আজ তাই মনে হচ্ছে, সত্যই অরণীয় দিনটা। ১৯২৪ সালের পূজার সময়টা থেকে এপর্যন্ত প্রায় সব সময়ই এই বই-এর কথাই ভেবেচি। ১৯২৬ সাল থেকে শুরু করে ১৯৩২-এর ১০ই মার্চ পর্যন্ত এমন একটা দিনও যায় নি, যখন আমি এ বইখানির কথা না ভেবেচি—বিভিন্ন চরিত্র, বিভিন্ন ঘটনা, বিভিন্ন মনোভাব নোট করেচি, মনে রেখেচি—কত কি করেচি। ইসমাইলপুরের জঙ্গলে এমন কত শীতের গভীর অন্ধকার রাত্রি, ভাগলপুরের বড় বাসায় এমন কত আমের বউলের গন্ধ-ভরা ফাগুন দুপুর, কত চৈত্র বৈশাখের নিমফুলের গন্ধ-মেশানো অলস অপরাহ্ন, বড়বাসার ছাদে কত পূর্ণিমার জ্যোৎস্না রাত্রি অপু, দুর্গা, পটু, সর্কজয়া হরিহর, রাগুনি এদের চিন্তায় কাটিয়েচি। এরা সকলেই কল্পনাসৃষ্ট প্রাণী। অনেকে ভাবেন আমার জীবনের সঙ্গে বুঝি বই দু'খানির খুব যোগ আছে—চরিত্রগুলি বোধ হয় জীবন থেকে নেওয়া। অবশ্য কতকটা যে আমার জীবনের সংযোগ আছে ঘটনাগুলির সঙ্গে, এবিসয়ে ভুল নেই—কিন্তু সে যোগ খুব ঘনিষ্ঠ নয়—ভাষা ভাষা ধরণের। চরিত্রগুলি সবই কাল্পনিক। সর্কজয়ার একটা অস্পষ্ট ভিত্তি আছে—আমার মা। কিন্তু যারা আমার মাকে জানে, তারাই জানে সর্কজয়ার সবখানি আমার মা নয়।

আজ রাত অনেক হলো। এদের সকলের উদ্দেশ্যে বইখানি উৎসৃষ্ট করলাম। যদি সাহিত্যের বাজারে আন্তরিকতার কোন মূল্য থাকে, তবে আমার ইসমাইলপুরে, ভাগলপুরে বড়বাসার ছাদে আমার বহু বিনিয়োগ রজনী-যাপনের ইতিহাস একথায় সাক্ষ্য দেবে যে, বই দু'খানি লিখতে আন্তরিকতার অভাব আমার ছিল না বা চিন্তার আলস্য আমি দেখাই নি।

আজ সত্যিই কষ্ট হচ্ছে। অপু, কাজল, দুর্গা লীলা—এরা এই স্তনীর্ষ পাঁচ বৎসরে আমার আপনার লোক হয়ে পড়েছিল। আজ ওবেলাও প্রফ দেখেচি, অদলবদল করেচি—কিন্তু এবেলা থেকে তাদের সকলকেই সত্য-

সত্যই বিদায় দিলাম। আজ রাতে যে কতখানি নিঃশব্দ ও একাকী বোধ করছি, তার সম্ভান তিনিই জানেন, যিনি কখনো এমনি দীর্ঘ পাঁচ বৎসর ধরে গুটিকতক চরিত্র সম্বন্ধে সর্বদা ভেবেচেন।—তাদের স্মৃতিহুঃখ, তাদের আশা-নিরাশা, তাদের ভবিষ্যৎ ছুঁছুঁ বক্ষে চিন্তা করেচেন।

অপুকে জন্ম থেকে ৩৪ বৎসর বয়স পর্যন্ত আমি কলমের ডগায় সৃষ্টি করেছি। তাকে ছাড়তে সত্যিকার বেদনা অসুভব করছি—তবে সে ছিল অনেকখানিই আমার নিজের সঙ্গে জড়ানো, সেইজন্মে বেশী কষ্ট হচ্চে বিদায় দিতে কাজলকে, লীলাকে, দুর্গাকে, রাণুদিকে—এরা সত্যসত্যই কল্পনাসৃষ্ট প্রাণী। কোনোদিকে এদের কোনো ভিত্তি নেই এক আমার কল্পনা ছাড়া।

যদি দু'পাঁচজনেরও এতটুকু ভাল লাগে বই দু'খানা—তবে আমার পাঁচ বৎসরের পরিশ্রম সার্থক বিবেচনা করবো।

সত্যিই মনে পড়ে ইসলামপুর থেকে সাবোরে আসিচি ঘোড়ায় ভাবতে ভাবতে—নোট কর্তে কর্তে। কাঙ্ক্ষিত আগুন জ্বলে সাবোরে ষ্টেশনে। সে সব জিনিস আজ শেষ হোলো? যখন 'পথের পাঁচালী' ছাপা হয়েছিল, তখনও 'অপরাজিত' ছিল—বেশীটাই বাকী ছিল কিন্তু আজ আর কিছু নেই।

রাত্রি অন্ধকার। চাঁদ ডুবে গিয়েচে। শহরের গোলমাল থেমেচে। আমি লিখতে লিখতে বহু দূরের অন্ধকার আকাশের জলজলে নক্ষত্রদের দিকে চেয়ে দেখি—জীবনদেবতার কি ইচ্ছিত, যেন আগুনের আখরে আকাশের অন্ধকারে পটে লেখা।

বিদায়, বন্ধুদল,—বিদায়।

আজ সকালে মহিমবাবু এসে অনেকক্ষণ বসেছিল। তারপর স্কুল থেকে গেলাম ইউনিভার্সিটিতে Examiners' Meeting-এ। বেরিয়ে আমি ও সুনীতিবাবু দু'জনে গেলাম লিবার্টি আফিসে। টমসন সাহেব সেদিন এলবার্ট হলের বক্তৃতায় 'পথের পাঁচালী'র উল্লেখ করেচেন—নীহার রায়ের মুখে শুনে একখানা কাগজ আনিয়ে নিলাম। তারপর বাসে উঠে সজনির বাড়ী। সেখান থেকে ফিরে Sample কাগজখানা দেখা এইমাত্র শেষ করলাম। স্কুলে দেবব্রত খাতা দেখাতে কাছ ঘেঁসে দাঁড়িয়েছে ওবেলা—তাকে বললাম তুই আমার ছেলে তো?



সে বলে একটু নলজ্ব হেসে—হাঁ। ও কখনো একথা বলে নি এর আগে।  
তাই আজ আনন্দে মনটা পূর্ণ আছে সারাদিন।

আজ রাতে 'অপরাজিত' বই-এর দ্বিতীয়খণ্ডটা সজনির কাছ থেকে আনলাম।  
আজ সকালেই বই বার হয়েছে। অনেক রাত পর্যন্ত বসে থেকে চা খেয়ে ও  
গল্প-গুজব করে চলে এলাম।

দ্বিজরাজ জানা মারা গিয়েচে বলে সকালে ছুটা হোল। বেরিয়ে  
আমি যতীনবাবু ও ক্ষেত্রবাবু গুয়াছেল মোল্লার দোকানে ও নিউ মার্কেটে  
বেড়লাম। সেখান থেকে ইউনিভার্সিটিতে গেলাম কাগজের খোঁজে।  
কাগজ পেলাম না। বীরেনবাবুও ছিল। বেরিয়ে বানায় এসে একটু  
যুমুনো গেল।

এখন রাত। সিঁছরে মেঘ হয়েছে। মনটা কেমন একটা বিষাদে  
পরিপূর্ণ—মনটা শূন্য হয়ে গিয়েচে—অপু, দুর্গা, সর্বজয়া, কাজল, লীলা, পটু,  
বিলি—এরা সব আজ মনের বাইরে চলে গিয়েচে কতকালের সহচর  
সহচরী সব—সেই ইনমাইলপুরে এমন সব চৈত্র অপরাহ্নে Wide World  
পড়া দিনগুলো থেকে ওরা আমার মনের মধ্যে ছিল—কাল একেবারে  
চলে গিয়েচে।

ওদের বিরহ অতি দুঃসহ হয়ে উঠেচে।

এর আগে ক'দিন মনটা ছিল নিরানন্দ। কেবল পৌরীপুরের মাঠে যেদিন  
Picnic কর্তে যাই আমরা—সেদিনটাতে আনন্দ পেয়েছিলাম। সেই আধ-  
জ্যোৎস্না আধ-আঁধার রাতে তালবনের ধারে পুকুরপাড়ে বসে কত কি গল্প  
—কতকাল ওসব কথা মনে থাকবে।

কাল রাতে সাহিত্য-সেবক-সমিতিতে সভাপতি ছিলাম। অচিন্ত্য  
একটা গল্প পড়লে—গল্পটা মন্দ হয় নি। সেখান থেকে বেরিয়ে অনাথ-  
ভাণ্ডারের ষিয়েটার দেখতে যাবো কথা ছিল, কিন্তু অবনীবাবু, সুকুমার ও  
শৈলেন বাবুর সঙ্গে জমে গিয়ে রাত এগারোটা পর্যন্ত ছষিকেশ লাহাদের  
বাড়ীর সামনের পার্কটাতে আড্ডা দিলাম। সেখান থেকে বাঁর হয়ে  
বানায় ফিরলাম অনেক রাতে।

আজ বেলা চারটার ট্রেণে শ্রীরামপুরে গেলাম। সেখানে ‘আনন্দ-পরিষদের’ অধিবেশনে সভাপতিত্ব কর্তে হবে। ছেলেরা ওখান থেকে এসেছিল। অবনীবাবুকেও সঙ্গে নেবো বলে ডাক্তে গেলাম, পেলাম না। ঝম্-ঝম্ করতে ছপুরের রোদ। কিন্তু একটু পরে বেশ মেঘ করে এল। শ্রীরামপুরে শ্রীলীলারাণী দেবীর বাড়ীতে নিয়ে গেল। লীলারাণী দেবী লেখিকা, ‘কল্লোল’ ও ‘উপাসনা’য় লেখেন। ওপারের বারান্দাতে তিনি বরফ দিয়ে সরবৎ তৈরী করে খাওয়ালেন ও জলখাবার দিলেন। তাঁর সঙ্গে সাহিত্য সম্পর্কে আলোচনা করলাম। এঁদের বাড়ীর কাছেই খুকীর শ্মশুরবাড়ী। একবার সাক্ষাৎ করবার ইচ্ছা ছিল। লোকও পাঠালাম—কিন্তু লোক ফিরে এসে বলে কাঙ্ক্ষর সঙ্গে দেখা হোল না।

সভায় যখন আস্চি—ওদের বাড়ীটা দেখলাম—ভাঙা দোতালার বাড়ী—একটা কয়লার গোলার পাশ দিয়ে পথ। সভার ‘কার্য্য-শেষে আবার ছুরিভোজনের ব্যবস্থা। সমবেত ভদ্রলোকেরা আমাকে একটা বড়লোকের বাড়ীর দোতালার হলে নিয়ে গেলেন—সেখানেই একটা বড় খেতপাথরের টেবিলে নানারকম ফলফুল, মিষ্টান্ন সরবৎ সাজানো। এত খাই কি ক’রে? এই তো শ্রীলীলারাণী দেবীর ওখান থেকে খেয়ে আস্চি। কে সে কথা শোনে? আনাতোল ফ্রাঁসের Procurator of Judea গল্পটা খেতে খেতে ওঁদের কাছে কল্পম—রসের বৈচিত্র্য ও quaintness হিসেবে।

ওরা ট্রেণে তুলে দিয়ে গেল। ট্রেণে একটা লোকের সঙ্গে আলাপ হোল—বাড়ী জিরেট বলাগড়, বিড়ি খাওয়ালে, অনেক গল্প-গুজব করলে। হাওড়া স্টেশন থেকে হেঁটে বাসায় এলাম। পথে পানিতরের বামনদাস দত্তের সঙ্গে দেখা। আজ পয়লা মে! একটা শ্রবণীয় দিন। আজকার সভার জন্তে বা এসব আদরের জন্তে নয়—আজ ১৩ বৎসর হতে সেই এলা মে’তে—কিন্তু সে কথা আমিই জানি, আর কেউ জানে না। জানবার কথাও নয়। বোল্বেও না কাউকেও।

বেশ হাওয়া, বাসায় এসে বারান্দায় বিছানা পেতে শুয়ে রইলাম।

আজ মনে একটা অপূর্ব আনন্দ পেলাম—অনেক কাল পরে। মনে পড়ে গেল বাল্যে ছপুরে আহার সেরে এই সব দিনে বাড়ীর পেছনে বাঁশবনে মুখ ধুয়ে আসতাম। বাঁশবনে গিয়ে আঁচালে তবে মনে একটা আনন্দ আসতো—কত তুচ্ছ জিনিস, কিন্তু একদিন ও থেকে কি গভীর

আনন্দই পেয়েছি!...সেই ভিটে, সেই গ্রাম আজও তেমনি আছে—আমিই কেবল বদলে গিয়েছি। আজ রবিবার ফণিকাকারা তাড়াতাড়ি করতে এত রাত্রে হরি রায়ের বাড়ীতে তাস খেলতে যাবে বলে—স্বীটকীপোতার ষাঁওড়ে বড় রুই মাছের বাচ্ হক্ষে বলে—হাটে আজ মাছ সস্তা হয়েছে বলে—আমিও যদি গ্রামে থাকতুম—আমিও ও থেকে আনন্দ পেতুম ওদেরই মতন—কিন্তু আমি বদলে গিয়েছি একেবারেই। Sophisticated হয়ে পড়েছি, hampered হচ্ছি। দৃষ্টির স্বচ্ছতা নষ্ট হয় নি বলে এখনও এ সব বুঝতে পারি।

আকাশের অগণ্য তারায় কত দেবলোক, কত পৃথিবী, কত জগৎ—কত অগণিত প্রাণীকুল, কত দেবশিশু—আনন্দের কি মহান, অসীম ভাণ্ডার! ছুঃখও যত বৃহৎ তাদের—আনন্দও তত বৃহৎ। এই ভেবেই, চৈতন্যের এ প্রদারতা শুধু আমার আজ রাত্রে।

আজ সকালে উঠতে দেরি হয়ে গিয়েছিল, কারণ কাল অনেক রাত্রে দম্‌দম্ থেকে ফিরেছি। সেখানেই রাত্রে খেলাম, আগামী রবিবারের Outing-এর নজ্জা করলাম, তারপর আমি আর নিরোদবাবু মোটরে ফিরি। আজ এইমাত্র সাহেবের ওখান থেকে আস্‌ছি। সাহেব একটু দমে গিয়েচে—আমি ফণিবাবুর সঙ্গে ওটা মিটিয়ে ফেলতে বল্লম।

কন্‌ভেট রোডটা অন্ধকার, এখানে ওখানে যুঁই ও মালতীর স্বগন্ধ, আজ আকাশ বেশ পরিষ্কার, নক্ষত্রে ভরা। ভগবানের কাছে প্রার্থনা কর্লুম, সাহেবের হাঙ্গামাটা যেন মিটে যায়।

একটা কথা মনে হচ্ছে। মানুষের মনের ব্যাপকতা যত বাড়বে ততই সে পূর্ণ মনুষ্যত্বকে লাভ করবে। এমন সব মানুষ জীবনে কতই দেখলাম তাদের মনের সতর্কতা, চৈতন্যের ব্যাপকতা বড়ই কম। এত কম যে আহার বিহার ও অর্থোপার্জনের বাইরে যে আর কিছু আছে, তা তারা ভাবতে পারে না। জ্ঞান বল, বিজ্ঞান বল, আর্ট বল, সাহিত্য বল—এ সবের কোন মূল্য নেই তাদের কাছে। এমন কি স্নেহ, প্রেম, কল্পনা, বন্ধুত্ব, এ সবও তাদের অজ্ঞাত—loyalty-কে তারা ভীকতা ভাবে, স্নেহকে দুর্বলতা ভাবে। ফণিবাবু একজন এই ধরণের মানুষ। এ সব লোকের নির্কুদ্দিতা আমি বরদাস্ত কর্তে পারিনি একেবারেই। মূর্থতারও একটা নীমা আছে, এদের তাও নেই।

সে যাক। এই চৈতন্তের ব্যাপকতার কথা বলছিলাম। এই মুক্ত প্রকৃতি, সবুজ ঘাসে মোড়া ঢালু নদীতীর, কাশবন, শিমূলবন, পাখীর ডাক—নীল পক্ষর্তমালা, অকূল সমুদ্র, অজানা মহাদেশ—এই হাসিমুখ বালক-বালিকা স্মন্দরী তরুণী, স্নেহময়ী পত্নী, উদার বন্ধু, অসহায় দরিদ্রদল,—এই বিরাট মানব জাতির অদ্ভুত ইতিহাস, উত্থানপতন, রাজনীতির ও সমাজনীতির বিবর্তন, এই বিরাট নক্ষত্রজগৎ, গ্রহ, উপগ্রহ, নিহারিকা ধুমকেতু, উরা—জানা অজানা জাগতিক শক্তি,—এই X-ray, বিহ্যৎ, Invisible rays, high penetrating radiation,—ওই মৃত্যুপারের দেশ, মৃত্যুপারের বিরাট জীবন—এই রহস্বে স্পন্দমান, অসীম, অদ্ভুত জীবনরহস্য—এই সৌন্দর্যে এই বিরাটতা, এই কল্পনার মহানীয়তা,—এসবে যারা মুগ্ধ না হয়, গরু মহিষের মত ঘাস দানা পেলেই সন্তুষ্ট থাকে, যারা এই রহস্যময় অসীমতার সন্ধে অজ্ঞ, নিশ্চিত ও উদাসীন রইল—সে হতভাগ্যগণ শাস্ত ভিখারী—তাদের দৈন্ত কে দূর কর্তে পারবে ?

মাতৃষের মত যত উদার হবে, যত সে নিজের চৈতন্তকে বিশ্বের সবদিকে প্রসারিত করে দিতে পারবে, অপুর চেয়ে অণু, মহানের চেয়েও মহান বিশ্ব-বস্তুর প্রতি আত্মবুদ্ধিকে যত জাগ্রত করে তুলতে পারবে—সে শুধু নিজের উপকার করবে না, নিজের মধ্যে দিয়ে সে শতাব্দীর সঞ্চিত অন্ধকারজাল ও জড়তাকে প্রতিভার ও দিব্যানুষ্টির আলোকে প্রসারিত করে দিয়ে যাবে। সেই সত্য—সত্য নিত্যকালের মশালচি।

সেদিন চারু বিশ্বাসের বাড়ীতে অনেক রাত পর্যন্ত মিটিং হোল। রাত দশটার পরে সেখান থেকে রওনা হয়ে আসতে গিয়ে লাউডন স্ট্রিটের মোড়ে একটা টায়ার গেল ফেটে। মোলালীর মোড়ে আবার মরমের বেজায় ভীড়। অনেক কষ্টে বাড়ী পৌঁছলাম। ভোরে স্নান সেরে বসে আছি নীরদবাবু গাড়ী নিয়ে এলেন। চা পান করে দম্‌দম্ থেকে বেরুনা গেল। বনগাঁর পথে এ গাড়ীরও একখানা টায়ার গেল। বনগাঁয়ে পৌঁছে বাজার করে বেলডাঙ্কা পৌঁছুতে বেলা নয়টা। বটতলায় গিয়ে কাঠ কুড়িয়ে সবাই মিলে রেখে খেলাম। 'শ্রামচরণদাদাদের বাড়ী এলাম—সেখান থেকে নোকা করে নকুতুলের ঘাট পর্যন্ত বেড়ালুম—সবাইপুরের ঘাটে স্নান কর্তুম। তারপরে সেদিন রাতে দম্‌দমাতে ফিরে খেয়ে আবার এলুম বাসাতে।

এবার বাড়ী গিয়ে বড় গোলমাল। ক'দিন বেশ কেটেছিল, শ্রামাচরণ দাদার স্ত্রীর স্নেহ বড় উপভোগ করেচি—বৌদি বড় ভাল মেয়ে—আমার প্রীতি হয়েছে। বর্ষা-বাদলার দিনে পুটীদিদিদের বাড়ী গুরু-বাহুরের সঙ্গে একঘরে বাস করে মনটা খিঁচে উঠেছিল। ওখানে এবার তুফন্ ঠাকরুণ মারা গেলেন। আসবার আগের দিন তাঁর শ্রাদ্ধ হোল। রোজ বিকেলে বকুলতলায় বস্তুম। জগা ছড়া বলতো—

“অশন বসন রণে সদা মানি পরাজয়,

হুনয়নে বারিধারা গঙ্গা যমুনা বয়—

কথায় কথায় তুমি যেতে বল যমালয়,”—ইত্যাদি

ছেলেমাহুষের মুখে বেশ লাগতো।

কিছুদিন কলিকাতা গিয়ে রইলাম। একদিন নীহার রায়ের ওখানে গেলাম, সেখানে তার অনেক বন্ধুবান্ধব বসে আছে, ‘অপরাজিত’ সম্বন্ধে অনেক কথাবার্তা হোল। নীহার বলে—‘অপরাজিত’ একটা Great Book, আমি এঁদের সেই কথাই বল্ছিলাম, আপনি আসবার আগে। ধূর্জটীবাবুর বাড়ীতে একদিন ‘অপরাজিত’ নিয়ে আলোচনা হোল আমার সঙ্গে। ভ্রলোক অনেক জায়গা দাগ দিয়ে পড়েচেন, মাজ্জিনে নোট লিখে। তারপর নীরদের বাড়ীতে চা-পাটি উপলক্ষে সুনীতিবাবু ও রঙীন হালদারের সঙ্গে সে সম্বন্ধে অনেক কথা হোল।

রবিবারে গেছলাম, আবার পরের রবিবারে ফিরি। সেদিন রাণাঘাটে নেমে কি ভয়ানক বর্ষা। গোপালনগরে নাম্লাম অবিশ্রান্ত বৃষ্টির মধ্যে দিয়ে। অতি কষ্টে গাড়ী যোগাড় করে ফিরলাম। হাটবার, সুনীলবাবু একটা মোট পাঠিয়েছিলেন শ্রামাচরণদাদার জন্তে—নেটা তাঁদের দিলাম।

কাল খুব গুমট হয়েছিল। বৈকালে জেলি, সরলা এরা পড়তে এল— বকুলতলায় চেয়ার পেতে বসে খুকুর সঙ্গে খুব গল্প কর্লাম। রিম্‌কিম্ বর্ষার মধ্যে মেঘভরা আকাশের তলা দিয়ে কুঠীর মাঠে বেড়াতে গেলাম। ওপারে বর্ষাস্রোত বয়, গাছপালা, সবুজ তৃণভূমি—বৃষ্টিতে চারিধার ধোঁয়া—ধোঁয়া— তারপর গেলাম ওপাড়ার ঘাটে। জল গরম—নেমে স্নান কর্তে কর্তে চারিদিকে চেয়ে সে কি আনন্দ পেলাম—মাথার উপর উড়ন্ত সজল মেঘরাশি, জলের রং কাকের চোখের মত, কি স্নন্দর কদম গাছটার রূপ—মনে হোল ভাগলপুরের সেই অপূর্ণ সবুজ কাশবনের চর—সুদূরপ্রদারী

প্রাস্তরের সে স্বন্দর প্রাণ-মাতানো স্থিতিটা—সেও এমনি বর্ষা-সন্ধ্যা, এমনি মেঘেভরা আকাশ—হাতীর পিঠে চড়ে আমীনের সঙ্গে সেই বেড়ানোটা। আমি জলে সাঁতার দিলাম। মনে হোল যেন আমি পৃথিবীর কেউ নই—আমি দেবতা—এই মুহূর্তে পাখা ছেড়ে এই মেঘ-ভরা আকাশ চিরে ওপারে বহুদূরে কোথায় উড়ে যাবো!

এমন আনন্দ সত্যিই অনেকদিন পাই নি।

এখনও সৌন্দালিফুল আছে—কিন্তু এবার অতিরিক্ত বর্ষায় অনেক অনিষ্ট করেছে—অনেক ফুলই ঝরে পড়ে গিয়েছে। সৌন্দালিফুল এত ভালবাসি যে ঘাটে নাইবার সময় ঘাটের ধারে যে গাছগুলো আছে, সেদিকের ফুলের ঝাড়গুলোর দিকে চেয়ে থাকি—নইলে যেন প্রাণের আনন্দ সম্পূর্ণ হয় না। ছুঁ এক ঝাড় যা আছে, তাদেরও চেহারা বড় শ্রীহীন। কি করি, ওদের নিয়েই যা একটু আনন্দ পাই!...

আগের দিন জগন্নাথকে সঙ্গে নিয়ে বেলেডাঙ্গার মাঠে গিয়েছিলাম। এ দিন ঝুটি ছিল না, স্বন্দর মাঠ, তৃণাবৃত সৌন্দালিফুল এখনও গাছে গাছে খুব। ছুঁটা রাখাল ছেলের সঙ্গে কতক্ষণ বসে গল্প করলাম, মাঠে ছুটোছুটি করে বেড়ালাম, নদীজলে সন্ধ্যায় নাইতে নেমে সাঁতার দিলাম খুব। মোড়টা ফিরতে কুঠীর পথে একটা ঝোপের মধ্যে একটা ডালে কি ফুল ফুটে আছে—বাল্যজীবনের কথা মনে করিয়ে দেয়—এক সময়ে এরাই ছিল সহচর, এদের সব চিনি।

রোজ খেয়ে উঠে মুখ ধোবার সময় খুড়ীমাদের বাড়ীর পিছনে বাঁশতলার দিকে যাই। ঐ সময়টা বহু পুরাতন দিনের কথা মনে পড়ে যেন—পুরাতন বাল্য-দিনগুলি প্রতিদিন ঐ সময়টাতে ফিরে আসে।

এখনও গ্রীষ্মের ছুটি এবার শেষ হয় নি। পরশু পর্যন্ত আছে। কিন্তু খুলবার সময় হয়েছে। মনটা বড় খারাপ হয়ে আসচে। কত কথা যে মনে আসচে—কত গ্রীষ্মের ছুটি এ রকম করে কাটলো। অথচ দেশে তো আমার কেউ নেই—যখন ছিল সে ছিল আলাদা কথা।

এবার জ্যৈষ্ঠ মানটা বড় বর্ষা। যখন বাঁশতলী গাছে আম পেকে টুকটুক করে, তখন যুগল কাকাদের চারা বাগানে আম পাক্চে—তখন বর্ষার আকাশ এমন ঘন মেঘাচ্ছন্ন, যেন শ্রাবণ মাস কি আষাঢ় মাস। যে সময়ে কলেজে পড়বার সময়ে আমি বেলেডাঙ্গার পথের বাঁশতলার শান্ত আশ্রয় ছেড়ে

কল্কাতার নিরাশ্রয়তার মধ্যে চলে আনতুম্। খুব কষ্ট হ'ত। এবারে কিন্তু কত দিন পর্য্যন্ত আমি রইলাম! কি স্বন্দর বর্ষাদৃশ্য এবার দেখলাম ইছামতীর চরে, ইছামতীর কালো জলের ওপরে! কি বড় বড় মেঘের ছায়া!...ঘাটের পথে খেজুর গাছটায় খেজুর এখনও বোধ হয় খুঁজলে দু'একটা পাওয়া যাবে।

ওদের নিয়ে রোজ পাঠশালা কর্ত্তুম্, খুক্ sentence লিখতো, জগা ছড়া বলতো:—

‘এঁতল বেঁতল তামার তেঁতল

ধর্ত্তো বেঁতল ধরো না—’

কি মানে এর, ওই জানে—অথচ কি উৎসাহেই আনুত্তি কর্ত্তো!...শিবু ও সুরো ধনুক-বাণ নিয়ে যাত্রা কর্ত্তে আসতো, খুকু কত রাত পর্য্যন্ত বসে আমার কাছে গল্প শুন্তো,—জ্যোৎস্না উঠে যেতো তবুও সে বাড়ী যেতে চাইতো না। এক একদিন আবার ছুপূরে এসে বলতো, গল্প বলুন। আসবার দিন বহুলতনায় বসে ওকে খাতা বেঁধে দিলাম, sentence কর্ত্তে দিয়ে বলে এলাম, এনে আবার দেখবো।

‘মায়ের ভাঙা কড়াখানা উন্টে পড়ে গিয়েচে, ভিটেটাতে বড় বেশী জঙ্ঘল হয়েচে’—অপু যেমন বইতে লিখেচে।

কুঠীর মাঠে গিয়ে এক একদিন গাম্ছা পেতে শুয়ে থাকতুম্—খুব হাওয়া বড় চমৎকার লাগতো। কিন্তু যখন ইছামতীর জলে নাইতে নামতুম্ সকালে ও বিকেলে—সেই সময়ই সকলের চেয়ে লাগতো ভালো। ও-পাড়ার অপূর্ক নৌন্দর্য্য ফুটিয়ে তুলতো চোখের সম্মুখে তা কাকে বলি, কে-ই বা বুঝবে? যখন আসি তখনও বৌ-কথা-ক' ছিল, তখনও পাপিয়া, কোকিল ডাকতো, অথচ তখন তো আষাঢ় মাস পড়েই গিয়েছিল।

এবার এ-বাড়ী ও-বাড়ী এত নিমন্ত্রণ সবাই করে খাইয়েছে—কেন জানি না, অগ্ণবার এত নিমন্ত্রণ তো করে না।

দেবব্রতকে কত কাল দেখি নি—তার মুখ ভুলেই গিয়েচি—এতকাল পরে এইবার দেখবো।

সেদিন বনগাঁয়ে গেছলাম—সকালে খুকীর সঙ্গে পাকা রাস্তায় নাঁকোয় কত খেলা কর্ত্তুম্। খুকী কত ফল তুললে, পাতা তুললে, আমিও কত ফল পেড়ে নিয়ে এসেছিলাম; খুকী রাঁধলে। খুকীর সঙ্গে ছেলেমাগ্ণষী

খেলা খেলে ভারী আনন্দ পাই। \* খুকী কিন্তু পড়াশুনো করে না, এই গুর  
দোষ। খুকু এর মত নয়, খুকু খুব বুদ্ধিমতী, পড়াশুনোর খুব ঝোঁক।

বনগাঁয়ে সেদিন বোটের পুলে বিশ্বনাথ, দেবেন, সরোজ সবাই বসে গল্প  
কচ্ছিল, আমি যেতে অনেকক্ষণ বসে গল্প হোল, বিশ্বনাথ নিজের বাসায়  
নিয়ে গিয়ে খুব খাওয়ালে। রাত্রে এই দিন বন্ধুর বাসায় খাওয়ার পরে  
জ্যোৎস্নায় বেড়াতে বেড়াতে বনগাঁ স্কুলের ফটকে ঠেস দেওয়ানো বেকিটার  
ওপর গিয়ে বসলাম। কত কথা মনে আসে! চক্ৰিশ বছর আগে একজন  
বারো বছরের ক্ষুদ্র বালক একা বাড়ী থেকে ভক্তি হতে এসে ওই জায়গাটাতে  
লাজুক ভাবে চুপ করে বসে ছিল—কতকাল আগে! সেদিনে আর  
আজকার মধ্যে কত তফাৎ তাই ভাবি। হেড্‌মাষ্টার মশায়ের ঘরের  
সামনে বেড়িয়ে এলাম—বোর্ডিং—এর সব ঘরের সামনে বেড়ালাম। কিন্তু  
পর পর সেদিনের কথাটা মনে আস্ছিল—একটি ছোট ছেলে বর্ষায় জলা ও  
আষাঢ়-শ্রাবণের আউশ ধানের ক্ষেত ভেঙে এক-গা কাদা মেখে চাদর গায়ে  
মায়ের কাছ থেকে ভক্তি হওয়ার সামান্য টাকা ও ছুটি পয়সা জলখাবারের  
জগ্গে বেঁধে এনে লাজুক মুখে চুপ করে ওই স্কুলের পৈঠার উপর বসে আছে  
—এমন মুখচোরা যে, কাউকে বলতে পার্বে না ভক্তি কোন্ ঘরে হয়, বা  
কাকে বলতে হবে?

সেই ছোট ছেলেটা চক্ৰিশ বছর আগেকার আমি কিন্তু সে এত দূরের  
ছবি, যে আজ যেন তার ওপর অলক্ষিতে স্নেহ আসে।

ওঃ, এবার যেন ছুটিটা খুব দীর্ঘ মনে হচ্ছে, সেই কবেকার কথা স্থলীল  
বাবুর স্ত্রী বটতলায় ভাত রেঁধে আমাদের পরিবেশন করে খাইয়েছিলেন,  
আমরা কাঠ কুড়িয়েছিলাম, যুগল এসে দাঁড়িয়ে কথা কয়েছিল—সে কত  
দিনের কথা। তার পর গোপালনগরের বারোয়ারী, তুফন্ ঠাকুরের  
বৃষোৎসর্গ শ্রাদ্ধ, সে সবও কতকালের কথা। বড় চারার আম কেনা, মাঠের  
চারার আম কেনা, সে সবও আজকার কথা নয়। জাঁচানোর সময়ে  
খুড়ীমাদের বাড়ীর পিছনে গাছপালা ও বাঁশবনের দৃশ্যটা এত অদ্ভুত যেন  
একেবারে শৈশবে নিয়ে যায় এক মুহূর্তে।

\* খুকু এক খুকী এক নয়,—খুকু থাকে যারাকপূরে, আর খুকী বনগাঁয়ে



জীবনের রূপ ও সৌন্দর্য্যে ডুবে গেলাম। হে ভগবান! এর তুলনা দিতে পারিনে।

পঞ্চানন চক্রবর্তীর সঙ্গে আলাপ হোল, ইউনিভার্সিটির একটা brilliant ছেলে, রেবতীবাবুর বন্ধু। পথে আসতে আসতে অবনী ও শৈলেনবাবুর সঙ্গে দেখা। তারা মনোজের বাড়ী কাঁঠাল-খাবার নিমন্ত্রণ রক্ষা কর্তে চলেচে। বৃষ্টি আসতে দেখে আমি দৌড় দিলাম।

বাসায় এসে ঠিক কল্লুম এই ঘরটা আমি একলা নেবো। এ বৎসরটা খুব পড়বো, লিখবো, চিন্তা করবো। Prescott's Peru, Shackleton's Voyages ও Historiography-র ভাল বই এবার পড়তে হবে—যদিও Prescott আমার পড়া আছে, তবু আর একবার পড়বো। চিন্তায় যে নির্জনতা চাই, তা ঘরে একা না থাকলে হবে না। Crystallography সম্বন্ধে কিছু পড়তে হবে।

এ কয় মাস এই খাতাখানা হারিয়ে গেছিল। তাই মাস পাঁচেক ধরে এতে কিছু লেখা হয় নি। কিন্তু আশ্চর্য্যের বিষয় এই যে, খাতাখানা ছিল আমার বড় বাস্তুটাতে, সে বাস্তুটা কত বার খুঁজেচি খাতাখানার জন্তে, তবু সন্ধান পাইনি। আজ পালিতদের তারাপদবাবু এলেন সন্ধ্যার সময়। তাঁদের সে ঠিকুজী-কুঞ্জীখানা আমার কাছে অনেক দিন পড়ে আছে, তাই ফিরিয়ে নিতে এলেন। বাস্তু খুলে ঠিকুজীখানা খুঁজতে খুঁজতে এ খাতাখানাও বার হয়ে পড়ল।

ইতিমধ্যে—এই পাঁচ মাসের মধ্যে—আমার জীবনের অদ্ভুত পরিবর্তন হয়ে গেছে। সব দিক থেকে পরিবর্তন। জ্ঞান মারা গিয়েচে, ওর সংসার পড়েচে আমার ঘাড়ে, জীবন ছিল দায়িত্বহীন, অবাধ—এখন আমি পুরোদস্তুর ছাপোষা গেরস্ত মাছুষ। বনগাঁয়ে বাসা করে ওদের সব সেখানে এনে রেখেচি। সেটা যখন আমার কর্তব্য, তখন তা আমায় কর্তেই হবে, স্বার্থপর হতে পারবো না কোনোদিন।

আরও পরিবর্তন হয়েছে। ক্লারিজ.সাহেব চলে গিয়েচে, দেবব্রত চলে গিয়েচে। কোথায় গিয়েচে, বা দেবব্রতের কি হয়েছে তা আমি লিখবো না। কিন্তু আমার মনে যে ব্যথা লেগেচে এতে—ভেবে দেখবারও অবকাশ পাইনে সব সময়। এক-একবার গভীর রাত্রে মনে পড়ে, যুম আসে না ছুপ

করে থাকি—অল্পমনস্ক হবার চেষ্টা করি—সে ব্যথা বড় সাংঘাতিক—যাক  
শুকথা আর লিখে কি হবে !

সেদিন শিবরাত্রি গেল। এই শিবরাত্রির সঙ্গে আমি সেদিন বসে বসে  
হিসেব করে দেখছিলাম যে, জীবনের কত সুখদুঃখের কাহিনীই না জড়িত  
রয়েছে ! মধ্যে একদিন এসেছিল বনগাঁয়ের হরবিলাস—নূপেন রায়ের নতুন  
কাগজের জন্তে, (তার নাম আমি আজই করে এসেছি ‘উদয়ন’)—তাকে  
বলুম—তোমাদের বাসাটা আমায় দেবে ? আমি গভীর রাত্রে বসে বসে  
ভাবছিলাম, তা যদি হয়, ওরা যদি বাসাটা ছেড়ে দেয়—তা হ’লে সেখানে  
কি করে বাস করবো ? কত কথাই না মনে পড়বে ! মনে পড়বে আমি  
যখন বালক, কিছুই বৃদ্ধি—বনগাঁয়ে হেডমাষ্টার মশায়ের বেতের  
বিভীষিকায় দিনরাত কাটা হয়ে থাকি—সেই সব দিনের কথা। সেই এক  
শিবরাত্রি—কিন্তু না তার আগেও শিবরাত্রির কথা আমার মনের মধ্যে  
জাগ্রত আছে। ছেলেবেলায় হালিসহর থেকে সেই যে এসেছিলাম—ছোট  
মামা প্রভাতী গান কর্তৃক বৈষ্ণবদের সুরে—আমি শীতে কাঁপতে কাঁপতে  
নদী থেকে নেয়ে আসতুম—জীবনের সেই প্রথম শিবরাত্রি যার কথা মনে  
আছে। তারপর অবিশি বনগাঁয়ের ঐ শিবরাত্রি। ওঁরা এসে বাইরের ঘর  
থেকে আমায় ডেকে নিয়ে গেলেন মন্ত্র পড়াতে—বেশ মনে আছে। তাই  
ভেবেছিলাম এতকাল পরে—জীবনের এত অদ্ভুত পরিবর্তনের পরে আবার  
হরবিলাসদের বাসায় থাকবো কেমন করে ?

ছোট খুকী সম্প্রতি মারা গেছে। ও কেন এসেছিল তাই জানি না।  
আট মাস বেঁচেছিল—কিন্তু এত দুঃখ পেয়ে গেল এই অল্পদিনের মধ্যে তা  
আর কাকে বলি ? ও আপন মনে হাসতো—কিন্তু সবাই বলতো “আহা কি  
হাসেন, আর হাসতে হবে না, কে তোমার হাসি দেখতে ?”—ওর অপরাধ  
—ও জন্মবার পর ওর বাবা মারা গেল। সত্যিই ওর হাসি কেউ চাইত  
না। ওর বাবা তো মারা গেল ; ওর মারও সৰ্ব্বটাপন্ন অস্থখ হোল—ওকে  
কেউ দেখতো না—ওর খুড়ীমা বন্ধে—টাকা পাই তো ওকে মাইয়ের দুধ দি।  
ওকে নারকোল তলায় চট পেতে শুইয়ে রাখতো উঠানে—আমার কষ্ট  
হোত—কিন্তু আমি কি করবো ? আমি তো আর স্তম্ভদুঃখ দিতে পারিনে ?  
ওর রিক্লেট্‌স্ হোল। দিন দিন শীর্ণ হয়ে গেল—তবুও মাঝে মাঝে বনগাঁয়ের

বাসায় বাইরের দালানে শুয়ে সেই অকারণ অর্থহীন হাসি হাসতো—  
সেদিনও তেমনি হাসতে দেখে এসেচি—ও শনিবারে যখন বাড়ী থেকে  
আসি। Unwanted Smile! কিন্তু সে হাসি কোথায় অদৃশ্য হয়ে গিয়েচে  
গত মঙ্গলবার থেকে—খয়রামারির মাঠে ওর বালিশটা পড়ে আছে সেদিন  
দেখেচি—এ ছাড়া আর কোনো চিহ্ন কোথাও রেখে যায় নি ও! Poor  
little mite! কিন্তু আমি বলি ও হাসি শাশ্বত,—এই বসন্তে বনে বনে  
ঘেঁটুফুলের দলে ফুটেচে, ফুলে ফুলে কত কাল ধরে ফুটে আসচে—কালের  
মধ্যে দিয়ে ওর জীবনধারা অপ্রতিহত, প্রতিদ্বন্দ্বীহীন ও নিত্য—খুকীর  
হাসিও তেমনি।

পার্ক সার্কাস থেকে ট্রামে আসতে আসতে তারান্ধরা নৈশ আকাশের  
দিকে চেয়ে চেয়ে আমার মনে এ সত্য জেগেচে—এই ঘূর্ণ্যমান, বিশাল  
নাক্তরিক জগৎ, এই সৃষ্টিমুখী নীহারিকার প্রজ্বলন্ত বাষ্পপুঞ্জের রাশি—এই  
অনাগন্ত মহাকাল—এরা যেমন নিত্য, যতটুকু নিত্য, যে অর্থে নিত্য, তার  
চেয়ে কোনো অংশে কম নিত্য নয় আমার অবোধ, অসহায়, রোগশীর্ণ  
খুকীর দন্তহীন কচিমুখের অনাদৃত, অপ্রার্থিত, অর্থহীন, অকারণ হাসিটুকু।  
বরং আমি বল্চি তা আরও বড়—এই বিশ্বের কোথাও যেন এমন একটা  
বিপুল ও স্ফুটন্ত অধ্যাত্মনীতি আছে, উদীয়মান সবিতার রক্তরাগের মত  
তা অন্ধকারের মধ্যে আলোর সঞ্চার করে, জড়ের মধ্যে প্রাণের স্পন্দন  
জাগায়, সকল সৃষ্টিকে অর্থযুক্ত করে—এইজন্ত অর্থযুক্ত করে যে, যে গোরবে  
সৃষ্টির সৌন্দর্য্য রূপ পেয়েচে, মহিমময় হয়েচে—সেই বর্ণ সবিতার দান,  
আদিম অন্ধকারে অবগুষ্ঠিতা বসুন্ধরার মুখের অপসারিত করেছেন সবিতা  
তঁার আলোর অঙ্গুলির স্পর্শে—তাকে সার্থক করেচেন, জাগ্রত করেচেন,  
মাটির মূর্ত্তিতে প্রাপ্তপ্রতিষ্ঠা তঁারই তেজোময় মস্তে।

খুকীর হাসি সবিতার ওই অমৃতজ্যোতির মত, তা মৃত্যুঞ্জয়ী, তা বিশ্বের  
জড়পিণ্ডে প্রাণের সঞ্চার করে, বিপুল সৃষ্টিকে অর্থযুক্ত করে, গোরবময় করে।

তা মিথ্যা নয়, অনিত্য নয়,—তা শাশ্বত, তা অমৃত। এবং তা সন্তব  
হয়েচে সৃষ্টির ওই অমৃতজ্যোতির আইনে—ও নীতি অমোঘ—ওর শক্তি ও  
ওর সত্য অস্তিত্ব অন্তরতম অন্তরে অমুভব কর্ত্তে পারি—কিন্তু ভাষায়  
বোঝানো যায় না।

\* বেলা পড়ে এসেচে। রাঙা রোদ দূরের পাহাড়ের মাথায়, শালবনে, রাঙামাটির টিলার গায়ে। চারিদিক কত নিঃশব্দ—আকাশ কেমন নীল—অনেকদিন এমন মনের আনন্দ পাইনি—কলকাতার মুমূর্ষু নিস্তেজ মন কাল সারা রাত ও আজ সারাদিনের মাঝে বন্য-সৌন্দর্য্য দেখে, প্রথম বসন্তে ফুটন্ত পলাশ বনের ও ধাতুক ফুলের প্রাণবন্ত রূপ দেখে—ইব্‌ ষ্টেশনের অরণ্য-নদী-পর্কত সমাচ্ছন্ন বিরাট পটভূমির দৃশ্যে একমুহূর্তে তাজা হয়ে উঠল—কি ঘন শালপলাশের বন—কি স্নন্দর জনহীন প্রান্তর, দূরে দূরে নির্জন পর্কতমালা—মন অভিভূত হয়ে পড়ে কিন্তু হৃদয়ের অভ্যন্তরে মাথা সতেজ হয়ে ওঠে। রোদ কি অপূর্ণ রাঙা হয়ে এসেচে—ষ্টেশনের পাশের পথটা দিয়ে সোমড়ার হাট থেকে সাঁওতালী মেয়েরা হাট করে ঝুড়ি মাথায় নিয়ে যাচ্ছে। হাটটায় এইমাত্র আমি, প্রমোদবাবু ও কিরণবাবু বেড়াতে গিয়েছিলাম—বেগুন, রেড়ির বীজ, কচি ইঁচড়, চিংড়ি, কুমড়া, খই, মুড়ি, বিক্রি করচে। এক জায়গায় একটা সাঁওতালী যুবতী ধান দিয়ে মুড়কি নিচ্ছে। এই হাটের সামনে একটা প্রাকৃতিক জলাশয়ে আমরা স্নান কর্ত্ত্বম। ভারী আনন্দ পেয়েছি আজ—ভাগলপুরে ছেড়ে আসবার পরে এত আনন্দ সত্যিই অনেককাল পাই নি।

রোদের রাঙা রং অতি অপূর্ণ!

ভাকবাংলা থেকে লোকে জিজ্ঞেস কর্ত্তে এসেচে আমরা রাজ্জে কি খাবো!

† সকালে আমরা রওনা হলাম। পথে কি স্নন্দর একটা পাহাড়ী স্বর্ণা। সিব্-সিব্ করে পাহাড়ী নদী বয়ে চলেচে। কতকগুলি লোক একটা কাঠের পুলের ওপর থড় বিছিয়ে দিচ্ছে। তারা বসে, পাটোয়ারীর ছেলে এপথে চলে গিয়েচে। পাহাড়ী করবীর দল জলের ধারে ছুটে রয়েছে! শান্ত শাল-পলাশের বনের ছায়া। এখানে সবাই উড়িয়া বুলি বুলচে। এমন ভাল লাগে!

নীল আকাশের তলে অফুরন্ত বাঁশের জঙ্গল। শাল-পলাশের বনে রোদ ক্রমে হলে হয়ে আস্চে। প্রিণ্ডোলা থেকে গভীর অরণ্যের মধ্যে দিয়ে ৭৮ মাইল পথ হেঁটে দুপুরে বিক্রমখোলে পৌছিলাম। বিক্রমখোলের

গায়ে প্রাগৈতিহাসিক যুগের পাথরে উৎকীর্ণ লিপি আবিষ্কৃত হয়েছে—তাই দেখবার জ্ঞান আমরা এখানে এসেছি। লেখাটা ভারী চমৎকার জায়গায়—একটা Limestone-crag-এর নীচে ছায়াভরা জায়গায় প্রাকৃতিক ছোট একটা গুহা মত—তারই গায়ে লেখাটা। চারিধারের বন যেমন গভীর তেমনি সুন্দর—পথের মধ্যে জঙ্গলে কত ধরণের গাছ। আমলকী ও হরিতকীর বন—আমরা আমলকী ফল কুড়িয়ে খেতে খেতে এলাম। প্রিগোলা গাঁয়ের পাটোয়ারী আমাদের জন্তে মুড়কী ও দুধ নিয়ে এল। উড়িয়ার এই গভীর জঙ্গলে সেই প্রাগৈতিহাসিক যুগের শিলালিপি ভারতবর্ষের ঐতিহাসিক বিশেষজ্ঞদের দৃষ্টি আকৃষ্ট করেছে।

জায়গাটা অতীব গভীর অরণ্যময়—কি অপূর্ণ নীল আকাশ অরণ্যের মাথায়—কি অপূর্ণ নিস্তরতা...পাহাড়ের crag, তার ছায়ায় আমরা কতক্ষণ বসে রইলাম—ছেড়ে যেতে আর ইচ্ছে করে না—ইচ্ছা হয় না যে আর বেলপাহাড়ে ফিরি। আবার গাড়ীতে উঠি। আবার কলকাতায় বাই।

প্রিগোলা নামে একটা গাঁ পাহাড়ের পাদদেশে—এইখান দিয়ে বিক্রমখোল যেতে হয়। আমরা বেলা দশটার সময় এখানে পৌছলাম একটু পরেই পাটোয়ারী গাড়ী করে এল। গাঁয়ের 'গাঁউটিয়া' অর্থাৎ গ্রাম-প্রধানের নাম বিদ্বাধর—সে ভাড়াভাড়া আমাদের জন্তে দুধ ও মুড়কী নিয়ে এল খাবার জন্তে। একটু বিশ্রাম করে আমরা বিক্রমখোল রওনা হলাম—দেখা শুনো করে ফিরে আবার গাঁয়েই এলাম। ওবেলাকার নাচের দল নাচ দেখালে। আমরা একটা ফটো নিলাম। আমাদের কোনো অদৃষ্টপূর্ণ জীব ভেবে এখানকার লোকেরা ঝুঁকে পড়েচে—দলে দলে এসে আমাদের চারিপাশে দাঁড়িয়েচে। প্রমোদবাবু মুখে সাবান মেখে দাঁড়ি কামাচ্ছেন—এরা অবাক হয়ে চেয়ে আছে—এ দৃশ্য আর কখনও দেখিনি বোধহয়। ফটোগ্রাফ নেবার সুবিধের জন্তে নাচ হোল পথের ওপর—ঝম্-ঝম্ করচে রোদ—নাচওয়ালীদের মুখের ওপর বড় রোদ্দুর পড়েচে দেখে আমি পরিমল বাবুকে ভাড়াভাড়া snap-টা সেরে নিতে বললাম।

নাচ গান শেষ হোল। প্রমোদবাবু, পরিমলবাবু ও কিরণ হেঁটে রওনা হলেন বেলপাহাড়ে। আমার পায়ে ফোঁস পড়েচে বলে হাঁটতে পারা গেল না। গরুর গাড়ীতে ওঁদের জিনিসপত্র নিয়ে আমি ঘটখানেক পরে রওনা হলাম।

বেলা পড়ে গিয়েছে। বিষ্ণাধর অনেকদূর পর্যন্ত আমার গাড়ীর সঙ্গে সঙ্গে এল। পথের পাশের আমতলায় সেই নাচের দল রেখে থাকে। সেই দাড়িওয়ালা বৃদ্ধটি ভাত খাচ্ছে শালপাতায়। পাশে অদ্ভুত গড়নের কাঁসার বাটিতে কি তরকারী।

গ্রাম পার হলুম। দুধারে শালবন, মাঠ, চারিধারে শিলাথণ্ড ছড়ানো। রোদ-পোড়া মাটির স্বগন্ধ ভাগলপুরের কথা মনে করিয়ে দেয়। ভাগলপুর নয়—ইসমাইলপুরের জঙ্গলের কথা। মুক্ত অরণ্যানী চারিধারে—নিঃশব্দ চাপা বন নয়—উচ্চাবচ প্রান্তর ও শালবন, দুইধারেই উঁচু পাহাড়—গিরিনাম্ন অরণ্যে আবৃত। একটু পরেই চাঁদ উঠল—নবমীর জ্যোৎস্না। শালবনের রূপ বদলে গেল—পাহাড়শ্রেণী রহস্যময় হয়ে উঠল—কি সুন্দর হাওয়া! কি মাটির স্বগন্ধ! অনেকদিন কল্কাতা শহরে আবদ্ধ থাকার পরে এই শালবনের হাওয়া ও বিরাট Space-এর Sense-টা যেন আমার নবজীবন দান করছে। স্মৃতিধে ছিল ওরা নবাই আগে চলে গিয়েছে—আমার গাড়ীতে আমি একা। তাই বসে নিরিবিলা ভাববার যথেষ্ট সময় পেয়েছিলাম—ওরা সঙ্গে থাকলে কেবল বক্ বক্ গল্প হোত।

চাঁদের জ্যোৎস্না আরও উজ্জ্বলতর হোল। কি নির্জন চারিদিক! বাম দিকের পাহাড়শ্রেণীর মাথায় সেই দুটো নক্ষত্র উঠেছে—যা আমি পার্ক সার্কাসে যাবার সময় রোজ সন্ধ্যাবেলা দেখি। চোখ বুজে কল্পনা করবার চেষ্টা করুম কোথায় পার্কসার্কাস, আর কোথায় এই মহিমাময় মুক্ত অরণ্যভূমি, পাহাড়শ্রেণী, প্রান্তর, বাঁশবন, বর্ণা—উড়িয়ার এই সৌন্দর্য্যময় প্রত্যঙ্গদেশ!...আমি অবাক হয়ে গেলাম, মুগ্ধ হয়ে গেলাম—ঘণ্টা দুই চলবার পর আমি যেন একেবারে এই অপার্থিব জ্যোৎস্নার জগতে, এই অজানা অঞ্চলের ততোধিক অজানা পাহাড় ও অরণ্যানীর মায়ায় আত্মহারা হয়ে ডুবে গেলাম—এত কথাও মনে আসে এই সব জায়গায়। আমি ভেবে দেখলাম মন এ সব স্থানে এলে অস্ত্র রকম হয়ে যায়। কল্কাতায় এ সব চিন্তা মনে আসে না—এখানে এই দু' ঘণ্টার নির্জন ভ্রমণে যা মনে এল। জীবনে এমন একটা দিন আসবে, যখন আমাকে এই রকম নির্জন স্থানে একা বাস কর্তেই হবে, নৈলে আমার মনের গোপন গভীরতম দেশে কি সব কথা আছে আমি নিজেই বুঝতে পারবো না।

ভারতবর্ষের রূপটাও যেন নতুন করে বুঝতে পারলাম। ভেবে দেখলাম

—আর্য্যাবর্তের সমতলভূমি বাবে ভারতের সবটাই এই ধরনের ভূমি। B. N. R.-ই দেখে না কেন—নেই ঞ্জপুৰ থেকে আরম্ভ হয়েছে রাঙামাটি, পাহাড় ও শালবন—আর বরাবর চলেচে এই চারশ' মাইল—এর পরও চলেচে আরও চারশ' মাইল—চারশ' মাইল কেন, আরও আটশ' মাইল বসে পর্য্যন্ত। অরণ্যের দৃশ্য দেখানে যেতে আরও গম্ভীর—সম্ভ্রান্ত্রির মহিমময় ঘাটশ্রেণীর অপরূপ দৃশ্যের তুলনা কোথায়? ওদিকে মহীশূর, নীলগিরি—মালাবার উপকূলের ট্রপিক্যাল ফরেষ্ট—আর্য্যাবর্তের সমতলভূমি পার হয়েই অতুলনীয় হিমালয়, Alpine meadows, ভারতের প্রকৃত রূপই এই—এই রাঙামাটি, পাহাড়, শালবন—এই আসল ভারতবর্ষের রূপ। বাংলার সমতলভূমিতে সারা জীবন কাটিয়ে আমরা ভারতের প্রকৃত রূপটী ধর্ন্তে পারিনে। অবশ্য বাংলার রূপ অল্প রকম, বাংলা কমনীয়, শ্রামল ছায়াভরা। দেখানে সবই বেন মুহু ও স্কুমার—গাছপালা থেকে নারী পর্য্যন্ত। এ সব দেশের মত রক্ষণভাব ওখানে তো নেই!

মাথার ওপরে তারাভরা আকাশ। কি জল্জলে নক্ষত্রগুলো—যেন হীরের টুকরোর মত জল্চে!...বিরাট—বিরাট—প্রকৃতি এখানে শিবমূর্ত্তি ধরেচে। কমনীয় নয়, সূহঁ নয়, কিন্তু উদার, মহিমময়, বিরাট। বিরাট is the term for it.

হঠাৎ খুকীটার কথা মনে পড়ে গেল। ওর সেই অবোধ, অনাদৃত হাসিটুকুর কথা মনে পড়ল। এই বিরাট প্রকৃতি, ওই নক্ষত্রজগত, বিশাল উদার Space-এর মধ্যে ওর স্থান কোথায়? মরে সে কোথায় গেল? তার ক্ষুদ্র জীবনীশক্তি নিয়ে ও কি এদের বিরুদ্ধে দাঁড়াতে পার্ত্ত! Poor mite, what chance had she—a helpless thing?

কিন্তু বনের ওই হৃদে তিলের ফুলের থোকা—প্রথম বসন্তে যা থোকা থোকা ছুটেচে—তা দেখলে মনে আশা জাগে। আমি বলতে পারি—এই বিরাটতার সঙ্গে মঙ্গল মিশে আছে, এই মহিমময় সঙ্ঘায় আশ্রয় সত্যদৃষ্টি খুলে যায়। বুদ্ধি দিয়ে সে জিনিস বোঝা যায় না, তর্কযুক্তির পথে তা ধরা দেয় না—তা প্রাণের মধ্যে আপনা আপনি ছুটে ওঠে, নির্জন ধ্যানের মধ্যে দিয়ে—অপূর্ক আনন্দের মধ্যে দিয়ে। মুখে বলে সে সব বোঝানো কি যায়?

ফিরে দেখি ডাকবাংলোতে ওরা আসে নি। আমি একাই অনেকক্ষণ

বসে রইলাম। সামনে চাঁদ উঠেচে নক্ষত্র জ্বলে। অনেকক্ষণ পরে ওরা এল। বলে, স্টেশনের কাছে একটা হায়েনা মেরেচে। আমি একটা শালপাতার পিকা আনিয়ে খেলাম।

নারারাত্রি আমরা গল্প করে জাগলাম। শেষ রাত্রে আমি কয়েকবার উঠে এসে এসে বাইরে দাঁড়ালাম—চাঁদ দূরে পাহাড়ের মাথায় অস্ত গেল। রাঙা হয়ে গেল চাঁদটা—অস্তুত দেখতে হোয়েচে!...

অনেক রাত্রে আমরা স্টেশনে এলাম। বেজার শীত। ভোরবেলার দিকে ট্রেনটা এল। রাতে কি কষ্ট—মালের বস্তার ওপর বসে বসে চুলছিলাম—পরিমলবাবুকে জায়গাটা ছেড়ে দিলাম।

ভোর হোল কুলুঙ্গা স্টেশনে। কি অপূর্ক পর্কতের ও জঙ্গলের দৃশ্য। এমন Wilderness আমি খুব কমই দেখচি। যে স্টেশনে আসি—নেইটাই মনে হয় আগেকার চেয়ে ভাল। নোটবুকে বনে বনে নোট করি, কি কি সেখানে আছে। গোইলকেরা স্টেশনটী বড় হ্রন্দর লাগল। শাল জঙ্গল, পাহাড়, স্থানটাও অতি নির্জন। বাংলাদেশের কাছে যত আসি ততই নমতল প্রান্তর বেশী। খড়্গপুরের ওদিকে কলাইকুণ্ডা জায়গাটী এ হিসাবে বেশ ভাল।

বাংলাদেশে গাড়ী ঢুকল। তখন বেলা একেবারে চলে গেছে। এ আর এক রূপ, অতি কমনীয়, শান্ত শ্রামল। চোখ জুড়িয়ে যার, মন শান্ত হয় কিন্তু এর মধ্যে বিরাটত্ব নেই, majesty নেই—হৃদয় মন বিক্ষারিত হয় না, কল্পনা উদ্দাম হয়ে উঠে অনীমতার দিকে ছুটে চলে না। এতে মনে ভূপ্তি আসে—ছোটখাটো ঘরোয়া স্বথ দুঃখের কথা ভাবার, নানা পুরানো স্মৃতি জাগিয়ে তোলে—মানুষ যা নিয়ে ঘরকন্না কর্তে চায় তার সব উপকরণ জোগায়। হাসি অশ্রু মাথানো লজ্জানতা পল্লীবধূটী যেন—তার সবই মিষ্টি, কমনীয়। কিন্তু মানুষের মন এ ছাড়া আরও কিছু চায়, আরও উদ্দাম, অশান্ত, রুক্ষ, রুদ্ধ ভাব চায়। বাংলাদেশে তা যেন ঠিক মেলে না। হিমালয়ের কথা বাদ দি—সেটা বাংলার নিজস্ব একচেটে জিনিস নয়—আর তার সঙ্গে সত্যিকার বাংলার সম্বন্ধই বা কি? পদ্মা? ...নেও অপূর্ক, নন্দেহ নেই—কিন্তু সে আদরে পালিতা ধনীবধু, একগুঁয়ে, তেজস্বিনী, শক্তিশালিনী, যা খুশি করে, কেউ আটকাতে পারে না—নবাই ভয় করে চলে—খামখেয়ালী—রূপবতী—তবে মিষ্টি নয়—high-bred রূপ ও চালচলন। ঘরকন্না পাতিয়ে নিয়ে থাকবার পক্ষে তত উপযোগী নয়।



কল্কাতা ফিরে পরদিনই নীরদবাবুর বাড়ীতে চায়ের নিমন্ত্রণ হোল সন্ধ্যায়। আমার আবার একটু দেবী হয়ে গেল। স্মৃশীলবাবু মাঝের দিন আমার বাসায় এসেছিলেন—বন্ধশ্রী আফিসে আমায় Phone করেছিলেন—যাবার সময় পার্ক সার্কাস থেকে গুর বাসা হয়ে গেলাম। সতীশের সঙ্গে একটা আফিমের দোকানে আজ আবার দেখা হোল। ক'দিন ধরেই উড়িছা ও মানভূমের সেই স্বপ্নরাজ্য মনে পড়চে—বিশেষ করে মনে পড়চে আসানবলী ও টাটানগরের মধ্যবর্তী সেই বনটা—যেখানে বড় বড় পাথরের চাঁই—এর মধ্যে শালের জঙ্ঘল—পত্রহীন দীর্ঘ গাছগুলিতে হৃদে কি ফুল ফুটে আছে—কেবলই ভাব্চি ওইখানে যদি একটা বাংলো বেঁধে বাস করা যায়—ওই নির্জন মাঠ বন, অরণ্যানীর মধ্যে।

অপরাত্নে ও জ্যোৎস্নাময়ী রাত্রিতে তাদের রূপ ভাবলেও মন অবশ হয়ে যায়।

সকালে উঠে দীনেশ সেনের বাড়ীতে এক বোকা পরীক্ষার কাগজ পেশ করে এলাম। নারা পথে মুচুকুন্দ টাপার এক অদ্ভুত গন্ধ! বিজয় মল্লিকের বাগানে একটা গাছে কেমন থোকা থোকা কাঁচা সোনার রং-এর ফুল ধরেচে। বড় লোভ হোল—ট্রাম থেকে নেমে বাগানের ফটকের কাছে গিয়ে দারোয়ানকে বললাম—ঐ গাছতলাটায় একবার যেতে পারি? সে বললে—নেহি। সংক্ষেপে বললে ;—আমায় সে মানুষ বোলেই মনে কর্বে না। আবার বলুম—হু' একটা ফুল নিয়ে আসতে পারিনে? তলায় তো কত পড়ে আছে। সে এবার অত্যন্ত Contemptuous ভাবে আমার দিকে চেয়ে পুনরায় সংক্ষেপে বললে—নেহি।

ভালো, নেহি তো নেহি—গড়ের মাঠে খিদিরপুর রোডের ধারে অনেক মুচুকুন্দ ফুলের গাছ আছে, ট্রামে আসবার সময় দেখে এসেচি, সেখান থেকে কুড়িয়ে নেবো এখন।

তারপর এলাম নীরদবাবুর বাড়ী। সেখানে খানিকটা গল্পগুজব করে গেলাম শ্যামাপ্রসাদবাবুর বাড়ী। পাশের বৈঠকখানায় রমাপ্রসাদবাবু আছেন দেখলাম—শ্যামাপ্রসাদবাবুও তাঁর লাহিব্রেরী ঘরে কি কাজ করছিলেন। সেখানে খানিকটা থাকবার পরে বাসায় ফিরলাম।

বৈকাল বেলা। আজ রামনবমী। কতদিনের কথা মনে পড়ে। বৈকালে বসে বসে তাই ভাব্ছিলাম—বেলা পড়ে এসেচে—কত পাপিয়ার ডাকভরা

এই সময়ের সেই পুরাতন ছপুরগুলো!...বাঁশের শুকনো পাতার কথা কেন এত মনে হয়, তা বুঝতে পারিনি। স্ফুটনকে কাল যখন পত্র লিখলুম—তখনও বাঁশবনের কথা ও শুকনো পাতার রাশির কথাই মনে এল। পাপিয়ার গানের কথা বিশেষ করে মনে আছে। এই সব দিনের অতীত ছপুরগুলোর সঙ্গে পাপিয়ার গান জড়ানো আছে, আর জড়ানো আছে অস্তুত ধরণের wild আনন্দ!...

বেলা পড়ে এসেচে। গৌসাইপাড়ার নারকোলতলায় আজও তেমনি মেলা বসেচে, অতীত দিনের মত। বাদা ময়রা মুড়কী ও কদ্দমা বিক্রী করচে, গোপালনগর থেকে হয়তো যুগল ও হাজুরা ময়রা তাদের তেলে-ভাজা জিবে গজা ও জিলিপীর দোকান নিয়ে এসেচে।

বাবার সেই শ্লোকটা—অনেক কালের সেই আমবনের চায়ার উচ্চারিত শ্লোকটা আজও আমার মনে আছে। পুরানো খাতাখানা আজও আছে, নষ্ট হয়নি।

সকালবেলা। নেড়াদের ছাদে বসে লিখি। গ্রীষ্মের ছুটীতে গ্রামে এনেছি।

বাস্তবিকই গ্রামের লোকের সংকীর্ণতা এত বেশী—মনকে বড় পীড়া দেয়। এদের মন চারিধার থেকে শূন্যলিত—খল্বার অবকাশ নেই। আবানদুর্ভবংখিতঃ এই দশা দেখি। এদের আচার শুষ্ক ও সৌন্দর্যবজ্জিত—স্বাস্থ্যনীতির সঙ্গে এদের কোনো সম্পর্ক নেই।

কাল বিকেলে নদীর ধারে গিয়ে অনেকক্ষণ একলা বসে ছিলাম। বাংলা দেশের, বিশেষ করে আমাদের অঞ্চলের প্রকৃতির এই যে সৌন্দর্য—এ অল্প ধরণের। কিছুদিন আগে আমি উড়িষ্যায় গিয়ে সেখানকার বন পাহাড়ের সৌন্দর্যের কথা যা লিখেছিলাম—এখানে বসে মনে বিচার করে দেখে আমি বুঝলাম তার অনেক কথা আমি ভুল লিখেছিলাম। বাংলার সৌন্দর্য more tropical—এখানে অল্প একটু স্থানের মধ্যে বহু বিভিন্ন শ্রেণীর গাছপালা ও লতা আছে—ওনব দিকে তা নেই। এখানে বৈচিত্র্য বেশী। নীল আকাশ ওখানেও খোলে—মনে অস্তরকম ভাব জানে, তা মননীয়, বিরাট—এ কথা ঠিকই। কিন্তু বাংলার আকাশ—বিশেষ করে পল্লী অঞ্চলের কি গ্রাম্য নদীর উপরকার যে আকাশ—তার সৌন্দর্য মনে অপূর্ক শিল্পনের সৃষ্টি করে—মনে

বৈচিত্র্য আনে। হয়তো বিরাটতা নেই, ঠিকই—কিন্তু Poetry of Life এতে যেন বেশী। বাঁশগাছে ও শিমুলগাছে এ দেশের, বিশেষ করে আমাদের এই অঞ্চলের, সৌন্দর্য্যকে এক অভিনব রূপ দিয়েছে। জ্যেষ্ঠ মাসে এর সঙ্গে গ্রামে জোটে কচি উলুবন ও আউশ ধানের ক্ষেত। এত সবুজের সমাবেশ আর কোথাও দেখিনি—a feast of green—তবে গ্রামের মধ্যে মূক্ত আকাশ বড় একটা দেখা যায় না,—ওই একটা দোষ। বড় চাপা। কিন্তু মাঠে, নদীর ধারে—মুক্তরূপা প্রকৃতি যেমনি লীলাময়ী তেমনি রূপসী। উদার প্রান্তর, উদার আকাশ—নানাবর্ণের মেঘের মেলা অন্তর্দিগন্তে, সন্ধ্যার কিছু পূর্বে মেঘ-চাপা গোবুলির আলোর গাছে, পালার, শিমুলগাছের মাথায়, নদীজলে, উলুখড়ের মাঠে কি যে শোভা!...

একথা জোর করে বলতে পারি বিক্রমখোলের পাহাড় ও বনের ওপারে যে আকাশ দেখেছিলাম—মাধবপুরের চরের ওপারের বৈকালের আকাশ তার চেয়ে মনে অনেক বেশী বিচিত্রভাবের সৃষ্টি করে।

এইমাত্র নাগপুর শহরের চতুষ্পার্শ্ববর্তী মাংসভূমিতে মোটরে বেড়িয়ে ফিরে এলাম। একথা ঠিকই যে বাংলায় রূপ যতই সুন্দর হোক, বিরাটতায় ও গভীর মহিমায় এসব দেশের কাছে তা লাগে না। উড়িয়ার বন পাহাড়ের সৌন্দর্য্যের চেয়েও এর সৌন্দর্য্য বিরাট ও majestic. বাংলা দেশের রূপ নিতান্তই নিরীহ পল্লীবধুর মত লাবণ্যময়ী, লাজুক টিপপরা ছোট্ট মুখটা। কিন্তু এদেশের highland—এর রূপ গর্ভদৃষ্ট সুন্দরী রাগরাগীর মত।

“Pure Logical thinking can give us no knowledge whatever of the world of experience. The knowledge of Reality begins with experience and terminates with it. Reason gives the structure to the system and the data of experience and their mental relations are to correspond exactly with the consequences in the theory.”

Einstein,

Herbert Spencer Lecture, Oxford, 1933.

Lucian's Satires,

Celsus (178 A.D.) writes :—

“Christians are like a council of frogs in a marsh. Their teachers are mainly weavers and cobblers, who have no power over men of education and taste. The qualification for conversion are ignorance, and childish timidity. Like all quacks they gather a crowd of slaves, children, women and idlers.”

Seneca—Economy,

“He is born to serve but few, who thinks only the people of his own age. Many thousands of years, many generations of men are yet to come : look to these, though from some cause silence has been imposed on all of your own day ; then will come those who may judge without offence and without favour.”

[ আমি ‘অপরাজিত’-র এক স্থানে অবিকল এই ভাবই ব্যক্ত করেছি। অনেক পূর্বেই করেছি—তখন তো আমি নেনেকার এ উক্তিগুলি পড়ি নি—কিন্তু কি চমৎকার মিল আছে ! ]

অনেকদিন লিখিনি, মনেও ছিল না। হঠাৎ আজ মনে হোল তাই সামান্য এতটুকু লিখে রাখলাম। আজকার তারিখটা অন্ততঃ খাতায় থাকুক।

আজ বৈকালে নাগপুর এসে পৌঁছেছি। এবার পূজোয় এখানেই আসবো ঠিক করে রেখেছিলাম। আজ সারাদিন গাড়ীর ঝাঁকুনিতে বড় কষ্ট হয়েছে। গত মাসকয়েক আগে যে বেলপাহাড়ে এসেছিলাম সে ষ্টেশনটা আজ রাতে—শেষ রাতে বেরিয়ে চলে গেছে, দেখতে পাই নি। বিলাসপুর পর্যন্ত তো বেশ এলাম। বিলাসপুর ষ্টেশনে আমরা চা খেলাম। বিলাসপুর ছাড়িয়ে নাগপুর পর্যন্ত প্রায় একই একঘেয়ে দৃশ্য—সীমাহীন সমতলভূমি এক চক্রবালরেখা থেকে অন্য চক্রবালে পর্যন্ত বিস্তৃত। দৃশ্য বড় একঘেয়ে, প্রায়ই

ধানের ক্ষেত ও জলাভূমি—মাঝে মাঝে ছোট ছোট শালবন। রাঙামাটিও সব জায়গায় নেই। বেলপাহাড়ের মত পাহাড় ও জঙ্গল এ পথে কোথাও নেই—এক ভোঙ্গরগড় ছাড়া। ভোঙ্গরগড় ছাড়িয়ে তিন-চারটা স্টেশন পর্যন্ত দৃশ্য ঠিক আমি যা চাই তাই। উভয় পাশে ঘন অরণ্য, শাল, খয়ের ও বগুবাশ, মাঝে মাঝে পাহাড়ী নদী, পর্বতমালা। উড়িষ্কার বনের চেয়েও এ বন অধিকতর গভীর কিন্তু এইটুকু যা, তারপর আবার সেই একঘেয়ে সমতলভূমি—নাগপুর পর্যন্ত। বাংলাদেশে এত অনন্তপ্রসারী দিক্ চক্রবালদেশের কল্পনাও করতে পারা যায় না।

এই সব স্থানে জ্যোৎস্নারাত্রি ও অল্পরাত্রি যে অস্বুত দেখতে হবে তা বুঝতে পারলাম—তবু মনে হোল বনভূমির বৈচিত্র্য ও নৌন্দর্য যা বাংলাদেশে আছে, তা এসব অঞ্চলে নেই। বাংলার সে কমনীয় আপন ভোলানো রূপ এদের কৈ? এখানকার যারূপ তা বড় বেশী রুক্ষ। অবশ্য ভোঙ্গরগড় স্টেশন ছাড়িয়েই যে পাহাড় পড়ে—এমন অনাবৃত শিলাস্তূপ, অত গম্বীর-দর্শন উন্নতভূমি বাংলার কোথাও নেই একথা ঠিক—কিন্তু বাংলায় যা আছে, এখানকার লোকে তা কল্পনাও করতে পারবে না।

বৈকালে নাগপুরে কোতেয়াল নাহেবের বাংলোর এসে উঠলাম। তারপর চা খেয়ে আমি ও প্রমোদবাবু বেড়াতে বেরুলাম। শহরের উত্তর পশ্চিম প্রান্তে একটা বড় পাহাড় আছে, শালবনে আবৃত, নীচে দিয়ে মোটরের পথ আছে। হুঁজনে নেখানে একটা শিলাখণ্ডের ওপর গিয়ে বসলাম। হাওয়া কি সুন্দর! হুঁজন ভহলোক পথে বেড়াচ্ছিলেন, তাঁদের চেহারা দেখে আমার মারহাট্টী সেনানায়ক ভাস্কর পণ্ডিতের কথা মনে পড়লো।

সন্ধ্যাতারা উঠেচে। পাহাড়ের বনভূমি অন্ধকার হয়ে এল। দূরে বনের মাথার দিকে চেয়ে দেখলাম—ওদিকে সাতশো মাইল প্রান্তর, অরণ্য, নদী পার হয়ে তবে বারাকপুর। হাটবার, আজ রবিবার, সন্ধ্যা হয়েছে, কাঁচিকাটার পুল দিয়ে গণেশ মুচি হাট করে ফিরচে আর বলতে বলতে যাকে—হাটে বেগুন আজ খুব সস্তা।

—এত জায়গা থাকতে ও জায়গার কথা আমার এত মনে হয় কেন?

আর মনে পড়ে আমাদের পোড়া ভিটের পশ্চিম ধারের সেই কি অজানা গাছগুলো, যার সঙ্গে বাল্য থেকে আমার কত পরিচয়—ওগুলোর কথা মনে কল্পনা করলেই আবার আমার বারো বছরের মুখ শৈশব যেন ফিরে আসে।

কাল বৈকালে এখানকার মহারাজবাগ ও মিউজিয়াম দেখলাম। মিউজিয়ামে অনেক পুরানো শিলাখণ্ড আছে—কয়েকটা খৃষ্টীয় তৃতীয় ও চতুর্থ শতাব্দীর। বিলাসপুর জেলায় একটা ডাকাতির কাছে পাওয়া কতকগুলো তীর দেখলাম, ভারী কৌতূহলপ্রদ জিনিস বটে। একটা জীবন্ত অজগর নাপ দেখা গেল। মহারাজবাগে একটা বড় সিংহ আছে, কিন্তু সে-সব যতই ভাল লাগুক, সে-সব নিয়ে আজ লিখবো না। আজ যা নিয়ে লিখতে বসেছি, তা হচ্ছে আজকার বিকেলের মোটর ভ্রমণটি।

নাগপুর শহরের চারিদিকে যে এমন অদ্ভুত ধরণের প্রাকৃতিক সৌন্দর্য্য-বিশিষ্ট স্থান আছে, সে-সব কথা আমি কখনও জানতুম না। কেউ বলেও নি। শহরের উত্তর দিকে পাহাড়ের ওপরকার রাস্তা দিয়ে আজ আমরা মোটর নিয়ে গিয়েছিলাম। বোধপুরী ছাত্রী আমাদের নিতে এসেছিল। সে যে কি অপূর্ণ সৌন্দর্য্য, তা লিখে প্রকাশ কর্তে পারি নে। নক্ষ্যা হয়ে আস্তে আস্তে অস্তদিগন্ত রঙে রঙে রঙীন। বহুদূরে, দূরে, উচ্চ মালভূমির স্বপ্ন প্রাস্ত সান্ধ্যছায়াচ্ছন্ন, দিক্‌চক্রবালেরখা নীল শৈলমালায় সীমাবদ্ধ, সামনে, পিছনে, ডাইনে, বাঁয়ে যেদিকে ধূস্র বৃক্ষহীন, অতৃণহীন উচ্চাচ মালভূমি, শৈলমালা, শিলাখণ্ড,—দু'চারটা শালপলাশের গাছ। মাথার উপর অপূর্ণ নীল আকাশ, ঈষৎ ছায়াভরা কারণ নক্ষ্যা হয়ে আস্তে—পিছনের পাহাড়ী ক্রমে গাড়ীর বেগে খুব দূরে গিয়ে পড়তে তার ওপরকার বৃক্ষশ্রেণী ক্রমশঃ অস্পষ্ট হয়ে আস্তে—নাম্নের শৈলমালা ফুটে উঠছে—ক্রমে অনেক দূরে সিতাবলুড়ির পাহাড় ও বেতার টেলিগ্রাকের মাস্তুল দেখা যাচ্ছে। তার নীচে চারিদিকের মালভূমি ও পাহাড়ে ঘেরা একটা খাজের মধ্যে নাগপুর শহরটা। এমন একটা মহিমময় দৃশ্যের কল্পনা আমি জীবনে কোনোদিনই কর্তে পারি নি—বাংলাদেশ এর কাছে লাগে না—এর সৌন্দর্য্য যে ধরণের অতৃণুতি ও পুলক মনে জাগায়, বাংলাদেশের মত ভূমিনংস্থান যে সব দেশে, সে সব দেশের অধিবাসীদের পক্ষে তা মনে কল্পনা করাও শক্ত। উড়িষ্কার দৃশ্যও এর কাছে ছোট বলে মনে হয়—সেখানে জঙ্গল আছে, বুনো বাঁশের ঝাড় আছে বটে, কিন্তু এ ধরণের অবর্ণনীয় সুমহান, বিরাট, রুক্ষ সৌন্দর্য্য সেখানকারও নয়। তখন আমি এনব দেখি নি, কাজেই উড়িষ্কারকেই ভেবে-ছিলাম এই প্রাকৃতিক সৌন্দর্য্যের চরমতম সৃষ্টি। আমি বনশ্রী খুব ভালবাসি, বন না থাকলে আমার চোখে সে সৌন্দর্য্য সৌন্দর্য্যই নয়—কিন্তু বন না

থাকলেও যে এমন অপূর্ণ রূপ খুলতে পারে, এমন Superb অঙ্কুতি মনে জাগতে পারে তা আমার ধারণাও ছিল না।

সন্ধ্যা প্রায় হয়ে এসেচে। এখানে পাহাড়ের ওপর দুটো বড় হ্রদ আছে, একটার নাম আষাজেরী আর একটার নাম কি বলে বোধপূরী ছাত্রটি ঠিক বুঝতে পারলাম না। দুটোই বড় সুন্দর—অবিশি আষাজেরী হ্রদটা অনেক বড় ও সুন্দরতর। হ্রদের নামনে কলকাতার ঢাকুরে লেককে লজ্জায় মুখ লুকাতে হয়। এর গম্বীর মহিমার কাছে ঢাকুরিয়া লেক বাম্বিকীর কাছে ভারতচন্দ্র রায়। এর কি তুলনা দেবো? যান জ্যোৎস্না উঠল। বোধপূরী ছাত্রটি লোক ভাল, কিন্তু তার দোষ দে অনবরত বক্চে। প্রমোদবাবু তার নাম রেখেচেন ‘মূলো’—সে চুপ করে থাকলে আমরা আরও অনেক বেশী উপভোগ কর্তে পারতুম।

আসবার পথটিও বড় চমৎকার—পথ ক্রমে নেমে যাক্—দু’ধারে সেই রকম immensity. মনে হোল আজ পূজার মহাষ্টমী—দূর বাংলাদেশের পল্লীতে পল্লীতে এখন এই সন্ধ্যায় মহাষ্টমীর আরতি সম্পন্ন হয়ে গেছে, প্রাচীন পূজার দালানে নতুন জামা-কাপড় পরে ছেলেমেয়েরা মুড়ি-মুড়কী, নারকেলের নাড়ু কোঁচড়ে ভরে নিরে খেতে খেতে প্রতিমা দেখচে। বারাকপুরের কথা, তার ছায়াঘেরা বাঁশবনের কথাও এ সন্ধ্যায় আজ আবার মনে এল। সজনে গাছটার কথাও—সেই সজনে গাছটা।

মহাষ্টমীতে আজ ক্র্যাডক্-টাউনে প্রবাসী বাঙ্গালীদের দুর্গোৎসব দেখতে গিয়েছিলাম। নাগপুরে বাঙ্গালী এত বেশী তা ভাবি নি। ওরা প্রসাদ খাবার অনুরোধ করলে—কিন্তু নীরদবাবুকে রুগ্ন অবস্থায় বানায় রেখে আমরা কি করে বেশীক্ষণ থাকি ?

মারাঠী মেয়েরা রঙীন শাড়ী পরে সাইকেলে চেপে ঠাকুর দেখতে যাক্। আমরা মহারাজবাগের মধ্যের রাস্তা দিয়ে এগ্রিকালচারাল কলেজের গাড়ী-বারান্দার নীচে দিয়ে ভিক্টোরিয়া রোডে এসে পৌছলুম। রাত সাড়ে সাতটা, জ্যোৎস্না মেঘে ঢেকে ফেলেচে।

দেদিন বনগাঁয়ে ছকু পাড়ুইর নৌকাতে সাতভয়েতলা বেড়াতে গিয়েছিলাম—এবার বর্ষায় ইছামতী কুলে কুলে ভরে গিয়েচে—দু’ধারের মাট ছাপিয়ে জল উঠচে—তারই ধারের বেতবন, অগ্ন্যাগ্ন আগাছার জঙ্গল বড় ভাল লেগেছিল। অত সবুজ, কালো রংয়ের ঘন সবুজ,—বাংলা ছাড়া আর

কোথাও দেখা যাবে না, বনের অত বৈচিত্র্য ও রূপ কোথাও নেই—নীল আকাশের তলায় মাঠ, নদী, বনঝোপ বেশ সুন্দর লেগেছিল সেদিন। কিন্তু আজ মনে হোল সে যত সুন্দর হোক, তার বিরাটতা নেই—তা pretty বটে, majestic নয়।

চারিদ্বারে জঙ্গলাবৃত—গাছপালার মধ্যে হ্রদটা। হ্রদের বাংলাতে বসে লিখিচি। প্রমোদবাবু বলছেন, সূর্য্য ঢলে পড়েচে শীগ্গির লেখা শেষ করুন। এখান থেকে আমরা এখন রামটেক্ যাবো। কি গভীর জঙ্গলটাতে এইমাত্র বেড়িয়ে এলাম—বুনো শিউলি, কৈদ, আবলুন, সাঁইবাবলা সব গাছের বন। নামনে যতদূর চোখ যায় নীল পর্ব্বতমালা বেষ্টিত বিরাট হ্রদটা। এমন দৃশ্য জীবনে খুব কমই দেখেচি। পাহাড়ে যখন মোটরটা উঠল—তখনকার দৃশ্য বর্ণনা করবার নয়। সময় নেই হাতে, তাই তাড়াতাড়ি যা তা লিখিচি। সূর্য্য ঢলে পড়েচে—এখনও এখান থেকে পাঁচ মাইল দূরবর্তী রামটেক্ দেখতে যাবো। প্রমোদবাবু তাগাদা দিচ্ছেন। বনশিউলি গাছের সঙ্গে বনতুলসী গাছও আছে—কিন্তু তা পাহাড়ের বাইরেচালুতে। একটা সুন্দর গন্ধ বেড়চ্ছে। মোটরওয়াল কোথায় গিয়েচে—হর্ণ দিচ্ছি—এখনও খোঁজ পাই নি। পাহাড়ের গায়ে ছায়া পড়ে এসেচে। দূরের পাহাড় নীল হতে নীলতর হচ্ছে। এখানে হ্রদের নাজানো বাঁধানো সিঁড়ি ভেঙে জল সংগ্রহ করা অত্যন্ত কষ্টকর। বাংলোয় চৌকীদারের কাছ থেকে জল চেয়ে দু'জনে খেলাম।

ক্রমে নক্ষা হ্রদ হয়। ড়াইভারটা কোথায় ছিল—হর্ণ দিতে দিতে এল। প্রমোদবাবু ছড়ি ফেলে এসেচেন—হ্রদের ঘাটে নেমে আনতে গেলেন। ফিরে বসেন—ছায়া আরও নিবিড়তর হয়েছে বনের মধ্যে। অপরাহ্নের ছায়ায় বন আরও সুন্দর দেখাচ্ছে। ওখান থেকে মোটর ছেড়ে শৈলমালাবৃত সুন্দর পথে রামটেক্ এলাম। রামটেকে যখন এসেচি, তখন বেলা আর নেই, সূর্য্য অস্ত গেছে। অপরাহ্নের ছায়ায় রামটেকের স্মৃহং উপত্যকা ও ছায়াচ্ছন্ন অরণ্যাবৃত শান্ত অধিত্যকাত্মির দৃশ্য আমাদের কাছে এতই অপ্রত্যাশিত ভাবে সুন্দর মনে হোল যে, আমি মনে মনে বিস্মিত হয়ে গেলাম—এই সুওর গিরিসাছদেশ এখনি জ্যোৎস্নায় স্তম্ভ হয়ে উঠবে, এই নির্জনতা, সেই প্রাচীন দিনের স্মৃতি—এসব মিলে এখনি একে কি অপরূপ রূপই দেবে—কিন্তু আমরা এখানে পৌছতে দেবী করে ফেলেচি, বেশীক্ষণ এই ছায়াভরা ধূসর সান্নিশোভা উপভোগ কর্তে তো পারবো না! পথ



খুব চওড়া পাথরে বাঁধানো—কিন্তু উঠেই চলেচি, সিঁড়ি আর শেষ হয় না। প্রথমে একটা দরজা, সেটা এমন ভাবে তৈরী যে দেখলে প্রাচীন আমলের চূর্ণধার বলে ভ্রম হয়। তারপর আর একটা দরজা, তারপর আর একটা—সর্বশেষে মন্দির। মন্দিরে প্রবেশ করে বহিরাঙ্গণের প্রাচীরের ওপরকার একটা চবুতারায় আমরা বসলাম। নীচেই বাঁ ধারে কিন্নরী হ্রদ, পূর্বে পূর্ণচন্দ্র উঠে, চারিদিকে থৈ থৈ করচে বিরাট space, পশ্চিম আকাশ এখনও একটু রঙীন। মন্দিরে আরতির সময়ে এখানে নহবৎ বাজে, এক ছোকরা বাইরে পাঁচিল ঠেস দিয়ে বসে নানাই বাজাতে শুরু করলে। আমি একটা সিগারেট ধরলাম।

একটু পরে জ্যোৎস্না আরও ফুটল। আমাদের আর উঠতে ইচ্ছে করে না, প্রমোদবাবু তো শুয়েই পড়েছেন। দূরে পাহাড়ের নীচে আধারা গ্রামের পুকুরটাতে জ্যোৎস্না পড়ে চিক্ চিক্ করচে। মন্দির দেখতে গেলাম। খুব ভারী ভারী গড়নের পাথরের চৌকাঠ, দরজার ফ্রেম—সেকেলে ভারী দরজা পেতলের পাত দিয়ে মোড়া, মোটা গুল্ বনানো। মন্দিরের ছু'পাশে ছোট ছোট ঘর, পরিচারক ও পূজারীরা বাদ করে। তাদের ছেলেমেয়েরা খেলাধুলো করচে, মেয়েরা রান্নাবাড়া করচে। রামসীতার মন্দিরের দরজার পাশে অনেকগুলি সেকেলে বন্দুক ও তলোয়ার আছে। একজনকে বল্লম—এত বন্দুক কার? নে বল্লে—ভৌস্লে নরকারকা। ১৭৮৩ সালে রঘুজী ভৌস্লে এই বর্তমান মন্দির তৈরী করেন। আধারা সরোবরের পাশে ভৌস্লেদের বিশ্রামাবাসের ধ্বংসাবশেষ আছে, আসবার সময় দেখে এনেচি। মন্দিরের পিছনের একটা চবুতারায় দাঁড়িয়ে উঠে নীচে রামটেক্ গ্রামের দৃশ্য দেখলাম—বড় স্নন্দর দেখায়! রামটেক্ ঠিক গ্রাম নয়, একটা ছোট গোছের টাউন।

মন্দির প্রদক্ষিণের পর পাহাড় ও জঙ্গলের পথে আমরা নেমে এলাম। জ্যোৎস্নার আলোছায়ায় বনময় সাহুদেশ ও পাষণ বাঁধানো পথটা কি অদ্ভুত হয়েছে। এখানে বসে কোনো ভাল বই পড়বার কি চিন্তা করবার উপযুক্ত স্থান। এর চারিদিকেই অপ্রত্যাশিত সৌন্দর্যময় গলিয়ুঁজি, উচ্চাচ ভূমি, ছায়াভরা বনান্ত দেশ। আমার পক্ষে তো একেবারে স্বর্গ। ঠিক এই ধরণের স্থানের সন্ধানই আমি মনে মনে করেচি অনেকদিন ধরে। চন্দ্রনাথ পাহাড়ের থেকে এর সৌন্দর্য অনেক বেশী, যদিও চন্দ্রনাথের মত এ পাহাড় অতটা উঁচু নয়। আধারা গ্রামটা আমার বড় ভাল লাগল—চারিদিকে



মনে হচ্ছিল। মনে ভাবছিলাম ওই নির্জন শৈলশিখরে, এই ঘন ঘনের মধ্যর পথ দিয়ে ফুটফুটে জ্যোৎস্নার তাঁবু খাটিয়ে যারা রাজিযাপন করে একা একা, তাদের জীবনের অপূর্ব অহুভূতির কথা। আরও ভাবছিলাম এই জ্যোৎস্নার বহনুরের বাংলাদেশের এক ছোট্ট নদীর ধারের গ্রামের একটা দোতারা বাড়ীর কথা। ভাবলাম, অনেকদিন হয়ে গেছে বটে, কিন্তু সে এখন আরও কাছে কাছে থাকে—যখন খুশি দেখানে যেতে পারে—হয়তো আজ এই জ্যোৎস্নারাত্রি আমার কাছে কাছেই আছে। মান্নারে যেখানে নাগপুর জঙ্গলপুর রোড থেকে রামটেকের পথটা বৈকে এল—সেখানে একটা P. W. D. বাংলো আছে, সামনে একটা পদ্মফুলে ভরা জলাশয়। স্থানটা অতি মনোরম। ছুপুরে আজ এই ম্যাঙ্কানিজগুলি আমরা দেখে গিয়েছিলাম—বিরাত পর্বতের ওপর মোটর উঠিয়ে নিয়ে গেল।—অনারুতদেহ পর্বতপঞ্জর রোদ্রে চক্চক্ করচে, খাড়া কেটে ধাতু-প্রস্তুত বার করে দিয়েচে—সামনে schist ও granite—নীচের স্তরগুলোতে কালো ম্যাঙ্কানিজ। একজন ওদেশী কেরানী আমাদের সব দেখালে, 'সঙ্গে ছ' টুক্করো ম্যাঙ্কানিজ দিলে কাগজচাপা করবার জন্তে। তারই মুখে শুন্লাম এই ম্যাঙ্কানিজ স্তর এখান থেকে ২৫২৬ মাইল দূরে ভাঙারা পর্যন্ত চলে গিয়েছে—মাকে মাকে সমতল জমি, আবার পাহাড় ঠেলে ঠেলে উঠেচে। নাগপুর-জঙ্গলপুর রোডে অনেক পাহাড় পড়ে জঙ্গলপুরে যেতে। সিউনির দিকেও পাহাড় ও জঙ্গল মন্দ নয়। কিন্তু সর্কাপেক্ষা সুন্দর দৃশ্য নাগপুর-অমরাবতী রোডে। নাগপুর শহর থেকে ২৫ মাইল দূরবর্তী বাজারগাঁও গ্রাম থেকে কানহোলি ও বোরি নদীর উপত্যকাভূমি ধরে যদি বরাবর সোজা উত্তর-পশ্চিম দিকে যাওয়া যায়, তা হলে শৈলমালা, মালভূমি ও অরণ্য-ঘেরা এক অপূর্ব প্রাকৃতিক দৃশ্যের সম্মুখীন হতে হবে।

মান্নার ছেড়ে আমরা নাগপুর-জঙ্গলপুর রোডে পড়লাম। ছ'ধারে দূরপ্রসারী সমতলভূমি জ্যোৎস্নায় ধু ধু করচে—আকাশে ছ'দশটা নক্ষত্র—দূরে নিকটে বৃক্ষশ্রেণী। এখনও নাগপুর ২৫ মাইল। সারানিন পাহাড়ে ষষ্ঠানামা পরিভ্রমের পর, ছ ছ ঠাণ্ডা বাতাস বেশ আরামপ্রদ বলে মনে হচে। ক্রমে কাম্টি এসে পড়লাম। পথে কানহান নদীর সেতুর ওপর এসে মোটরের এঞ্জিন বিগড়ে গেল। আমরা জ্যোৎস্নাপ্রাণিত নদীবক্ষের দিকে চেয়ে আর একটা সিগারেট ধরলাম। পেছনে রামটেক প্যাসেঞ্জার

ট্রেনখানা কান্হান্ টেশনে দাঁড়িয়ে আছে—আমার ইচ্ছে ছিল ট্রেনে মোটরে একটা রেস্ হয়—কিন্তু তা আর হোল না, ট্রেন ছাড়বার আগেই মোটরের এঞ্জিন ঠিক হয়ে গেল। কাম্টিতে এঞ্জিন আবার বিগড়ালো এবার কিন্তু অল্পক্ষণের মধ্যেই ঠিক হোল। তারপর আমরা নাগপুর এসে পড়লাম—দূর থেকে ইন্দোরের আলো দেখা যাচ্ছে।

কিন্তু কিন্দী হ্রদের তীরের গিরিসাপুর জঙ্গল আমি এখনও ভুলি নি। শরতের নীল আকাশের তলায় সেই নিবিড় ছায়ানিকেতন আরণ্য প্রদেশটা আমার মনে একটা ছাপ দিয়ে গেছে। আহা! ঐ বনের শিউলী গাছগুলোতে যদি ফুল ফুটতো, আরও যদি ছুঁচার ধরণের বনফুল দেখতে পেতুম—তবে আনন্দ আরও নিবিড় হোত—কিন্তু এমনি কত দেখেছি, তার তুলনা নেই। বুনো বাঁশের ছোট ছোট ঝাড়গুলির কি শামল শোভা! পূজোর ছুটি ফুরিয়ে যাবে, আবার কল্কাতার লোকারণ্যের মধ্যে ফিরে যাবো, আবার দশটা পাঁচটা স্কলে ছুটবো, আবার অপকৃষ্ট ‘ক্যালকাটা কেবিনে’ বসে চা ও ডিমের মামলেট খাবো—তখন এই বিশাল পার্বত্যকার সরোবর, এই শরতের রৌদ্রছায়াভরা কটুতিক্ত গন্ধ ওঠা ঘন অরণ্যানী, এই জ্যোৎস্নাপ্লাবিত নির্জন গিরিসালু—এই আশ্বারা, কিন্দী, রামটেকের মন্দির-দুর্গ—এসব বহুকাল আগে দেখা স্বপ্নের মত অস্পষ্ট হয়ে মনের কোণে উঁকি মারবে।

একটা কথা না লিখে পারচি নে। আমি তো যা দেখি, তাই আমার ভাল লাগে—বিশেষ করে যদি সেখানে বন থাকে। কিন্তু তবুও লিখ্চি আমি এপর্যন্ত যত পাহাড় ও অরণ্য দেখেছি—চন্দ্রনাথ, ত্রিকুট, কাটুনি অঞ্চলের পাহাড়—ভিগ্‌রিয়া ও নন্দন পাহাড়ের উল্লেখ করাই এখানে হাঙ্গকর, তবুও উল্লেখ করচি এইজন্তে যে, এই ডায়েরীতেই কয়েক বছর আগে আমি নন্দন পাহাড়ের স্মৃতি লিখে খুব উদ্দামপূর্ণ বর্ণনা লিখেছি—এসব পাহাড় কিন্দী ও রামটেকের কাছে ম্লান হয়ে যায় সৌন্দর্য ও বিশালতায়।

কাল নাগপুর থেকে চলে যাবো। আজ রাত্রে নির্জন বাংলোয় বারান্দাতে বসে জ্যোৎস্নাভরা কম্পাউণ্ডের দিকে চেয়ে শরৎচন্দ্র শাস্ত্রীর ‘দক্ষিণাপথ ভ্রমণ’ পড়চি। সেই পুরোনো বইখানা সিদ্ধেশ্বর বাবুদের আফিসে কাজ করবার সময় টেবিলের ডয়্যারে যেখানা লুকোনো থাকত। কাজের ফাঁকে ফাঁকে চট করে একবার বার করে নিয়ে পাহাড়, জঙ্গল, দূরদেশের

বর্ণনা পড়ে ক্লাস্ত ও রুদ্ধশ্বাস চেতনাকে চাঙ্গা করে নিতুম। এখনও মনে পড়চে সেই ছোট টেবিলটা তার ডুয়ারটা, ডাইনে কাঠের পার্টিসনটা সেই রোকড় খতিয়ানের স্তূপ, ফাইলের বোঝা।

কাল বৈকালে একা বেড়াতে বার হয়েছিলাম, কারণ সকালে বন্ধে মেলে গ্রামোদবাবু হাওড়া ফিরলেন। আমি তাঁকে তুলে দিতে গিয়েছিলাম। একজন হিন্দুস্থানী ভদ্রলোকের সঙ্গে ট্রেনে আলাপ হোল, তাঁর বাড়ী খড়গপুর, তিনি মতিকাকাকে চেনেন। বল্লম, মতিকাকার কাছে আমার নাম বলবেন।

তারপর বৈকালে একা বার হলাম। South Tiger Gap Road দিয়ে পাহাড়ের ওপর উঠে একটা মুক্ত জায়গায় শাকের ওপর বসলাম। নাম্নে ধু ধু প্রান্তর দূরে দূরে শৈলশ্রেণী—বামে সাতপুরা, ডাইনে রামটেকের পাহাড় ও মান্‌সারের ম্যান্‌সানিজের পাহাড় অস্পষ্ট দেখা যাচ্ছে। একটু পরে স্বর্ষ্য ডুবে গেল, পশ্চিম দিগন্তে কত কি রঙ ফুটল। আমার কেবলই মনে আসতে লাগল ঐ শ্লোকটা—‘প্রস্থিতা দূরপস্থায়ং’... শ্লোকের টুকরাটার নতুন মানে এখানে বসেই যেন খুঁজে পেলাম। ভাবলাম আমার উত্তর পূর্ব কোণে, আরও অনেক পেছনে কাশী ও বিদ্যাচল, হুজাপুর ও চূণার পড়ে আছে—পশ্চিম ঘেঁসে প্রাচীন অবতী জনপদ—পূর্বে প্রাচীন দক্ষিণ কোশল, নাম্নের ঐ নীল শৈলমালা—বার অস্পষ্ট সীমারেখা গোদুলির শান্ত ছায়ায় অস্পষ্ট দেখা যাচ্ছে—ঐ হলো মহাভারতের কিংবা নৈষধ চরিতের সেই ঋক্ষবাণু পর্বত। এই যেখানে বসে আছি, এখান থেকে পঞ্চাশ মাইলের মধ্যে অমরাবতীর কাছে পদ্মপুর বলে গ্রামে কবি ভবভূতির জন্মস্থান। এ সব প্রাচীন দিনের স্মৃতি জড়ানো প্রান্তর, অরণ্য, শৈলমালা, দিগন্তহীন মালভূমির গম্ভীর মহিমা, এই রকম সন্ধ্যায় নিঃস্বপ্নে বসলেই মনকে একে-বারে অভিভূত করে দেয়।

পূর্বে চেয়ে দেখি হঠাৎ কখন পূর্ণচন্দ্র উঠে গেছে। তারপর জ্যোৎস্না শোভিত Tiger Gap Road-এর বনের ধার দিয়ে শহরে ফিরে এলাম। শরতের রাত্তির হাওয়া বস্ত্র শিউলির স্ববাসে ভারাক্রান্ত ও মধুর। Lawrence Road-এর মোড়ে এসে পথ হারিয়ে ফেলেছিলাম—তিনজন বাঙ্গালী ছোকরার সঙ্গে দেখা—তারা আমায় বাংলোর কাছে পৌঁছে দিয়ে গেল।

আমি ওখান থেকে চলে গেলাম সীতাবলুড়ির বাজারে ঘড়ির দোকানে। সেখানে রেডিওতে কলকাতা Short Wave ধরেচে, বাংলা গান বাজচে—

একটু পরে রেডিও স্টেশনের বিষ্ণু শর্মা সুপরিচিত গলায় কি একটা গানের ঘোষণা করলে। মনে মনে ভেবে দেখলাম কত পাহাড় জঙ্গল পার হয়ে ৭৫০ মাইলে ব্যবধান ঘুচিয়ে বিষ্ণু শর্মার গলা এখানে এসে পৌঁছুলো—যে মুহূর্তে সে গাষ্টির প্রেসের সেই রাঙা বনাত মোড়া ঘরটায় বসে একথা বলে, সেই মুহূর্তেই! রেডিওর অদ্ভুতত্ব এভাবে কখনো অমুভব করি নি—কল্কাতায় বসে শুনলে এর গভীর বিশ্বয়ের দিকটা মনে আসে না।

তারপর টাঙা নিয়ে নেরুলকরের ওখানে গেলাম। ডাক্তার বেরিয়ে গিয়েচে—বসে বসে 'The Story of the Mount Everest' বইখানা পড়লাম—রাত দশটা বাজে, এখনও ডাক্তার এল না। আমি একটা চিঠিতে লিখে এলাম, কাল সকালে ছুবেকে সঙ্গে নিয়ে যেন নেরুলকর আমাদের ওখানে আসে। তারপর একটা টাঙা নিয়ে জ্যোৎস্নাপ্রাবিত স্টেশন দিয়ে ফিরলাম।

সকালে নীতাবলুড়ির ঘড়ির দোকানে ঘড়ি সারাতে গেলাম—ওখান থেকে গেলাম ডাঃ নেরুলকরের ওখানে ও স্টেশনে বার্থ রিজার্ভ করতে। ছুপুরে মিউজিয়ামে গিয়ে গোড় জাতির অস্ত্রশস্ত্র, বালাঘাট পার্শ্বদেশের খনিজ প্রস্তর fossil, জ্বলপুত্রের অধুনালুপ্ত অতিকায় হস্তী, নর্মদার উত্তরে অরণ্যের অধুনালুপ্ত সিংহ, বনবিড়াল, বিন্দুওয়ালা জঙ্গলের বাইসন বা মৌর—কত কি দেখলাম। খ্রীষ্টীয় অষ্টম শতকের চেদীরানী লোহলের প্রস্তরলিপি ও বৌদ্ধ রাজা সূর্য ঘোষের পুত্র রাজপ্রানাদের ছাদ থেকে পড়ে যাওয়ার ফলে মারা যাওয়াতে ভগবান তথাগতের উদ্দেশে পুত্রের আত্মার নদগতির জন্ত তিনি যে মন্দির নির্মাণ করেন—সে লিপিটিও পড়লাম। আজ খুব রোদ, আকাশ খুব নীল, বাংলোর বারান্দার বসে লিখি। এখনি চা খেতে যাবো।

তারপর আমরা রওনা হলাম। ডাঃ নেরুলকর স্টেশনে এসে আমাদের সঙ্গে দেখা করে গেলেন। ড্রুগ্ ও ডোঙ্করগড়ের মধ্যবর্তী বিখ্যাত নালাকেসা ফরেস্ট দেখবো বলে আমরা রাত দেড়টা পর্যন্ত জেগে বসে রইলাম। নাগপুর ছাড়িয়ে ছোট ছোট শালের জঙ্গল অনেক দেখা গেল—জ্যোৎস্না রাত্রে প্রকাণ্ড অরণ্যটার রূপ আমার মনে এমন এক গভীর অমুভূতি জাগালে—সে রাত্রে ঘুম আমার আর এল না—ডোঙ্করগড় স্টেশন গাড়ী এসে পড়ল, রাত তিনটে বেজে গেল, ঘুমবার ইচ্ছেও হোল না—জানালা থেকে চোখ সরিয়ে নিতে মন আর সরে না।

নাগপুর থেকে ফিরেই দেশে গিয়েছিলাম। ইছামতী দিয়ে নৌকোতে বিকেলের দিকে গ্রামের ঘাটে পৌঁছলাম—বাল্যে একটা কি ছেলেদের কাগজে একটা কবিতা পড়েছিলাম—

‘ঘাটের বাটে লাগলো যবে আমার ছোট তরী,  
ঘনিয়ে আসে ধরায় তখন শীতের বিভাবরী।’

এতকাল পরে সেই দুটী চরণই বার বার মনে আসতে লাগল। মাধবপুরের মাঠে সূর্য অস্ত গেল, চালতেপোতার বাঁকের সবুজ ঝোপঝাপ দেখলাম—এবার কিন্তু চোখে লাগল না তেমন। কেন এমন হোল কি জানি ?

অবশ্য একথা ঠিক, এমন ঘন সবুজ ও নিবিড় বনসম্পদ C. P. অঞ্চলের নেই—সে হিসেবে বাংলাদেশের তুলনা হয় না ওসব দেশের সঙ্গে ; কিন্তু ভূমিনংস্থান বিষয়ে বাংলা অতি দীন। জলকাদা, ডোবা, জলা, ugly জঙ্গল, —এ বড় বেশী। লোকেও ভূমিশ্রী বর্দ্ধিত করতে জানে না, নষ্ট করতে পারে। নানা কারণে বর্ষাকালে বাংলাদেশ আদৌ ভাল লাগে না। আবার খুব ঘন বর্ষায় খুব ভাল লাগে—যেমন শ্রীষণ ভাদ্র মাসের অবিশ্রীস্ত বর্ষণের দিনগুলিতে, যখন জলে থৈ থৈ করে চারিধার। শেষ শরতের এসব বর্ষায় সৌন্দর্য নেই, কিন্তু অসুবিধে ও শ্রীহীনতা যথেষ্ট। গাছপালায় মনকে বড় চাপা দিয়ে রাখে।

এবার কল্কাতায় বড় ভাল লাগ্চে।

কাল সাহেবের সঙ্গে ঘুরে বেড়িয়েচি সারাদিন। সকালে বিশ্বনাথের মোটরে গোপালনগর গিয়েছিলাম—তারপর লাঙ্গলচবার প্রতিযোগিতা হোল, ছেলেদের দৌড় হোল—তারপর বিকেলে বেলেডাঙ্গা গেলাম। সেখানে একটা ডাব খাওয়া গেল—ফুলে যুগল শিক্ষক এল।

দেশ, খয়রামারির মাঠ এত ভাল লাগ্চে এবার! কাল হারাণ চাকলাদার মহাশয়ের ছেলের কৃষিক্ষেত্র দেখতে গিয়েছিলাম—মাঠের মধ্যে ফুলের চাষ করেছে—বেশ দেখাচ্ছে। একটা বাঁড়া গাছের কুঞ্জবন বড় সুন্দর। এবার জ্যোৎস্না খুব চমৎকার, শীতও বেশ। রোজ খয়রামারির মাঠে বেড়াই। আজ একা যাবো। একলা না গেলে কিছু হয় না।

রাজনগরের বটতলায় রোজ বেড়াতে যাই। সামনে অপরূপ রঙে রঙীন সূর্য্য অস্ত যার দিগন্তের ওপারে, নিঃশব্দ, নিস্তব্ধ চারিদিক—মাতীর সূত্রাণ স্মরণ করিয়ে দেয় ইসমাইলপুরের জনহীন চড়ায় এমন সব শীতের সন্ধ্যা, কত সুদীর্ঘ অন্ধকার রাত্রি, কত কৃষ্ণা নিশীথিনীর শেষ যামের ভাঙা চাঁদের জনমানবহীন বনের পেছনে অস্ত যাওয়া, কত নীল পাহাড় ঘেরা দিক্চক্রবাল, বিষম শীতের রাত্রে ঘনোরী তেওয়ারীর মুখে অদ্ভুত গল্প শোনা অগ্নিকুণ্ডের চারিধারে বসে বসে।

সে সব দিন আজকাল কতদূরের হয়ে গেছে।

আজ নববর্ষের প্রথম দিনটাতে সকালে নীরদবাবুদের সঙ্গে বহুকাল পরে বেলুড় গিয়েছিলাম। পেছনের ছাদটাতে বসে আবার পুরোনো দিনের মত কত গল্প করলাম। পেছনের ছাদটা, বেলুড়ের বাড়ীর চারিপাশের বাগান এত ভাল লাগল। ভেবেছিলাম এখানে আর আনা হবে না। সেই বেলুড়ে আবার যখন আসা হোল,—বিশেষ করে সেই শীতকালেই, যে শীতকালের রাত্রির সঙ্গে বেলুড়ে যাপিত কত রাত্রির মধুর স্মৃতির যোগ রয়েছে—তখন জীবনের অসীম সম্ভাব্যতার উপলব্ধি করে মুগ্ধ না হয়ে পারলাম না। সবাই মিলে আমরা চড়ুইভাতি করে খেলাম নীচের রান্নাঘরটাতে। পেপের ভাল হাতে রন্ধুরে পিঠ দিয়ে বস্লাম মালীর ঘরের সামনে, নীচের ছাদটায় ফল্‌সা গাছের ডালের সেই অপূর্ব্ব অমনমন দেখলাম, যা ওই ফল্‌সা গাছটারই নিজস্ব, অথ গাছের এ সৌন্দর্য্যভঙ্গি দেখিনি কখনো—বাগানের পাঁচীলের ওদিকে পাটের কলে নিবারণ মিস্ত্রীর সেই গোলপাতার ঘরখানা, শীতের দিনে গাঁদাফুল-ফোটা নিকানো ছ'পাশে তক্তকে উঠোন,—সব যেন পুরাতন, পরিচিত বন্ধুর মত আমাদের প্রাণে তাদের স্নেহস্পর্শ পাঠিয়ে দিলে বড় ভাল লাগল আজ বেলুড়।

সন্ধ্যার আগেই মোটরে চলে এলাম কলকাতায়। কাল গিয়েছে পূর্ণিমা, আজ প্রতিপদের চাঁদ রাত সাড়ে সাতটার পরে উঠল। ধোঁয়া নেই, এই যা সৌভাগ্য।

অনেকদিন পরে আজ আম্‌ডাতলার গলির মুখে গিয়ে পড়েছিলাম—এতদিন চিনিনি—আজ চিনেচি।

এবার ইস্টার্নের ছুটীটা কাটাতে এলুম এখানে। সেবার এসে নীলবর্ণার



যে উপত্যকা দেখে গিয়েছিলাম—আবার জ্যেৎস্না রাত্রে নিমফুল ও শাল-মঞ্জরীর ঘন সুবাসের মধ্যে সে সব স্থান দেখলাম। রাণীগর্ণীর পথে পাহাড়ে উঠে গোড় জাতির গ্রামে আবার বেড়িয়ে এলাম। আজ বেড়িয়ে এলাম সকালে কাঁকড়গাছি ঘাট। সারা পথের দু'ধারে বন, তবে এখন শাল ও মহুয়া গাছ প্রায় নিষ্পত্র—তলায় সাদা সাদা মহুয়া ফুল টুপ্ টাপ্ করে পড়চে। রাখামাইনস্ ছাড়িয়ে খানিকটা গেলে বন বেশ ঘন, বড় বড় ছায়াতরুও আছে। কাঁকড়গাছি ঘাটটা বড় চমৎকার,—এখানে একটা জায়গার চারিধারেই পাহাড়ের শ্রেণী। ছোট একটা ঝরণা আছে—তবে এখন ঝরণাতে জল খুবই কম। ওদিকে বনগাছের শোভা এদিকের চেয়ে সুন্দর। অপরাহ্নে বা জ্যেৎস্নারাত্রে যে এসব স্থানের শোভা অপূর্ণ হবে নেটা বুঝতে পারা খুব কঠিন নয়। নীরদবাবুরা গরুর গাড়ীতে এলেন—আমি দেখলাম ওর চেয়ে হেঁটে আসা অনেক বেশী আরামের। বাংলোর নাম্নে ছোট বাঁধটাতে স্নান করে এলাম। জল বেশ ভাল। খুব সম্ভব আজই রাত্রে কলকাতাতে ফিরবো।

কাল রাখামাইনস্ থেকে বৈকালে হেঁটে আমরা তিনজন চলে এলাম শালবনের মধ্যে দিয়ে অন্তর্স্থায়ের আলোয় রাঙানো সুবর্ণরেখা পার হয়ে। আজ সকালে গালুড়ির বাংলোর পিছনে সেই শিলাখণ্ডে বসে লিখচি। কাল রাতের চাঁদটা যে কখন কালারোর পাহাড় শ্রেণীর পিছন দিয়ে উঠল তা মোটেই টের পাইনি—ষ্টেশন থেকে এসে দেখি চাঁদ উঠে গিয়েচে। কিন্তু অনেক রাত্রে ষ্টেশনের পথের ছোট ডুংরিটার সাদা সাদা কোয়ার্টজ পাথরের টাই গুলো, ছোট বট গাছটা অদ্ভুত দেখাচ্ছিল। আজ সকালে গুইরাম্ গাড়োয়ানের সঙ্গে দেখা, সে বঙ্গে ঠিকরী ও ধারাগিরির পথের জঙ্গলে খুব বন, বাঘের ভয়ও আছে। এবার আর যাওয়া হোল না, পূজার সময় যাবো।

এবার জীবনটা খুব গতিশীল হয়ে উঠেচে। এই তো গত শনিবারে রামনবমী, দোলের দিনও বারাকপুরে ছিলাম। দেখলাম আমাদের বাড়ীর পিছনে বাঁশ বনে কিরকম শুকনো পাতার রাশ পড়েচে, নদীর ধারে চটকা-তলা খালের উঁচু পাড়ে কিরকম যে টুফুল ফুটেচে, রঘুদাসীদের বাড়ীতে ওরা আবার এসেচে পথে রঘুদাসীর সঙ্গে দেখা। তার পরে খয়রামারির মাঠে

সেই বেদেদের তাঁবুর ছোট গর্তটা, সেখানে সেদিনও আকন্দ ফুলের শোভা দেখতে গিয়েচি—রাজনগরের বটতলাটা সন্ধ্যাবেলায় একা বেড়িয়ে এসেচি আর ভেবেচি এসব জায়গা কত নিরাপদ, কত নিরীহ—হঠাৎ এক সপ্তাহের মধ্যে গালুড়ির বাংলোর পিছনে বসে লিখচি—রাণীঝর্ণা, নেকড়েডুংরি সব দেখা হয়েই গেছে। রাখামাইনসে হুঁরাত্রি যাপন করে এলাম।

কিন্তু একটা দেখলাম ব্যাপার। এসব স্থানে সঙ্গী নিয়ে আসতে নেই। একা থাকলে নিজের মন নিয়ে থাকা যায়। তখন নানা অদ্ভুত চিন্তা, অদ্ভুত ভাব এসে মনে জ্বোটে। কিন্তু সঙ্গীরা থাকলে তাদের মন আমাকে চালিত করে—আমার মন তখন আর সাড়া দেয় না, কেমন গভীর অতল তলে লাজুক তার মুখ লুকিয়ে থাকে। কাজেই সঙ্গীদের চিন্তা তখন হয় আমার চিন্তা—সঙ্গীদের ভাব তখন হয় আমার ভাব, আমার নিজস্ব জিনিস সেখানে কিছু থাকে না। কাল স্বর্বরেখার পাবের সূর্যাস্তের দৃশ্যটা, কিংবা গভীর রাত্রে জ্যোৎস্নায় মহলিয়ার প্রাস্তরের ও নেকড়েডুংরী পাহাড়ের সে অবাস্তব সৌন্দর্য, একা থাকলে এসব দৃশ্যে আমার মন কত অদ্ভুত কথা বলতো—কিন্তু কাল শুধু আড্ডা দেওয়াই এবং চা খাওয়াই হোল—মন চাপা পড়ে রইল বটে, অর্থহীন প্রলাপ বকুনির তলায়, সম্মিলিত সিগারেট ধূমের কুয়াসার আড়ালে।

তাই বল্চি এসব স্থানে আসতে হয় একা। লোক নিয়ে আসতে নেই।

আজই এখান থেকে যাবো। এখনি বলরাম সারেরের ঘাটে নিয়ে আসবো—অনেকদিন পরে ওতে বড় আনন্দ পাবো। দূরে কালাঝোর পাহাড়, চারিধারে তালের সারি, স্বচ্ছ শীতল জল—দীঘিটা আমার এত ভাল লাগে!

শালধনে নতুন কচি পাতা গজিয়েচে। দূরে কোথার কোকিল ডাক্চে কালাঝোর পাহাড়ের দিকে। এত ভাল লাগ্চে সকালটা!

খুড়োদের ছাদে বসে লিখচি। গ্রীষ্মাবকাশে বাড়ী এসেচি। এবার গালুড়িতে অনেকদিন থেকে আমার যেন নতুন চোখ খুলেচে, গাছপালার বৈচিত্র্য ও প্রাচুর্য এবার বেশী করে চোখে পড়্চে। সমস্ত প্রাণটা যেন একটা পার্ক—আমার বাড়ীতে কোনো গাছ থাকুক আর নাই থাকুক, সারা গ্রাম এমন কি কুঠীর মাঠ, ইছামতীর দুই তীর, শামল বাঁশবন—এসবই আমার। আমি দেখি, আমার ভাল লাগে—আমার না তো কার ?

প্রায়ই বিকেলে কুঠীর মাঠে বেড়াতে যাই, এবার একটা নতুন পথ খুলেচে মাঠের মধ্যে দিয়ে, নেটা আরও অপূর্ব। এমন সবুজ মাঠে, উলুফুল ফুটেচে চারি ধারে, শিমূলগাছ হাত বেকিয়ে আছে, দূর বনাস্ত শীর্ষে বিরাটিকায় Lyre পাখীর পুচ্ছের মত বাঁশবনের মাথা জুল্চে, এমন শ্রামলতা এমন শ্রী—এ আমাদের এই দেশটা ছাড়া আর কোথাও নেই। দুপুরে আজ বেজায় গরম, কাল রাতে ভাল ঘুম হয়নি বলে অত গরমেও খুব ঘুমলাম।

উঠে দেখি মেঘ করেছে। উত্তর পশ্চিম কোণে ঘন নীল-কৃষ্ণ কাল-বৈশাখীর মেঘ,—তারপর উঠল বেজায় ঝড়। আমি আর ঘরে থাকতে পারলাম না, একখানা গাম্ছা নিয়ে তখনি নদীর ঘাটে চলে গেলাম। পথে ছেলি বসে শীগির নেকোতলায় বান্, ভয়ানক আম পড়চে। কিন্তু আজ আর আম কুড়োবার দিকে আমার খেয়াল নেই। আমি নদীর ধারে কালবৈশাখীর লীলা দেখতে চাই। নদীজলে নাম্বার আগেই বৃষ্টি এল। বড় বড় ফোঁটায় বৃষ্টি পড়তে লাগল—জলে নেমে দেখি জল গরম, যেন ফুট্চে। এপার ওপার নাঁতার দিতে লাগলাম, কালো জলে ঢেউ উঠেচে, মুখে নাকে মাথায় ঢেউ ভেঙে পড়চে, ওপারে চরের ওপর বিছাৎ চম্কাচ্ছে বস্তুবুড়ো গাছ ঝড়ে উন্টে উন্টে যাচ্ছে, বৃষ্টির ধোঁয়ায় চারিধারে অন্ধকার হয়ে গেল, নদীজলের অপূর্ব সূত্রাণ বেরুচ্ছে, দূর দূর সমুদ্রের কথা মনে হচ্ছে। এমনি কত ঝটিকাময় অপরাহ্ন ও নীরন্ধু অন্ধকারময়ী রাত্রির কথা—প্রকৃতির মধ্যে এমনি মিশে হাত ধরাধরি করে চলা—ঐ শ্রামল ভালপালা গুঠা শিমূলগাছ, নাইবাবলা গাছ—এই তো আমি চাই। এদের সঙ্গে জীবন উপভোগ করবো—ঐ ঝোড়ো-মেঘে আমার ভগবানের উপাসনা, ঐ তীক্ষ্ণ নীল বিহ্বাতে, এই কালো নদীজলের ঢেউয়ে, ঝড়ের গন্ধে, বাতাসের গন্ধে, বৃষ্টি-ভেজা মাটির গন্ধে, চরের ঘানের কাঁচা গন্ধে—।

কাল কুঠীর মাঠে বসে এই সব কথা ভাবছিলাম। তারপর নদীজলে নাইতে নেমে কেমন একটা ভক্তির ভাব মনে এল। সমস্ত দেহ মন যেন আপনা আপনি হুইয়ে পড়তে চাইল। এ ধরণের ভক্তি একটা বড় bliss, জীবনে হঠাৎ আসে না। যখন আসে, তখন বিরাট রূপেই আসে, আনন্দের বস্তু নিয়ে আসে প্রাণের তীরে। এ Realisation যেমন হৃৎভ, তেমনি অপূর্ব।

আমি ভগবানকে উপলক্ষি করতে চাই। তাঁর এই লক্ষ বিরাট রূপের মধ্য দিয়ে।

এবার মোটে বৃষ্টি নেই—পথঘাট এখনও শুকনো খটখটে, অল্পবার এমন সময় খানা ভোবা জলে ভরে যায়, কুঠীর মাঠের রাস্তায় কাশা হয়। তবে এবার সৌন্দালি ফুল যেন কমে আস্চে, বেল ফুলের গন্ধেরও তেমন জোর নেই।

কাল বিকেলে পাঁচী এসেচে। সে, আমি, খুকু, রাণু, মায় ন'দি ক'জনে কাল বসে কানিদানের মেঘদূত ও কুমার-নগ্গবের চর্চ্চা করেচি। বিকেলে আমি কুঠীর মাঠে বেড়াতে গেলাম। ঘাটে স্নান করতে এসে দেখি ওরা সবাই ঘাটে—খুকু ও রাণু নাঁতার দিয়ে গিয়েচে প্রায় বাঁধালের কাছে। আমি স্নান সেরে উঠে আন্টি, কালো তখন গেল শিমূল তলাটার কাছে। আমি বলুম, তোর মা ঘাটে তোকে ডাক্চে। সে 'বাই' বলে একটা বিকট চীৎকার ক'রে চলে গেল। একটু পরে দেখি খুকু আমার ডাক্চে—বাঁশবন প্রায় আন্ধকার হয়ে এনেচে—ও ঘাট থেকে আসবার সময় বোধ হয় অন্ধকার দেখে ভয় পেয়েচে। আমি দাঁড়িয়ে ওকে সঙ্গে করে নিয়ে এলুম।

আজ ওবেলা স্নানের সময় মনে কি যে এক অপূর্ণ ভাব এসেছিল! প্রতিদিনের জীবন এই মুক্তরূপা প্রকৃতির মধ্যে নার্কক হয় এখানে—এইনব ভাবে ও চিন্তার ঐশ্বৰ্য্যে।

আজ অনেক কাল পরে ন'দির কাছ থেকে গৌরীর হাতের লেখা একখানা গানের খাতা পেরেচি। এতদিন কোথায় এখানা পড়ে ছিল, বা কি ক'রে ন'দির হাতে এল—তার কোনো খবর এরা দিতে পারলে না। Appropriately enough, খাতায় প্রথম গানটিই হচ্চে—

ঐ নীল উজ্জল তারাটি

করণ, অরণ তরুণ কিরণ অমিয় মাথানো হাসিটি

বহুদূর জগতে গিয়েছে গো চলি প্রণয়বৃন্ত ছিঁড়িয়া

ভালবানা সব ভুলে গেছে.....

চৌক পনেরো বছর আগের এমনিধারা কত উজ্জল রৌদ্রালোকিত প্রভাত, বর্ষায় কত মেঘমেজুর নক্ষার কথা মনে আনে।...

যাক। কাল আকাশ হঠাৎ বৃষ্টিকলকত্র দেখেচি—একে প্রথম চিনি বেল পাহাড়ের ষ্টেশনে—পরিমল আমাকে চিনিয়ে দেয়—আমি ওটা চিনতাম না। কাল দেখি শ্রামাচরণ দাদাদের বাঁশঝাড়ের মাথার ওপর বিরাট গুর

অগ্নিপুচ্ছটা বেকে আছে। আকাশের ওদিকটা আলো হয়ে উঠেচে...খুকুকে বলুম,—ঐ ছাখ্ বৃশ্চিক নক্ষত্র—

তাকে চিনিয়ে দিলুম। রাগু জিগ্যোস্ করলে—তবে তার বয়েস যদিও খুকুর চেয়ে অনেক বেশি, দে অত বুদ্ধিমতী নয়—পনেরো মিনিট কঠিন পরিশ্রমের পরে তাকে বোঝাতে পারলুম কোনটাকে আমি বৃশ্চিক রাশি বলতে চাচ্ছি।

এদিকে সপ্তর্ষিমণ্ডল ঢলে পড়চে ক্রমেই মেজো খুড়ীমাদের রান্নাঘরের ওপরে। রাত অনেক হোল, ওরা তবুও তাস খেলবেই। বেগতিক দেখে বলুম, আলোতে তেল নেই।

নইলে ঘুম হবার যো নেই, ওদের খেলার গোলমালে।

লঠন নিবিয়ে শুয়ে পড়লুম, রাত তখন বারোটোর কম নয়।

বিকলে কালো আর আমি মে'র'র টীর পথে বেড়াতে গেলাম। আজ দুপুরে যখন এপাড়ার ঘাট থেকে ওপাড়ার ঘাটে নাঁতার দিয়ে যাই, তখনই খুব মেঘ করেছিল—একটু পরে নেই যে বৃষ্টি এল, আর রোদ ওঠেনি। মেঘ ভরা বিকলে স্রামল মাঠ ও দূরের বাঁশ বন, বড় বড় বটগাছ, এক রকম কি গাছ আছে, মথমলের মত নরম সবুজ পাতা ডালপালা ছড়িয়ে দিয়ে ঝোপের সৃষ্টি করে—এসবের মধ্যে দিয়ে যেতে যেতে মোলাহাটি ও পাচপোতা বামুনডাঙ্গার পথের মোড়ে গিয়ে একখানা ছই-চাপা গরুর গাড়ীর সঙ্গে দেখা হোল। তাদের গাড়োয়ান জিগ্যোস্ করলে, বাবুর কাছে কি বিড়ি আছে?

—না, নেই। বিড়ি খাইনে—

—আপনারা কোথায় যাবেন?

—কোথাও যাবো না, এই পথে একটু বেড়াচ্ছি।

ফিরবার পথে মনে হোল কলকাতায় থাকবার সময় যখন গাছপালার জন্তে মনটা হাঁপায়, তখন যে কোনো একটু ছবি, একটা বনের ফটোগ্রাফ দেখে মনে হয়, ওঃ কি বনই এদেশে! প্রায়ই বিদেশের ফটো—আফ্রিকার, কি দক্ষিণ আমেরিকার—কিন্তু তখন ভুলে যাই যে আমাদের গ্রামের চারিপাশে সত্যিকার বন জঙ্গল আছে অতি অপূর্ব ধরণের—যখন বিলিতি Grand Evening Annual দেখি তখন ভুলে যাই কত ধরণের অদ্ভুত গাছ আছে আমাদের বনে জঙ্গলে—যা বাগানে, পার্কে নিয়ে রোপণ করলে অতি

স্বদৃশ কুলবন সৃষ্টি করে—যেমন ঝাঁড়া, কঁচলতা, ঐ নাম-না-জানা গাছটা—  
এরা যে কোন বিখ্যাত পার্কের সৌন্দর্য্য ও গৌরব বৃদ্ধি করতে পারে।

সেদিন যখন আমি, রাণু, খুড়ীমা, ন'দি নদীতে বিকেলে স্নান করছি  
তখন একটা অদ্ভুত ধরণের সিঁচুরে মেঘ করলে—ওপারের খড়ের মাঠের  
উলুবনের মাথা, শিমুলগাছের ডগা, যেন অবাস্তব, অদ্ভুত দেখাল, যেন মনে  
হচ্ছিল ওখান থেকেই নীল আকাশটার শুরু।

কিন্তু কাল সন্ধ্যায় একা নদীতে নেমে যে অপূর্ণ অল্পভূতি হয়েছিল তা  
বোধ হয় জীবনে আর কোনোদিন হয়নি। তার মাথায় একটা তারা উঠেচে—  
দূরে কোথায় একটা ডালুক পাখী অবিশ্রান্ত ডাক্চে। মাধবপুরের চরের দিকে  
ভায়োলেট রঙের মেঘ করেছে—শান্ত, স্তব্ধ নদীজলে তার অস্পষ্ট প্রতিবিম্ব।

মাধুস চায় এই প্রকৃতির পটভূমির সন্ধান। এতদিন যেন আমার  
Emerson-এর মতের সঙ্গে খুব মিল ছিল—সেদিনও বঙ্গশ্রী আফিসে কত  
তর্ক করেছি, আজ একটু মনে সন্দেহ জেগেচে। মাধুস এই সৃষ্টিকে মধুরতর  
করেচে। ওই দূর আকাশের নক্ষত্রটি—ওর মধ্যেও স্নেহ, প্রেম, যদি না  
থাকে, তবে ওর সার্থকতা কিছুই নয়। হৃদয়ের ধর্ম্ম সব ধর্ম্মের চেয়ে বড়।

আজ সকাল থেকে বর্ষা নেমেচে। কিম্-কিম্ বাদলা, আকাশ অন্ধকার।  
আজ এই মেঘমেতুর সকালে একবার নদীর ধারে বেড়িয়ে আসতে ইচ্ছে  
করচে—বাঁওড়ের ধারের বেলে মাটির পথ বেয়ে একেবারে কুঁদীপুরের বাঁওড়  
বাঁয়ে রেখে মোল্লাহাটীর খেয়া পার হয়ে, যেতে ইচ্ছে হলে পিনিমার বাড়ী  
পাটুশিমলে বাগান-গাঁ। কাল সন্দরপুর পর্য্যন্ত বেড়াতে গিয়েছিলুম বৈকালে  
—ও পথের প্রাচীন বটগাছের সারির দৃশ্য আমি আবাল্য দেখে আস্চি,  
কিন্তু ও পুরোনো হোল না—যত দেখি ততই মনুন। গাছে গাছে খেজুর  
পেকেচে, কেঁয়োঝাঁক গাছের তলায় ব্যাঙের ছাতা গজিয়েচে এই বর্ষায়।  
আরামভাঙার মাঠে মরগাঙের ওপারে, সবুজ আউশ ধানের ক্ষেত এবং  
গ্রামসীমায় বাঁশবনের সারি মেঘমেতুর আকাশের পটভূমিতে দেখতে  
হয়েচে যেন কোন বড় শিল্পীর হাতে আঁকা ল্যাঙ্স্কেপ। ফেত্রকলু ওদিক  
থেকে ফিরচে, হাতে ভাঙা লঠন একটা। বলে মোল্লাহাটীর হাটে পটল  
কিন্তে গিয়েছিল।

—পটল না কিনেই ফিরলে যে ?

—কি করবো বাবু, ছ'পয়সা সের দর। একটা পয়সাও লাভ থাক্চে না।

গোপালনগরের হাটেও ওই দর। এবার তাতে আবার পটল জন্মায় নি।  
যে ছক্কর পড়েচে বাবু!

কল্কাতাটা যেন ভুলে গিয়েচি। যেন চিরকাল এই বটের সারি, বাঁওড়,  
সুন্দরপুর, সখীচরণের মুদীখানার দোকানে কাটাচ্ছি জীবনটা। এদের শাস্ত  
নক্ষ আমার জীবনে আনন্দ এনেচে উগ্র ছুরাশার মত্ততা ঘুচিয়ে। সে  
ছুরাশাটা কি? নাই বা লিখলাম নেটা।

আজ বিকেলে সারা ঈশান কোণ জুড়ে কালবৈশাখীর মেঘ করল এবং  
ভয়ানক ঝড় উঠল। হাজারী জেনেলী, জগবন্ধু, কালো, জেলি ওরা আম  
কুড়ুতে গেল বাগানে—কারণ এখনও আম যথেষ্ট আছে, ঝিহুকে গাছে,  
চারি বাগানে, মাঠের চারায়।

তারপর ঘন বর্ষা নামলো—আমি আর কালো বৃষ্টির মধ্যে বেরিয়ে  
পড়লাম বর্ষাস্নাত গাছপালা, বটের সারি, উলুর মাঠের মধ্য দিয়ে  
বেলেভাঙাতে। নেথান থেকে যখন ফিরি, বর্ষা আরও বেশি, বিদ্যুতের  
এক একটা শিখা দিক্ থেকে দিগন্তব্যাপী—আকাশ কালো কালো মেঘ উড়ে  
চলেচে—আমার মনে হোল আমিও যেন ওদের সঙ্গে চলেচি মহাব্যোম  
পার হয়ে চিন্তাতীত কোন্ সুন্দর বিশ্বে—আকাশ মহাকাশে আমার সে গতি  
—পৃথিবীর সমস্ত বন্ধন, স্তম্ভঃস্তম্ভ ঘরগৃহস্থালীর বন্ধনমুক্ত আমার আত্মা, নে  
পায়ের তলায় সারা পৃথিবীর মোহ মাড়িয়ে চলেচে—মহাব্যোমের অন্ধকার,  
শূন্য, মেঘ, ইথার, সমুদ্র ভেদ করে মুক্তপক্ষ গতিতে উড়তে চলেচে—  
দিক্‌পাল বৈশ্রবণের বিশ্ববিদ্রাবণকারী পৌরুষের বীর্যে।

নদীতে স্নান করতে নেমে সাতার দিয়ে বৃষ্টি মাথায় চলে গেলুম ওপারে  
মাধবপুরের চরের ওপর বর্ষা দেখতে—পশ্চিম দিকে পিঙ্গল বর্ণের মেঘ  
হয়েচে, ওপারের বাঁশবন হাওয়ায় ছুল্চে—তারপর আমরা আবার এপারে  
এলাম—ঠিক সন্ধ্যার সময় বাড়ী এলাম।

আজকার সন্ধ্যাটা ঠিক বর্ষাসন্ধ্যা—কিছু কেমন যেন নিঃসঙ্গ মনে হচ্ছে।  
যেন আর কেউ থাকলে ভাল হোত—কত থাকলেই তো ভাল হোত—নব  
নয়ন হয় কৈ?

আমার মনে এই যে অনুভূতি—এ অনেক কাল পরে আবার হোল।  
আমি কত নিঃসঙ্গ নির্জন জীবন যাপন করেচি কতকাল ধরে, লোকালয়

থেকে কতদূরে। কিন্তু ১৯২৩—২৬ সালের পরে ঠিক এ ধরণের বেদনা মাথানো নিঃসঙ্গতার অম্লভূতি আর কখনো হয়নি। এই মনের অবস্থা আমি জানি, চিনি একে—এ আমার পুরাতন ও পরিচিত মনোভাব, কিন্তু ১৯২৬—সালের পরে ভুলে গিয়েছিলাম একে—আবার সেই কিরে এল।

কাল আবার খুব আনন্দ পেয়েছি। মনের ও ভাবটা কাল আর ছিল না। বিকেলে আমরা কাঁচিকাটার স্কুলের পথে অনেকদূর পর্য্যন্ত বেড়াতে গেলাম। নীল মেঘে সারা আকাশ জুড়ে ছিল—কাল স্নান করে ফিরবার পথে শিমূল গাছটার ওদিকে আউশ ধানের ক্ষেতের ওপরকার নীল আকাশ দেখে আমি মুগ্ধ হয়ে গিয়েছিলাম—অমুনি মনের ভাব বিকেলেও হয়েছিল। আরামডাঙার ওপারে সেই খাব্রাপোতার দিকের আকাশে একটা নীল পিঙ্গল বর্ণ-শ্রী, সূর্য্য বোধহয় অস্ত যাচ্ছিল, আমরা কিন্তু পেয়ারা গাছটা খুঁজে পাচ্ছিলাম না—আমি আর কালো কত খুঁজলাম, আরামডাঙার পথে মরগাঙের ধারে সেই পেয়ারা গাছটা যে কোথায় গেল!

সন্ধ্যার কিছু আগে কুঠীর মাঠে একটা ঝোপেঘেরা নতুন জায়গা আবিষ্কার করা গেল—এদিকটায় কখনো আসিনি—এমন নিভৃত স্থানটা, খুব আনন্দে নদীতে সাঁতার দিলাম।

এবার বারকপুরে চমৎকার ছুটিটা কাটল। সমস্ত ছুটিটাই তো এখানে রয়েছি। আর বছর এখানে ১০।১১ দিন যাত্রা ছিলাম—বনগাঁয়ে ছিলাম বেশীদিন। এবার এখান থেকে কোথাও যাইনি। এখান থেকে যেতে মনও নেই। কলকাতার জীবনটা যেন ভুলে যেতে বসেছি।

কাল বিকেলে ঘন কালো মেঘ করে বৃষ্টি এল। আমি আর কালো বৃষ্টিমাথায় বেলেডাঙার পুল পর্য্যন্ত বেড়াতে গেলাম। ঝোপঝাপ ভিজে কেমন হয়ে গিয়েচে—গাছপালার গুঁড়ির রং কালো—ডালপাতা থেকে জল ঝরে পড়ার শব্দ। তারপরে নদীর জলে স্নান করতে নামলাম—সাঁতার দিয়ে বাঁধাল পর্য্যন্ত গেলাম। সাঁতার দিয়ে এত আনন্দ পাইনি কোনোদিন এবারকার গরমের ছুটির আগে। কুঠীর মাঠের একটা নিভৃত স্থানে চুপ করে খানিকক্ষণ দাঁড়িয়ে রইলাম—মাথার ওপর কালো মেঘ উড়ে যাচ্ছে—দিক থেকে দিগন্তব্যাপী বিজ্যুতের শিখা—শুধু চারিদিকে বৃষ্টির শব্দ,—গাছে পাতায়, ডালপালায়, ঝোড়ো হাওয়া বইচে—নির্জন প্রান্তরের মধ্যে



একা দাঁড়িয়ে থাকার সে অল্পভূতির তুলনা হয় না। তার প্রকাশের ভাষাও নেই—যা খুব ঘনিষ্ঠ, খুব আপন, তাকে কি আর প্রকাশ করা যায় ?

আজ বিকেলে বহুদিন পরে ভারী স্বন্দর রাঙা রোদ উঠল। বাঁধালের কাছে নাইতে নেমে মাঝ জলে গিয়ে ওপারের একটা নাইবাবলা গাছের ওপর রোদের খেলা দেখছিলাম—কি অদ্ভুত ধরণের ইন্দ্রনীল রং—এর আকাশ, আর কি অপূর্ব সোনার রং রোদের।...নকলের চেয়ে নেই নাই-বাবলা গাছের বাঁকা ডালপালা ও ক্ষুদে ক্ষুদে সবুজ পাতার ওপর সোনার রংয়ের রোদের খেলা।...তারই পাশে ওপারের কদমগাছটাতে বড় বড় কুঁড়ি দেখা দিয়েচে...শ্রাবণের প্রথমেই ফুলপুষ্পসম্ভারে নতশাপ-নীপতরুটি বর্ষাদিনের প্রতীক স্বরূপ ওই সবুজ উলুখড়ের মাঠে স্বমহিমার বিরাজ করবে—বর্ষার ঢল নেমে ইচ্ছামতী বেড়ে ওর মূল পর্যন্ত উঠবে, অরী কেশররাজি ঘোলাজলের খরশ্রোতে ভেসে চলে যাবে...উলুবন আরও বাড়বে...আমি তখন থাকুবো কলকাতায়, সে দৃশ্য দেখতে আসুবো না।

কাল সকালে এখান থেকে যাবো, আজই এখানে থাকার শেষ দিন এ বছরের মত। এবার ছুটিটা কাটল বেশ—কি প্রকৃতির দিক থেকে, কি মানুষের দিক থেকে, অদ্ভুত ভাবে ছুটিটা উপভোগ করা গেল এবার। কলকাতায় থাকলে আমার যে আফ্রিকা দেখবার ইচ্ছে হয়, পাহাড় জঙ্গল দেখবার ইচ্ছে হয়—এখানে দীর্ঘদিন কাটালে কিন্তু আর কোথাও যেতে ইচ্ছে করে না। ঘাছপালা, নীল আকাশে, নদীর কালোজলে সাতার দিতে দিতে ছ'পাশের বাঁশবন, নাইবাবলার সারি চেয়ে চেয়ে দেখা, সবুজ উলুর মাঠের দৃশ্য, পাখীর অবিশ্রান্ত ডাক—এখানে মনের সব ক্ষুধা মিটিয়ে দেয়। বসে লিখ্‌চি, রাগু এসে বলে—দাদা এক কাপ চা খাবেন কি? সে ওদের রান্নাঘর থেকে চা নিয়ে এসেচে বয়ে। আর কাল থেকে অনবরত বল্‌চে—দাদা চলে যাবেন না কাল, আর একদিন থাকুন, আপনি চলে গেলে পাড়া আঁধার হয়ে যাবে।

কাল সমস্ত দিনের মধ্যে অন্ততঃ তিন-চার বার একথা বলেচে—অথচ ওর ওপর কি অবিচার করেচি এবার—ওকে নিয়ে তাই খেলিনি একটা দিনও—ও খেলতে চাইলেও খেলিনি। ভাল করে কথাও বলিনি।

বল্লে—জন্মাষ্টমীর ছুটীতে আসবেন তো ?

আমি বললাম—যদিই বা আসি, তোমার সঙ্গে আর তো দেখা হবে না  
তুই তার আগেই ত চলে যাবি।

এদের কথা ভেবে কল্কাতায় প্রথম প্রথম কষ্ট হবে।

পূজার ছুটীতে বাড়ী এসেচি। রাখামাইনন্স গিয়েছিলাম। সেখানে একদিন একা মেঘাঙ্ককার বিকালবেলাতে নাটকিটার অরণ্যময় জঙ্গলের মধ্যে দিয়ে বেড়িয়ে এসেছিলাম। এই পথে একা যেতে ওদেশের লোকেও বড় একটা সাহস করে না—যখন একটা ছোট পাহাড়ী ঝর্ণায় নেমে রবীন্দ্রনাথের চিঠির একটা অংশ সেখানে রেখে দিচ্ছি, কাল নীরদবাবুদের বিশ্বাস করাবার জন্তে, তখন সেখানে কুলুকুলু ঝরণার শব্দটা মেঘশীতল বৈকালের ছায়ায় কি সুন্দর লাগছিল! পাহাড়ের saddle-টা যখন পার হচ্ছি তখন ঝম-ঝম করে রুষ্টি নামল, হাজার হাজার বনস্পতির পাতা থেকে পাতায় ঝর-ঝর করে রুষ্টি পড়ছিল। দূরের কালাঝোর পাহাড় মেঘের ছায়ায় নীল হয়ে উঠেচে—ধোঁয়া ধোঁয়া মেঘগুলো জড়িয়ে জড়িয়ে খেলা করচে। কালিদাসের 'সানুখান আত্রকুট' কথাটা বার বার মনে পড়ছিল—একা সেই মহয়ান্তলায় শিলাখণ্ডে বসে।

একদিন রাখামাইনন্স-এর বাংলোর পিছনে বনতুলনীর জঙ্গলে ভরা পাহাড়টার মাথায় অন্তগামী সূর্যের আলোতে বসেছিলাম; ওদিকে রাঙা রোদ মাথানো সিদ্ধেশ্বর ডুংগির মাথাটা দেখা যাচ্ছে, এদিকে পাহাড়ের Lodge থেকে দূরে গালুড়ির চাকবাবুর বাংলা দেখা যাচ্ছে—সেদিন কি আনন্দ যে মনে এল—তার বর্ণনা ভাষায় দেওয়া যায় না। সেদিন আবার বিজয়া দশমী—নীল ঝরণার ধারে একটা শিলাখণ্ডে একা বসে রইলাম সন্ধ্যাবেলাতে, ক্রমে জ্যোৎস্না উঠল, মহয়ান্তলার ঘাট দিয়ে পাহাড়ের দিক দিয়ে ঘুরে আসতে আসতে কুসুমবনীতে উড়িয়া মুদীর দোকানে গেলাম সিগারেট কিনতে। আশ্চর্যের বিষয় এইখানে হঠাৎ নীরদবাবুর সঙ্গে দেখা হোল। তিনি ও তাঁর স্ত্রী Shanger সাহেবের বাংলা থেকে চা খেয়ে ঐ পথে মেঘ-ঢাকা অস্পষ্ট জ্যোৎস্নাতে বেড়াতে বেরিয়েছিলেন—বিজয়ার কোলাহুলি সেই দোকানেই সম্পন্ন হোল। ভাবলাম, আজ আমাদের দেশে বাগড়ের ধারে বিজয়া দশমীর মেলা বসেচে।

তার পরদিন আমরা গালুড়িতে গেলাম ভোঁঙাতে স্বর্ণরেখা পার হয়ে— চারুবাবুদের বাংলাতে গিয়ে স্বরেনবাবু, আমি নেক্‌ডেডুংরি পাহাড়ে গিয়ে উঠে বনলাম। চা খেয়ে আশাদের বাড়ী গিয়ে গান শুনলাম আশার—সেখানে বিজয়ার মিষ্টিমুখ না করিয়ে ছাড়লে না। ফিরবার পথে স্বর্ণরেখাতে ভোঁঙা পাওয়া গেল না—অপূর্ব জ্যোৎস্নারাত্রে স্বর্ণরেখা রেলের পুল দিয়ে চন্দ্ররেখা গ্রামের মধ্যে দিয়ে অনেক রাত্রে ফিরলাম রাখামাইন্সের বাংলাতে। নদী পার হবার সময়ে সেই ছবিটা—সেই নদীর ওপরে জ্যোৎস্নাভরা আকাশে একটীমাত্র নক্ষত্র দেখা যাচ্ছে, নীচে শিলাস্তুত স্বর্ণরেখা, পশ্চিম তীরে ঘন শাল জঙ্গল, দূরে শ্রামপুর থানার ক্ষীণ আলো, লাইনের বামদিকের গাছগুলো আধ জ্যোৎস্নায় আধ অন্ধকারে দেখা যাচ্ছে না, কিন্তু ফুটন্ত ছাতিম ফুলের ঘন স্গন্ধ; বাংলাতে ফিরে এসে দেখি—প্রমোদবাবু এসে বসে আছেন।

পরদিন আমরা সবাই মিলে নাটকিটার জঙ্গলের পথে গেলাম—তারপর দিন গালুড়ি থেকে চারুবাবু, স্বরেনবাবু ও মেয়েরা এলেন। চারনম্বর খাদানের নীচের জঙ্গলের মধ্যে পিকনিক হোল। বুলু, আশা, আমি, চারুবাবু, স্বরেনবাবু ও ভিক্টোরিয়া দস্ত বলে একটা মেয়ে দিল্লেশ্বর ডুংরি আরোহণ করলাম। একেবারে দিল্লেশ্বরের মাথায়। একটা অল্পমধুর বনফলের কাঁচা ডাল ভেঙে নিয়ে পাহাড়ে উঠলাম—ভূষণ নিবারণের জন্তে।

সেদিন আমি ষ্টেশনের বাহিরে কি একটা গাছের ছায়ায় পাথরের ওপর বসে রইলাম যেমন সেদিন সকালে আমি ও প্রমোদবাবু পিয়ালতলার ছায়ায় প্রকাণ্ড শিলাখণ্ডে শুয়ে বটগাছটার দিকে চেয়ে প্রভাতী আলোতে অজানা কত কি পার্বীর গান শুনছিলাম।……

বেলা পড়ে এসেচে...বারাকপুরে বসে এইসব কথা লিখতে লিখতে মন আবার ছুটে চলে যাচ্ছে সেই সব দেশে। শীতের বেলা এত তাড়াতাড়ি রোদ রাঙা হয়ে গাছের মাথায় উঠে গেল! বকুলগাছের মাথায়, বাঁশগাছের মাথায় উঠে গিয়েচে রোদ একেবারে।

সেই স্বন্দর লতাপাতার গন্ধটা এবার ভরপুর পাচ্ছি—ঠিক এই সময়ে ওটা পাওয়া যায়। কাল এখানে চড়কতলায় কৃষ্ণযাত্রা হোল, জ্যোৎস্নারাত্রে গাছপালায় শিশির টুপটাপ ঝরে পড়চে—আমি চালতেতলার পথে একা শুধু বেড়িয়ে বেড়াতে লাগলাম। কি রূপ দেখলাম কাল জ্যোৎস্নাভরা রহস্যময়ী হেমন্ত রাত্রির! কাল নদীর ধারে বিকেলেও অনেকক্ষণ বসেছিলাম।

কাল বিকেলে কুঠীর মাঠে বেড়াতে গিয়ে পাটলবর্ণের মেঘস্বূপের দিকে চোখ রেখে একটা জলার ধারে বসলাম—গাছপালার কি রূপ! নেই যে গন্ধটা এই সময় ছাড়া অল্প সময় পাওয়া যায় না—সেই গন্ধ দিন রাত সকাল সন্ধ্যা আমাকে বেন অভিভূত করে রেখেছে।

আজ ক'দিন বর্ষা পড়েছে—বসে বসে আর কোনো কাজ নেই, খুঁড়দের সঙ্গে গল্প করছি, কাল সারাদিনই এইভাবে কেটেছে, তবুও কাল নদীতে এপাড়ার ঘাট থেকে ওপাড়ার ঘাটে সাঁতার দিলাম, একটু ব্যায়ামের জন্তে। আজ সকালে নদীর ঘাটে ভোরবেলা গিয়ে মেঘমেঘুর আকাশের শোভায় আনন্দ পেলাম। এই শিমূলগাছগুলো আমাদের এদেশের নদীচরের প্রধান সম্পদ! এগুলো আর সাঁই বাবুলা না থাকলে ইছামতীর তটশোভা অনেক পরিমাণে ক্ষুণ্ণ হোত।

আজ সকালে নদীর ঘাটে গিয়ে চারিদিকের আকাশে চেয়ে চেয়ে দেখলাম মেঘ অনেকটা কেটেছে—আকাশের নীচে একটু একটু আলো দেখা যাচ্ছে—বোধহয় শুবেলা আকাশ পরিষ্কার হয়ে যাবে। মনটা তপ্ত নির্মল আকাশ ও প্রচুর সূর্যালোকের জন্তে হাঁপাচ্ছে—কাকাদের শিউলি গাছটার দিকে চেয়ে দেখছি গাছপালার স্বাভাবিক প্রভাতী রং ফিরে এনেছে—সে ঘন কাচের মত রং নেই আকাশের।...কিন্তু একটু পরেই ঘন মেঘে সব ঢেকে দিলে।

আমি আবিষ্কার করেছি আমাদের দেশের প্রথম হেমস্তের সেই অপূর্ণ স্বগন্ধটা প্রস্ফুটিত মরুচে-লতার ফুলের গন্ধ। হঠাৎ কাল বিকেলে আমি এটা আবিষ্কার করেছি। কুঠীর মাঠে আজ স্নানের পূর্বে বেড়াতে গিয়ে বনে বনে খানিকটা বেড়ালাম, লক্ষ্য করে দেখলাম এই সময়ে কত কি বনের লতা-পাতায় ফুল ফোটে। মরুচে-লতা তো পুষ্পিত হয়েছেই, তা ছাড়া মাখম-সিমের গোলাপী ফুলের দল ঘনসবুজ পাতার আড়ালে দেখা যাচ্ছে, কেয়ৌকাঁকার লতাঃ ক্ষুঃ ক্ষুঃ ফুল ফুটেছে, ফুল বলে মনে হয় না, মনে হয় যেন হলদে পুষ্পরেণু,—কি ভুরভুরে মিষ্টি গন্ধ, ডালের গায়ে পর্যন্ত ফুল ফুটেছে। ছাতিম ফুলের এই সময়, কুঠীর মাঠের জঙ্গলে একটা নবীন সপ্তপর্ণ তরুর দেখা মিলল, কিন্তু ফুল হয়নি তাতে। মেটে আলু ভুলবার বড় বড় গর্ত বনের মধ্যে, এক জায়গায় একটা বড় কেয়ৌকাঁকার ঝোপকে কেটে কেলেচে দেখে

আমার রাগ ও হুঃখ দুইই হোল, নিশ্চয় যারা মেটে আলু তুলতে এসেছিল, তাদেরই এই কাজ। সজীব পুষ্পিত গাছ—কারণ এই সময় কেরোঁকাঁকার ফুল হয়—কেটে ফেলা যে কতদূর স্বদয়হীন বর্ষরতা, তা আমাদের দেশের লোকের বুঝতে অনেকদিন যাবে। সেবার অমনি যুগল কাকাদের বাড়ীর সামনের কদমগাছটা কালো বিক্রী করে ফেললে তিন টাকায়, জালানি কাঠের জন্তে। এমন কি কেউ কোথাও শুনেচে? কদমগাছ, যা গ্রামের একটা সম্পদ, যে পুষ্পিত নীপ সকল বৈষ্ণব কবিকুলের আশ্রয় ও উপজীব্য—সামান্য তিনটে টাকার জন্তে সে গাছ কেউ বেচে? শুধু আমাদের দেশের এ ধরণের ঘটনা সম্ভব হয়, হৃন্দরকে দেখবার চোখ থাকলে, ভালবাসবার প্রাণ থাকলে এ সব কি আর হোত?

কাল বিকেলে অল্পক্ষণের জন্ত সোনালী রাঙা রোদ উঠল—বেলেডাঙার পথে যেখানে একটা বাবলা গাছের মাথায় একটা বুনো চালকুমড়া হসে আছে, ঐখানটাতে বসলুম—কতদিনের মেঘমেতুর আকাশের পরে আজ রোদ উঠেচে, এ যেন পরম প্রার্থিত ধন!

এক জায়গায় সোঁদালি ফুল ফুটে থাকতে দেখলাম মাঠের মধ্যে। কান্তিক মাসের সোঁদালি ফুল, কল্পনা করতেই পারা যায় না। কেলেকোঁড়ার ফুলও এসময়ে হয়।

কাল মেঘেরা চোদ্দ শাক তুললে, চোদ্দ পিদিম দিলে—থুকুদের বোধন-তলায় বড় একটা প্রদীপ দিয়েছিল, বিলবিলের ধারে, উঠানের শিউলি তলায়। বারাকপুরে চোদ্দ পিদিম দেওয়া দেখিনি কতকাল!

আজ বিকেলে থুকুদের কুঠীর মাঠে বেড়াতে নিয়ে গেলাম। পুরোনো কুঠীর হাউজ ঘরে ঘোর জ্বল হয়ে গিয়েচে—কত কি বনের লতা হয়ে আছে—থুকুর তা দেখে আনন্দ উৎসাহ দেখে কে! একটা লতার মধ্যে কি ভাবে ঢুকে সে খানিকটা ছললে, মাঠে গিয়ে ছুটোছুটি করলে—আমায় কেবল চেষ্টায়ে বলে—দাদা, এটা দেখুন, ওটা দেখুন। তারপর ফিরে এসে ছেলের নিয়ে গোপালনগরে গেলাম কালী পূজার ঠাকুর দেখাতে। হাজারীর ওখানে অনেক রাত হয়ে গেল তাম খেলতে বসে—অনেক রাজে বাড়ী ফিরি।

পরদিনও আবার কুঠীর মাঠে যাওয়ার কথা ছিল—ওরা সবাই গেল, কিন্তু মনোরমার ভাই কালো কুঠীর জ্বলে হাঁটুটা বেজায় কেটে ফেললে;

তার ফলে সকলেরই বেড়ানো বন্ধ হোল। রাত্রে খুকুকে অনেক গল্প শোনানাম অনেক রাত পর্য্যন্ত।

আজ সকালে ভ্রাতৃদ্বিতীয়া। রায়বাড়ীর পাঁচী কাঁদচে, ওর দাদা আশু মাসখানেক হোল মারা গিয়েচে, সেই জন্তে। পাড়াগাঁয়ের মেয়ের ধরণে 'ও ভাই রে, বাড়ী এসো,' বলে চেঁচিয়ে কাঁদচে। কিন্তু আমার মনে সত্যিই দুঃখ হোল ওর জন্তে। পাঁচীকে এ গাঁয়ের সব লোকেই 'দূর ছাই' করে, সবাই ঘেরা করে—আজ পাঁচী ওদের নবারই বড় হয়ে গিয়েচে। তবুও তার প্রতি সহানুভূতি নেই কারুর—কান্না শুনে পিসিমা বলচেন, মুখ বেকিয়ে—'আহা! মনে পড়েচে বুঝি ভাইকে!'

নৌকা করে বনগাঁয়ে যাচ্ছি সকালবেলা। চালুকীর ঘাটে এসেচি—এবার এদিকের গড় ভেঙেচে। কেমন নীল রং-এর একটা পাখী বাব্বা গাছে বসে শিস্ দিচ্ছে। নৌকার ছলুনিতে লেখার বড় ব্যাঘাত হচ্ছে। নীল কলমীর ফুল, হল্দ্দে বড় বড় বন ধুঁধুলের ফুল ফুটেচে। আর এক রকম কি লতায় কুচো কুচো হল্দ্দে ফুল ফুটে চালতেপোতার বাঁকে ঝোপের মাঝে আলো করে রেখেচে—সে যে কি অপূর্ণ স্বন্দর তা ভাষায় বর্ণনা করা যায় না। এই ফুলের নাম জানি নে, যেন হল্দ্দে নক্ষত্র ফুটে আছে—ছোট ছোট ক্ষুদে ক্ষুদে, যেন নববধূর নাকছাবি। কান্তিকের শেষে এই ফুলটা ফোটে জেনে রাখলাম, আবার আন্টে বছর দেখতে আসবো। এতদিন এ ফুল আমার চোখে পড়ে নি। হেমন্তে এত বনের ফুলও ফোটে এদেশে! ঝোপের মাথা আলো করে সবুজ পাতালতার মধ্যে তিৎছন্নার ফুল, ক্ষুদে ক্ষুদে ঐ অজানা ফুল, মাঝে মাঝে বড় বড় বনকলমীর ফুল—কি রূপ ফুটেচে প্রভাতের। কাশফুল তো আছেই মাঝে মাঝে, নদী তীরের কি অপূর্ণ শোভা এখন—তা ছাড়া পুষ্পিত সপ্তপর্ণও মাঝে মাঝে যথেষ্ট।

ঐ অজানা ফুলটা মাঝিকে দিয়ে ঝোপ থেকে পাড়িয়ে আনলাম—দশটা করে ছোট ছোট পাপড়ি—ছ'টা করে পরাগ কোষ বা গর্ভকেশর প্রত্যেকটাতে। জলে কচুরীপানার ফুল ফুটেচে, অনেকটা কাকন ফুলের রং কিন্তু দেখতে বড় চমৎকার—একটা লম্বা সরস সবুজ ডাঁটায় থোকা থোকা অনেকগুলো ফুল—ঐ স্বন্দর ফুলের জন্তেই কচুরীপানা সৃষ্টির মধ্যে অক্ষয় হয়ে থাকবে—ভগবানের কাছে স্বন্দরের সার্থকতা অমর—তার

utility-টা গোঁণ। মাঝি গল্প করছিল, এবার অনেকে ইচ্ছামতীতে মুক্তা পেয়েছে ঝিনুক তুলে। এসময়ে বনো বুড়ো গাছেও শাল মঞ্জরীর মত দেখতে সবুজ রং-এর ফুল ফুটেচে—আর একপ্রকার জলজ ঘাসের নীল ফুল ফুটেচে—এর রং ঠিক তিসির ফুলের মত নীল। এক একটা ছোট গাছের মাথায় ছোট ঝোপে—ঐ ক্ষুদে ক্ষুদে অজানা ফুল ফুটে আলো করচে।

কাল রাত্রে কি একটা কথা মনে এল—তরে শব্দ পরস্পরায় মনে একটা অপূর্ণ অনন্তত্ব ভাবের উদয় হোল। শব্দেরও ক্ষমতা আছে। প্রথমবাবু বলেন, নেই, এই নিয়ে প্রথম চৌধুরীর সঙ্গে একদিন তর্ক করেছিলাম।

আজ সকালে উঠে দেখি আকাশ একেবারে নির্ঘেঘ, নির্মল। দুঃখ হোল এই ভেবে যে আমিও বারাকপুর থেকে এলাম আকাশও গেল পরিষ্কার হয়ে! আজ এই জন্যে মনটা কেমন খারাপ হয়ে গেল—বারাকপুরে এমন নীল আকাশটা দেখতে পেলাম না! খুকুর গাওয়া সেই সেদিনকার গানটা বার বার মনে আসতে লাগল—

মোর ঘুম ঘোরে এলে মনোহর

নমোনমঃ, নমোনমঃ, নমোনমঃ

কাল কলকাতা থেকে এসেছি। বেশ ভাল লাগল আজ সকালে খয়রা-মারির মাঠ ও বন। বনে সাদা সাদা সেই কুচো ফুল—শীতকালে অজস্র ফোটে এদেশের বনে জঙ্গলে—নদীয়া ও যশোর জেলার সর্বত্র দেখেছি এসময়ে। কলেজে পড়বার সময় যখন প্রথম প্রথম আমার বাড়ী যেতাম—তখন ভবানীপুরের মাঠের ও দিকের পথ দিয়ে যাবার সময়ে দেখতাম একটা বড় ঝোপে ঐ ফুলটা ফুটে থাকত। কোলা এসেছিল আমার সঙ্গে আমার বাসায়—এক সঙ্গে বাস্তু, বিছানা বেঁধে বাসা থেকে রওনা হলাম। অনেকদিন পরে ওকে দেখে মনে বড় আনন্দ পেয়েছি কাল।

বড়দিনের ছুটিতে অনেককাল বারাকপুরে আশিনি—এবার এলাম। শীতের পল্লীপ্রান্তের কি শোভা, তা এতদিন ভুলে ছিলাম। বিকেলে আজ যখন বেলেভাঙ্গা বেড়াতে গেলাম—বনের কোলে সর্বত্র ফুটন্ত ধুরফুলের প্রাচুর্য ও শোভা দেখে মনে হোল, সেদিন মনি বোসের আড্ডায় যারা বসেছিল যে, বাংলাদেশের বনে ফুল তেমন নেই, তারা বাংলাদেশ সম্বন্ধে

কতটুকু জানে? ক্রোকাস, মার্গারেট, কি কর্ণাওয়ার এখানে ফোটে না বটে—কিন্তু যদিকে চোখ তাকাই, সেদিকেই এই যে প্রস্ফুট নীলাভ শুভ্রবর্ণের ধূরফুলের অপূর্ণ সমাবেশ—এর সৌন্দর্য্য কম কিসে? কি প্রাচুর্য্য এই ফুলের—ঝোপের নীচেও যে ফুল—সেখান থেকে থাকে থাকে উঠেচে ঝোপের মাথা পর্য্যন্ত আগাগোড়া ভর্তি। এত নীচু ও অত উঁচুতে ও ফুল কি করে গেল তাই ভাবি। ঋতুতে ঋতুতে কত কি ফুল ফোটে আমাদের দেশের বনে ঝোপে, আমার ছুঃখ হয় এর সন্ধানও কেউ রাখে না, নাম পর্য্যন্ত জানে না। অথচ সুন্দরকে যারা ভালবাসে—তারা বাংলার নিভৃত মাঠ, বনঝোপের এই অনাদৃত অথচ এই অপূর্ণ সুন্দর ফুলকে তারা কখনো ভুলবে না।

বেলেভাঙ্গায় গিয়ে সেকরার দোকানে বসে গল্প করলাম। ছোট্ট খড়ের ঘরে দোকান। বাঁশের বেড়া। ননী সেকরার মেজ ছেলে বিড়ি বাঁচে—তার দোকানঘরের সামনে একটা নতুন কামার-দোকান হয়েছে—সেখানে হাল পোড়ানো। হালের চারধারে ঘুঁটের সনসনে আগুনে অনেক লোক বসে আগুন পোড়ানো। দোকানের পিছনের বেড়ায় ধূরফুল ফুটে আছে। যদিকে চাই সেদিকেই এই ফুল—এক জায়গায় মাঠের মধ্যে থাকে থাকে কতদূর পর্য্যন্ত উঠেচে এই ফুলের ঝাড়। রাঙা রোদ ও রাঙা সূর্য্যাস্ত শীতকালের নিজস্ব। এমন অস্ত আকাশের শোভা অত্র সময় দেখা যায় না।

যুগল বোটমের সঙ্গে দেখা ফিরবার পথে—সে বজ্রে তার চলচে না আমি তার G.T. পড়বার ব্যবস্থা করে দিতে পারি কিনা।

কাল আবার ক্যাম্প টুলটা নিয়ে কুঠার মাঠের নিভৃত বনঝোপের ধারে গিয়ে বসলুম। ধূরফুল কি অপূর্ণ শোভাতেই ফুটেচে। পাখী এত ভালবাসি কিন্তু কাক ছাড়া কলকাতাতে আর কোনো পাখী নেই—এখানে কত কি অজস্র পাখীর কলকাকলি, গাছপালা বন ঝোপের কি সীমারেখা, যেন নৃত্যশীল নটরাজ, ওপারের কাশচরে শিমূলগাছটা দেখা যাচ্ছে, নীলাকাশে রোজ ঝলমল করচে। একটা বাব্লাগাছের ফাঁক দিয়ে চাইলে কোন অজানা দেশের কথা মনে আনে—শীতের অপরাহ্নে বাংলার এই নিভৃত পল্লীপ্রান্তে যে কি সৌন্দর্য্য ভরে থাকে, চোখে না দেখলে সে বোধহয় নিজেই বিশ্বাস করতুম না। আর দেখলাম এক



জায়গায় বসে থাকলে অনেক বেশী আনন্দ পাওয়া যায়। ভাল করে সে জায়গায় রস অনেক বেশী পাওয়া যায়—কোথায় লাগে গালুডি, কোথায় লাগে কান্দীর, কোথায় লাগে ইটালি—আমার মনে কতটুকু আনন্দ ও চিন্তা নে জাগাতে পারে এই যদি প্রাকৃতিক দৃশ্যের উৎকর্ষের পরিমাপক হয়—তবে আমি নিঃসন্দেহে বলতে পারি ইছামতী তীরের এই নিভৃত বনঝোপ, ধূরফুল-ফোটা মাঠের, রাঙা রোদখানা শিমূলগাছের, বনপাখীর এই কল কাকলির অপরূপ সৌন্দর্যের ভুলনা নেই। যে পরিদৃশ্যমান আকাশের এক-তৃতীয়াংশে দেড় লক্ষ Super Galaxy আছে এখানে বসে বসে ভেবে দেখলুম ; সে সব বড় বিশ্বের মধ্যে কি আছে না আছে জানি নে—তবে এখানে যা আছে, সেখানেও তাই আছে বলে মনে হয় What is in microcosm is also in macrocosm—নে সব দার্শনিক আলোচনা এখন থাকুক, বর্তমানে এই স্ৰব্হৎ বিশ্বের এককোণে ধূরফুলফোটা বনঝোপের পাশে ক্যাম্পটুলটা পেতে বসে একটু আনন্দ পাচ্ছি পাই।

অনেক বেলা গেলে কুঠীর মাঠে বেড়াতে গেলাম। একটু আগেই যেতাম, খুব বসে ছিল, বগ্লে একটু দেবী ককন, আরও বেলা যাক। খুব জোর পায়ে হেঁটে পৌছে গেলাম বেলেভাঙার সেকরার দোকানে—মধ্যে এই ধূরফুল-ফোটা বিশাল মাঠটা যেন এক দৌড়ে পার হয়ে গেলাম। তারপর নদী সেকরার কত গল্প শুনলাম বসে বসে। তার নাটা গরু ছিল, আর বছর ফাগুন মাসে একে একে সব কটা মরে গেল গাল-গলা ফুলে। দোকানের সামনে একজন লোক বসে হাল পোড়াক্কে আর অত্যন্ত খেলো ও বাজ্রে সিগারেট টানচে। আমি বগ্লাম, ও খেয়ো না, ওতে শরীর খারাপ হয়। বগ্লে, আমি খাইনে বারু, এক পরমায় সেদিন হাটে কিনলাম ছাটা—তাই এক একটা খাচ্ছি।

সন্ধ্যার অন্ধকার ঘন হয়েছে—কুঠীর মাঠের স্ৰুড়ি জঙ্গলের পথটা অন্ধকার হয়ে গিয়েচে, পথ দেখা যায় না। নদীর ধারে এসে দাঁড়ালাম আমাদের ঘাটে—ওপারে একটা নক্ষত্র উঠেচে—সেটার দিকে চেয়ে কত কথা যে মনে পড়ল ! ঐ Super Galaxy-দের কথা—বিরাট Space ও নীহারিকাদের কথা—এই বন-ফুল ও পাখীদের কথা। কতক্ষণ সেখানে চুপ করে দাঁড়িয়ে রইলাম—এইনক্ষত্র-টার সঙ্গে যেন আমার কোন অদৃশ্য যোগ-সূত্র রয়েছে—বসে বসে এই নীতের সন্ধ্যায় এই ইছামতীতে কত কি ঘটেছিল পুরোনো দিনে, সে কথা মনে এল।

গৌরীর কথা মনে এল—তারপর অন্ধকার খুব ঘন হয়ে এল। আমি

ধীরে ধীরে উঠে বাঁশবনের পথ দিয়ে বাড়ী চলে এলাম। আজ দুপুরে কুঠীর মাঠে বেড়াতে গিয়ে আমার সেই পুরোনো জায়গায় বসলাম—সেই সেখান থেকে কুঠীর দেবদাক গাছটা দেখা যায়—কি অপরূপ শোভা বে হয়েছে সেখানে ফুটন্ত ধুরফুলের, তা না দেখলে শুধু লিখে বোঝানো যাবে না। এই যে আমি লিখছি, আমারই মনে থাকবে না অনেক দিন পরে,—ওই ছবিটা অস্পষ্ট হয়ে যাবে মনের মধ্যে। এরকম হয় আমি জানি—তবুও আজই দেখেছি, তাই নবীন অল্পভূতির স্পর্শায় জোর করে বলছি বনফুলের শোভায় এ প্রাচুর্য্য আমি দেখি নি। বিহারে নেই, সিংভূমে নেই, নাগপুরে নেই—এই বাংলা দেশের Sub tropical বনজঙ্গল ছাড়া গাছপালার এই ভঙ্গি ও ফুলের এই প্রাচুর্য্য কোথাও সম্ভব নয়। কেন যে লোকে ছুটে যায় বনে, দিল্লী, কান্দী, দেওঘর তা বলা কঠিন! বাংলাদেশের এই নিভৃত পল্লী-প্রান্তের সৌন্দর্য্য তারা কখনো দেখে নি—তাই।

আজ বিকেলে টুনি, কাতু, জগো, বৃধো এদের সঙ্গে কুঠীর মাঠে বেড়াতে গিয়ে বনঝোপের ধারে টুলটা পেতে বসলাম। রোদ ক্রমে রাজা হয়ে গেল—একটা ফুল-ফোটা ঝোপের ধারে কতক্ষণ বসে রইলাম। তারপর একটা নরম কচি ঘাসে-ভরা জলার ধারে মুক্ত সাক্ষ্য হাওয়ায় ছেলেমেয়েদের সঙ্গে ছুটোছুটি খেলা করলুম কতক্ষণ—আমি এই সবই ভালবাসি, সাধে কি কলকাতা বিষ লাগে! এই শীতকালের সন্ধ্যায় এতক্ষণ ধোঁয়ায় সারা কলকাতা শহর ভরে গিয়েছে—আর এখানে কত ডাছক, জলপিপি, দোয়েল, শালিকের আনন্দ কাকলী, কত ফুটন্ত বনফুলের মেলা, কি নিশ্চল শীতের সন্ধ্যার বাতাস, কি রঙীন অন্তর্দিগন্তের রূপ, শিরীষ গাছে কাঁচা ফুটি ফুল্চে, তিড়িরাঙ্গ গাছে কাঁচা ফলের থোলো ছলচে, জলার ধারে ধারে নীল কলমী ফুল ফুটেচে। মটর শাক, কচি খেসারি শাকের শ্রামল সৌন্দর্য্য—এই আকাশ, এই মাঠ, বন, এই সন্ধ্যায়-ওঠা প্রথম তারাটী—জীবনে এরা আমার প্রিয়, এদেরই ভালবাসি, এদেরই আবাল্য আমার অতি পরিচিত সাথী—এদের হারিয়ে ফেলেই তো যত কষ্ট পাই!

বিকলে আজ বেলেডাঙার মরগাঙের আগাড়ে একটা নিরিবিলি জায়গায় এক বোঝা পাকাটির ওপর গিয়ে বসে ওবেলার সেই কথাটা চিন্তা করছিলাম

—ভগবান তাঁর পূজো না পেলে প্রতিহিংসা-পরায়ণ হয়ে ওঠেন না—ওঁর পূজোর সঙ্গে ভয়ের কোনো সম্পর্ক নেই—তাঁর যে পূজো, সে শুধু প্রেমের ও ভক্তির, এই পাড়াগাঁয়ে এদের সে কথা বোঝানো শক্ত। পূজোর ঘরে বসে আজ ওবেলা যখন শালগ্রাম পূজো করছিলাম, তখনই আমার মনে হোল, এই ঘরের বন্ধ ও অমুক্তির পরিবেষ্টনীর মধ্যে ভগবান নেই, তাঁকে আজ বিকেলে খুঁজবো স্বন্দরপুরের কিংবা নতিভাঙ্গার বাঁওড়ের ধারে মাঠে, নীল আকাশের তলায়, অস্তবেলার পাখীদের কলকাকলীদের মধ্যে। তাই ওখানে গিয়ে বসেছিলাম।

বসে বসে কিন্তু আজমাবাদের কথা মনে এল। এই পৌষ মাসে ঠিক এই সময়ে আমি সেখানে যেতুম, ঠিক এই বিকেলে রাঙা রোদের আভা মাখানো তিন টাঙার বনের ভেতর দিয়ে বটেধরনাথ পাহাড়ের এপারে যেতুম ঘোড়া ছুটিয়ে বেড়াতে—কলাইক্ষেত থেকে কলাইয়ের বোকা মাথায় মেয়েরা আনতো, গদ্যর বৃকে বড় বড় পাল ভুলে নৌকা চলে যেত মুন্সেরের দিকে, ভীমদানটোলায় আঙনের চারিধারে বসে গ্রামের লোকে গল্পগুজব করতো। ফিরবার পথে বাঁধের ওপর ওঠবার সময় দেখতুম চারিধারের মাঠ কুয়াশায় ভরে গিয়েচে—সেই ছবিগুলো মনে হোল। তার চেয়ে যে আমাদের দেশের ভূমিশ্রী, এই নির্জন শান্তিতে ভরা অপরূপ স্বন্দর পল্লীপ্রান্ত, ওই মরগাঙের শুকনো আগাড়ের নতুন কচি ঘাসের ওপর চরে বেড়াচ্ছে যে গরুর দল, ওই দূরের বটগাছটা, মাঠের ওপারের বনকুল ফোটা বনঝোপ, এই ডাছক পাখীর ডাক, গ্রামসীমার বাঁশবন—এসব যে রূপের বিস্তে নিঃসৃত্য নর, বরং আমার মনে হয় এরা বিহারের নেই বৃক্ষলতাবিরল প্রান্তরের চেয়ে অনেক সমৃদ্ধির, কিন্তু সেখানে একটা জিনিস ছিল, যে বাংলাদেশের এ অঞ্চলে অন্ততঃ নেই—Space! Wide open space! দূরবিসর্পী দিঘলর, দূরত্বের অল্পভূতি, একটা অল্পত মুক্তির আনন্দ—এ যেমন পেয়েছিলাম ইসমাইলপুরের দিঘারাতে ও আজমাবাদে—আর কোথাও তা মিলবে না।

আজ খুব ছপ্পরে খানিকটা বসে রইল—আমি মাঠে বেড়াতে যাবো বলে গোপালনগরে গেলাম না। মরগাঙের আগাড়ে আজও অনেকক্ষণ গিয়ে বসেছিলাম। বেলেভাঙার পুলের কাছে ফিরবার পথে কি একটা বনফুলের স্বগন্ধ বেকল—খুঁজে বার করে দেখি কাঁটাওয়ালা একটা লতার ফুল।

লতাটা আমি চিনি, নাম জানিনে। ননী সেকবার দোকানের কাছেই ঝোপটা। ননী কাদা দিয়ে রূপো গালাবার মুচি গড়চে। ওদের সঙ্গে ধানিকটা গল্প করবার পরে নদীর ধারে এসে খানিকটা দাঁড়ালাম—ওপারে কালপুরুষ উঠেচে, নীল Rigel-এর আলো নদীর জলে পড়েছে। নিশ্চয় সন্ধ্যায় নিঃশব্দ একা দাঁড়িয়ে ওপারের তারারটার দিকে চেয়ে থাকবার যে আনন্দ, যে অমুভূতি, তার বর্ণনা দেওয়া যায় না—কারণ অমুভূতির স্বরূপ তাতে বর্ণিত হয় না, অথচ কতকগুলো অর্থহীন কথা দিয়ে বর্ণনা করতে গিয়ে অমুভূতির প্রকৃতি সম্বন্ধে লোকের মনে ভুল ধারণা জন্মিয়ে দেওয়া হয়। এ অব্যক্ত অবর্ণনীয়।

আজ এই সন্ধ্যাতেই একটা উন্মাপাত দেখলাম—ওপাড়ার ঘাটের মাঝামাঝি আকাশে—প্রথমে দেখা, তার পর নীল ও বেগুনি রং হয়ে গেল। জ্বলতে জ্বলতে—জলে ছায়া পড়ল। আমি অমন ধরনের উন্মাপাত দেখি নি।

আজ এখানে বেশ শীত পড়েচে। দুপুরের আগে ফুল ফোটা মাঠে বেড়াতে বাওয়া আমার প্রতিদিনের অভ্যাস। আজ আকাশ কি অদ্ভুত ধরনের নীল! কুঠীর সেই দেবদারু গাছটা, কানাই ডোঙ্গার গাছ, শিরীষ, তিলিরাজ কি স্বন্দর যে দেখাচ্ছে নীল আকাশের পটভূমিতে! মাঝে মাঝে দু'একটা চিল উড়চে বহুদূরের নীল আকাশের পথে! এসব ছবি মনে করে রাখবার জিনিস। কি আনন্দ দেয়, কত অনমুভূত ভাব ও অমুভূতির সঙ্গে পরিচিত করে এরা। প্রকৃতির একটা বৈশিষ্ট্য এই যে, নির্জন স্থানে প্রকৃতির এই রূপ মনে নতুন ধরনের অমুভূতি ও চিন্তা এনে দেয়। এ আমি জীবনে কতবার দেখলাম—তার প্রমাণ পাই প্রতি সন্ধ্যায় আজকাল কুঠীর মাঠ থেকে ফিরবার পথে, নিভৃত সন্ধ্যায় আমাদের ঘাটে দাঁড়িয়ে ওপারের চরের আকাশে প্রথম-ওঠা দু'চারটা নক্ষত্রের দিকে যখন চেয়ে থাকি তখনই বুঝতে পারি। যে দেবলোকের সংবাদ তখন আমার মনের নিভৃত কন্দরে ঐ রিগেল বা অন্ত অজানা নক্ষত্র বহন করে আনে সে গহন গভীর উদাত্ত বাণী অমৃতের মত মনকে বৈচিত্র্যময় করে, সাধারণ পৃথিবীর কত উচ্চ লোকের আদ্যতনে মনকে উঠিয়ে নিয়ে যায় একমুহূর্তে। এ একটা বড় নত্যা। বড় বড় সাধক, কবি, দার্শনিক, স্বরশ্রুতা, চিত্রকর, শিল্পী—যাদের চিন্তা আর ভাব নিয়ে কারবার, এসত্যটা তাঁদের অজ্ঞাত নয়।

এজ্ঞত্বেই এমার্সন বলেচেন, “Every literary man should embrace solitude as a bride”. এ সম্বন্ধে বিখ্যাত ঔপন্যাসিক হিউ ওয়ালপোল গত জুলাই মাসের Adolphi কাগজে বড় চমৎকার একটা প্রবন্ধ লিখেচেন। নির্বাসিত দাস্তে বলেছিলেন, ‘কি গ্রাহ্য করি আমি, যতক্ষণ আমার মাথার ওপর আছে নীল আকাশ আর অগণ্য তারকা লোক’। জার্মান মিষ্টিক এক্‌হার্ট কখনো লোকের ভিড়ে বা শহরের মধ্যে থাকতে ভালবাসতেন না— তাঁর “Our heart's brotherhood” গাথাগুলির মধ্যে অনেক বার উল্লেখ আছে এ কথা।

ও কথা যাক। আমি নিজের একটা ভুল আবিষ্কার করেচি, যাকে এতদিন বলে এসেচি ধূরফুল, তার আসল নাম হোল এড়াফির ফুল। ধূরফুল লতার ফুল, বিলবিলেতে ছিল, সাদা বড় বড় ফুল ফুটত—পুটিদিদি বলছিল। আজকাল আর দেখা যায় না। শ্রামলতা, ভোমরালতার ফুলও এসময় ফোটে। আগে নাকি আমাদের পাড়ার ঘাটে শ্রামলতার ফুল ফুটে বৈকালের বাতাসকে মধুর অলস গন্ধে ভরিয়ে দিত—আজকাল সে লতাও নেই, সে ফুলও নেই।

কাল সন্ধ্যার পরে অন্ধকারে কুঠীর মাঠে বেড়াতে বেড়াতে রঙীন অন্ত-আকাশের দিকে চেয়ে অন্ধকার আকাশের পটভূমিতে কত বিচিত্র দরণের গাছপালার সীমারেখা দেখলাম—এদের এখানে যা রূপ, তা এক যদি ভারতবর্ষের মধ্যে মালাবার উপকূলে আছে, এবং আনাম এবং হিমালয়ের নিম্ন অঞ্চলের অধিত্যকায় থাকে—আর কোথাও সম্ভব বলে মনে হয় না।

ছোট এড়াফির ফুল সকলের ওপরে টেকা দিয়েচে। কাল যখন মাঠের মধ্য দিয়ে বেলডাঙ্গার গোয়ালপাড়ার গেলাম—উঁচুনিচু মাটি ও ভাঙা পাশে রেখে, ফুলফোটা বড় বড় বনঝোপের নীচে দিয়ে—কত কি পান্থী বেড়াচ্ছে ঝোপের নীচে শুকনো পাতার রাশির ওপরে। কাঁটাওয়াল নেই সবুজ লতাটায় থোকা থোকা ফুল ফুটেচে—খুকু বলে, বনতারা। —নামটী ভারী স্কন্দর, কিন্তু ঠিক বুঝতে পারা গেল না ও কোন লতার কথা বলচে—আর চারিদিকে অজস্রসম্ভারে ঢেলে-দেওয়া ছোট এড়াফির ফুল। বনে ঝোপে, বাবালাগাছের মাথায়, কুলগাছের ডালে বেড়ার গায়, ডাঙাতে—যেদিকেই চাই নেই দিকে ওই সাদা ফুলের রাশি। আমি বাংলায়ও বনের এমন রূপ আর কখনো দেখি নি। যদি জ্যোৎস্না রাত্রে এই রূপ দেখতে পেতাম!

একদিন ছিলাম কলকাতায়। ওরিয়েন্টাল সোনাইটির প্রদর্শনীতে এবার নন্দলাল বহুর ছুঁখানি বড় সুন্দর ছবি দেখে অত্যন্ত আনন্দ পেয়েছি। খুকু ও জাহ্নবীর মেয়ে খুকী সঙ্গে ছিল—তারাও দেখেছে, তবে নন্দলালের ছবির তারা কি বুঝবে? ওদের দেখালুম বায়োস্কোপ, জু, সার্কাস—আর এখানে ওখানে নিয়ে বেড়ালুম। একদিন সজনীদাসের বাড়ী, একদিন নীরদের বাড়ী, একদিন নীরদ দাসগুপ্তের ওখানে। ছুঁখ হোল যে এখানে এসময়ে সুপ্রভা নেই।

কাল নৌকায় বনগাঁ থেকে এলাম। কি অদ্ভুত রূপ দেখলাম সন্ধ্যায় নদীর। শীতও খুব। অন্ধকার হয়ে গেল। কলকাতার হৈচৈ—এর পরে এই শাস্ত সন্ধ্যা, ফুল-ফোটা বন, মাঠ, কালো নিখর নদীজল মনের সমস্ত সংকীর্ণ অবসাদ দূর করে দিয়েছে। চালতেপোতার বাঁকে বনের মাথার প্রথম একটা তারা উঠেছে—কত দূর দেশের সংবাদ আলোর পাখায় বহন করে আনচে আমাদের এই ক্ষুদ্র, গ্রাম্যনদীর চরে—আমার মনের নিভৃত কোণে।

ঘাটে যখন নামলুম, তখন খুব অন্ধকার হয়ে গিয়েছে। খুকু ও আমি জিনিসপত্র নিয়ে বাঁশবনের অন্ধকারে ভয়ে ভয়ে বাড়ী এলুম, খুকু তো একবার ভয়ে চীৎকার করে উঠল কি দেখে। ভয়ের কারণ এই যে, এসময়ে আমাদের দেশে বাঘের ভয় হয়।

ছুপুরে কুঠীর মাঠে বেড়াতে গিয়ে কুঠীর এদিকে বনের মধ্যে সেই যে টিবিটা আছে, সেখানে খানিকটা বসলুম—তারই পরে একটা নাবাল জমি, আর ওপারে সেই বটগাছটা। আকাশ কি অদ্ভুত নীল! ছোট এড়াঙ্কির ফুল এখনও ঠিক সেই রকমই আছে—ক'দিন আগে যা দেখে গিয়েছি, সে সৌন্দর্য এখনও ব্লান হয় নি। প্রায় পনেরো দিন ধরে এর সৌন্দর্য সমান ভাবে রয়েছে, এতটুকু ক্ষুণ্ণ হয় নি এ বড় আশ্চর্যের কথা। এমন কোনো বনের ফুলের কথা আমার জানা নেই, যা ফুটন্ত অবস্থায় এতদিন থাকে। বালজ্যাকের গল্পটা (Atheists' Mass) তখনই পড়ে সব বেড়াতে গিয়েছি। আকাশ যেন আরও নীল দেখাচ্ছিল, বনফুল-ফোটা ঝোপ আরও অপরূপ দেখাচ্ছিল। নাইতে গিয়ে বাঁশতলার ঘাট পর্যন্ত সাঁতার দিয়ে এলাম।

বিকলে ক্যাম্প-টুলটা নিয়ে গিয়ে কুঠীর সেই টিবিটাতেই অনেকক্ষণ বসে রইলুম—রোদ রাঙা হয়ে গেল, ওপারের। শিমুলগাছটায় মাথার ওপর

উঠে গেল, তখনও আমি চুপ করে বসেই আছি। ( কি ভয়ানক শীত পড়েচে এবার। এই যে লিখ্টি আঙুল যেন অবশ হয়ে আসচে। ) আমার সামনে পেছনে ফুল-ফোটা সেই ঝোপ বন, পাশেই নদী। একবার ভাবলুম বেলে-ডাঙ্গায় যাবো, কিন্তু শেষ পর্যন্ত উঠতে পারা গেল না এই নৌন্দর্ঘ্যভূমি ছেড়ে।

নির্জন সন্ধ্যায় প্রতিদিনের মত নদীতীরে দাঁড়িয়ে পৃথিবীর পারেজ হ্যাতিলোকের দিকে চুপ করে চেয়ে দাঁড়িয়ে রইলুম—ওপারের চরের ওপরে উঠেচে কালপুরুষ, তারপর এখানে ওখানে ছড়ানো ছ' চার দশটা তারা। এই নিভৃত সন্ধ্যার আনন্দ সম্পূর্ণ আধ্যাত্মিক—আমি দেখেছি কুঠীর মাঠের যে আনন্দ তার প্রকৃতি aesthetic, কিন্তু এই জনহীন নদীতীরে কুঁচঝোপ, বাঁশবন, ওপারের খড়ের মাঠ, এদের সবার ওপরকার ওই হ্যাতিলোক যে বাণী প্রাণে এনে পৌঁছে দেয়, তা বিশ্বলোকের এবং অন্তরলোকের যিনি অদৃশ্য অধিদেবতা, তাঁর বাণী—আজকাল যেন তার প্রকৃতি একটু একটু বৃকতে পারি। আর আসলে বৃকতে ওইটুকু পারি বলেই তো তা আমার কাছে বাণী এবং পরম সত্য, নইলে তা মিথ্যে হোত। যা ধরতে পারি নে, বৃকতে পারি নে, আমার কাছে তা বার্থ।

কাল দুপুরে রোদে পিঠ দিয়ে বসে অনেকগুলি ভাল ভাল ফরাসী গল্প পড়লাম। তারপর স্নানের পূর্বে কুঠীর মাঠে বেড়িয়ে এলাম। যে জায়গাটাতে অনেকদিন যাইনি—সেই চারিদিক বনে ঘেরা ধুরফুল ফোটা ঝোপের বেড়া দেওয়া মাঠের মধ্যে বসে রইলাম। শীতের দুপুরে নীল আকাশের রূপ, আর সূর্যাস্তের রূপ—এদের অল্প কোনো ঋতুতে দেখা যায় না। শীতকালে ইসমাইলপুর আর আজমাবাদের দিগন্তব্যাপী মাঠের প্রান্তে রাজা সূর্যাস্ত দেখে ভাবতাম এ বৃষ্টি বিহারের চরের নিজস্ব সম্পত্তি—কিন্তু এবার দেখলাম বাংলাদেশেও অমনি রক্তাভ অস্তদিগন্ত স্বমহিমায় প্রকাশ পায়। আজ বিকালেও সূর্যাস্তের শোভা দেখবার জন্তে কুঠীর মাঠে গিয়ে একজায়গায় কটা রোদপোড়া ঘাসের ওপর গায়ের আলোয়ানখানা বিছিয়ে অনেকক্ষণ বসে রইলাম। ভাইনে একটা বাব্বালাগাছের শুকনো মগ্‌ডালে অনেক পাখী এসে বসে যেন নামজাদা চীনে চিঙ্করের একটা ছবি তৈরী করেছে। সামনের বনঝোপে, কুঠীর শিরীষ গাছে রোদ ক্রমে রাজা হয়ে এল, নীল আকাশের কি রূপ! বারাকপুরে আর হয়তো কখনো আসবো না—কুঠীর

মাঠ আর দেখবো কি না কি জানি? আজকার এই অপরাহ্ন যেন চিরদিন মনে থাকে—এর সুখ, আনন্দ ও এর দুঃখ। মাঠ থেকে উঠে গেলাম গন্ধাচরণের ঘোকানে—সেখানে সবাই বসে বেশবিশেষের গল্প করচে। অশ্বিনী যাত্রা মলের যাজিয়ে, এখানেই দর বেঁধে বাস করে। তার বাড়ী পূর্ণ গৌসাই বলে একটা লোক এসেছিল—সে এখানে এসে গল্প করে গিয়েচে যে, সে বিলেত ঘুরে এসেচে। প্রমাণস্বরূপ বলেচে কোথায় নাকি প্রকাশ্য পিতলের মূর্তি সে দেখেচে—এ দ্বীপে একখানা পা, আর একটা দ্বীপে অন্য একখানা পা—তার তলা দিয়ে সে জাহাজে ক'রে গিয়েচে। এ একটা অকাট্য প্রমাণ অবিশ্বিষ্ট যে, সে লোকটা বিলেত গিয়েছিল!

আজই যাবার কথা ছিল কিন্তু খুকু বলে, আজ থাকুন। গত শনিবারে খুকুদের বাড়ী বারাকপুরে গিয়েছিলাম। ও ঠাড়িয়ে রইল পৈঠেতে আনার সময়। সকালে গৌসাই বাড়ীর পাঠশালা Examine করতে গেলাম। বোষ্টম বুড়ীর বাড়ীর সামনে বড় বটগাছের তলায় যুগল বসে কথা বলচে একজন বৃদ্ধ মুলমানের সঙ্গে। বৃদ্ধ বলচে, 'আমাদের দিন পার হয়ে গিয়েচে, বেলা চারটে, এখন ছোট ছোট ছেলেমেয়েদের পথ দেখাও, পথ দেখাও।' কথাটা আমার বড় ভাল লাগল। দুপুরে আটির ধারে মাঠে যেমন রোজ বেড়াতে যাই, আজও গেলাম। দুপুরের আকাশ যেমন নীল, অপরূপ নীল—এমন কিন্তু অস্ত্র কোনো সময়ে পাই নি। দুপুরের পরে খুকু এসে অনেকক্ষণ ছিল। তাই দুপুরে কিছু লেখা হয়ে উঠল না। বিকেলে আমি গিয়ে কুঠীর মাঠে একটা নিভৃত স্থানে গায়ের আলোয়ানখানা ঘাসের ওপর বিছিয়ে তার ওপর চুপ করে বসে রইলাম। এতে যে আমি কি আনন্দ পাই! একটা অমুভূতি হোল আজ, ঠিক সেই সময় রাঙা রোদ ভরা আকাশের নীচের গাছপালায় আকা-বীকা শীর্ষদেশ লক্ষ্য করতে করতে।

সকালে উঠে নৌকাতে আবার বনগাঁয়ে যাচ্ছি। জলের ধারে ধারে মাছরাঙা পাখী বসে আছে নলবনে। কাঁটাকুমুরে লতায় থোকা থোকা হুগন্ধ ফুল ধরেচে। তবে ফুলের শোভা নেই, গন্ধই যা আছে।

বড়দিনের ছুটি শেষ হোল। আবার কল্কাতায় ফিরতে হবে। কে জানে, কবে আবার দেশে ফিরতে পারব।



